



新刻國史上下

一編家藏定本



重刻函史序



宇內日星河嶽之書終無晦  
觸殘缺之理雖秦人一炬典  
謨訓誥百有餘篇幾同草木  
腐乃壞壁而出者儒口授簡



帙釐然惟周禮冬官稱缺先  
儒疑以司空職掌仍散見於  
五官若是則周官六職不可  
謂非全書矣經已云然史殆  
岌岌乎難言也古今史氏率



傲尚書春秋作者無慮百十  
輩往往發其才思各能攬據  
以樹家言竒肆若子長典贍  
若子固猶不免譏議於苛索  
矧范陳以下瑣瑣繁蕪祇爲



後人唾棄轉盼如遺又何可  
勝道歟然則史之或傳或不  
傳固不可與經傳同年語也  
新之鄧公潛谷酣古邃儒發  
至光顯爰膺敦召所手著函



史上下編義詳浩博漱滌六  
藝牢籠百家一以獨見裁融  
有倫有要上下千百年間二  
十一史奔赴毫端雖自署史  
函乎而稟經著式酌雅富言



詎不謂日星河嶽之文哉酉  
戌以還洊遭兵火茲編梨質  
強屬爨餘漸滅幾同秦燄年  
來漸躋蘇息弦誦蒸興彼名  
山寸篋之藏卒難以沉璞匿



采而先生聚會精神紹衣閩  
洛縱橫囊括有若茲編可貽  
殘缺之嗟耶適約齋羅君備  
兵湖東稔知先生之著述得  
其曾孫所輯欲予勸助補刻



哀成全帙蓋不忍聽其剝落  
所爲憫奮嘆興用觀厥成展  
矣褒崇盛舉也予撫綏江右  
旣樂先生鴻編復覩又嘉其  
曾孫應琚克任是役爰述此



編興廢之由蓋爲海內志慶  
而匪徒一鄉一國云爾

欽命巡撫江西等處地方兼理

軍務兵部左侍郎兼都察院  
右副都御史加二級張朝璘



誤





重刻函史序

史也者翼經之書也孔子作  
春秋首四時以緯事隱桓定  
哀而下經藏史矣司馬興西  
漢間始變編年爲紀傳而經



與史遂分宋司馬又復紀傳  
爲編年衮鉞於焉益著迨紫  
陽剛目嚴于編年核于紀事  
是是非非深于經旨然則古  
之治史二十一家皆祖春秋



而特變其例鄧公生數千載  
之後乃本春秋之義考天人  
貞一之宗察古今迕合之變  
網羅百代法戒千秋天經地  
義民彛物曲大事則大書小



事則小書取義于經直言則  
史其以師弟子言行與君相  
謨猷竝相傳列上接孔孟之  
緒下沿濂洛之傳故其立言  
準經質道亦無不翼經衛道



卽史卽經此又二十一家所未見者也  
咎子瞻以起衰歸文濟溺歸道愚謂猶或煩稱  
聖賢非道不以命文故起衰莫匪云濟六經者  
文道之共



芟起濟之兼筏也尼父著作  
麗日揆天端木文章數語昭  
晰聖學其曰文章可聞是謂  
詩書禮樂春秋爛然國風王  
事孔氏一生用掇之書日披



日煥者也其曰性道不可聞  
是謂大易突然精義幾深孔  
氏一生得力之書日詮日秘  
者也故經學經世莫顯仁於  
詩書禮樂春秋莫藏用於易



先生曰易首乾象天春秋尊  
王於天詩書禮樂春秋天之  
五運乎易秉輿符則其元命  
也觀其精知質行庶可以用  
中之語真欲使性道近如布



菽無非體聖學而本天則函  
史一書實萬世治平之準也  
予雖不克親挹芳徽猶幸膺  
命江右躬履其地且世次匪遙  
得向曾孫問遺書焉乃兵燼




之餘竟逸去千餘今約齋羅  
君脩兵茲土揚屹先生令緒  
不欲湮墜遺編訂予力勦厥  
美尤幸諸紳士偕曾孫應琚  
緝補成帙俾先生之書復傳

百世誠知此書不可一日不  
流布於天地間也謹序

西江直指古燕許世昌撰





重刻函史上下編序

史何言函乎潛谷鄧子之意  
欲以史治天下也欲以史治  
天下則欲以天治天下也非  
潛谷先生之意也孔子孟子



之意也孔子作易首乾元尚  
書表欽若昊天春秋書春王  
正月而孟子曰春秋天子之  
事也故易者六位時乘呼吸  
之運上觀百世而准下觀百

世而准三百八十四爻中自  
造物之昉落以要變化之終  
凡聖哲之內治外治回遘之  
生心害政莫不各赴其象若  
懸鏡待物焉故易也者經而



史者也書者一代之史春秋  
者一國之史而孔子刪定之  
以萬尺今古則史而經者也  
皆天子之事皆天之事也二  
十一史以及金匱蘭臺之書

縱以編年衡以紀傳皆原于  
書春秋之意若圖畫之貌物  
不言妍媸而後人按圖觀之  
則必有所欣而企焉必有所  
厭而拂焉其離合隱著之間



亦存乎畫者之心之手故有  
功于天者恒在史獲罪于天  
者恒在史史難言哉太史公  
史學之傑出者也乃作論傳  
致疑于天道之報施善人或

爽何其淺耶讀乾元而知至  
善出乎主宰之天先乎形氣  
之天矣讀二典而知堯舜性  
之也肖乎主宰之天也益稷  
三事皐陶一心咸以贊乎主



宰而治乎形氣天其順哉三  
王師乎堯舜三王之佐佑師  
乎益稷臯陶孔子師乎先聖  
先師諸弟子以及後世傳經  
講學之儒師乎孔子孟子順

承天意嚮答元善云耳若夫  
報施者雖天之賞罰存而君  
子不爲賞而後勸蓋以有定  
無定一若氣或動志故春秋  
書災祥不言應徵焉聖人志



一動氣爲天地維極賢者乘  
大盛則佐佑天子以亮天當  
艱步則牽補架漏善不近名  
或守經待後寶襲元德凡以  
叅稽化育不失繼善成性之

指而已且夫三百八十四爻  
之位之時莫不有天則焉卽  
乎則者表直而景直悖乎則  
者表衰而景衰聖賢以易治  
之于先而以史治之于後此



修道之教所以推本天元也  
董子曰天人相與之際甚可  
畏也韓子曰道之大原出于  
天程子曰儒者本天皆孔子  
孟子之意哉鄧子之述史而

命以函也則猶夫董子韓子  
程子之意也函史成于盛明  
之時沐浴醇化故語焉而不  
疵荆棘之後編絕摘拆學者  
無所求鏡焉哲胤茂先氏與



同志諸君子亟經理之舊章  
煥然則亦庶幾乎大道行而  
經學將興之盛也鄉後學熊  
人霖拜手謹叙



函史序

鄧潛谷先生函史公海內藏名  
山既多歷季所矣其家鋟摹定  
本成於有明崇禎間一時紙貴  
洛陽不具論



清興鼎革邑遭兵燹脫簡千餘篇

先生曾孫應琚商請於余謀為

補刻刻成屬余序序曰函史史

而經也謨紀傳誌大抵規模諸

史及尚書周禮家言至埒師儒

於帝王將相別識弘裁卽史遷  
弗建母論班范矣蓋先生之學  
浚源六經取精三禮乃周觀萬  
物而得其統紀宜其謂麟鳳可  
招翔烏鵲之巢可俯而闕也謂



天地陰陽可官府肖翹跂喙之  
族可畢遂其性也古今御天下  
者唯道揆法守道法合則君師  
合道法離則君師分屬其分雖  
廣廈細旃之上不能留其慶威

曲直之理而布衣韋帶乃得以  
其學存之以綴屬既漓之人心  
使有守而不狂日月未出群陰  
未升十數季間君子之力也古  
之推隆性功莫大於子思思之



言誠明盡之矣是道也上相得  
之陳謨曰知人曰安民儒者得  
之輔世曰知言曰養氣其揆一  
也五帝三王弗論漢唐宋明一  
代傳其餘緒煥四遠而炳中天

一時學術亦粹然一出於正浸  
淫五季如羣兒一餅爭獲自矜  
其所挾以御物者又皆氣燄術  
數不可再宿之物是以綿曆用  
希而其禍之中於人心者更易



世而不止王風不絕如綫焉故  
君子黜五季非惡其弋奪也御  
之不以其道須臾之不忍子孫  
黎民有不得其死者矣若四代  
革命君子豈惡之哉秦之黜也

殘也隋元之黜也荒也雖然亦  
痲心於庸主暴主之毒天下也  
淺庸主之毒天下也深周亡於  
縱橫漢唐亡於朋黨宋亡於議  
論主德不剛健文明天下各以



其氣競矣。噬口利機。餘風未殄。  
彼代興者。遺其憂者也。不有聖  
賢。天地其亦病矣。乎先生深觀  
乎天人迺合之。故以為天地之  
病。同人者也。君師亢而張之。而

天地之體復矣雖百世可知也  
故上下編之中遑遑于天人貞  
一之理三致意焉夫一代之興  
其氣必有偏病其端先伏於作  
始者之一人然而乘機而化劑



之也抑又甚易公旦之策齊魯  
其可得而預必者特氣之動也  
苟後有聖人焉爲之更化密移  
則雖公旦之言亦有時而不驗  
然而辛有伯陽太史儋之徒其

不驗僅十之一其驗常十之九  
者先天龍德之大人少也故曰  
治亂無定形王霸有定體是則  
先生函史之所為作也非通幽  
明之故而欲以蜂蟬朝菌之識



推策萬變其不膠而曠者幾希  
他日先生曰母變天之道母易  
地之理母亂人之紀可思也已  
順治丁酉陽月

賜進士禮部觀政同邑後學楊日

升頓首拜譔





楊虎

求財首耗巽

函史序

史以綜時變也天下之變莫大乎陰陽春秋陰陽之著者也庖犧氏受天史於河伯而著其變于九圖不紀春秋而紀晝夜晝夜陰陽之微者也消長之間或扶或抑聖人其有憂乎倉頡氏之爲九史也衍大易而成之者也孔子作春秋首四時以緯事而天人之變著見於編年中憂世擊辭常幽其志于言外則春秋亦以象告人




者也司馬氏興西漢間變編年爲紀傳而辭文指遠猶有大易之心焉後世祖司馬氏而爲史者凡二十家然與春秋之意遠矣司馬再興於宋又變紀傳而爲編年歷代興亡隨時叙次而千古之故大周易窮則變變則通通則久而司馬之因時爲變也春秋之志大易之志也我明作者如林然良史之才尙闕雖以北地濟南之傑猶慄慄乎難之乃綜萬象之變端而行以春

秋之法俾易道再興者吾於鄧先生見之先生  
悟易於乾而自遯於潛龍之地深山窮谷與古  
爲徒左右周旋不離圖史陰陽相禪凡五十年  
而後函史之二編始出於是三才之奧萬類之  
蕃無不彙而包之或象其名或象其物或象其  
形體性情其紀陰陽之變備矣而義類幽深繁  
而不襍散者連之亂者正之蓋扶陽抑陰之意  
徃徃見于繫辭中噫至矣余攷先生之繹經也



本天以爲教而其作史也獨以人事先之蓋欲  
天下衆著于民義也庖犧氏作連山之易首艮  
而後乾有爻因之而肇建人統先生締三才之  
變而先人于天其有契於連山之易乎函史始  
刻于吳中與家藏本小異先生旣老而學日進  
於是再爲更定而其書始全今之重梓於祠堂  
者是也

富春陳起龍念徐甫撰



函史序

後學涂國鼎頓首拜謨

三代以前非無史也所著而存者惟經經卽  
史耳三代以後其志繁其例變廣肆而言之  
其語蔓卽號稱良史者自謂源本春秋而不  
能盡裁魯史之舊亦安在與經合也此通鑑  
綱目之繼作而嚴於編年核於紀事詳畧是  
非一以聖人爲指歸斯其出之者深乎然一

涂序



人之事前後不相聯一代之績彼此不相續  
而欲其義類弘該情辭典奧編年與叙事雙  
美書法同紀傳兼行上下千古惟我潛谷先  
生而已何也他人之文至秦漢止矣進而經  
誥者誰也諸家之史化裁兩漢易矣就唐宋  
而化裁之芟猥去重一氣索籥者誰也昔予  
先君子嘗取大先生矣親領玄提指示來茲  
謂先生之學遠宗濂洛近稟陽明以實證爲

躬行以虛見爲狂易故凡所有言總以自寫  
其心譜而推本六經爲定案今上下二編具  
是矣謹摭測其所知者如古初帝王之有表  
也始自太昊遠置盤古據易書詩禮成文而  
高簡渾灝眞足冠冕諸史周列國之有志也  
於魯衛諸國分志之於楚吳越則合之燕韓  
趙魏復合之雖源本左史國策而出入起伏  
錯宗變化絲貫珠連如出一手以視諸書猶



覺在彼爲煩至聖先師之有表也太史紀年  
心傷其遇編易年表特尊其統而訓述承傳  
一以禮爲根宗乃知聖繇悟入所貴者修不  
可階升尚屬虛見後之學者准諸此也至開  
漢之史共推子長創議立例獨開前古愛博  
好竒亦有豐蔀一經先生點綴遂令玄奧悉  
刮子長復生唐宋之史冶而不質萎而不振  
龐雜浮淺極費鎔裁乃紛絲一斬千條就緒

大冶鼓鑄凡鐵皆金有若彼都人士行歸於  
周又若鼎出泗水鐸啓雒陽雖復異代猶若  
琳琅兩序間也下編之二十一書今往事蹟  
掌故互異縱橫浩汗約以典常而意在表章  
當代穿剔貫串可使一篇如一句可使二十  
一篇如一篇經史子集融流筆端興亡善敗  
燦若指掌豈與末季類書同日語乎若夫書  
不盡言志行辭表學問淵粹措語和平高古



乃其剩枝置義更復淵涵學無心得難與淺  
窺故先生之自序曰文取裁於史義稟質於  
經人之道先生孰有如先生之自道也哉經  
曰非先王之德行不敢行非先王之法言不  
敢道若先生者可謂兼之也嗚呼盛矣史而  
經矣

函史序

晚生鄧澄頓首誤

邑開未及五百年而有先生有先生之書去  
先生之四十年諸孫曾有函史之刻刻成問  
序余歉無能爲先生役其容辭序曰方寓以  
內千歲之間王路隆汙道術善敗臣品貞邪  
法度政教之沿革一披覽而瞭然若指掌孰  
貽之史函之也今也總揭其函之者而大爲



之函揮而攤之隱括而包舉之假溢我而收之也器小不足以懷大先生安所取囊褚焉上編編肇於馮翼而終之於胡元之有君下編首紀在星垣而終之於教典之同異由前則祖述也遠似別有勳華徬徨乎邃古之初由後則憲章也謹所損益可知恪恭乎周禮之學兩編合璧如環無端一丸混成渾無牽合大矣哉括地象包元命彌綸磅礴宙合宇

封寫圓則乎一氣之先恢天網於八紘之表  
前此一二作者非不欲舉數千年之史冊而  
歸一人之宰制然體法季編綱提目曆簡人  
則首尾衡裂簡事則綱目濶疎以今方古孰  
克舉全且先生詎直史焉而已乎蓋嘗於兩  
編外尋諸經繹至春秋之通三易之原恍然  
見先生之所以爲此者蓋有一自然之函焉  
非僅意之而已其象在易其本在一引而伸



之則易之生生規一而圓之則易有太極生  
生不已儀象八卦展轉因重殊途百慮之憧  
憧情僞愛惡之攻取朝代所以推移紀載所  
爲麗牘函以內之經絡也易反畫前極歸無  
極并易且不可見因重成列何有參萬世而  
一成純行險阻而居無事函以外之包符也  
諸事辭義例經正典則含吐子長譬若匏韞  
緘滕固善函者所不廢要非其所以函者矣

是故史之陳治亂也別函則圓以宛史之析  
邪正同異也辯函則深而通亂不與其終亂  
而冀反之治小人不終絕其爲小人而冀其  
善反曲成善救防萌謹微盎然太和保合渾  
渾乎元氣之行恫乎書終秦誓詩亂豳風樂  
樂自生禮不忘本之思焉歸之春秋表一大  
周易首乎乾深乎深乎昔河汾著元經扶皇  
極以相規邵子著經世循元會而觀微其庶



乎嗚呼天下之生久矣吉凶悔吝生而動貞  
乎一論世者之函也有聖王者作九經三重  
備而道貫以一經世者之所以函也天人貞  
一之統先生雅言之統之者函之也是函史  
之志也

函史序

邑後學黃端伯謨

鄧子隱居三十餘年而函史成歿後四十年而函史之定本始出則同邑諸君子倡之也較讐之役過憲仲與魯嘉甫任之黃端伯讀其書而歎曰大哉鄧子之爲史也其辯統嚴矣古之治史者二十一家皆祖春秋而變其例者也春秋謹君臣之分而首彰律令於春



秋王者何大一統也載事之辭謹奉天子以  
爲予奪而強有力者不敢姦焉後世史統不  
明而以浮文相穢於是微言絕而大義乖或  
失則誣或失則僭雖賢者不免焉先王之王  
天下也建三統以定時而萬事俱從其朔雖  
宗尚或異然義類各有所歸也司馬遷深於  
春秋之旨而特變其文然首提本紀於表書  
之先而附世家列傳於後末司馬氏之尊天

子於天下也亦春秋大一統之意也乃後之  
作者猶謂是非頗謬於聖人然則史固難言  
也哉鄧子生數千歲之後尚論古人凡爲帝  
者若而君爲都者若而國爲世者若而年其  
物旣繁而其例尤廣是有識者之所畏而辭  
也乃本春秋之意而緯以詩書左馬之文章  
發義則經立言則史蓋獨包二十一家之長  
矣故自著其號曰函史函者萬類之所匯而



歸也而兢兢致慎於君師之統直挈斯道而

予之匹夫誠見夫邃古之時天子以作君兼

作師之任故當年後世猶以龍師農師雲師

名之禹師陶湯師尹文武師尚父而君師之

統始分然其權猶在上也周衰孔子始以春

秋行天子之事而萬世一也統尊則師固與

君相配者也鄧子上沂魚下沿濂雒而以

師弟子之法言法行與君相之嘉謀大業竝

傳然後知天下不可一日無政則不可一日  
無教也乃記事特詳於周秦以後而夏殷之  
上則畧之其猶有闕文之意乎大事則大書  
小事則小書而畔經離道者則不書且附女  
主於帝紀中而元則夷之而爲志也皆辯統  
之大者也余嘗攷古之良史多世其官或身  
居史局中親見一朝得失鄧子徜徉林下未  
入史垣而叙次古今數千年如一日三才萬



物之變無不燦然於指掌中史失而求之野  
其斯之謂與鄧子往來簫曲海門之間枕席  
經史嘗讀至古人快心處踴躍欲狂或遇意  
所不平則悲歌叱咤恨不卽加斧鉞於其人  
也其性情之激烈如此故文章特肖而傳之  
孔子曰吾志在春秋行在孝經鄧子之事二  
人生苑盡禮而待師友必以誠可謂兼全於  
春秋孝經之義者矣故平生之著述經有繹

史有函然孔子之老於洙泗也以春秋屬商  
而以孝經屬參鄧子之史與經將誰屬也余  
門人文用昭篤好先生之道將告楊維斗而  
傳之乃過君斷適自吳歸遂與涂黃功同舉  
是役而以曾孫鄧應瑞應琚主其事鄧子之  
道其終有所屬也乎



而與冬令無涉然予之與興強親結盟也余  
史有而然其予之志欲求其心以春林圖商

函史文叙

邑後學過周謀謨

語曰聖人之學天學也天垂象見吉凶聖人則之是生兩儀天之心性也經也雲漢星辰天之文章也史也孕而爲人廣而爲物動靜燥溼族皆有天是故人之族靈爲君爲師爲相各著其業以行世物族雖蠢仍畱君臣父子以爲仁人孝子之導師天之所以教聖之所以學盡是矣



潛谷鄧子懼文明降未能以史翼經尊天學而  
函史作焉故其自叙曰易晉乾象天春秋尊王  
於天卦爻體天地之撰範疇盡經世之務三代  
而上帝王師相曷常不官三才府萬物仲尼觀  
天於獲麟董江都明天人貞一之統文中子以  
孝弟爲社稷以不言爲宗廟濂洛諸大儒以太  
極二五盡神明之容其言曰自天命以至於教  
我無加損焉至我明仍以道通元命德配天地

命之帝矣故帝以道配天相以道佐王師以道  
達天儒以道得民傳至良臣貞臣爭臣論諫文  
學篤行忠節經學貨殖烈女皆本先聖之志而  
彰志貞教陳天道人事之紀慨然嘆曰得全者  
全天焉往而不見天地之性終以物族書稱咸  
若爰及昆虫禮通八蜡不廢貓犬易象萬物孚  
及豚魚繇是觀之三才與萬類豈非總一本乎  
天也哉下編之釐天官本紫宮二十八舍條方

過序



域爲天之河山條紀述人官考也三公論道必  
始元后法天述時令曆數也天元一氣必後天  
而奉天時察璣衡以齊七政災祥土田以合天  
之日月星辰丘陵川澤賦役漕河以合天時地  
宜人官物曲聖人不居其功而歸之天數神力  
封建以法星土任官以陟德讓學較以綏帝降  
經籍之統三極也禮儀之統神人百物也樂律  
之統天地太和也財賄法天之生刑法法天之

震兵制邊防夷夏法天之肅與戒而詡乾坤之  
竝載兼覆焉終以異教又曰通天地神明之德  
而別分類因物之精而納之極也函史之府萬  
物以本天也彰彰可見矣先生讀書南山樓下  
念有餘年述撰至富郡守許敬庵公聞於

朝先生奉待詔行歿於旴人言先生已矣余生不  
同時戊申問夢於閩之大乾見余兄仲憲手持  
先生史相示初不解其故越乙卯仲憲兄始旦



暮服習余亦構善本而間從事焉每恨懸之金陵者非先生易簀定本不足厭海內心自丁卯春復夢先生自吾盱麻姑山來倚杖拜問曰先生之靈在姑山乎先生握手應曰管人賦兩都得玄晏而不可張子韶疏論語至夢周公處而別有商量然則先生於余也何事而夢魂相尋乎壬申秋杪歸自吳門寢食是編亟欲訂定以付鐫梓同年魯嘉甫及先生曾孫應瑞皆向余

商請於諸先達公咸唯唯笑曰思古人而獲我心友人涂黃公踴躍襄厥事會仲憲兄以讀禮歸余敬重其較讐而共嘉甫卒業焉豈知兩者之夢竟成今古一大因緣乎然則函史之重刻先生蓋授之矣先生之精神其在天也夫

過序



融余始重其神道而共歲由卒業焉豈時兩昔  
山丈人余黃公潤劉某潤平今特景其以歸謝  
商情然精衣故念其神道其日思古人而無忘

### 三修序

予高王父徵君潛谷先生著有五經繹潛學稿  
史記函史諸書而邑奉常王公首愛函史概捐  
百金以佐之梓而活板成焉暨崇禎間先大人  
以先人此書殫費心力數十年不可不流布宇  
內幸諸老先生暨家侍御來沙公皆爲叙次其  
首但費用頗繁先大人罄貲外力且不支時則  
有邑賢涂黃功氏復捐貲數百勦成盛舉一時



人士應之斐然然後函史上下二編有再刻刻  
成較舊本爲精詳板藏先祠以昭世守方是時  
其書不脛而走海內歷五十年矣酉戌之變其  
板稍有亾失時先叔父茂先偕兄弟叔侄深用  
痛心又謀修刻修刻之費則有邑紳東曦楊先  
生倡其首而函史二編復完深原諸君子所以  
爲此者非必有迫而後起亦以先徵君殫費心  
力數十年以成此書宇宙大文不可湮沒用是

修舉廢緒表章儒先其用意至深遠也迨甲寅

閏變其板又復遺失

弘

雖少年亦能畱心此書

與家公特諦魁叅酌修補幸我公特毅然以修  
舉廢緒爲已任曰函史固屬先人之心力不可  
令其久沒而史記各集今亦殘缺願可聽其散  
佚而不爲之修補乎用是獨任不辭其於函史  
五經繹史記潛學稿諸書靡惜重費惟期底成  
缺者復補壞者復修矣徵君何幸是書亦何幸



歟昔柳州有云楊雄死而泐言乃興馬遷生而  
史記未振以今觀之子雲歿未數十年卽有桓  
君山獨好其書史公亦歿未幾而史記之書已  
有褚少孫其人爲之補續安在斯文之不可復  
興也若我公特當此生事蕭條百廢未興獨爲  
所難爲之事於舉世莫爲之日者乎其意深其  
功偉矣其所爲修舉廢緒表章儒先視昔人有  
媿美也微君何幸是書亦何幸歟爰紀其端末

以誌麟等兄弟叔侄得藉手以告無罪於先人云

皇上康熙二十季辛酉歲孟春上浣吉日

玄孫紹

麟駿弘

偕侄宗潢全頓首書



目錄

三

函史上編序

予歷世史志載考觀天人貞一之統。察古今迕合之變。王路隆汙。道術善敗之故。悱然歎之也。曰有以也夫。易會乾象天。春秋尊王於天。表一大於元。非以天統元氣。甄陶陰陽。難諶而諶。靡常而常。大一統爲其貞耶。非以合不能無離。離必且合。卽迕不合。惟助上帝者。必常德篤忱。萃其渙合于一耶。洪荒晉君躬上聖神智易貢之德。以兆於政化。邈乎尚矣。三代之英。以亶聰明之資。都佗君師之任。兢兢於欽明。抑畏之本。亦曷常不官三才。府萬物。播九德於六官。舉以其



世而興又之乃其時宗臣王佐四友十亂之倫恭孚和一又何其景附響臻也。迨其季葉道隱於耕釣辱在囚奴。迄矣既厥終竟集命作命宣訓衍疇以顯也。豈非元氣未漓誠精聚合爲會之元也與哉。周衰王迹熄而道術四裂終莫能宣明仲尼觀天於獲麟觀人於轍環莫遇也。於是乎上觀唐虞下采夏殷西觀周室脩祖述憲章之榮而持載覆燾生長收藏之用一軌於天行其言曰文王既沒文不在茲乎。天之未喪斯文也。後死者以得與於斯文也。而繇有周而來。帝王歷數代天子民之統終莫之能屬則夫天下之生

久矣。代而彌散。蓋其離也。三代而降。受帝天之命。能  
混一六合。以啓統衍世者。曰漢。曰唐。曰宋。雖道沿世  
降。而治以代紀。均之作生民命。而上下幽明屬焉。漢  
得天統。弘寬簡忠恕之政。太宗恭敬溫文。有君人之  
大德。措黎庶於篤醇。而惟年久長。懼于不終。迨彌留  
弗替。聖統存焉。而終已。鮮輔董江都。明天人古今之  
統。劉更生。稱其庶幾伊呂。而生適後時。曾不得一當  
主也。唐宗起南北六季之後。基命昌明。成太平之烈。  
垂意於仁義教化。海寓晏然。考厥佐命。則河汾房杜。  
魏三賢實佐佑之。而用不寃於禮樂。文中子前見之。



歎焉。彼其以孝弟爲社稷。以不言爲宗廟。以五常爲四國。以無不通爲富貴。以無不極爲苑生者。三才九疇。卒屬之布衣焉。已也。宋興。神器得於掩取。禹迹限於職方。雖其本已淺。積百年而仁祖恭儉。始幾小康。神宗銳意堯舜三代之理。於仁明武庶兼有其資矣。而濂雒諸大儒者。作以誠爲本。以敬爲門。以太極二五盡神明之容。以誠神幾妙性情之德。以大學爲戶。庭。以中庸爲闢。與以不傳之學爲得之遺經也。其言曰。自天命以至於教。我無加損焉。懿哉道乎。而純公於裕陵。又相見相遇。合而竟以中阻也。夫非皆五百

歲至精之期會乎。而適不相直。蓋元氣之散久矣。離  
久而後合。雖其合而不免於離。豈非天哉。豈非天哉。  
明興

天純佑命。光古夏而軼漢配天。

高皇帝驅逐裔狄。復帝王自有之中國。

成祖表章宋哲。繇濂雒以上達洙泗。納天下人士於理  
性命之塗。熙宣天順之世。風俗篤醇。言信行質。純師  
純法之儒。烝烝出焉。

肅皇帝嘉意皇帝王師之統。渙焉淵衷。章施於敬一克  
復之訓。而其時有學有師。有傳有習。以獨知爲良。以



良知爲聖。卽博卽約。卽知卽行。直上附於鄒孟。蓋仲尼歿。至是且二千年。繇濂雒而來。且五百有餘歲矣。五星集於清廟。文教光焉。乃列代英君。誼辟格輔。碩臣鍾間氣之英。貞性秉道。以戴主奠民者。雖合離久暫。末之能一。抑又何臚炳而彪列也。此紀謨訓述之所以志也。於戲。書有之曰。天降下民。作之君。作之師。君之言尊也。宗也。師之言資也。亦宗也。故道通元命。德配天地。則命之帝矣。建中表正。統一三才。則命之王矣。燮調元化。密勿與樞。則命之相矣。明天地之統。苞君相之業。闡理性命之奧。作生民耳目。爲後世法。

程則命之師矣。故帝以道配天。相以道佐王。師以道達天。儒以道得民。其分不同。其極一也。易乾五上治曰飛于天。乾二時舍曰見于田。而均象之龍。語並德也。屯初宜君曰貴下賤。蒙二宜師曰子克家。而均繫亨貞。語同道也。故帝之有紀。明治之有統也。翼以謨。而明穆交贊。師之有訓。明道之有統也。翼以述。而唐衍不墜。聖賢在上。則推而行之。在下。則述而藏之。微是天莫屬其心。民莫必其命。而王路道術。遂爲天下裂矣。或問之曰。惟然。則紀謨訓述而足矣。它傳志何爲者也。曰。贊王統也。天一而風雨露雷山川河嶽各



宣其用以有職司於天王。一而六官九列百司庶府。各殫其共以有職司於王。語曰。三十輻共一轂。轂其樞乎。而微輻則不運。在昔名碩靖共爾位。一志畢能。秉信履義。輻輳于其世。豈苟而已哉。入則効忠出則宣力。居則嶽立。動則霆擊。主媿則順而將之。闕則拂而襄之。治則張而相之。亂不避難。不舍勞。蹇蹇乎身殉之也。此王國之幹也。傳良臣貞臣。若爭臣論諫焉。大者附帝紀中。昔先王選建明德。庸勲親親。分九土五域以爲天下。公而王政有根。世以丕平。王迹熄而一匡九合之勲。迄數世終賴。秦而下。罷侯置守。郡國

師帥之選。備六官之務。靜生民之業。撫薦慰安。民命繫焉。是明主所與其天下也。乃遵法糾俗。媿快於功。效孔子所謂免而無耻者哉。抑時有用焉。帝者得之以立事而勝茲。傳周列國。漢而下。傳循吏。能吏。皇造始基。蓋必有熊羆之士。不二心之臣。沉幾密畫。鷹揚燮伐。禍亂戢焉。以耆定厥功。及代承平。內靖外攘。合散坊瀆。繫桓桓。赳赳之夫。是賴。故將者國之輔。生民之衛也。故紀附將。謨傳列名。將述焉。夫忠節。世道之所倚也。臣死忠。子死孝。然後人紀立而國統尊。故孔門之教。無求生以害仁。有殺身以成仁。蓋上達節。下



毀節自志士以至仁人。未有不約之于節者。而誰能  
違之。激爲氣節。下乃狷戾。禮曰。謀人之軍師。敗則死  
之。謀人之國邑。危則亾之。節也。傳忠節。其傳經學。何  
也。曰。先師之志也。昔先師章志貞教。陳天道人事之  
紀。世爲儀表。莫大於六經矣。豈無辟儒失道之本真。  
執方局見。支訓蔓辭。以離迷其質。乃賢者重傳承守  
家法。上關獻納。則明聖之閎議。揚于王庭。下廣教授。  
則六籍之微言。徧于閭宇。誦而思行。知而乃言。進不  
枉道。必以其義。退不失義。必守其道。久相待。遠相致。  
久幽而不改其操。患難而終相爲死也。豈榮貌哉。故

兩漢經師之承傳最重。而風俗最淳。其於經譬則臺  
史乎。豈必盡天而歷日月星者。終莫之能廢也。且聖  
遠而言湮。庸知夫後有作者。不信經而尊道乎。故傳  
經學也。傳文學何也。曰。昔天下之治方術者。嘗衆矣。  
陰陽名法道德。各得道之一察。以自好。而不該不徧。  
靡敝而莫知其極也。儒家者流。游文於六經。加意乎  
仁義。深而通。苑而不褻。膏沃而光燁。各具有其質文。  
用能上拓典謨。下披雅誥。晰六藝之歸。涉百家之奧。  
明天下治亂之統紀。與故能言其意。而必行於遠也。  
以會歸於聖人。論其世。而出處語默進退之際。可以



弗畔也。亦豈非命世之英。卓然有繫於世路之興替。道術之正反者乎。且文顯而道隱。庸知夫來者。不因文而見道也。故傳文學也。昔先師之設科也。先德行。思善人有恒。其品士則行已有耻。使不辱命於孝弟。信果庸並而列諸世。師資道缺有間矣。而淑人君子。氣鐘其粹。性命於德。篤躬者淳至。而淵乎似道也。是百世之儀矩也。何可間也。次者本仁惇孝。率義繇禮。行不越乎矩。立不易其方。辭受取與之際。介乎不厖。疚焉。亦先民之有作也。何可簡也。使漸涵於聖門。不有進於首科品之上士者乎。下此則獨行硜硜然。賢

於毀枉者多矣。傳篤行義行獨行易有之。曰鴻漸于達。其羽可用爲儀。詩有之。曰皎皎白駒。夫皎皎者儀之表也。時命大謬。遜肥于荒。深根寧極。與時偕藏。利害不滑。歛德閔光。貞不可亂。是微之顯也。風之表也。卽炳幾遠害。蚤見豫待。視溺焉不止者遠矣。風貪頑者莫大。是傳隱逸。造化物曲之精。至微眇難識。而占候卜筮方藥之技。稽天驗人。顧往往前知命中如影響。蓋其微也。雖其小道。而贊天生民之事。均出於六官。故通其道則聖。局其方則惑。志方技。天生五材。帝用六府。民並用之。以爲天下公。蓋其理也。故貨惡其



專之身。亦惡其棄於地。力惡其盡之人。亦樂其效諸  
已。川大分地。而正德以幅之。則民生厚焉。志貨殖有  
言。受命帝王。及繼體守文之君。非獨其主德茂也。蓋  
必有妃匹之助焉。乃其燕女溺志。淫黷淪斁。則覆亡  
隨之。雖憑賴先德。身致鴻榮。莫能違也。必且受其禍  
敗。若反中其子孫。下至匹庶。家道成於女貞。民俗風  
於閭範。以爲是人道終始。家盛衰繇焉。故詩曾關雎。  
善栢舟。雅美周姜。任姒春秋卒宋共姬。錄紀季姜。其  
重也。夫述后妃內紀。若列女傳。書稱咸若。爰及昆蟲。  
禮通八蜡。不廢貓犬。易象萬彙。孚及豚魚。明物曲有。

性也。明乎物曲之性者，不敢用非道暴殄之矣。志物性終焉。總之三代而上，可考見於書、詩、禮、易者，爲世表。素王有年表。漢而下，各以紀謨訓述傳志。次世代科條其文。而天人古今之故，續備文取材於史。義稟質於經。去其猥重，存其典正。其申治也，詳其危亂也，確其褒善也，周其懲惡也，隱詳以周，故盡其辭。備論其行事以著法，隱而確，故嚴其斷，抉其志，不盡其辭。俾懲省深痛，識早反力，無使狎機事，萌逸志，而滋亂焉。蓋黜其不經者，取其近經者。道其可道者，不道其不可道者。爲史學要刪，乃其詳則正史存焉。於戲法。



象衡陳於上。晦明否泰。通塞萬變。而不失其常者。天也。九域分布於下。神明糞土。隆污回易。而不失其方者。地也。五性參兩於中。治亂廢興。進退存亡。紛綸糾錯。而不失其正者。人也。故消息者時。當否者位。卷舒者道。貞一者志。得全者全。天心天而道。不得全全人。畏義而節。帝者之所紀。相者之所謨。聖者之所作。明者之所述。志士之所裁。仁人之所安。達賢之所通。節士之所完。下至幽人貞士。庶婦季女。介乎不欺其志也。焉往而不可見天地之性哉。燭幾者昌。處極致亡。敬明惟理。逸豫以荒。故明君室未萌之欲。而聖人謹

未然之防有以也。夫用歸於毋逆天道。毋絕地理。毋亂人紀。俾物各得其極而已矣。詩曰風雨如晦。鷄鳴不已。語處世之有恒度也。詩曰我心匪石。不可轉也。我心匪席。不可卷也。語吉人之有恒心也。詩曰匪且有且。匪今斯今。振古如茲。感往者之不可及。俟來者於無窮期也。述函史上編。需明哲訓定焉。

明萬曆初元盱晚學鄧元錫撰



齊且訓令謀令避古收茲愬卦昔之不西又辭來者  
外心而然不西卷也謂吉人之濟沛心也謂曰訓且  
不也謂其也齊訓與也謂曰非心則不不西也  
國人豫則時名其避而曰美謂曰風雨收則  
未然之訓齊以外天用謹然毋能天能毋能則變

較讀函史十測

此編之以函史名何也謂其刮經史子集而函之固也天下之牘盡於三才太極以一函三而一行乎天地人之中則函史之以也故其立言無不准經質道而究其言之垂亦無不翼經衛道斯其本之者深也詩曰惟其有之是以似之言固貴於身有之也



編之分上下何也司馬氏之作史記也有  
紀有表有傳此千古事也而漢武當代事  
蹟難於直指不得已而著之八書則微言  
之也今上編一變太史舊例惟紀傳尚仍  
其名夫非以千古還千古乎至下編之二  
十一書核於考古詳於證今

昭代之監戒

聖神之益損具是也是斯編之極慮也

編之中分紀謨詠述何也君有紀相有謨  
蓋本書經以立言非仿史記也若師有訓  
弟有述則學庸論孟之遺規而史中之獨  
創也雖然將君師遂分兩統乎非也元氣  
之合也作君而師道光元氣之漓而欲合  
也作師而君道存錄箕子而周公素王之  
業隱隱開矣錄董文而周程素王之脈絲  
絲續矣此詠述之所以同紀謨而並著也



編之有先書後書大書小書何也非祖綱  
目也先用編年體春秋之取義也後用敘  
述體太史之紀事也關天下國家之計則  
大書係一身一家之故則小書若元兇巨  
惡又無論矣至元史削紀而稱志宋未亡  
以前俱小書宋既亡以後大小間書而一  
統華夷者僅與吳魏五代等且竟不得與  
魏晉五代等觀天象者知天之所以待夷

狄也函史蓋本天以立例也

編之中爲列傳者多矣而畱侯曲逆不自  
立傳何也運籌決勝嘗與帝俱間楚誑虜  
密爲帝畫此不附帝紀則臣主之相得不  
彰矣卽其內間有小書視之別立本傳者  
非夷而卑之也其小也以附帝紀而小也  
後此如李長源趙則平等皆此例也

編之中相有謨而將無謨何也相能兼將



將不能兼相故淮陰大將也而無傳景武  
亦一大將更以功名終也而無傳漢壽亭  
侯其大節炳烺今古當時稱賢將也而亦  
無傳此非畧之也總之附帝紀以自見見  
其大者而小自兼舉也故先生之先叙曰  
傳將謨末年改本曰紀附將謨此先生之  
特例也他諸將之在帝紀中者皆如是也  
編之傳方技而廣言醫何也數不依於道

卽王郭之精中仍歸無用况星家形家高  
禍福以奪人精抑何益乎本軒岐以爲經  
集諸子以爲緯內經一書煩者約之亂者  
叙之疑信相承前後互徹遂爲醫家一大  
定案可謂高出千古前史之所未有也

編之以物性志終何也函史之作不在是  
非往古而在叅贊將來故志物性而天地  
人之功於此成也若曰含育萬物而位天



地無是理也不爾而第如本草炮製諸書  
祇爲醫學用則當次方技而列之豈宜繼  
貨殖烈女以終篇也哉繹是而益知百史  
以經爲史也

上編之卷止於八十一何也子雲之作太  
玄分天地人而玄之玄以八十一晉先生  
之作百史合天地人而百之百以八十一  
卷蓋一極而爲九九其九而天下之故備

一其九而天下之故得此函史之志卽太  
玄之志也

下編之止於二十一卷何也天官方域人  
官皆列而爲三詳之而三其三又詳之而  
三三以維其三故先生之自叙曰三而九  
又九而大備其大備也與上編之續備相  
應也而其推本言之則曰易二象以盡意  
疇五行以盡利淵乎深哉讀函史者可以



志於學也

較刻函史考證

一證之初本初本者王大司成所摹聞先生  
初脫稿時司成卽爲刻萬名摹焉其卷末  
圖記有念初堂命工鋟刻者是也而後本  
字句之錯落得初本以改正於今刻不無  
一助也

司成諱材號推川官南祭酒

一證之京本京本者許司馬張司空王銀臺  
官畱都卽請是編以行今坊間之傳布者  
是也然與摹本之後定者稍異矣而摹本  
字眼之差訛得京以改正於今刻又一助  
也

司馬諱孚遠司空諱櫟  
銀臺諱一言

一證之再摹本再摹本者同郡有張長卿先  
生其淳懿博洽與先生契先生一摹本成  
卽郵致長卿商訂而長卿無不發微剔與



中間有加減更次先生不吝圍轉今家刻  
之再摹本與先本互異者則長卿之以也  
惟是本雖稍更定未及更摹而先生逝矣  
先生曾孫應瑞應琚應璐深心好古不替  
家學復與屏兄弟魯汝亨再三研究捐貲  
鐫削而三摹本乃可復成茲一較也得之  
長卿先生者爲多也

一證之存覽本存覽本者先生應聘之數年  
取先後摹本時復批閱一字未妥再三更  
定簡端細書龍麟鳳爪宛然具在因與開  
先拂其墨跡更用張本參核復請正裕人  
元夫以訂其是茲一刻也得力於存覽本  
者尤多也

一證之君大本君大本者以君大爲先生曾  
閑從遊先生最久凡所口授無不筆之笥



中今上編內如惠帝本紀與前刻迥異者  
則先生易簣前手授君大者也茲一刻也  
藉手於君大本亦多也

君大與先生同姓諱  
京號存六官北司務

以上五證不敢遺所自始不敢沒所繇  
成前賢之不亾後生之責也使後之覽  
者共知先生之著述不與天壤俱敝而  
三才九疇卒屬之布衣豈獨文中子已

哉萬世爲土因時變易是固先生之宇宙也小子何知謹於披讀之餘從諸君子告成事而已

邑後學過周

屏謀

涂大呂仝拜手謹識



子台孤畢而子

出也小十而吹簫然姓請之於孫而

為萬世為土因計變易其國式坐之字

附刻先生當年尺牘有關於由史者二十一則以

見定本與諸本之異其旁及上小字係過周昇手釋

答傅信吾待御

隆慶己巳

風實語

僕山中舊業益覺有端三才九疇六官五典頗親見聖門全體大用之盛同志中亦頗有數人切實爲己無媿舟中淡月切磋者僕嗒然自憐無復外慕殆不知老之將及也

是初著由史時語

答陳一泉書

萬曆辛巳

承諭由史搜括諸書殆盡而邊防墩臺出譚公者獨未之悉甚幸甚幸弟居學窮山如坐坎井借書而觀塗聽



而議又經生白曾未嘗得一日在事卽欲搜括其道無  
繇豈謂畧盡哉凡所爲此編者聊以明六官之務皆三  
才之理繇源而流沿本振末雖起伏萬變而天地自然  
之體聖賢中正之制未嘗不經萬世如一日也順之則  
吉逾之則凶如是而已矣所謂積慮儻在此乎必欲搜  
括盡事此杜君卿鄭漁仲之任也第則安能大觀廣聞  
諸可見教者不惜一二指示之則獨學之大願也願望  
願望

謝許敬庵公祖書

萬曆壬午

元錫郡之賤眵也生而蠢愚冥於百務獨竊妄意於古

人間修之學乃公祖明德冠冕宇宙舊矣曩奔走風塵  
時獲於真州側聞門下挺樹正學招徠同志一經大冶  
人自矜奮則私心恒嚮往之比者天不鄙夷暫假一麾  
休釐荒郡精明之政豈第之心具於臨民馭士之中得  
窺行義達道之實日有喁喁如瞽思起如盲冀燭而自  
廢以來多病拘攣跬步未能自致又以却掃日久造請  
盡絕一旦瞻仰公門失其故武非歛退者之所宜每一  
念言不能奮飛也顧辱公祖兼照之慈不違幽陋記存  
之德具於涂馮二生所聞之非久而巡臺獎察之命下  
矣顧復深厚推挽勤脩且慚且忤竊不自知何以得此



也伏念元錫方髫髻時於師友間獲聞稽山持志如心

作函史經繹根本在此

痛之旨奉以從事日夕兢栗不敢間情以庶幾不欺其

志而以念克念警縱作輟通塞明闇欲成章而靡繇踰

冠遊冲玄復真之間獲從吉中諸先正遊閱其侗侗過

沐追琢稽山微言具一二聞之已獲密友洗心求證始

知念有警縱心無間續境有通塞體無去來所謂克念

者念此者也忠信篤敬無間容息而有忘有助均之出

於人功其後語學者益異詆修學爲下乘筏經典爲贅

疣洸泮恣睢瀕洞莫測能使人矍然顧化而其言彌高

其行彌下其悟彌卓其欲彌縱其心彌廣其識彌陋

虞乎王何陸沉之風如是而束書不觀亦爲游談無根  
矣顧侗之心旣乏縣解而狷介之性多所慚憤因遂掩

如是乃

闢家徒四壁復取聖賢六經之旨循環玩索頗釋然於

經經

天人古今之際始知四時五運四德五常渾淪密察通  
一無二而六經者實生成人物之府彌綸造化之書也

如是乃函史

間取史傳歷覽古今興廢善敗之迹又知六官之務本  
三才之理沿源而流繇本振末雖起伏萬變而天地自  
然之體聖賢中正之制如經川大河無一日不行乎其  
間然後知註腳糟粕之言誠聖智者之獨造而凡庸如  
元錫者不學牆面終無以見天地之純全窺聖賢之大



方也間有窺測私用劄記此何異鸞鳩之識不踰榆枋

此語是

蠹魚之性僅嗜竹素他諸踴涼硜硜之守則又蓼蟲食

自得處他人不能代言

蓼與苦甘之非足異也鄉達王司成公忘其年德過意

是八初摹本

引援愛所爲書序諸會簡且捐金鋟字行之於是達者

目爲小廉曠者誦其曲謹約者病其汎涉易者嫌其與

澁乃中心營營竊獨內訟褊心薄質狃固莫展離羣索

實修乃有此質

居規切靡聞事每違心願踰所量所謂天者未繇而人

語竟是實悞

者終莫之能化也茲幸公祖通明淵奧爲世德元而攝

符秉契寶斯文宗統敢以蕪編列上門下用代承稟儻

辱清閒之燕一寓目焉悼其猖披哀其失路事在悖惑

不足較責身之覆瓿爲幸多矣脫大造之慈終無棄物  
翁受之度惟善救人加之督教詔其不逮洞發其蒙部  
扶擿其違繆俾獲省改稍有啓發則甦死肉骹何可云  
喻然非所敢望也于冒尊嚴臨楮不勝皇栗慚懼之至

答王帶水公別摺

萬曆丁亥春

是說初摹本

函史上編未成之書卽摹者中數處尚欲改訂摹補第  
承尊命先上改訂後更上庶見作者苦心也中目與史

實却

記相類如周列國及孔子弟子列傳乞與史記參

不同

學者要知尋此古方見超出千古處

互

觀之分合異同皆鄙意所存也至太史公一傳推尊楊  
詡竊以爲頗得子長之心於千載之上東漢後皆筆削



舊史則疣力亦竭矣唐以後未摹今精力如此加之疾病未知能竟成否可信者命可托者天耳季公祖昨托近翁轉命欲得甬史上編全稿抄錄而故牘敝垢日改實語此再摹本所以有刻月訂未敢以上卽此數帙亦以當改處尚多故未以齎非謂良工不示人以朴也見間幸乞秘之毋使謂不肖有固心也至囑

答黃脩吾

萬曆戊子

猥以賤疵上厯明旨特賜錄用真浩蕩無方之恩不謂非幸而犬馬之齒則旣及矣多病驟衰旣衰彌病鬚髮白盡目光短盡殆不復能自遂又甬史上編摹僅及

唐日食九人簡字刻訂日僅四葉又向有緒業不忍使  
爲未成之書更何餘力可以涉世已具呈送縣求安口  
里養病矣醫經云老人能晝睡不能夜睡近入丙夜惺  
然兀坐炯炯達曙時以學庸大易洒濯其心每爲歔然  
無復餘美也

與張秀屏

嚮辱批教函史四冊指劈精到糾發洞貫卽不佞締致  
雖苦微公亦誰爲發之誰爲詔之哉近敬庵翁有書欲  
爲不肖刻之南中聞帶水公言兄有批評更索改本然  
方摹上編下編苦無日力刪潤近發憤將批示者改訂

是以有再摹



本之刻

而年力衰邁不復能搆索如異時奈何奈何嗣本更望

今下編間

兄揭塗標蹤以匡其不逮則嘉惠之至也新摹時標公

有張批數語是也初摹本與京刻俱無之

一二語於其間以識不忘末簡欲勒一二銘刻語識之

是同方合志之義也

### 答勾泉

函諸史功力浩瀚三代史漢力止刪叙而東漢後文字  
無可取材動需潤色又犬馬齒垂及精力衰憊忘前失  
後時復翻改目光短盡茱爾自疲殊悔少狂之作爲終  
老累也

### 答張秀屏書

萬曆己丑

元上下編  
批亟欲  
同刻然尚  
需刪潤待  
之能者

元錫獲批評函史嗣本而竦踴可知也僕束髮來畢心  
力於此知甚蕪穢而締造則良苦矣讀者類以譎言視  
之不者目爲冗言支言讀未終卷業已廢擲而誰與審  
之賴公愛玉之成規弼其違爲之分更爲之分漏具晰  
其微旨揚詡其鄙衷而切磋其所不及不獨王勝之趙  
訥齋未至於此卽古碩交如晦翁於袁機仲范蜀公於  
司馬溫國公未或抵此也此其爲賜不可名言之矣上  
編上左右者尤願留意非敢過貧實以天生隍朋爲夷  
吾舌一一提命何異指南前軍制一二冊未讀批評輒  
先摹訂又改悔無及矣故不任望蜀之意



答帶水公

函史改訂殊苦難於郵致恐墮浮沉今蒙示於王簡府  
所致之大恩可知已僕今衰甚矣血枯成燥發爲瘍癰  
自面頸以至腰脅無非瘍者而史編未竟懼貽諸先生  
異日之勤燁力事之往還盡絕而時有不能已於見者  
承諭早完豈不誠願而事體重大卽與日競逐然且後  
之當其困憊殊悔始造端時不度德量力之害抵此也  
跋語以日力不給未作又以秀屏丈上編必且有批評  
統俟其批評竟得作之意爲完也數月上編已摹者改  
完矣今起手改未摹者卽無他妨奪亦尚需一二年後

再摹本

此家中所以有

乃完其感德意惟有啣漱

與王崑石

承諭三禮編繹書已多何敢更煩第拙稿內編五經繹  
乃明道術之源與函史相爲表裏庶幾古內聖外王之  
業於治統道統不無小補又僅數本功力不多倘得入  
梓尤幸

此先生史卽爲經

答秀屏丈

萬曆庚寅

函史首冊更辱批評如沃鄙心卽已改訂然前寄南都

此家中再摹本與京本所以不同

刻行者今已無及矣方構撰時不得拜命以領繩直逮  
領批誨又苦已摹而不及改益缺陷世界不能圓滿如



是再摹本

意類如此也奈何奈何今來原本一冊新摹本六冊上  
覽病未卽土已堅杜門欲入夏秋完結此事倘得尊駕  
一臨枉山中先事刪訂則大願大願然何敢覲也

張秀屏

批評函史三刪附上研究精詳引掖備至中所糾發無  
不精盡至決傳■刪述之異則子長而來未究此義我  
師我係感幸何已也乃公批評自有識者當爲異時史  
學要刪譬之至寶何可抑壓也少選需之耳數時竭神  
力此擬夏秋交或可卒業今尚僅完宋紀名臣及半鑑  
成恐尚在秋杪冬初也

與張心吾

何辱書惠深感深感河工底績重祿優加卽履聲鏗然  
上溢於宸聽矣何慶如之日者獲函史下編新刻而喜  
可知也世有知我者乎庶幾哉少諒其合天人兼述作  
之心卽有罪我諸踈畧紕繆何所無之亦得藉以聞過  
爲幸也則公刊布之大賜不可不知矣王君於上編倘  
有意乎幸卒成之然何敢必也

與秀屏

萬曆辛卯

日承新屏公見枉稱公函史批評訂勘精密足垂不朽  
甚哉乎其知言也嗣本幸以餘力一二命之第方技畢



矣近志物性考方藥物性彌於天人物我之一體渙然  
恨不得先稟質也然此貳稿舊稿未有作廣取材終難  
約守殊費日力非老年精力所宜力小圖大甚悔之悔  
之耳人便原批評者二冊附上更有批者乞布教幸甚

答敬庵公祖

函史下編嚮蒙恩厚遂獲刻布感何能已家前摹本已  
罄再摹本復成視前摹刪潤十之四五視南郡本亦十  
二三敬具以上願公祖存幸之也上編已具脫稿第功  
力未及摹耳近世學術專於求心視宋學似稍近裏而  
於聖學本天之旨則已遠矣蕪稿非直爲史於天人古

諱之  
今之統庶幾哉粗有發明旨簡不敢他屬實冀公祖一言九鼎爲之光重蒙示終當補之竊伏有私覲私覲焉也元錫終生蹇剝老而彌甚實欲卒業後長揖人世爲五嶽四瀆問鑒采藥之遊其走瀦壇爲度臘計祈陶鑄則寤寐志之也

張秀屏

前論函史批評後語以編中批評未能具列故不容署題所爲空一行者以蕪稿題跋中省另簡摹署題如旨也倘未卽瞑得嗣成三摹本當盡列批評無爲空前行矣邇歲專摹下編今茲補續上編僅摹三冊并原批三

今家刻定  
本蓋三摹  
本也然批  
評未列以  
尚需博雅  
君子再爲



刪訂不敢

草七附入

詩集入牘

冊附上乞照入八月間過盱當面承不盡

與章斗津

萬曆壬辰

前承手教具感具感弟與老丈二毛種種於世態備嘗  
之寧有他冀念獨欲覓一名山與老丈相對日成以卒  
生平則志願畢矣函史業已卒工日對古易懇欲從公  
游也今春有意外之變會泉與焉渠面自能言之不欲  
汗楮筆也蒙默丈前寄書令序易原懼不獲其敢有辭  
第原旨洪渺第綆短不能汲深柰何柰何卒業後另報  
乞先致下忱

答聶鳳泉

萬曆癸巳

佳帶拜賜佩貺無斁也函史下二部奉上書雖活字視  
正刻摹畫不佳終經手竄定視刊本爲的卽南都本必  
依此改定乃善諸書摹各一百部故前往者更不可追  
補以異日後彼此俱不成全帙幸存之憑文尚未至聽  
之已耳行止久速自不得彊也

與張長卿

原先生自  
謂當刪潤  
今尚未及  
刪潤故不  
敢附入容  
再審也  
聞入府齋均糧爲貴邑百代計是亦爲政奚其爲爲政  
乎健羨健羨前一帖求教幸批示批評宋臣傳一冊附  
上乞簡入許敬庵督閩中書林在焉函史批訖稍刪潤  
附去得撫臺片紙公文刻矣恨無鴻便也



答張秀屏

前得告及批史及令弟書物具領具感敝邑洪水百十年未有墻屋具毀先人之坊第巋然邑橋盡圯敝里之新豐屹然又僕起早救豫書籍亦幸完善皆兄大庇也敝邑曩號近古數年來風習大變戾氣亢塞以有此變縣後未經水者又延燒六十餘家部檄下僕避親友餞送初二日輕舟間道走燒州辭先隴寓宿崇相寺矣行齋舟未至遲之耳欲依梁伯鸞之志成嶽瀆之游今幸蒙此因得載櫬遂成長往亦與兄當爲長別行期不出十一二兄未往鄉幸少緩尊駕如已往乞遙歸不應不

一爲別也懇懇陳思源乃卽疾愈喜幸可言尤服兄鑒  
入妙卽僕途中藥餌尚仰裁訂函史粗完每初裝訂輒  
先附上聽質昨報云尚數本未至乞查所未有卷起止  
見示爲感渴欲一晤伏幸垂意

答許敬庵公祖別摺

煖前一日書

函史摹成上進覽敎學不繇其統而博溺心知在擯斤  
也張長卿於此書特深爲之分更分漏天人古今之統  
欲言不敢盡微言不當盡者畢揚挾而攤張之又糾摘  
其疏謬其羣從新屏司理歎以爲長卿必待此而成名  
建陽書府實隸撫屬倘下一檄令長卿以其批評者刻




之好古者或有取焉公祖豈以考書者流塗天下耳目  
斬之耶不敢請也

先生所著函史其大旨盡載之自序中矣然當年  
尺牘間有發揮述作之意與刪削改訂之苦曾孫  
應瑞一一錄出次以年月先後附之序末使知京  
本與初本異再摹本與京本異而家中手定本又  
與再摹本異應瑞于先生亦可謂能念爾祖矣後  
之讀者繇尺牘以窺本序繇本序以窺全編乃知  
春秋之作信游夏不能贊一辭而筆削千古者非  
自行其筆削後之人亦何從而觀其至是之是也

哉不肖屏謹拜手識





若不出於此則其手之顛倒何從而知其手之顛倒

兩史上編目錄

卷之一

古初帝王表

夏后氏世表

商世表

周世紀

相謨附

周后妃內紀

卷之二

周列國志之一

魯

衛

齊

宋

卷之三



周列國志之二

晉

鄭

卷之四

周列國志之三

楚

吳

越

卷之五

周列國志之四

燕

韓

趙

魏

田齊

卷之六

周列國志之五

秦

卷之七

至聖先師孔子年表

孔門弟子述

卷之八

周列傳

大臣忠節

良臣行義

爭臣

卷之九

周末諸子傳

卷之十

後秦志

卷之十

漢高皇帝紀

將相諸侯謨關天下興亡者附

漢孝惠帝紀

呂后八年  
有制附

蕭曹二相謨附



卷之十一

漢太宗文皇帝及景帝紀

卷之十二

漢武帝帝紀

孝昭皇帝帝紀

博陸侯  
謨附

卷之十三

漢宣帝帝紀

魏丙二相謨附

漢元帝帝紀

卷之十四

成哀平帝帝紀

西漢后妃內紀

西漢諸侯王列傳

卷之十五

光武皇帝帝紀

卷之十六

孝明皇帝帝紀

孝章皇帝帝紀

孝和皇帝帝紀

卷之十七



安順坤質帝紀

卷之十八

桓靈獻帝紀

卷之十九

東漢后妃內紀

東漢同姓諸侯王傳

卷之二十

西漢臣列傳

大臣  
名將

貞臣  
循吏

良臣  
忠節

爭臣  
獨行

卷之二十一

東漢臣列傳

大臣  
名將

貞臣  
循吏

良臣  
忠節

爭臣  
獨行

卷之二十一

西漢經學訓述

卷之二十三

東漢經學行義傳

卷之二十四

西漢文學傳之一

卷之二十五

西漢文學傳之二

卷之二十六

西漢文學傳之三



卷之二十七

東漢文學傳

卷之二十八

蜀漢帝紀

蜀漢相謨

卷之二十九

三國魏志

魏臣志

三國吳志

卷之三十

晉志

東晉志

晉臣志

卷之三十一

南宋齊梁陳志

南臣志

卷之三十二

匈奴漢趙後趙秦鮮卑燕後燕南燕西燕志

北魏志

北臣志



卷之三十三

三國晉南北朝經學傳

魏晉宋齊梁陳文學傳

卷之三十四

王文中子經學訓述

卷之三十五

唐高祖太宗帝紀

房杜魏相謨附

卷之三十六

唐高宗中宗帝紀

卷之三十七

唐睿宗玄宗帝紀

卷之三十八

唐肅代帝紀

卷之三十九

唐德順帝紀

陸宣公相謨

卷之四十

唐憲穆敬帝紀

卷之四十一



唐文武宣懿僖昭昭宣帝帝紀

卷之四十二

唐后妃內紀

唐宗室王傳

卷之四十三

唐臣列傳之一

卷之四十四

唐臣列傳之二

卷之四十五

唐臣列傳之三

卷之四十六

唐篤行傳

唐經學傳

卷之四十七

唐文學傳之一

卷之四十八

唐文學傳之二

卷之四十九

五代志 上

卷之五十



五代志

下

五代列藩志

卷之五十一

宋太祖帝紀

太宗真宗帝紀

李王二相謨附

卷之五十二

宋仁宗帝紀

王范二相謨附

卷之五十三

英宗神宗帝紀

韓富二相謨附

卷之五十四

宋哲宗帝紀

司馬呂文三相謨附

卷之五十五

宋徽欽帝紀

卷之五十六

南宋高宗帝紀

卷之五十七 上



宋孝光宗帝紀

卷之五十七 下

宋寧宗帝紀

卷之五十八

宋理宗度宗德祐帝端宗末帝帝紀

卷之五十九

宋后妃內紀

宋宗室王傳

卷之六十

宋臣列傳

卷之六十一

宋臣列傳

卷之六十二

宋臣列傳

卷之六十三

宋臣列傳

卷之六十四

宋臣列傳

卷之六十五

宋忠節傳



卷之六十六

宋道學訓

卷之六十七

宋道學訓

卷之六十八

宋道學述

卷之六十九

上

宋儒學傳

卷之六十九

下

宋儒學傳

卷之七十

宋篤行傳

宋文學傳

卷之七十一

元志

卷之七十二

元循良儒學文學孝義諸志

卷之七十三

隱逸傳

卷之七十四



方技傳

卷之七十五

方技傳

醫上

卷之七十六

方技傳

醫下

卷之七十七

貨殖傳

卷之七十八

烈女傳

七

卷之七十九

烈女傳 下

卷之八十

物性志 上

卷之八十一

物性志 下



附錄

卷之十一

附錄

卷之八

附錄













DS  
735  
42  
7  
函史上編卷之一

明盱郡鄧元錫纂

古初帝王表

自天地載闢。馮翼昭冥之故。靡可究而原矣。二五幹維。  
何本何化。卽上哲難言之。而說天莫辯於易。頌禰玄鳥。  
雅詠生民。厥神理可著存焉。易衡圖儀象生出。象化原。  
圓圖象渾天。方圖象方輿。文王序周易。乾坤創闢。屯蒙。  
洪荒。夫非沕穆渾敦時耶。而三才首君。建侯不寧。於草。  
昧乎經綸。斯時也。林總蚩蚩之民。穴居而野處。污樽杯。  
飲。捍豚而燔黍。未有麻絲。蒙衣其皮羽。蓋需養於飲食。



而爭心者與生俱者也。爭始以言。其究以兵。訟若師受  
焉。繇此言之。始未嘗不倥侗顚蒙。而末乃繁阜挺暴旅  
距也。詩曰。繇繇瓜瓞。民之初生。善哉乎。尚象之矣。又久  
之。有衆有比。有畜有屨。風氣啓而禮義漸昌。體元命世  
之君作。而裁成輔相。通變神化之業成焉。則義農軒轅。  
放勳重華。其人也。大道之行。天下爲公。親親子子。輯睦  
熙雍。貨力不私。與已也。孫於大同。仲尼於觀上。歎焉。以  
爲三代之英。禹湯文武成王周公之選。猶之小康焉。未  
或覩斯盛也。豈非運會之元。天地交而二氣絪通耶。猗  
與盛矣。然盛極且衰矣。賢勇智功爲已。而王霸功力之

變不可勝紀矣。史繁富始此矣。周禮外史氏實掌三皇五帝之書。比春秋楚史倚相猶能誦習其文。世尚多有之。而仲尼無傳焉。叙尚書獨斷自唐虞。其作春秋紀元年。正時月日。詳矣。至叙尚書則畧。即頗有年月多闕。不可錄。宰予問五帝德。語之曰。唐虞三代之事。不可勝紀。五帝尚矣。汝何以稱焉。蓋其慎也。今學者以道藏之累。虛裨官之傳訛。尚稽荒忽。求多於前聞。豈謂闕如哉。於是本易尚書禮譜太昊訖唐虞爲古初帝王表。夏殷事已闕。次世表。周遺文頗可討述。周本紀而表見。源委於六經。爲後史冠冕焉。爾雅皇天大帝君也。呂覽帝者天下之所適。王者天下之所往。三皇蓋



古初大君也。秦博士議帝號，稱古有天皇、地皇、泰皇，豈近是與？漢孔安國書序以伏羲神農黃帝爲三皇，少昊顓頊高辛唐虞爲五帝，而家語自伏羲而後皆稱帝。易大傳春秋內外傳各往往稱黃帝炎帝，史記闕焉。獨紀帝不著皇，易大傳稱庖犧氏之王天下，則知皇帝於王號以世異，非有等差也。而世降因之耳。他諸傳記有盤古氏盤古釋名盤固也，亦曰渾敦，本非有定指。而春秋緯自開闢迄獲麟分十紀，有循蜚紀，有號無世二十氏，循蜚者言其時德厚信仁，人循其化，速若蜚也。有因提紀，有號有世，凡十有三氏，因提者言代有制作，俾後人可因以利時也。有禪通紀，十九世禪通者言禪讓之德，通于天也。已乃有疏仡紀，則始自黃帝以訖于周。

太昊伏羲氏，亦作處犧，帝德合上下，曰太昊，取犧牲充庖廚，亦曰庖犧，母華胥氏，行雷澤之渚，履大人迹，有虹繞之而孕，風姓，始畫八卦。易大傳曰：古者生於成紀，都於陳，以木德王。始畫八卦，心犧氏之王天下也。仰則觀象於天，俯則觀法於地，觀鳥獸之文，與地之宜，近取諸身，遠取諸物，於是始作八卦，以通神明之德，以類萬物之情。中帝世，天應以鳥獸文章，地應以河圖洛書，而畫八卦，因重爲六十有四焉。造書

契。代結繩之政。始教民佃漁。時禽獸逼人。作甲歷。起於甲寅，支于相配，為十二辰。

六甲而天道周，歲以是紀，而年不亂；月以是紀，而時不易；晝夜以是紀，而人知度；東西南北以是紀，而方不惑。

制嫁娶。以儷皮為禮，正姓氏，通媒妁，重人倫之本。以龍紀官。河中有龍，馬負圖。造琴瑟。

在位百五十年而崩，葬於陳，史稱傳女媧氏而下十六世，或曰盡其時諸侯。

炎帝神農氏。庖犧氏沒，神農氏以火德王，稱炎帝，起於烈山，亦曰烈山氏，母有蟠氏女，為少典君。

妃以神龍之感而生，長於姜水，姓姜氏，都陳，遷曲阜，始藝五穀，教農。斲木為耜，揉木為耒，耨

之利，以教天下，始嘗百草，教醫。民有疾病，未知藥石，帝味草木之滋，察寒溫之

性得三百六十物，應始日中為市。致天下之民，聚天下之貨，交易而退，各得

其所以火紀官。在位百四十年崩，葬長沙之茶鄉。

黃帝有熊氏。少典國君子也，姓公孫，母感電光繞斗而娠，生于軒轅之丘，因名軒轅，國于有熊，號



有熊氏以土德王。曰黃帝。犬戴記家語五帝德篇。孔子言帝生而神靈。弱而能言。幼而徇齊。長而敦敏。成而聰明。治五氣。設五量。撫萬民。度四方。神農氏八傳。帝榆罔之代。無道。與三戰於阪泉之野。克之。代爲天子。蚩尤爲亂。與戰於涿鹿之野。戮之。立六相。以雲紀官。風后力牧。其佐也。立占天之官。

命大撓作甲子。命容成作蓋天及調歷。命伶倫

造律。命隸首作數。命榮援作十二鐘。命大容作

樂。

曰咸池。

作冕旒。正衣裳。

畫野分州。經土設井。正名

百物。作器用。作舟車。作合宮。作貨幣。作內經。

始教民蠶。

當帝之世。風雨時若。五穀豐登。物無疵癘。鷺鳥不搏。猛獸不噬。麒麟游於苑囿。鳳凰

巢於阿閣。生二十有五子。得賜姓者十有四人。年百一十歲而崩。葬橋山。按伏羲有河圖。帝復受之。伏羲命朱襄作六書。帝復命蒼頡。伏羲造曆律。帝復作少昊金天之。豈應時而作。制不相沿。與抑益所未備。與。

氏。名摯，已姓黃帝子，玄囂也。母感火星，如虹流華渚而生。邑于窮桑，號窮桑氏。國于青陽，號青陽子。以金德王天下，能脩太昊之法，曰少昊。都曲阜，以鳥紀官，作大淵之樂。在位八十四年，崩，葬雲陽。顓頊，高陽氏。姬姓，祖黃帝，父昌意，母感瑤光，貫月之祚而生。國高陽，號高陽氏，以水德。王都帝丘，大戴記：帝洪淵，以有謀，疏通而知事，養材以任地，履時以象天，依鬼神以制義，治氣以教民，絜誠以祭祀，乘龍而至四海，北至幽陵，南至交趾，西濟流沙，東至蟠木，動靜之物，大小之神，日月所照，莫不祇勵。命南正重司天，以屬神；北正黎司地，以屬民。以斗杓建寅月為歷元。作帝嚳，高辛氏。姬姓，祖承雲樂，在位七十八年，崩，葬雲陽。帝嚳，高辛氏。少昊父，驕極，封于辛，號高辛氏。代高陽氏有天下，都亳，作九招樂，記穠生而神靈，自言其名，博施利物，不於其身，聰以知遠，明以察微，順天之義，知民之隱，仁而威，惠而信，脩身而天下服，取地之財而節用之，撫教萬民而利誨之，曆日月而迎送之，明鬼神而敬事之，其色郁郁，其德巍巍，其動也時，其服也土。春夏乘龍，秋冬乘馬。黃黼黻衣，執中而獲天下，日月所照，風雨所至，莫不從順。在位七十年，崩，葬頓丘。



帝放勲陶唐氏。

帝嚳之子，母家伊侯之國，後徙耆號伊耆氏，初封唐侯。帝嚳崩，子摯嗣，無道，立

九年廢諸侯尊，堯為天子，以火德王，都平陽，堯典稱命帝德，欽明文思安安，允恭克讓，光被四表格于上下。

羲和定閏。

初年。

咨四岳舉鯀，俾又洪水，績弗成。

中

七十載。

舉舜登庸。

始為司徒，徽五典，已宅百揆，已攝岳賓四門，流凶族，殛鯀，放驩兜。

舜使禹平

水土，益掌火，棄教民播種，契為司徒。

七十有三載，舜

受終。

俱見二典。

八十載，禹告成功，肇十有二州，封伯禹於有

夏，封四岳，有呂封契於商，封棄於邰。

見國語。

百載，帝徂落。

自元載甲辰至是崩，年百有十七歲，葬穀林，三年罷畢，舜避于南河之南，天下歸之，乃即位。

帝重華有虞氏。

姚姓，帝繫世稱顓頊五世孫，自虞幕封虞，號有虞氏，以火德王天下，都蒲坂，舜

典重華協于帝，濬哲文明，溫恭允塞。

元載，月正元日，格于文祖，申命九官。

十有二牧。

垂拱而天下治。

禹臯陶陳謨。

簡韶樂成。

三十有

三載。命禹總師。五十載。帝陟方崩。

自元年丙戌至是癸酉。南巡狩。至蒼梧之

野。崩年百有

十歲。葬九疑。

太史公曰。學者多稱五帝尚矣。然尚書獨載堯以來。而

百家言黃帝。其文不雅馴。薦紳先生難言之。孔子所傳

宰予問。五帝德。及帝繫姓。儒者或不傳。余嘗西至空同。

北過涿鹿。東漸于海。南浮江淮矣。至長老皆各往往稱

黃帝堯舜之處。風教固殊焉。總之不離古文者近是。

### 夏后氏世表

大禹。

姒姓。史稱系出帝顓頊。父崇伯鯀。鯀湮洪水而殛。舜復舉禹治。禹開九州。通九道。破九澤。度九山。四



隕既居則壤成賦而天下平舜禪以仁元年會諸侯塗山執玉帛者萬國皋陶薨乃薦益於天記曰禹立三年

百姓以仁遂焉

外紀曰見罪人下車而泣之左右

曰罪人不順君王何為而痛之禹曰堯舜之人皆以堯

舜之心為心寡人為君百姓各以其心為心是以痛之

太史公曰禹會諸侯江南計功而崩因葬焉命曰會稽

會稽者帝啓禹子賢能敬承禹道伐太康啓子逸豫滅

有窮后羿所距不仲康太康弟始即位命胤后相仲康

得歸見五子之歌侯征羲和有胤征后相子寒

浞殺羿因羿室使子澆弑王于少康少康少長為仍牧

帝立后緡歸于有仍生少康正澆求之奔有虞

虞思妻以二姚而邑諸綸有田一成有衆一旅能布其

德而兆其謀而皋陶之後曰靡自有鬲氏收二斟之衆

以滅浞奉少康立焉滅澆于帝季杼子后槐子后苾子

過滅豷于戈而夏以中興

后泄子后不降子后扃及后厘子后孔甲不降子后臯子

后發子后癸是為桀大紀曰自孔甲後夏德日衰桀負

恃武力為敖虐伐有施氏得女妹喜嬖之

所言皆聽作瓊室象朝璫臺玉牀為淫縱為肉山脯林  
為酒池運舟一鼓而牛飲者千人關龍逢諫殺之伊陟  
竭山崩而夏亡夏起禹元年戊戌終桀五十一年巳酉  
十七君十五世通后羿寒浞為四百三十三年禹之後  
分封以國為氏有夏后氏有扈氏有男氏斟尋氏  
彤城氏褒氏費氏杞氏緄氏辛氏冥氏斟氏戈氏

### 商世表

成湯。子姓、虞司徒契之後也。契母簡狄有娀氏女為帝  
嚳次妃從帝祀高禘吞玄鳥卵而生契佐舜禹敷  
五教封商傳昭明相土昌若曹圉冥振  
微報丁報乙報丙主壬主癸而生天乙是  
為湯自契至于成湯十二世而八遷湯始居亳王商立  
殷水在焉亦曰殷湯為夏方伯專征征葛聘伊尹尹相  
湯伐桀見湯誓湯誥仲虺之誥天大旱七年湯禱于桑  
林以六事自責曰政不節與使民疾與宮室榮與女謁  
呂與苞苴行與讒夫昌與何為不雨至斯極也天  
乃雨作大濩樂三十祀王崩壽百歲葬亳北桐宮太宗  
太甲。湯嫡孫初顛覆典刑伊尹營桐宮宅憂三年太甲  
悔過自怨自艾於桐處仁遷義三年以冕服迎歸



即位作伊訓尹歸政沃丁。太甲子世紀曰沃丁八年尹陳戒作咸有一德。

丁葬以天子太庚弟小甲子雍巳弟中宗太戊雍巳弟。禮祀以太牢。

戊立亳有祥桑穀其生于朝一夕大拱太戊懼問伊陟伊陟曰妖不勝德王懼而修德嚴恭寅畏天命自度其

佐伊陟臣扈格於上帝巫咸又王仲丁中宗子。仲家諸侯畢朝享國七十有五年。

弟河壺甲徙相。祖乙河壺甲子。遷耿祖辛祖乙子。巫

興沃甲祖辛。祖丁祖辛。南庚沃甲。陽甲祖丁。史記自

立弟諸弟子或以盤庚陽甲弟。王以耿圯邢淫復遷殷爭立比九世亂。

訓告之作小辛盤庚。小乙小辛。高宗武丁小乙子。王宅

盤庚三篇。夢帝賚良弼乃旁求得說立為相有說命三篇無逸曰

舊勞于外爰暨小人作其即位不敢荒寧嘉靖殷邦于小大無時或怨肆祖庚高宗子。祀高宗有雝雝登

享國五十有九年。祖庚高宗子。祀高宗有雝雝登

甲。祖庚弟，無逸曰：舊為小人，知小人之依，惠保庶民，不敢侮鰥寡，肆享國三十有三年。廩辛。

庚丁。廩辛弟。武乙。名天，神與之博，令人為行，不勝戮之為。

革囊盛血而仰射，曰：太丁。武乙子。帝乙。書：綱自成，湯至于

射天，畋河渭，雷震蛇。祀易泰，歸妹爻，兩取其歸，妹為象，蓋必有取也。帝長子

微子，啓賢，以母賤不得立，少子辛，母后也，得立，是為紂。

辛。有材力，聞見辯捷，知足以距諫，言足以飾非，以天下

皆出其下，莫已若也。狄侈好酒色，伐有蘇氏，獲妲己，

嬖之，為北里之舞，靡靡之樂，為長夜之飲，厚賦稅以實

鹿臺，黃沙丘為酒池，肉林使男女裸而相逐，臨九侯，脯

鄂侯，囚西伯，及周東觀其祖伊，恐奔告，猶詫曰：我生不

有命在天，見西伯，戡黎，箕子諫，囚以為奴，比干諫，紂怒

曰：比干自以為聖人乎？吾聞聖人之心有七竅，剖而觀

之，武王伐紂，紂焚苑，商亡，見泰誓，牧誓，武成，諸篇商起

湯十九年乙未，有天下，終紂三十三年戊寅，三十王十

七世，享國六百二十有九年。○太史公曰：余以殤次契

之事，自成湯以來，采於書詩，契為子姓，其後分封以國

為姓，有殷氏、宋氏、空桐氏、榘氏、北殷氏、目夷氏、孔



子口殷路車爲  
禽而色尚白

周世紀  
相謨附

周姬姓。虞后稷棄之後也。稷母有郃氏女。曰姜嫄。爲帝  
嚳元妃。出之野。履帝武敏歆。期而生子。以爲不祥。棄之  
隘巷。馬牛過者。辟不踐。徙置之林中。會伐山林。棄渠中  
冰上。飛鳥以其翼覆薦之。姜嫄以爲祥。而收之。因名棄。  
生而岐嶷。少長。好稼穡樹藝之事。堯以爲農官。以元德  
生民。封於郃。事見虞書。及詩生民閟宮思文諸篇。其子  
孫。世后稷。以服事有夏。及夏衰。棄稷弗務。周先公不窋。  
用失其官。而自竄于戎翟之間。時序其德。不敢怠荒。不

窟子鞠。鞠子公劉。國於豳。豳俗故篤淳。公劉柔之以德。上下忠敬。風最淳古。見豳七月大雅篤公劉諸篇。後十餘世而有古公亶父。脩后稷公劉之業。積德行義。獫狁攻之事之。皮幣大馬珠玉不得免。乃屬父老告之曰。狄所欲者。吾土地也。吾聞之。君子不以其所以養人者害人。二三子何患乎無君。有奉有主。則君也。遂去邠。踰梁山。邑于岐山之下。居焉。居三月。成城郭。一年成邑。二年成都。三年而民五倍其初。事見大雅綿皇矣諸篇。古公。子長泰伯。次虞仲。而太姜生季子歷。賢孝友于兄。娶太任。又賢。生子昌。有聖瑞。古公曰。我後世其有昌乎。故名。



昌泰伯知古公欲傳歷及昌者天也。遂與虞仲亾之荆。欲以讓季歷。古公薨。歷立。是爲公季。脩行古公之道。積德累仁。而昌爲文王。文王德緝熙敬止。穆穆不顯。以昭受於天。詢于八虞。咨于二虢。度於閔夭。諏於蔡原。訪於莘尹。重之以周召畢榮之輔。億寧百神。而柔和於萬民。於是伯夷太公鬻熊膠鬲之倫。咸自遠慕德而至。已殷王紂用崇侯虎譖。囚欲殺之。西伯文明柔順。以蒙難。而演易於爻里。故文王之聖。備見於易詩書事。旣解得賜鈇鉞。專征虞芮之君。相與爭田久而不平。乃相與朝周。入其境。則耕者讓畔。行者讓路。入其邑。男女異路。斑白

者不提挈入其朝。士讓爲大夫，大夫讓爲卿。二國之君感而相謂曰：我等小人，不可以履君子之庭，乃相與讓其所爭田爲閒田而退。天下聞而歸者四十餘國。蓋虞芮質成而文王蹶其輿也。於是伐大戎，明年伐密須，伐耆。又明年伐崇，作都於豐。當是時，三分天下有其二，而以服事殷，不衰。仲尼稱至德焉。及西伯寢疾，病謂世子發曰：見善勿怠，時至勿疑，去非勿處。此三者，道之所以止也。世子再拜受教。薨，年九十七葬于畢。世子發嗣，是爲武王。武王旣立，以太公望爲師，弟周公旦召公畢公之徒爲輔。師脩文王之緒，立九年，殷益亂，乃東觀兵于孟津。



諸侯不期而會者八百。皆曰：紂可伐矣。王曰：汝未知天命。未可也。乃還師。又三年而紂殺王子比干，囚太師箕子。微子抱樂器而奔周。太公望曰：可矣。於是武王徧告諸侯曰：殷有罪重，不可以不伐。十有三年春正月，王于征伐商底商罪，告于皇天后土，所過名山大川。羣后以師畢會。東渡河，有白魚躍入于王舟中。旣渡，火自上復于下。至于王屋，流爲鳥。師陳于商牧。紂率其旅若林，朝至于牧野。不戰，前徒倒戈，攻于後，以北。卒輻分，車瓦裂。甲魚鱗下。紂自焚，炮遂。平殷。諸侯共尊西伯爲天子。詳具尚書武成。泰誓、牧誓、諸篇。方周師之入也，商容與殷

民觀焉。見畢公至。殷民曰：「是吾新君也。」容曰：「非也。」視其爲人。嚴乎。將有急色。君子臨事而懼。見太公至。民曰：「是吾新君也。」容曰：「非也。」視其爲人。虎踞而鷹趾。當敵將衆。威怒自倍。見利卽前。不顧其後。故君子臨衆。果於進退。見周公至。民曰：「是吾新君也。」容曰：「非也。」視其爲人。闇闇休休。志在除賊。是非天子。則周之相國也。故聖人臨衆。知之。見王至。民曰：「是吾新君也。」容曰：「然。」聖人爲海內除殘。見惡不怒。見善不喜。顏色相副。是以知之。王旣克商。皇皇若天下之未定。召太公而問之。曰：「入殷柰何？」太公曰：「臣聞之也。愛人者兼其屋上之烏。不愛人者及其胔。」



餘何如武王曰不可召公趨而進曰臣聞之也有罪者  
殺無罪者活咸劉厥敵毋使有餘孽何如武王曰不可  
周公趨而進曰臣聞之也各安其宅各田其田毋故毋  
私惟仁之親何如王曠乎若天下之已定於是反商政  
政繇舊視殷民民字疑誤如周視殷民如子表商容之廬封  
比干之墓祀焉散鹿臺之財發鉅橋之粟歸項宮之女  
而殷民大悅王始入殷訪于箕子受洪範踐阼三日召  
士大夫而問焉曰惡有藏之約行之得萬世可以爲子  
孫怕者乎諸大夫對曰未得聞也召師尚父而問焉曰  
黃帝顓頊之道存乎意亦忽不可得見與師尚父曰在

冊書。王欲聞之。則齊矣。齊三日。王端冕出。師尚父亦端冕奉書入。負屏而立。王下堂北面立。師尚父曰。先王之道。不北面。王西行。折而南。東面而立。師尚父西面。道書之言曰。敬勝怠者吉。怠勝敬者滅。義勝欲者從。欲勝義者凶。凡事不強則枉。弗敬則不正。枉者滅。廢敬者萬世。王聞書之言。惕若恐懼。於席四端。於几。於鑑。於盥盤。於楹。於杖。於帶。於屨屨。於豆觴。於戶牖。於劔弓矛。皆爲銘。儆焉。夏四月。王來自商。至于豐。乃偃武脩文。歸馬于華山之陽。放牛于桃林之野。示天下弗服。丁未。祀于周廟。追王太王。王季。文王。越三日庚戌。柴望。大告武成。乃大



封諸侯。先是未下車。封黃帝之後於祝。帝堯之後於蓊。帝舜之後。胡公嬀滿於陳。以備三恪。既下車。封夏后氏之後。東婁公於杞。封紂子武庚於殷。皆上公。爲二王後。已得炎帝之後。封于焦。乃脩輔佐功。封師尚父於營丘。曰齊。封周公旦於曲阜。曰魯。封召公奭於燕。畢公高於畢。皆留相王。封叔鮮於管。叔度於蔡。叔處於霍。以監殷。爲三監。三監者。制天子使其大夫監方伯之國。國三人者也。而以殷餘民封康叔於朝歌。曰衛。餘畢以次受封。而姬姓之國五十有三人。事見武成。康誥。酒誥。梓材諸篇。旣克商。通遘于九夷八蠻。西旅貢獒。太保奭作旅獒。

王徵九牧之君。登爾之阜。以望商邑。至于周。日夜不寐。

周公旦卽王所曰。曷爲不寐。王曰。告女。維天不享殷。自

發未生。於今六十年。麋鹿在牧。事出周書。隨巢子云。夷牟怪物也。蜚鴻

滿野。

高誘曰。蠖蠖爲災。

天不享殷。乃今有成。今我未定。天保何

假寐。日夜勞來我西土。我惟顯服。及德方明。自維汭延

于伊汭。居易毋固。我南望三塗。北望嶽鄙。顧瞻有河。粵

瞻維伊。毋遠天室。營周居於維邑而後去。蓋實始營維。

居無何。王有疾病。周公念受殷命。未有定。爲三壇同墠。

以珪璧告于太王。王季。文王。祈以身代。王瘳。又五年。王

崩。

葬于畢。

太子誦立。是爲成王。

成王幼。

年十有三。

不能蒞阼。



周公相踐阼而治立之輔拂疑丞以輔王德抗世子法

於伯禽王有過則撻伯禽所以教王父子君臣長幼之

道也。

見小戴記文王世子篇

三年王冠。

公命祝雍作辭辭曰使王近於民遠於年齒於時惠

於財親賢而任能頌曰令月吉日始加元服去王幼志服王袞職欽若昊天六合是式率爾祖考永永無極

命伯禽出就封而周公不之魯輔政管叔蔡叔霍叔顧

監殷乃大不說於公爲流言曰公將不利於孺子公乃

告師尚父保奭曰我之弗避我無以告我先王乃避位

于東以待察東伯禽所封國也公居東二年

非成王二年

得

流言所自始乃作鴟鴞詩以詒王王疑未盡釋然亦未

敢謂公是年秋天大雷電以風禾偃木盡拔王啓金縢

乃得公武王疾病時。祈代王死。書乃大感親。往迎公于東。還輔政。天雨反風。禾盡起。語具書。金縢詩。鴟鴞九罟。狼跋諸篇。於是二叔懼。與武庚。燭奄及淮夷。徐戎。以叛。邦君舊人。以四國並起。虞艱大。欲違卜自守。公作大誥。東征。又三年而後定。東山破斧之所爲作也。乃誅武庚。致辟管叔于商。囚蔡叔于郭鄰。以車七乘。降霍叔于庶人。封微子于宋。蓋是時。王東伐淮夷。遂踐奄。遷奄君於蒲姑。王來自奄。大降四國民命。釋不誅。東遷之雒。作多方。庶殷底定。淮奄大同。公歸自四征。政柄有屬。保奭委公政。而求去。公留之。求助焉。作君奭。公佐王正治。



官作立政。詔王任官。訓官作周官。作周禮。定六官之職。  
掌作儀禮。盡吉凶軍賓嘉之儀。則作曲禮。教民動作禮。  
義威儀之節。而經制大備。表先世房中樂爲風始。曰周  
南召南。因列國山川方域。禹迹職方。次國風。列之樂官。  
以導化移俗。而王朝賓師友。燕兄弟。洽群下。勞使臣。以  
至于興賢育士。遺將命。各次其燕饗樂歌。曰小雅。王  
郊祀訖。受釐會朝。陳戒。又原天命祖德。作詩樂以格王  
正事。曰大雅。而郊廟饗祀。美盛德之形容。以成功告神  
明。次爲頌。而睦頌聲興。於是時。天子德明。羣公穆和。萬  
品奠阜。九夷八蠻。序貢于中國。而公亦且老矣。念維

天下爲土中。欲成武王志。宅中時久。且比殷議卜。雒蓋公還王室。定禮樂者六年。乃卜雒。傳所謂六年制禮作樂者是也。至是成王卽位。十有四年矣。春二月。命太保先公相宅。攻位于雒。三月。公至雒。用牲于新邑郊。社告庶殷。侯甸男邦伯。攻雒。作多士。庶殷丕作。太保陳天命。休恤以戒。作召誥。公獻卜。使從王于周。曰。王其來。稱殷禮。比祀于新邑。十有二月。王至新邑。烝于文武。公請老明農。王命公。後比殷。誕保文武受民。作雒誥。於是公留後比殷。民訓焉。而刑錯不用。又七年。作無逸。而公老於豐。病且沒。曰。必葬我成周。以明吾不敢離王公薨。成王



曰公生事宗廟。沒聚骨於畢。畢者文王之墓地也。故周公死。成王不葬之於周。而葬之於畢。示天下不敢臣周公也。所以明有功尊有德。故忠孝之道。咸在成王周公君臣之間。故魯郊成王所以禮周公。又以重其國也。公既沒。王命君陳尹東郊。作君陳。王在位三十七年崩。命元子釗嗣丕基。有顧命。康王誥。康王十二年。命畢公保東郊。作畢命。蓋自周公毖殷。至是歷三紀矣。王敬恭神人。四夷賓服。海內晏然。興於禮義。囹圄空虛。四十餘年。有唐虞之風焉。崩子瑕立。爲昭王。王不能自強於政治。南巡狩。反濟漢。漢濱人以膠膠王舟。王至中流。膠液船。

祭王及祭公滿焉。子滿立爲穆王。王初德精明。命君雅

爲司徒。罔爲僕正。作君牙罔命。其後王欲肆其心。周行

天下。將必有車轍馬迹焉。好征伐。伐大戎。祭公諫。見下編戎狄志中。已。

惑志於仙。惑西人化人龍之。築中天之臺。見異教考。好禱祠。得驂騑騄耳之

駟。御以西遊於瑤池之上。樂而忘歸。四方諸侯無所請

命。賓祭於徐子者三十六國。而徐子僭王。王聞乃嘆曰。

嗟乎。予一人不盈于德。而諧于樂。後世其追數吾過乎。

趣駕歸還。定徐。偃王走宛。於是王饗國百年矣。患民多

僻。作呂刑。以誥四方。思保位爲艱。恐貽世羞。欲自儆悟。

作史記。記曰。維正月。王在成周。昧爽召三公。左史戎夫



曰。今朕寤遂事。驚予。乃取遂事之要。俾戎夫朔望以聞。信不行。義不立。則哲士陵君政。禁而生亂。皮氏以亾。諂諛日近。方正日遠。則邪人專國政。禁而生亂。華氏以亾。好貨財。珍怪。則邪人因財而進。邪人因財而進。則賢良日蔽而遠。賞罰無位。隨財而行。夏后以亾。嚴兵而不仁者。其臣懾。其臣懾而不敢忠。則民不親其吏。刑始於親遠者。寒心。殷商以亾。樂專於君。則權專於臣。權專於臣。則刑專於民。君娛於樂。臣爭於權。民盡於刑。有虞氏以亾。奉孤以專命者。主必畏其威。而疑其前事。臣挾德而責數。以日疏。位均者爭。平林以亾。大臣有錮職。譁譁者。

昔者質沙三卿朝而無禮。君怒而久拘之。譚而弗誅。諸卿謀變。質沙以亾。外內相間。下撓其民。民無所附。三苗以亾。弱小在強大之間。存亾將繇之。則無天命矣。無字疑不知命者。弱小不恭。強大扈氏以亾。嬖子兩重者亾。昔義渠氏有兩子。異母皆重。君病。大臣分黨而爭。義渠以亾。功大不賞者危。功大而不賞。諂臣日賞。貴功日怒。而生變。平州以亾。昔曲集之君。伐智而專事。強力而下賤。其臣賢良皆伏。愉州氏伐之。君孤而無使。曲集以亾。昔有巢氏有亂。臣而貴。任之以國。假之以權。擅國而主斷。已而奪之。臣怒而生變。有巢以亾。斧小不勝柯者危。



昔有削之君。嗇儉。減爵損祿。羣臣卑讓。上下不親。禁罰不行。重氏伐之。削君以亾。久空重位者危。昔共工自贊。自以無臣。久空大官。下官交亂。民無所附。唐氏伐之。共工以亾。犯難爭攘。疑者死。知能均而不親。並重事君者。死。昔有南氏。有二臣。貴寵力均。勢敵。競進爭權。下爭朋黨。君弗禁。南氏以分。昔有果氏。好以新易故。故者疾怨。新故不和。內爭朋黨。陰事外權。有果以亾。爵重祿輕。取民自成者危。昔畢程氏。損祿增爵。羣臣貌匱。比而戾民。畢程氏以亾。好變故易常者亾。昔陽氏之君。自伐而好變事。無故榮。官無定位。民運於下。陽氏以亾。榮刑而

者危。昔穀平之君。慢戾無親。破國弗克。紫刑用國。外國  
相援。穀平以亾。武不止者亾。昔阪泉氏用兵無已。誅戰  
不休。并兼無親。文無所立。智士寒心。徙居至于獨鹿。諸  
侯叛之。阪泉以亾。狼而無親者亾。昔縣宗之君。狼而無  
親。從職者疑。發大事。羣臣解體。國無立功。縣宗以亾。昔  
者玄都。賢鬼道。廢人事。天龜策是從。神巫用國。哲士在  
外。玄都以亾。文武不行者亾。昔西夏性仁。非兵。城郭不  
脩。武士無位。惠而好賞。屈而無以賞。唐氏伐之。西夏以  
亾。美女破國。昔者續陽。強力四征。重丘遺之。美女。續陽  
之君悅之。熒惑不治。大臣爭權。遠近不相聽。國分爲二。



宮室破國。昔有雒氏宮室無常。池囿廣大。工巧日進。以後更前。民不得休。農失其時。饑饉無食。成湯伐之。有雒以亾。皆古侯國。君子曰。悔善之端也。肆惡之大也。王心侈。幾失國矣。比悔而逃。明於善敗與故。斯記也。如鑄鼎象物。然而百物知備也。後可爲終古鏡鑒。悔之力夫。故書錄呂刑。美悔過也。於是乎王獲沒於祗宮。子繫扈立。爲共王。共王崩。子黷立。爲懿王。是時周道衰。詩人作刺。崩王弟辟方立。爲孝王。孝王崩。諸侯復尊立懿王太子燹。是爲夷王。王始下堂見諸侯。周以益衰。崩。子厲王胡立。厲王好利。說榮夷公。芮良夫曰。王室其將卑乎。夫榮公好

利而不知大難。夫利百物之所生也。天地之所載也。而或專之。其害多矣。天地百物皆將取焉。胡可專也。所怒甚多。而不備大難。以是教王。王能久乎。夫王人者。將導利而布之上下者也。使神人百物無不得其極。猶曰。怵惕懼怨之來也。故頌曰。思文后稷。克配彼天。立我蒸民。莫匪爾極。大雅曰。陳錫哉周。是不布利而懼難乎。故能載周以至于今。今王專利其可乎。匹夫專利猶謂之盜。王而行之。其歸鮮矣。榮公若用。周必敗。旣榮公爲卿士。王行滋虐。國人謗王。召公告王曰。民不堪命矣。王怒。得衛巫。使監謗者。以告則殺之。國人莫敢言。道路以目。



王喜告召公曰。吾能弭謗矣。乃不敢言。召公曰。是障之也。防民之口。甚於防川。川壅而潰。傷人必多。民亦如之。是故爲川者。決之使導。爲民者。宣之使言。故天子聽政。使公卿至於列士獻詩。瞽獻典。史獻書。師箴。聃祖峻切賦。矇誦。百工諫。庶人傳語。近臣盡規。親戚補察。瞽史教誨。耆艾脩之。而後王斟酌焉。是以事行而不悖。民之有口也。猶土之有山川也。財用於是乎出。猶其有原隰衍沃也。衣食於是乎生。口之宣言也。善敗於是乎興。行善而備敗。所以阜財用。衣食者也。夫民慮之心。而宣之於口。成而行之。胡可壅也。若壅其口。其與幾何。王弗聽。於是

國人莫敢出言。乃相與叛王。王出居彘。召公周公共和  
行國政焉。王崩于彘。二相乃尊立王世子靖爲天子。是  
爲宣王。王旣卽位。慎微接下。用賢使能。法文武成康之  
遺風。內脩政事。外攘夷狄。命秦仲誅西戎。命尹吉甫伐  
玁狁。北至太原。命方叔征南荆。召虎征淮夷。周道粲然  
復興。諸侯復宗。周詩人所爲賦。六月采芑。常武者也。後  
稍怠。不籍千畝。虢文公諫曰。不可。民之大事在農。上帝  
之粢盛於是乎出。民之蕃庶於是乎生。事之供給於是  
乎在。和協輯睦於是乎興。財用蕃殖於是乎始。敦龐純  
固於是乎成。是故稷爲大官。王事唯農是務。無敢求利。



於官以干農功。三時務農。而一時講武。故征則有威。守

則有財。則享祀時至。而布施優裕也。以能媚於神。而和

於民。

語詳見  
土田志

今天子欲脩先王之緒。而棄其大功。匿神

困民。何以求福。王弗聽已。喪南國之師。料民於太原。仲

山甫諫曰。民不可料也。夫古者司民。協孤終。司商。協民

姓。司徒。協旅。司寇。協姦。牧。協職。工。協革。場。協入。廩。協出。

於是少多。死生。出入。往來者。皆可知也。於是治農于籍。

後於農隙。獮于旣蒸。狩于畢時。皆習民數者也。又何料

焉。且無故而料民。天所惡也。害於政。而妨於後嗣。王卒

料之。蓋是時。王考室安。考牧富。侈心生。而怠於政。庭燎

作已讒訛得行。汙水刺焉。白駒作而賢隱。黃鳥我行其野。作而風哀。王欲殺杜伯。左儒諫。請從。王不聽。卒殺杜伯。左儒死焉。其後太子晉傷之曰。自我先王厲宣幽平。貪天禍。至于今未弭。故德貴終也。王崩。子幽王淫立立二年。而周三川皆震。明年。竭岐山崩。三年。王伐褒。褒人以褒姒女焉。褒姒有寵于王。生伯服。於是乎與虢石甫比。而譖太子。王遂廢申后。逐太子宜臼。而立伯服。王太子傅爲作小弁之詩以感王。司徒鄭伯友問於史固曰。王室其弊乎。對曰。殆必弊者也。太誓曰。民之所欲。天必從之。今王棄高明。昭融而好讒慝。暗昧惡角犀。豐盈而



近頑童窮固去和而取同夫和實生物同則不繼是以

先王和土與金木水火而成百物和五味以調口剛四

支以衛體和六律以聰耳正五體以役心建九紀以立

德九臟也合十數以訓百體夫如是故和也於是乎聘后

於異姓求財於羣方擇臣於諫爭而講以多物以務和

也聲一無聽物一無文味一無舉物一不講較也王棄是

類而剗與同天奪之明能無弊乎夫號石父讒譖巧從

之人也而立爲卿士與剗同也棄聘后而立內妾好窮

固也侏儒戚施寔御在側近頑童也周法不昭而婦言

是用用讒慝也不可以久且宣王之時有童謠曰檠弧

箕服實亾周國有夫婦鬻是器也者而戮之府小妾生  
女而棄鬻器者收以奔褒褒人獻於王而嬖之天之生  
此久矣其爲毒大矣毒之茵腊者其殺也滋速申繒西  
戎方強王室方騷將以縱欲不亦難乎已而王欲殺太  
子以成伯服求之申不與王伐申申侯從繒西戎以入  
寇王崩於難於是晉侯衛侯鄭伯共平戎乃即奉故太  
子宜臼踐王位而秦襄公將兵救周戰甚力有功王命  
衛侯和爲公錫晉文侯命周東徙維公維武邑而以岐豐之地  
畀秦秦始爲諸侯鄭伯掘突公得東規鄘武號十邑以益  
國王以益微太史公曰學者多稱周武王伐紂居維公維武邑



綜其實不然。武王營之。成王使召公卜居。居九鼎焉。而周復都豐鎬。至犬戎敗幽王。周乃東。秦始封爲諸侯。作西時。用事上帝。僭端見矣。禮曰。天子祭天地。諸侯祭其域內名山。大川。今秦雜戎翟之俗。先暴戾。後仁義。位在藩臣而臚於郊祀。君子懼焉。故周之失計。未有如東遷之謬者也。於是諸侯力征。強乘弱。興師不請天子。齊晉秦楚挾王室之義。以討伐爲會盟主。政繇五霸。諸侯恣行不軌。而亂臣賊子滋起矣。迨平王四十九年。而春秋作。傷天下之無王。又明年。王崩。嫡孫桓王林立。初。鄭武公爲王卿士。死。幽王之難。而鄭伯莊得政。已。王奪鄭伯

鄭伯不朝王以諸侯伐鄭鄭伯禦之戰于繻葛王卒  
大敗祝聃射王中肩王亦能軍夜鄭伯使祭足勞王且  
問左右春秋王不書天不書王以蔡人衛人陳人伐鄭  
不書戰不書敗蓋不可追也不追其不可追者追其可  
追者書蔡人衛人陳人從王伐鄭已焉曰天子令而臣  
從猶之君臣之義焉是春秋之志也王崩子莊王佗立  
初王子克有寵於桓王王屬諸周公辛伯曰不可金后  
匹嫡兩政耦國亂之本也周公弗從及是欲發難王殺  
黑肩周公王子克奔燕王崩子胡齊立爲僖王僖王崩子  
閭立爲惠王初莊王有嬖子頽有寵薦爲國爲之傅惠王



即位取薦國之圃以爲囿。怨與邊伯。詹父子禽。祝跪。五  
大夫奉子頹以作亂。不克。奔衛。構衛燕入王城。立子頹。  
王出居櫟。鄭伯與虢公胥命于弭。奉王歸于王城。殺子  
頹。及五大夫而定。而王太子鄭母早死。後母曰惠后。愛  
少子帶。甘昭公欲廢太子而立之。齊桓公及宋公魯侯陳  
侯衛侯鄭伯許男曹伯會王世子于首止。以定其位。寧  
周也。王患使周公召鄭伯曰。吾撫女以從楚。輔之以晉。  
可以少安。鄭伯逃歸。不盟。又明年。王崩。王世子鄭懼不  
立。不發器而告難于齊。明年春。盟于洮。謀王室也。鄭伯  
乞盟。王世子位定而後發器。王子帶召伊雒之戎。焚王

城王討叔帶。帶奔齊。後十年。召而復之。十三年。鄭入滑。  
滑人聽命。師還。又即衛。鄭人伐滑。王使伯服游孫伯如。  
鄭請滑。鄭伯怨王之與衛。滑也不聽。而執二子。王怒。將  
以狄伐鄭。富辰諫曰。不可。臣聞之。太上以德撫民。其次  
親親。以相及也。昔周公弔二叔之。不咸。故封建親戚。以  
蕃屏周。管蔡。郕霍。魯衛。毛聃。郕雍。曹滕。畢原。酆郇。文之  
昭也。邶晉。應韓。武之穆也。凡蔣。邢。茅。胙。祭。周公之胤也。  
召公思周德之不類。故糾合宗族于戲周。而作詩曰。棠  
棣之華。鄂不韡韡。凡今之人。莫如兄弟。其四章曰。兄弟  
閔于牆外。禦其侮。如是。則兄弟雖有小忿。不廢懿親。今



天子不忍小忿以棄鄭親其若之何。庸勲親親。暱近尊賢。德之大者也。卽聾從昧與頑用器。姦之大者也。棄德崇姦。禍之大者也。鄭有平惠之勲。又有厲宣之親。棄嬖寵而任三良。於諸姬爲近。四德具矣。耳不聽五聲之和。爲聾。目不別五色之章。爲昧。心不則禮義之經。爲頑。口不道忠信之言。爲器。狄皆則之。四姦具矣。周之有懿德也。猶曰莫如兄弟。故以親屏周。今德旣衰。於是乎淪周。召而從諸姦。無乃不可乎。民未忘禍。王又興之。其若文武何。王弗聽。使顏叔桃子出狄師伐鄭。取櫟。王德狄人。將以其女爲后。富辰諫曰。不可。臣聞之。報者倦矣。施者

狄固貪懼。王又啓之女德無極。婦怨無終。狄必爲  
之。王又弗聽。已而太叔帶通於隗氏。狄后王替隗氏。叔帶  
以狄師伐王。天王出居于鄭。太叔以隗氏居于溫。天子  
無出書曰。天王出居于鄭。避母弟之難也。王使告難于  
諸侯曰。不穀不德。得罪于母之寵子帶。即在鄭地汜。敢  
告叔父。於是晉文公有國矣。及秦伯師于河上。將納王。  
狐偃言於晉侯曰。求諸侯莫如勤王。諸侯信之。且大義  
也。繼文之業。今爲可矣。晉侯辭秦師。先下。次于陽樊。右  
師圍溫。取叔帶。殺之。左師逆王。王入于王城。晉侯朝王。  
王饗醴。命之侑。勞之陽樊。溫原攢茅之田。辭請隧焉。王



不許曰。昔我先王之有天下也。規方千里以爲甸服。以  
俱上帝山川百神之祀。以備百姓兆民之用。以待不庭  
不虞之患。其餘以均分公侯伯子男。使各有寧宇。以順  
及天地。無逢其災害。先王豈有賴焉。內官不過九御。外  
官不過九品。足以供給神祇而已。豈敢厭縱其耳目心  
腹。以亂百度。亦唯是死生之服物采章。以臨長百姓。而  
輕重布之。王何異之有。今天降禍災於周室。余一人僅  
亦守府。又不佞以勤叔父。而班先王之大物。以賞私德。  
其叔父實應且憎之。余一人豈敢有愛也。先民有言曰。  
改玉改行。叔父茂昭明德。物將自至。余敢以私勞變前

之大章。以忝天下。其若先王與百姓何。若不然。叔父有地而隧焉。余安能知之。文公乃不敢請。受地而還。於是乎晉啓南陽。襄二十年夏。晉文公成霸。以諸侯之師却楚。敗楚師于城濮。作王宮於踐土。獻楚俘于王。王策命晉侯爲侯伯。曰。王謂叔父。敬服王命。以綏四國。糾逖王慝。晉侯三辭。拜命。受策出。出入三覲。盟於踐土。諸侯朝于王所。已。又會諸侯于溫。使言之王。王狩於河陽。晉侯以諸侯朝王。蓋是時晉納王。王德晉甚重。晉會溫。將朝王狩而就見之。書曰。天王狩於河陽。全天王之行也。旣爲王諱。又爲晉解。春秋之忠恕也。襄王崩。傳頃王。王臣匡



王。班而弟定王瑜立。定王時。楚子莊伐陸渾之戎。次于

組。觀兵於周郊。王使王孫滿勞楚子。楚子問鼎之大小

輕重焉。對曰。在德不在鼎。昔夏之方有德也。遠方圖物。

貢金九牧。鑄鼎象物。百物而爲之備。使民知神姦。故民

入川澤山林。不逢不若。魑魅罔兩。莫能逢之。用能協于

上下。以承天休。桀有昏德。鼎遷于商。載祀六百。商紂暴

虐。鼎遷于周。德之休明。雖小重也。其姦罔昏亂。雖大輕

也。天祚明德。有所底止。成王定鼎于郊。鄩卜世三十。卜

年七百。天所命也。周德雖衰。天命未改。鼎之輕重。未可

問也。十有八年。晉侯使卻克會魯衛曹之師以伐齊。敗

齊師于鞏。使鞏朔獻齊捷。王弗見。使單襄公辭焉。曰。蠻夷戎狄。不式王命。淫洏毀常。王命伐之。則有獻捷。王親受而勞之。所以懲不敬。勸有功也。兄弟甥舅。侵敗王畧。王命伐之。告事而已。不獻其功。所以敬親暱。禁淫慝也。今叔父克。遂有功于齊。不使命卿鎮撫王室。而鞏伯實來。未有職司於王室。又奸先王之禮。余雖欲於鞏伯。其敢廢舊典。以忝叔父。夫齊甥舅之國。而太師之後也。寧不亦淫從其欲。以怒叔父。抑豈不可諫誨。士莊伯不能對。王使委於三吏。禮之如侯伯。克敵使大夫告慶之禮。降於卿禮一等。定王崩。子簡王夷立。簡王崩。子靈王泄



心立。先是頃王時，周公閱與王孫蘇爭政，訟於晉。晉趙盾平王室而復之。定王時，王札子殺召伯、毛伯，而王孫蘇奔晉。簡王時，周公楚與伯輿爭政而奔晉。至是，王叔陳生與伯輿爭政，王右伯輿，王叔怒而奔。及河，王復之。殺史佚，說焉，不入。晉侯使士匄平王室。王叔與伯輿訟焉。王叔之宰與伯輿之大夫瑕禽坐，士匄聽之。王叔宰曰：「華門閨竇之人而皆陵其上，難乎其爲上矣。」瑕禽曰：「昔平王東遷，吾七姓從王，牲用備具，王賴之而賜之騂旄之盟，曰：『世世無失職。』華門閨竇之人，其能東底乎？且王何賴焉？今自王叔之相也，政以賄成，刑放於寵，官之

不勝其富。吾能無華門閭竇乎。惟大國圖之士。付  
天子所右。寡君亦右之所左。亦左之。使王叔氏與伯  
氏合要。王叔氏不能舉其契。王叔奔晉。單靖公爲卿士。  
以相王室。蓋是時。王無政。王卿士世爭政。交訟外聽命  
於霸國。而霸主不競。霸國之大夫主聽斷焉。於是乎春  
秋患天下之無霸。當是時。穀洛闢。毀王城。靈王生而有  
顓。甚神聖。無惡於諸侯。太子晉賢。早夭。而母弟貴。立是  
爲景王。景王時。甘人與晉閭嘉爭閭田。晉梁丙張趯率  
陰戎伐潁。王使詹桓伯辭於晉。曰。我自夏以后。稷魏駘  
芮岐畢。吾西土也。及武王克商。蒲姑商奄。吾東土也。巴



濮楚鄧吾南土也。肅慎燕亳吾北土也。吾何邇封之有。文武成康之建母弟以藩屏周。亦其廢墜是爲。豈如弁髦而因以敝之。先王居檇杙于四裔。以禦魑魅。故允姓之姦居於瓜州。伯父惠公歸自秦而誘以來。使偪我諸姬。入我郊甸。則戎焉取之。戎有中國。誰之咎也。后稷封殪天下。令戎制之。不亦難乎。伯父圖之。我在伯父。猶衣服之有冠冕。水木之有本源。民人之有謀主也。伯父若裂冠毀冕。拔木塞源。專棄謀主。雖戎狄其何有余一人。叔向謂宣子曰。文之伯也。豈能改物。翼戴天子。而加之。以共。自文以來。世有衰德。而暴蔑宗周。以宣示其侈。諸

侯之貳不亦宜乎。且王辭直子其圖之。宣子說王有嬖  
器。使趙成如周弔。且致閭田與祿。反潁俘。王亦使賓滑  
執甘大夫襄以說於晉。晉人禮而歸之。蓋是時周人不  
說學。原伯魯宣言于朝。魯閔子馬聞之曰。周其亂乎。夫  
必多有是說。而后及其大人。大人患失而惑。又曰。可以  
無學。無學不害。不害而不學。則苟而可。於是乎下陵上  
替。能無亂乎。夫學殖也。不學將落。原氏其亾乎。王子朝  
有寵於王。王欲立之。傅賓起嬖。實謀之。未果。而王崩。單  
子旗。劉子蚩。攻賓起。殺之。立王子猛。子朝因舊官百工  
之喪職秩者。以作亂。單劉以王猛居于皇。晉籍談荀躒



納王于王城。是爲悼王。無何崩。母弟勾立。爲敬王。尹氏  
立。王子朝辭于晉。王出居狄泉。晉侯使士彌牟景問周  
故。彌牟立于乾祭。而問於介衆。乃辭朝。鄭伯如晉。子太  
叔相見范獻子。獻子曰。若王室何。對曰。老夫其國家之  
不能恤。敢及王室。抑人有言曰。廢不恤其緯。而憂宗周  
之將隕。爲將及焉。今王室實蠹蠹焉。吾小國懼矣。然大  
國之憂也。詩曰。觥之罄矣。維壘之耻。王室之不寧。晉之  
耻也。獻子悅。乃徵會於諸侯。四年。晉知躒趙鞅以大師  
納王于王城。且戍之。尹氏召伯毛伯以子朝奔楚。十年。  
王使富辛與石張如晉。請城成周。曰。天降禍於周。

兄弟甥舅。並有亂心。以爲伯父憂。我一二親。睚甥舅不  
遑啓。處於今十年。勤戍五年。余一人無日忘之。閔閔焉。  
如農夫之望歲。懼於待時。伯父若肆大惠。復二文之榮。  
弛周室之憂。徼文武之福。以固盟主。昭令名。則予一人  
有大願矣。昔成王合諸侯。城成周。以爲東都。崇文德焉。  
今我欲徼福。假靈于成王。脩東周之城。俾戍人無勤。諸  
侯用寧。螫賊遠屏。晉之力也。其委諸伯父。使伯父實重  
圖之。俾我一人無徼怨于百姓。而伯父有榮施。先王庸  
之。范獻子謂魏獻子曰。與其戍周。不如城之。從王命。以  
紓諸侯。晉國不勤國之福也。魏獻子曰。善。使伯音對曰。



天子有命。敢不敬承。以奔告於諸侯。遲速衰序。於是乎  
在。冬。城成周。十四年。王使人殺子朝于楚。周儋翩率朝  
之徒。因鄭人以作亂。王出居姑猶。晉復納王而定。敬王  
崩。傳元王。仁貞定王。介哀王。去疾而王弟叔襲弑王自立。  
爲思王。季弟嵬復弑思王自立。爲考王。三王皆貞定王  
子也。考王封其弟於河南。續周公之官職。爲東周君。考  
王崩。子威烈王午立。春秋時。晉世爲霸主。百數十年。據  
河山之固。秦楚莫能難。王室賴焉。已。三家滅智氏而分  
晉。威烈王之世。命魏斯趙籍韓虔爲諸侯。天下爲戰國。  
秦益大。三晉不能有禁禦。然猶歷安王。驕顯王。安王弟

定王至赧王。延乃折而入于秦。

論曰。周自夏以后稷。積德垂千祀。而文武乃興。革命而

配天。歷三十有七王。歷年八百六十有七祀。始武王已西終赧王

已。饗國長世之盛。終古一見也。周始分封姬姓之國五

十餘。後子孫各以父王父所自出。字若官若謚若所居

爲氏。至不可勝紀。蓋漢興九十餘載。武帝復修周于南

君之封。比列侯奉其先祭祀。

### 周后妃內紀

太史公言。夏后興以塗山。而匹於妹喜。殷人興以有娥。而紂之荒繇妲已。周之興也。以姜嫄及太任。而幽王之



禽也淫於褒姒。嗚呼王閭內之德。關國興替如此大。蓋  
禹娶于塗山。辛壬癸甲而妊。實生后啓。迨啓生。呱呱而  
泣。禹八年於外。弗子也。塗山實子之時。陟嵩高石望焉。  
因名啓母石。世稱啓母化爲石。蓋其訛也。商有妣氏事。  
無傳焉。周自后稷母姜嫄。厥德不回。以昭受上帝。上帝  
依焉。實始生周事。具世紀中。古公妃太姜。貞順率道。廣  
於德教。遷岐胥宇。偕與謀焉。蓋世有不丕德。至太任而益  
聖。太任者。摯任氏之中女也。爲公季元妃。太任之性。端  
一誠莊。惟德之行。及其娠文王。寢不側坐。不邊立。不  
不食邪味。割不正不食。席不正不坐。目不視邪色。耳

注聲。口不出敖言。生文王而明聖。太任教之以一而  
謂百。君子謂太任爲能胎教。故人生而肖萬物者。皆母  
妊子時所感。感於善則善。感於惡則惡。以肖而化也。太  
任可謂知肖化矣。及文王娶有莘氏之女。曰太姒。仁明  
順道。思媚於姜。任文王之爲西伯也。文母治內。進窈窕  
思賢淑。以廣胤嗣。關雎作。貴而能勤。富而能儉。已長而  
敬。不弛於師傅。已嫁而孝不衰於父母。居內而能念臣  
下之勤勞。咨嗟詠歎。風王於禮。賢審官。葛覃卷耳賦焉。  
而武王有亂。臣十人。邑姜與在。則師尚父女也。其後乃  
有宣王后宣姜。宣姜有賢德。事非禮不言。行非禮不動。



王嘗晏起。后夫人不出於房。后出脫簪珥。待罪於永巷。使傅母通言曰。妾實不德。使王失禮。而晏朝。天下見以爲王之樂色。而忘於德也。夫苟樂色。必好奢。好奢必窮。樂窮。樂者亂之所興也。原亂之興。自嬖子起。當伏其辜。敢請。王曰。寡人不德。實自生過。非夫人罪也。遂復。妾后而增脩於政。成中興之名。

史論曰。懿哉周王。壺內之化也。本之躬刑。漸自南國。而流被乎方夏。蓋夏殷未有也。故思齊大明雅歌之不衰。孔子歎關雎曰。樂而不淫。哀而不傷。又曰。洋洋乎盈耳。蓋歎之也。他日訓其子曰。不爲周南召南。其猶正牆面。

而且也與噓可貴哉聖人脩齊之化也

禹史上編卷之一終



卷一

三

而止世與和而貴者聖人削齊之非也

通史上編卷之二

明肝郡鄧元錫纂

周列國志

魯 魯公伯禽者周文公元子也。公文王次子。生而仁孝。篤敬。異於群子。及武王卽位。公輔武王。成武功。武王崩。公相。就成王于德。而伯禽封魯。及三監叛。淮夷徐戎。並興。公輔王東征。魯公誓師于費。有費誓。王嘉魯公功。錫山川土田附庸焉。周公拜乎前。魯公拜乎後。曰。生以養周公。沒以爲周公主。故史稱封康叔伯禽於魯。衛各四百里。親親之義。褒有德也。始魯公就封。周公戒之曰。



行矣。慎無以有國驕士。吾文王之子。武王之弟。相今王。  
親又稱叔父於天下。不輕矣。然我一沐三握髮。一飯三  
吐哺。起以待士。於是得三士焉。以正吾身。以定天下。夫  
吾得三士於千百人之中。如此乎其難也。吾常恐失天  
下之賢人。爾慎無以國驕士。吾聞德行寬裕。守之以恭。  
土地廣大。守之以儉。祿位尊盛。守之以卑。人衆兵彊。守  
之以畏。聰明睿智。守之以愚。博聞強記。守之以約。夫是  
皆謙德也。汝必勉之。

其訓以親親賢賢。敬故容衆。見魯論。

魯公既受封三

年而後報政。周公曰。何遲也。伯禽曰。變其俗。革其禮。

三年而後除。故遲。太公封於齊。五月而報政。周公曰。

曰吾從其俗簡其禮。周公乃歎曰：魯後世其北面於齊乎？夫政不簡不易，民不有近，平易近民，民必歸之。然齊後世其必有篡弑之臣矣。善哉！亂國乎？於政而知其弊，蓋見者微也。故魯俗漸於周公，魯公之化尚禮教，崇信義，有先王遺風，國用久存。孔子歎焉。魯公傳七世而爲魯武公。當周宣王時，入朝。王愛其少子戲，欲立爲魯世子。樊仲山甫諫曰：廢長立少，不順。不順必犯王命。犯王命必誅。夫下事上，少事長，所以順也。今天子建諸侯而立少，是教之逆也。若魯從之，諸侯效之，將王命有墜而行誅，是自誅王命也。誅之失，不誅亦失。王其圖之。



王弗聽。卒立戲爲魯世子。卽懿公也。後果爲兄子伯御所弑。王殺伯御。問所立。仲山甫曰。其稱乎。王曰。何故對。曰。稱肅恭明神而敬事耆老。賦事行刑。必問於遺訓。而咨於故實。不干所問。不犯所咨。王曰。是能訓治其民矣。乃立稱曰孝公。故詩稱樊穆仲補袞之闕。此見之矣。孝公卒。子惠公弗湟立。惠公元妃孟子卒。無子。繼室以聲子。生子息姑。已室宋女。生少子允。欲立之。未果。惠公卒。息姑贊而長。立爲隱公。入春秋。公觀魚于棠。公子姬諫曰。姬臧凡物不足以請大事。其材不足以備器用。則君不舉焉。君將納民於軌物者也。故講事以度軌量。謂之

軌取材以章物采謂之物不軌不物謂之亂政亂政亟行所以敗也。故春蒐夏苗秋獮冬狩皆於農隙以講事也。三年而治兵入而振旅歸而飲至以數軍實昭文章明貴賤辯等列順少長習威儀也。鳥獸之肉不登於俎皮革齒牙骨角毛羽不登於器則公不射古之制也。若夫山林川澤之實器用之資皂隸之事官司之守非君所及也。公曰吾將畧地焉遂往陳魚而觀之。彊穰疾不從及卒公傷之曰曩叔父有憾於寡人寡人不敢忘葬之加一等。初衛州吁弑其君介宋公求寵於諸侯且伐鄭宋人來乞師公辭之。公子翬請以師會公不可固請。



而行。經曰：輦帥師疾之也。志擅兵也已。而輦請殺公子  
允以除偏。且以求太宰。公曰：爲其少故也。吾將授之。使  
營蒐裘。吾將老焉。輦懼。反譖公於子允。而弑之。寫氏子  
允立。爲桓公。桓旣以篡奪得國。而是時宋華督亦弑其  
君與夷。求納賂焉。於是取郕大鬲于宋。納于太廟。臧哀  
伯諫曰：君人者。將昭德塞違。以照臨百官。猶懼或失之。  
故昭令德以示子孫。是以清廟茅屋。大路越席。太羹不  
致。粢盛不鑿。昭其儉也。衮冕黻珽。帶裳幅舄。衡紃纁  
昭其度也。藻率鞞鞞。鞞鞞厲游纓。昭其數也。火龍黼黻。昭  
其文也。五色比象。昭其物也。錫鑾和鈴。昭其聲也。三辰

辨其明也。夫德儉而有度，登降有數，文物以紀之，聲明以發之，以照臨百官，百官於是乎戒懼而莫敢易紀律。今滅德立違，而寘其賂器於太廟，以明示百官，百官象之，其又何誅焉？國家之敗，繇官邪也。官之失德，寵賂章也。郕鼎在廟，章孰甚焉？武王克商，遷九鼎于維維，邑義士猶或非之，而况昭違亂之器於太廟，其若之何？公不聽。周內史聞之，曰：「滅孫達，其有後於魯乎？」君違不傳諫，之以德。三年秋，翬如齊，逆女。齊侯傳送姜氏于謹，公會齊侯于襄謹。夫人姜氏至自齊。十八年春，公會齊侯于襄謹。與夫人姜氏遂如齊。申繻曰：「女有家，男有室，無相。」



瀆也。謂之有禮。禮。父母沒。女子子不歸寧坊。其瀆也。易此必敗。不聽齊侯通於姜氏。公謫之。恚以告夏齊侯。饗公公醉。使公子彭生抱公。遂賊公。公薨于車。齊殺彭生。以爲說。子同立。爲莊公。莊元年春。夫人如齊。經書曰。夫人孫于齊。不稱氏。絕屬也。婚媾之禮。合二姓之好。以爲宗廟社稷主。爲先祖後妻著姓。以其夫屬也。姜從淫主。弑得罪於宗廟先君。是絕屬也。父之所絕。子不得而復屬。是以義斷者也。而母子之屬。天性也不可解。諱奔曰孫。厥稱曰夫人。以是爲通恩。然恩不勝義。故絕屬而大歸。爲得禮矣。則知文姜孫不可以復入。莊義斷。不可以

復屬生以其私養可也。復而正位宮闈不可也。沒以其私葬可也。薨而大葬廟祔不可也。而載驅猗嗟之辱絕於萌矣。子思子曰：爲伋也。妻者是爲白也。母不爲伋也。妻者是不爲白也。母此春秋之義也。故莊之不能閑其母也。以孫而復焉。絕而屬焉。故也。說者曰：莊公哀痛以事父誠敬以事母。威刑以督下。車馬饗不俟命。夫人徒往乎。不絕之於父。正各之爲母。從又何可得制也。故去氏絕屬是聖者權也。其與齊侯會。會益數。詩南山所爲刺也。而春秋會。公會齊侯狩書齊人甚之也。已而齊弒其君諸。又姜薨葬以



小君故魯之世有女禍也。自桓莊文姜始也。初文姜欲魯厚於齊。命公曰必娶齊女。而齊女待年不及笄。蓋公生三十有五年矣。始如齊納幣。非禮也。二十三年秋。冊桓宮楹。明年春。刻其桷。以將納夫人。非禮也。御孫諫曰。儉德之共也。侈惡之大也。先君有其德。而君納諸大惡。無乃不可乎。不聽。夏。公如齊逆女。而夫人姜氏入。爲哀姜。公命大夫宗婦覲。用幣。非禮也。御孫曰。男贄大者玉帛。小者禽鳥。以章物也。女贄。不過榛栗棗脩。以告虔也。今男女同贄。是無別也。男女之別。國之大節也。而繇夫人亂之。無乃不可乎。不聽。初。公有庶弟三人。長慶父。次

叔牙次季友而公以文姜命取哀姜年不適無子而與  
慶父通娣叔牙生子開初莊公築臺臨黨氏說孟姚許  
立爲夫人割臂與盟生子般長矣公有疾問嗣於叔牙  
叔牙曰慶父材問季友季友曰父子相繼禮之大節也  
不則啓亂臣以死奉般公患叔牙季子使以君命酖叔  
牙而殺之公薨子般立慶父使圉人賊之于黨氏季子  
奔陳子開立爲閔公請季友於齊季子來歸已慶父卒  
弑閔公季友奉莊公子申如邾慶父奔莒季子奉公子  
申入立之爲僖公請慶父于莒縊殺之哀姜以與亂故  
孫於邾齊桓公召而殺之以尸歸使高子來盟時魯亂



高子將南

之甲以至立僖公而平魯魯人賴之後以

爲美談曰

望高子也而慶父有後於魯曰孟氏叔牙

後曰叔孫氏成季賢以有功世得政於魯爲季氏魯於

是乎有三家亦曰三桓謂桓公所自出也僖公時齊桓

公霸公數往與會盟二十有一年邾滅須句須句子來

奔成風公生母須句出也言於公曰崇明祀保小寡周

禮也蠻夷猾夏周禍也封須句是崇太皞之祀而脩禮

紆禍也公伐邾取須句明年邾來伐公卑邾不設備而

禦之臧文仲曰國無小不可易也無備雖衆不可恃也

詩曰戰戰兢兢如臨深淵如履薄冰又曰敬之敬之天

惟顯恩命不易哉。先王之明德猶無不難也。無不懼也。  
况我小國乎。君其無謂邾小。蠶蠆有毒。况國乎。弗聽。及  
邾人戰于升陘。敗績。獲公胄。懸諸魚門。自齊桓公歿。楚  
爭霸時。衛睦於楚。公會莒子衛甯。遠盟于向。齊孝公思  
繼霸。討二盟來伐我。北鄙公使展喜犒師。使受命於展  
禽。齊侯未入竟。展喜從之。曰。寡君聞君親舉玉趾。將辱  
于敝邑。使下臣犒執事。齊侯曰。魯人恐乎。對曰。小人恐  
矣。君子則否。齊侯曰。室如懸磬。野無青草。何恃而不恐。  
對曰。恃先王之命。昔周公太公股肱周室。夾輔成王。成  
王勞而賜之盟。曰。世世子孫無相害也。載在盟府。太師



職之桓公是以糾合諸侯而謀其不協彌縫其闕而匡救其災昭舊職也及君卽位諸侯之望曰其率桓之功

我敝邑用不敢保聚曰豈其嗣世九年而棄命廢職其

君先君何君必不然特此以不恐齊師乃還而公子遂

復如楚乞師

莊公子東門襄仲

以伐齊取穀晉伐衛遣公子買

戍之楚救衛懼晉責殺公子買說焉而說楚人以不卒

戍爲解蓋猥甚矣當僖公時頗能遵周公伯禽之法儉

以足用寬以愛民務農重穀脩牧圉之政國以富實脩

泮宮教焉魯於是乎有頌薨子文公興立二年齡于太

廟躋僖公僖兄閔弟故躋君子以爲失禮夫禮無不順

祀國之大事也。而逆之可乎。僖當閔世。實爲臣子。雖齊  
聖。不先父食久矣。居子與臣之節。而躋之可乎。魯頌曰。  
春秋匪解。享祀不忒。皇皇后帝。皇祖后稷。君子曰。禮謂  
后稷親而先帝也。詩曰。問我諸姑。遂及伯姊。君子曰。禮  
謂姊親而先姑也。故以爲逆祀。文公元妃齊女。日出姜。  
生子惡及視。次妃敬嬴生子倭。敬嬴嬖而私事公子遂。  
東門屬倭於遂。欲立之。文公薨。遂如齊。以請。齊惠公繼  
襄仲亂故。新立。欲親魯。許之。遂還。遂殺惡及視而立倭。是爲  
宣公。經書子卒。諱也。夫人姜氏歸于齊。將行。哭而過市。  
曰。嗚呼。天乎。仲爲不道。殺嫡立庶。市人皆哭。經書曰。夫



人姜氏歸于齊。歸大歸也。不書孫不絕屬。嫌若以罪行  
者然。書歸明之。國人謂之哀姜。元年春公子遂如齊。逆  
女。以夫人至自齊。卽穆姜也。夏季孫行父如齊納賂。齊  
侯會公子平州以定公。公子遂如齊拜成。立非正故也。  
已。苦太子僕弑其君。以寶玉來奔。公命與之邑。曰今日  
必授季孫行父。文使司寇出諸竟。曰今日必達。公問其  
故。行父使史克對曰。先大夫臧文仲教行父事君之禮。  
行父奉以周旋。弗敢失墜。曰見有禮於其君者。事之如  
孝子之養父母也。見無禮於其君者。誅之如鷹鷂之逐  
鳥雀也。先君周公制周禮曰。則以觀德。德以處事。事以

度功。功以食民。作誓命曰。毀則爲賊。掩賊爲藏。竊賄爲盜。盜器爲姦。主藏之名。賴姦之用。爲大凶德。有常無赦。在九刑。不忌行父。還觀於莒僕。莫可則也。孝敬忠信爲吉德。盜賊藏姦爲凶德。夫莒僕則其孝敬則弑君父矣。則其忠信則竊寶玉矣。其人則盜賊也。其器則姦宄也。保而利之。則主藏也。以訓則昏。民無則焉。不度於善而皆在於凶德。是以去之。公莫能難。於是公室卑。而季氏得政。宣公德公子遂之立之也。任其子歸父。與之謀。欲去三桓。遣歸父聘於晉。而薨。季孫行父宣言於朝曰。使我殺嫡立庶者。仲也。夫臧宣叔怒曰。當其時不能治也。



後之人何罪。不聽。遂逐東門氏。歸父還自晉。至笙壇帷而復命。旣復命。祖括髮卽位。哭三踊而出。遂奔齊。公子黑肱立。是爲成公。成公時。晉主夏盟。公如晉。晉侯不禮焉。公欲叛晉。卽楚季孫行父曰。不可。晉雖無道。未可叛也。國大臣力而邇於我。諸侯聽焉。未可以貳楚。雖大非吾族也。公乃止。時叔孫僑如通於穆姜。欲去季孟而專國。公如晉。將行。穆姜請去季孟。公以晉難辭。姜怒。公子偃公子鉏趨過。指之曰。汝不可。是皆君也。公待於壞隕。申宮儼備而後行。僑如譖公于晉卻犇。且賂焉。公至晉。晉侯不見。公還。又往會諸侯伐鄭。將行。姜又命如初。公

又申守而行僑如譖季孫行父于晉請執之而斃孟孫  
蔑晉執行父于茗丘公還待于鄆使公孫嬰齊宣公弟叔盼子

子叔聲伯請季孫于晉曰僑如之情子必聞之矣若去蔑與

行父是大棄魯國而罪寡君也若猶不棄惠微周公之  
福使得事君則夫二人者魯國社稷之臣也朝亾之魯  
必夕亾以魯之密邇仇讐後治之何及卻隼曰吾爲子  
請邑對曰嬰齊魯之常隸也敢介大國以求厚焉承寡  
君之命以請若獲請吾子之賜多矣又何求范文子謂  
樂武子曰季孫於魯相二君矣妾不衣帛馬不食粟可  
不謂忠乎信讒慝而棄忠良若諸侯何子叔嬰齊奉君



命無私謀。國家不貳圖其身。不怠其君。若虛其請。是棄  
善人也。子其圖之。乃許魯平。於是晉卻犇及季孫行父  
盟于扈。而遣之。僑如出奔齊。季文子召其弟豹於齊。而  
立之。刺公子偃。徙穆姜於東宮。而季氏益專。公薨。子襄  
公午立。生四年矣。歲奔命於晉。九年如晉。悼公命之冠。  
冠於衛成宮。已。晉楚爲宋之盟。許以其從。交相見也。公  
朝于楚。楚子昭卒。公會葬。二十有九年。春。王正月。書公  
在楚。釋不朝正于廟也。還及方城。季孫宿取卞。文子子  
武子。  
以自封。使公冶問公。追而與之書。曰。聞守卞者將叛。臣  
帥師徒以討之。旣得之矣。敢告。公曰。欲之而言叛。祇見

也。問公治吾可以入乎。對曰。君實有國。誰敢違君公。欲無入。榮成伯賦式微乃歸。先是邾廢其以漆閭。丘來奔。季孫宿以公姑姊妻之。其從者皆有賜。於是魯多盜。季孫謂臧孫紇曰。必詰盜。紇曰。不可詰也。紇又不能。季孫曰。我有四封。而詰其盜。何故不可。子爲司寇。將盜是務去。若之何。不能臧。紇曰。子召外盜。而大禮焉。何以止吾盜。子爲正卿。而來外盜。使紇去之。將何以能。庶其竊鬻於邾以來。子以姬氏妻之。而與之邑。其從者皆有賜焉。若大盜禮焉。以君之姑姊。與其大邑。其次皂牧輿馬。其小者衣裳劔帶。是賞盜也。賞而去之。其或難焉。紇也。



聞之在上位者。洒濯其心。壹以待人。軌度其信。可明微也。而後可以治人。夫上之所爲。民之歸也。上所不爲。而民或爲之。是以刑罰加焉。而莫敢不懲。若上之所爲。民亦爲之。乃其所也。又可禁乎。季孫莫能難已。遂滅氏。統奔邾。襄公薨。子野卒於段。立敬歸。弟齊歸之子公子稠。是爲昭公。叔孫豹曰。太子死。有母弟則立之。無則立長年。鈞擇賢。義鈞則卜。古之道也。非適嗣。何必弟之子。且是也。居喪而不哀。在慤而有嘉容。是謂不度。不度之人。鮮不爲患。季孫不聽。卒立之。比葬。三易衰。衰衽如故。衰於是。昭公生十九年矣。猶有童心。君子以是知其不

也。元年叔孫豹穆叔會諸侯于驪。而季孫宿伐莒取

於是莒人告於會曰。尋盟未退。而魯伐莒。瀆齊盟矣。

而戮其使。樂王鮒相趙文子。欲求貨於叔孫。而爲請弗

與。梁其鏗曰。貨以藩身子。何愛焉。叔孫豹穆叔曰。諸侯之

會。衛社稷也。我以貨免。魯必受師。是旤之也。何衛之有。

雖怨季孫。魯國何罪。叔出季處。有自來矣。吾又誰怨。鮒

請不已。召使者。裂裳帛而與之。趙孟聞之曰。臨患不忘

國。忠也。思難不越官。信也。圖國忘死。貞也。謀主三者。又

可戮乎。乃爲請於楚曰。魯雖有罪。其執事不避難。畏威

而敬命。盍免之。以勸事君。乃免叔孫。叔孫歸。曾天御季。



孫勞之旦及日中不出。曾天謂曾阜曰：魯以相忍爲國  
久矣，恐其外不忍，其內何居？阜曰：數月於外，一旦於是  
庸何傷？賈而欲贏，能惡置乎？阜人謂叔孫叔孫指楹曰：  
雖惡，是是其可去乎？乃出見之。禮天子六軍，諸侯大國  
三軍，魯舊有三軍，後削弱，二軍而已。襄公時，季孫宿欲  
一卿主一軍之賦，益中軍爲三軍，以爲名。蓋三分公室，  
而各有其一。至是，復毀中軍，而四分公室。季氏擇二，二  
子各一，盡征之，而貢于公。而魯公無民。當是時，晉趙文  
子卒，公室卑，韓宣子爲政，懼六卿爭於賂，魯不堪。晉求  
讒，患弘多，昭十年公會諸侯于平丘，且盟，用邾人莒人。

公不與盟。十五年冬，公如晉，見止而季孫意如悼。

子紇子季平子也。

叔孫舍。

穆叔子昭子一作媯。

皆見執。公如晉，自郊勞至。

于贈賄無失禮。晉侯謂女叔齊曰：「晉侯不亦善於禮乎？」對曰：「是儀也，不可謂禮。禮所以守其國，行其政令，無失其民者也。今政令在家，不能取也；有子家羈弗能用也。奸大國之盟，陵虐小國，利人之難，不知其私，公室四分，民食於他，思莫在公，不圖其終，爲國君難，將及身，不恤其所。禮之本末，將於此乎在？而屑屑焉習儀以亟，言善於禮，不亦遠乎？」君子謂叔侯於是乎知禮。夫人齊歸薨，大蒐于比蒲。晉士之送葬者歸，以告叔向曰：「君有大喪。」



國不廢蒐有三年之器而無一日之惑國不恤器不忌

君也君無憾容不顧親也國不忌君君不顧親能無卑

乎始其失國是時季孫專與諸大夫多怨季公若其庶

叔父也亦怨之獻弓於公子務人公與射於郊而謀去

季氏公爲告公果公賁皆公庶子也公果公賁以告公

公以謂臧孫昭伯臧孫以難告謂郈孫昭伯郈孫以可勸謂

子家羈襄仲孫歸父子懿伯子家羈曰讒人以君僥倖事若不克

君受其名不可爲也舍民數世以求克事不可必也且

政在焉其難圖也公退之辭曰臣與聞命矣言若洩臣

不獲死所乃館于公於是公伐季氏入之意如登臺而

請曰。君不察臣之罪。使有司討臣。以干戈。臣請待於沂。  
上以察罪。弗許。請以五乘。弗許。子家子曰。君許之政。  
自之出久矣。隱民多取食焉。爲之徒者衆矣。日入。慝作。  
弗可知也。衆怒不可畜也。畜而弗治。將蘊蘊畜。民將生。  
心。生心。則同仇將合。君必悔之。弗聽。邠孫曰。必殺之。公。  
使邠孫逆孟孫何忌。子懿時叔孫舍如闕。子昭叔孫氏之司。  
馬驥戾曰。我家臣也。不敢知國。凡有季氏與無。於我孰。  
利。皆曰。無季氏。是無叔孫氏也。驥戾曰。然則敕諸帥。徒。  
以往。陷西北隅以入。公徒釋甲。執冰而踞。逐之奔。而孟。  
氏執邠昭伯。殺之於南門之外。遂伐公徒。子家子曰。諸。



臣爲刼君者。負罪以出。君止意如之事君也。不敢不敗。  
公曰。余不忍也。與臧孫如墓謀。遂行。孫于齊。次于揚州。  
齊侯唁公于平陰。曰。自莒疆以西。請致千社。以待君命。  
寡人將帥敝賦。以從執事。唯命是聽。君之憂寡人之憂  
也。公喜。子家子曰。天祿不再。天若胙君。不過周公。以魯  
足矣。失魯而以千社爲臣。誰與之立。且齊君無信。不如  
早之晉。弗從。臧昭伯將率諸從者以。載書曰。戮力壹  
心。好惡同之。信罪之有無。繼繼從公。無通外內。以公命  
示于家子。子家子曰。如此。吾不可以盟。羈也不佞。不能  
與二三子同心。而以爲皆有罪。或欲也。外內且欲去。

二三子好亾而惡定焉。可同也。陷君於難。罪孰大焉。通  
鄰內而去君。君將速入。弗通。何爲而何守焉。乃不與盟。  
明年春。齊取鄆。公至自齊。屬于鄆。叔孫舍昭自闕歸。見  
季孫。意如。意如稽顙曰。子若我何。叔孫曰。人誰不殆。子  
以逐君成名。子孫不怠。不亦傷乎。將若子何。意如曰。苟  
使意如得改事君。所謂生死而肉骨也。昭子從公於齊。  
與公言。將安衆而納公。歸。意如有異志。於是齊於其寢。  
使宗祝祈死。後七日卒。於是乎內外不通。又明年。宋衛  
謀納公。請于晉。趙獻子取貨於季孫。辭以難復。又明年。  
公如晉。將如乾侯。子家子曰。有求於人。而卽其安。人誰



矜之。其造於竟弗聽。使請逆於晉。晉人曰。天禍魯國。君淹恤在外。君亦不使一介辱在寡人。而即安於甥舅。其亦使逆君。使公復于境而後逆之。二十有九年。公自晉反。居于鄆。冬。鄆潰。不能外內也。公如晉。乾侯。晉侯將以師納公。趙獻子曰。若召季孫而不來。則信不臣矣。然後伐之。若何。使召季孫。獻子使私焉。曰。子必來。我受其無咎。季孫意如會晉荀躒于適。歷荀躒曰。寡君使躒謂吾子何故出。君有君不事。周有常刑。子其圖之。季孫練冠麻衣。跣行。伏而對曰。事君臣之所不得也。敢逃刑命。君若以臣爲有罪。請囚于費。以待君之察也。亦惟君若以。

先臣之故不絕季氏而賜之死。若弗叔弗亾。君之惠也。死且不朽。若得從君而歸。則固臣之願也。敢有異心。於是季孫從荀躒。如乾侯。子家子曰。吾與之歸。一慙之不忍。忍終身慙乎。公曰諾。衆曰。在一言矣。君必逐之。荀躒以晉侯之命。唁公。且曰。寡君使躒以君命討。意如意。如不敢逃死。君其入也。公曰。君惠顧先君之好。施及亾人。將使歸。冀除宗祧。以事君。則不能見夫人已。所能見夫人者。有如河。荀躒掩耳而走。曰。寡君其罪之恐。敢與知魯國之難。退而語季孫曰。君怒未怠。子姑歸祭。子家子曰。君以一乘入于魯師。季孫必與君歸。公欲從之。衆從。



者脅公不得歸。初，公子公衍、先生務人母誣告公，得易位。爲兄及是，公思魯曰：「務人爲此禍也。」乃黜之。以公衍爲太子。三十有二年，冬，十有二月，公薨於乾侯。書傷失所也。季孫使叔孫不敢。成逾公喪于乾侯。且曰：「子家子，亟言於君，未嘗不中吾志也。吾欲與之從政，必止之。」且聽命焉。子家子不見叔孫，易幾而哭。叔孫請見。子家子辭曰：「羈未得見，而從君以出，君不命而薨，羈不敢見。」叔孫使告之。曰：「公衍、公爲實使群臣不得事君。若公子宋、主社稷，則羣臣之願也。凡從君出而可以入者，將惟子。」是聽于家氏。未有後。季孫願與子從政，敢告。對曰：「君重。」

志則有卿士大夫若守龜在羈弗敢知若從君則覩而出者入可也。寇而出者行可也。若羈則君知其出也。而未知其入也。羈將逃也。遂去之。明年夏六月公之喪至。自乾侯公子宋立。襄公子、昭公弟是爲定公。季孫葬昭公於墓道南。孔子之爲司寇也。溝而合諸墓。春秋定元年春王無正月。定無正也。昭公之終非正終也。定之始非正始也。故無正也。若曰不正其卽位也。爾故定哀之間多微辭。主人習其辭而問其傳。未知已之有罪焉。趙簡子問於史墨曰。季子出共君而民服。諸侯與之。君死於外而莫之或罪何也。對曰。物生有兩有三有五有陪貳。故天



有三辰。地有五行。體有左右。人有妃耦。王有公。諸侯有卿。皆有貳也。天生季氏。以貳魯侯。爲日久矣。魯世從其失。季氏世脩其勤。民忘君矣。社稷無常奉。君臣無常位。自古以然。故詩曰。高岸爲谷。深谷爲陵。三后之姓。於今爲庶。主所知也。昔成季友始震而卜。卜人謁之曰。生有嘉聞。其名曰友。爲公室輔。旣而有大功於魯。受費以爲上卿。文子武子增其榮。不廢。魯文公薨。而東門遂殺嫡立庶。於是乎政在季氏。今四公矣。民不知君。何以能國。是以爲君。愼器與名。不可以假人。自季孫專國。陪臣效尤。而南蒯實首以費畔。曰。吾以張公室也。意如卒。陽虎

欲以璫璣歛仲梁懷曰弗可改步改玉而季孫斯嗣桓  
公山不狃與陽虎比而囚季孫及公父文伯而逐仲梁  
懷其後季寤公鉏極與公山弗狃皆不得志於季氏叔  
孫輒無寵於叔孫氏叔仲不得志於魯故五人因陽虎  
虎欲去三桓以季寤更季氏叔孫輒更叔孫氏而已更  
孟氏禘于僖公正僖閔位順祀以爲名祈焉將享季孫  
於蒲圃而殺之不克戰于國都矢著于莊門脫甲如公  
宮取寶玉大弓以出舍于五父之衢入于謹陽闔以叛  
出奔齊已奔晉亂甚矣經不書書盜竊寶玉大弓曰足  
盜而已矣盜竊重器誰之爲也先其本而已矣虎南蒯



犯弗擾。未始不以張公室爲口實。春秋奪之而不予。微之而不著。以貴治賤。不以賤治貴。以賢治不肖。不以不肖治賢。故曰。是盜而已矣。於是季孫斯思難言於定公。舉孔子爲司寇。攝國政。魯以大治。定十年。公會齊侯于夾谷。孔子相犁鉏言於齊侯曰。孔丘知禮而無勇。若使萊人以兵劫魯侯。必得志焉。齊侯從之。孔子以公退。曰。士兵之。兩君用好。而裔夷之俘。以其亂之。非齊君所以命諸侯也。裔不謀夏。夷不亂華。俘不干盟。兵不偏好。於神爲不祥。於德爲愆義。於人爲失禮。君必不然。齊侯慙。謝將饗公。孔子謂梁丘據曰。旣成禮矣。而又饗之。是

勤執事也。且犧象不出門。嘉樂不野合。饗而既具。是棄禮也。若其不具。用秕稗也。秕稗君辱。棄禮名惡。子盍圖之。夫饗所以昭德也。不昭不如其已。乃不果饗。於是齊侯自慙失義。來歸魯鄆。謹陰之田。時孔子行乎季孫。季孫不違。乃言於定公曰。臣聞家不藏甲。大夫無百雉之城。今過制。請損之。於是命墮三都。叔孫州仇武帥師墮郕。季孫斯桓仲孫何忌懿帥師墮費。公山不狃帥費人以襲魯。公入季氏之宮。登臺焉。仲尼命申句須樂頤下伐之。費人北。不狃奔齊。公斂處父。謂孟孫曰。成孟氏之保障。無成。是無孟氏也。子陽不知。我不墮。伐之不克。無



何齊歸女樂以沮孔子。季孫斯受之。三日不朝。孔子行。  
公薨。子哀公蔣立。立十二年。而冉有用於魯。有功。魯人  
思孔子。迎之。衛。孔子反于魯。十六年。孔子卒。公誅之曰。  
旻天不弔。不憖遺一老。俾屏予一人。在位。熒熒予在疚。  
嗚呼。哀哉。尼父。子貢曰。君其不沒於魯乎。生不能用。沒  
而誅之。非禮也。稱予一人。非名也。夫子之言曰。禮失則  
昏。名失則愆。已公欲以越伐魯。去三桓。三桓攻公。公孫  
于衛。已如邾。遂如越。國人迎公以歸。居于有山氏。子悼  
公立。三家如君。而君昇於三桓之家。悼公薨。子元公嘉  
立。元公薨。子參立。參立。繆公賢。以公儀休爲政。子

柳子思爲臣。毀不居之室。以賜窮民。奪嬖寵之祿。以賑困匱。國稍康然。終蒞甚不復振也。至曾孫平公。用樂克爲政。以克言欲往見孟子。然竟沮。又三傳至頃公。乃爲楚所滅。魯起周公至頃公。凡三十有四世。

論曰。昔尼父於魯。數數然矣。曰。吾其東周。又歎其一變。至道至觀于杞宋。傷夏商無徵。曰。舍魯何適。重之矣。及太史公次魯世家。歎之曰。何其亂也。其揖讓之禮。則從矣。而行事何其戾也。蓋孔子志周公。寤寐六典之行。又世魯人。於是乎。本魯史作春秋。假周公之後。而寄之禮。重魯者。重周公也。



衛 衛姬姓侯爵。自武王平殷。封弟康叔於殷。以靖殷。  
作康誥。酒誥。歷十世爲武公和。德稱睿聖。入相王有功。  
風淇澳。雅抑初筵作焉。子莊公揚。娶于齊東宮。得臣之。  
妹曰莊姜。笑而不答於公。以無子。衛人所爲賦碩人者。  
也。又娶于陳。曰厲妃。生孝伯。早卒。婦戴嬀。生桓公。莊姜。  
以爲己子。公子州吁。嬖人之子也。有寵好兵。公弗禁。莊。  
姜惡之。石碏諫曰。臣聞愛子。教之以義。方弗納于邪。驕。  
奢淫佚。所自邪也。四者之來。寵祿過也。將立州吁。乃定。  
之矣。若猶未也。階之爲禍。夫寵而不驕。驕而能降。降而。  
不憾。憾而能眇者。鮮矣。且夫賤妨貴。少陵長。遠間親。新。

傳小加大。淫破義。所謂六逆也。君義臣行。父慈子孝。兄愛弟敬。所謂六順也。去順效逆。所以速禍也。君人者。將禍是務去而速之。無乃不可乎。弗聽。其子厚與州吁游。禁之。不可。桓公立。乃老已。州吁弑桓公。戴嬀歸于齊。莊姜賦燕燕送焉。賦日月終風。悼焉。而州吁請宋釋憾于鄭。將宋魯陳蔡之師以伐鄭。衛人所爲。賦擊鼓者也。隱公問於衆仲曰。衛州吁其成乎。對曰。臣聞以德和民。未聞以亂以亂。猶治絲而棼之也。夫州吁阻兵而安忍。阻兵無衆。安忍無親。衆叛親離。難以濟矣。夫兵猶火也。不戢將自焚也。已。州吁未能和其民。厚問定君於石子。



石子曰王覲爲可。曰何以得覲。曰陳桓公方寵于王。陳衛方睦。若朝陳使請。必可得也。厚從州吁如陳。石碚使告于陳。曰衛國禍小老夫耄矣。無能爲也。此二人者實弑寡君。敢卽圖之。陳人執之而請泄于衛。九月衛人使宰醜泄殺州吁于濮。石碚使其宰孺牟肩泄殺石厚于陳。君子曰碚純臣也。惡州吁而厚與焉。以大義滅親。且也在微能諫。卽變知通入老而蟄起而鷹從。石子其猶龍乎。碚靖伯孫於是衛人立晉曰宣公。宣公烝於夷姜。生子伋爲之娶於齊而美。自取之。生壽及朔。夷姜縊。詩人賦。薊有苦葉。賦新臺者也。宣姜曰。子伋公使諸齊使

命惡川子矣。將行。壽子飲之酒。而載其旌以先。盜殺之。  
飯至曰。我之求也。此何罪。又殺之。詩。子乘舟之所爲。  
賦也。宣公卒。衛侯朔立。左公子洩右公子職。不平朔之  
立也。立公子黔牟。朔奔齊。齊襄率諸侯納衛朔于衛。王  
人子突救衛。衛侯朔入于衛。殺左右公子。黔牟奔周。朔  
何以名絕也。曷爲絕之。犯王命也。而二公子之立。黔牟  
亦爲不度矣。夫能固位者。必度於本末。而後立。襄焉不  
知其本。不謀知本之不枝。弗強。詩曰。本枝百世。謂此也。  
自衛莊宣淫。溺女成俗。耻心亡。而淇沫上宮之間。風潰。



放決鵠奔桑中作焉。惠公卒，子懿公赤立。自惠公殺伋  
得位，至懿公，百姓大臣皆不服。而懿公淫於樂，好鶴鶴。  
有栗軒者，狄伐衛，將戰，國人受甲者曰：「使鶴鶴，實有位。」  
余焉能戰？是以甚敗。狄遂滅衛。衛思立太子伋之後，伋  
子又死，而代伋死者壽。又無子，太子同母弟二人，其一  
曰黔牟，得立，出奔周者也。其一日昭伯，昭伯已前卒，故  
立昭伯子申爲戴公。戴公卒，復立其弟燬爲文公。齊桓  
公霸，率諸侯伐翟，爲衛城。楚丘文公當滅，亡後輕賦，平  
罪，身自勞，衣大布之衣，冠大帛之冠，與百姓同苦，以收  
衛。務材訓農，通商惠工，敬教勸學，授方任能。定之方中。

于旄所爲賦也。元年革車三十乘。季年三百乘。十八年。邢狄伐衛。文公朝以國讓其父兄子弟及有衆衆不可。而後師於訾婁。狄懼而退。其後齊桓公薨。宋襄公以曹衛邾之師伐齊。殺武孟。無立孝公。邢人狄人伐衛以救齊。衛遣禮至以昆弟仕焉。從邢子廵城掖以投城外而殺之。因滅邢。諸侯不生名。春秋書衛侯燬滅邢。滅同姓也。董子曰。滅同姓名爲其背本祖而忘先也。末年晉文公以公子出亡過衛。衛文公不禮焉。旣得國伐衛而文公薨矣。子成公鄭出奔楚。元咺奉公弟叔武以受盟。或訴元咺于衛侯曰。立叔武矣。衛侯殺其子角。元咺不廢。



命奉叔武以守已。晉人復衛侯甯武子。俞與衛人盟于  
宛濮。曰：天禍衛國，君臣不協，以及此憂也。今天誘其衷，  
使皆降心以相從，不有居者，誰守社稷？不有行者，誰扞  
牧圉？用昭乞盟于爾大神。自今日以往，覲盟之後，行者  
無保其方，居者無懼其罪。有渝此盟，以相及也。明神先  
君，是糾是殛。國人聞此盟也，而後不貳。衛侯入，叔武方  
沐，聞君至，喜，捉髮而出，前驅射而殺之。公知其無罪也，  
枕之股而哭。元咺奔晉，訟衛侯與元咺訟甯武子爲輔。  
鍼莊爲之，不勝，則鍼莊子謂甯俞忠而免之，執衛侯  
歸于京師。深室甯俞職納橐餗焉。晉人使醫衍醢

衛侯甯俞貨醫使薄其醜得不死魯僖公爲之請乃釋  
衛侯衛侯再出而終有衛國武子之力也孔子歎之以  
其愚爲不可及焉秋衛殺其大夫元咺成公薨傳穆公  
邀定公藏獻公衎立衎定公庶子也無道戒孫林父甯  
殖食服而朝日盱不召而射鴻於囿二子從之不釋皮  
冠而與之言二子怒弁帑於戚而八伐公公奔齊及境  
使宗祝告亾且告無罪定姜曰無神何告若有不可誣  
也有罪若何告無舍大臣而與小臣謀一罪也先君有  
冢卿以爲師保而蔑之二罪也予以巾櫛事先君而暴  
妾使予三罪也告亾而已毋告無罪孫林父甯殖乃立



定公弟剽爲君。曰。殤公。後十二年。衛獻公使與甯喜言。求復喜曰。必子鮮在。使公子鮮。子鮮獻公之母弟鱣也。子鮮不可敬。則命之曰。君無信。懼不免也。強之。乃許。以公命命喜曰。苟反政。繇甯氏祭。則寡人於是喜弑其君。剽而攻孫氏。衛侯衎復歸于衛。孫林父以戚入于晉。晉人率諸侯以伐衛。執衛侯已而歸之。明年衛侯殺甯喜。子鮮曰。逐我者出。納我者死。賞罰無章。何以沮勸。君失其信。而國無刑。不亦難乎。且鱣實使之。遂出奔。止之。不可。託於木門。終身不鄉衛國而坐。亦終身不仕。穀梁曰。子鮮急納其兄。而與人之臣謀弑其君。是亦弑君也。乃

繼絢邯鄲。其去也有合乎春秋。初太叔文子聞衛難。曰。嗚呼。詩曰。我躬不閱。遑恤我後。甯子可謂不恤其後矣。君子之行。思其終也。思其復也。書曰。慎始而敬終。終以不困。詩曰。夙夜匪懈。以事一人。今甯子視君不如奕棋。其何以免。奕者舉棋不定。不勝其耦。况置君而弗定。必不免矣。獻公卒。傳襄公。靈公而衛有蒯聵。輒之亂。靈公多外嬖。夫人南子淫於內。世子蒯聵出奔。公命公子郢後對曰。郢也不足以辱社稷。有人之子輒在。公薨。輒立。曰。出公。晉趙簡子納故太子。于戚。孔惺開之。得立。爲莊公。已逐惺。盡去衛之。以者而背晉。於是趙



鞅圍衛衛人出莊公而與晉平後復入暴爲國人所弑。  
而復入出公衛益衰不振至戰國自貶號曰比秦而滅。  
太史公曰余讀世家言至於宣公之太子以婦見誅弟  
壽爭死以相讓此與晉太子申生不敢明驪姬之過同。  
俱惡傷父之志然卒死何其悲也。或父子相殺。或兄  
弟相殘。亦獨何哉。

○齊 齊姜姓侯爵。炎帝之裔也。有虞時四岳佐禹平  
水土有功。賜姓姜氏。國于呂。逮商末而微。呂尚德賢聖。  
仰給於屋。鈞以老。困甚。聞西伯善養老。行歸之。西伯將  
出獵。卜之曰。所獲非龍非鸞。非虎非羆。霸王之師。於是

西伯出遇尚於渭之陽。異其氣貌。且老矣。與語大說之。  
曰。白。吾。君。太公曰。當有聖人適周。周以興。子真是耶。  
吾太公望子久矣。號之曰太公望。載與俱歸。武王卽位。  
師尊之。號曰師尚父。王伐商。皆太公本謀。故其詩曰。惟  
師尚父。惟時鷹揚。亮彼武王。爰伐大商。會朝清明。以佐  
命功。封於營丘。國曰齊。公就國。旅宿逆旅之人相語曰。  
客寢甚安。非就國者。公聞之。攬衣宵行。質明而至。因其  
俗。簡其禮。建國本齊。以大治。而人民多歸。齊子丁公伋。  
見顧命。後十二世爲僖公。入春秋。與衛侯胥命于蒲。不  
盟也。蓋其信也。襄公諸兒淫。無道。殺魯桓公。通其夫人。



誅殺數不當。國亂。亂將作。鮑叔牙奉次弟公子小白出奔莒。及無知弑襄公。召忽管仲奉少弟糾出奔魯。已。齊人殺無知。大夫高傒陰使人召小白於莒。而魯人亦以兵納糾。小白先入。得立。爲桓公。桓公旣得國。使鮑叔爲宰。辭曰。君惠加于臣。使不凍餒。則君之賜也。必若治國家。則非臣之所任也。其管夷吾乎。臣所不若夷吾者五。寬惠柔民。弗若也。治國家不失其柄。弗若也。忠信可結於百姓。弗若也。制禮義可法於四方。弗若也。執枹鼓立軍門。使百姓加勇焉。弗若也。桓公曰。夫管夷吾射寡人中鉤。是以

俱於死。鮑叔對曰。夫爲其君動也。君若宥而

反之夫猶是也。桓公使人請於魯曰：子糾兄弟弗忍誅也。請裁之。召忽管仲讎也。請得而甘心焉。不然將圍魯。魯殺子糾及召忽。獨囚管仲以來。使鮑叔牙迓受於堂。臯脫桎梏焉。公親迎之郊。禮饗之廟。而問政。管仲對曰：昔聖王之治天下也。參其國而伍其鄙。定民之居。成民之事。爲民紀。而謹用其殺生。貴賤貧富之六柄焉。公問何謂成民之事。對曰：四民者。勿使雜處。雜處則其言麗。其事易。故聖王之處士也。使居閒處工。就官府處商。就市井處農。就田野。令夫士。耕而食。處燕閒。則父與父言義。子與子言孝。其事君者。敬其幼者。言第少而



習焉。長而安焉。不見異物而遷焉。是故其父兄之教。不  
肅而成。其子弟之學。不勞而能。夫是故士之子恒爲士。  
令夫工群聚而州處。相良材。審其四時。辯其功苦。權節  
其用。論比其斷制。旦暮從事。器尚完利。以飭其子弟。相  
語以事。相示以巧。相陳以功。令夫商群聚而州處。察其  
四時。觀豐凶。而監其鄉之貨。以知其市之賈。負任擔荷。  
服牛輶馬。以周四方。以其所有。易其所無。市賤鬻貴。旦  
暮從事。以飭其子弟。相語以利。相示以賴。相陳以知賈。  
令夫農群聚而州處。察四時。具備其用器。耒耜耨芟。及  
寒擊草除田。以待時耕。及耕深耕均種。而疾耰之。以待

時雨時雨既至。挾其槍刈。耨鎛。脫衣就功。茅蒲纈。襌。澆。體塗足。暴其髮膚。盡其四肢之敏。以旦暮從事於田野。少而習焉。長而安焉。不見異物而遷焉。是故其父兄之教。不肅而成。其子弟之學。不勞而能。是故工之子恒爲工。商之子恒爲商。農之子恒爲農。農野處而不暱。其秀民之能爲士者。必足賴也。故以耕則多粟。以士則多賢。公曰。定民之居。若何。對曰。制國爲二十一鄉。工商之鄉六。士農之鄉十五。公帥十一鄉焉。國子帥五鄉焉。高子帥五鄉焉。參國起案。以爲三官。立三官之臣。工立三族。澤立三虞。山立三衡。公曰。伍鄙若何。對曰。相地而哀征。



則民不移政。不遺舊。則民不偷。出澤各致其時。則民不  
旬。陸阜陵塹。井田疇均。則民不憾。無奪民時。則百姓富。  
犧牲不畧。則牛羊遂。公曰。善。寡人欲修政以干時于天  
下。其可乎。對曰。可。公曰。安始而可。對曰。始於愛民。公修  
公族。家修家族。相連以事。相及以祿。則民親矣。赦舊罪。  
修舊宗。立無後。則民殖矣。省刑罰。薄稅歛。則民富矣。鄉  
建賢士。使教於國。則民有禮矣。出令不改。則民正矣。此  
愛民之道也。公曰。善。民富以親。則可使之乎。對曰。舉財  
長工。以正民用。陳力尚賢。以勸民知。加刑無可。以濟百  
姓。行之無私。足以容衆矣。出言必信。則令不窮矣。此使

民之道也。公曰善。吾欲從事於諸侯。其可乎。對曰未可。國未安。公曰安國若何。對曰修舊法。擇其善者而綦用之。遂滋民。與無財。寬征役。而敬百姓。公曰國安矣。可乎。對曰未可。君若正卒伍。修甲兵。大國亦將正卒伍。脩甲兵。君有攻伐之器。小國諸侯有守禦之備。則難以速得志矣。君若欲速得志於天下。可以隱令。可以寄政。公曰爲之若何。對曰作內政而寄軍令焉。制五家爲軌。軌爲之長。十軌爲里。里置有司。四里爲連。連爲之長。十連爲鄉。鄉有良人焉。以爲軍令。五家爲軌。故五十人爲小戎。里有司帥之。四里爲連。故二百人爲卒。連長帥之。十連



爲鄉故二千人爲旅鄉良人帥之五鄉一帥故萬人爲  
軍五鄉之帥帥之三軍故中軍之鼓有國子之鼓有  
高子之鼓春以蒐振旅秋以獮治兵是故卒伍整於里  
軍旅整於郊內教旣成勿使遷徙伍之人祭祀同福死  
喪同恤禍災共之人與人相疇家與家相疇世同居少  
同游故夜戰聲相聞足以不乖晝戰目相見足以相識  
其歡欣足以相死居同樂行同和死同哀是故守則同  
固戰則同疆君有此士也三萬人以方行天下以誅無  
道以屏周室天下大國之君莫之能禦正月之朝鄉長  
復事君親問焉曰於子之鄉有居處爲義好學孝於父

母聰慧質仁發聞於鄉里者有則以告有而不以告謂之蔽明其罪五有司已於事而竣公又問焉曰於子之鄉有拳勇股肱之力秀出於衆者有則以告有而不以告謂之蔽賢其罪五有司已於事而竣公又問焉曰於子之鄉有不慈孝於父母不長悌於鄉里驕躁淫暴不用上令者有則以告有而不以告謂之下比其罪五有司已於事而竣國子退而脩鄉鄉退而脩連連退而脩里里退而脩軌軌退而脩伍伍退而脩家是故匹夫有善可得而舉也匹夫有不善可得而誅也政旣成鄉不越長朝不越爵罷士無伍罷女無家士三出妻逐



於境外女三嫁入於春穀。夫是故民皆勉於善。與其爲  
善於鄉也。不若爲善於里。與其爲善於里也。不若爲善  
於家。是故士不敢言一朝之便。皆有終歲之計。莫敢有  
終歲之議。皆有終身之功。蓋管仲相三日而定政。三月  
而論百官。乃言曰。於今之臣。升降揖讓。進退習閑。辯辭  
之剛柔。臣不如隰朋。請立爲大行。墾草辟土。聚粟衆多。  
盡地之利。臣不如甯戚。請立爲大司田。平原廣牧。車不  
結轍。鼓之。三三軍之士不旋踵。視死如歸。臣不如王子  
城父。請立爲司馬。決獄折中。不殺無辜。不誣無罪。臣不  
肖。無請立爲大司理。犯君顏色。進諫必忠。不避

亾不撓富貴。臣不如郭牙。請立以爲大諫。於是祿賢能。均力政。其下令如源。務順人心。俗之所欲。因而予之。俗之所否。因而去之。設輕重魚鹽之利。以贍貧窮。而國人大說。重聘幣。親諸侯。反四鄰之侵地。乃脩封疆。南至陶陰。西至于濟。北至于河。東至于紀鄆。革車八百乘。擇天下之甚淫亂者。先征之。而霸功立。二年伐譚。譚子奔莒。譚無祖也。四年滅遂。會北杏。平宋亂。遂不至也。五年會魯侯于柯。將盟。魯人曹劌登却盟。曰。願反汶陽之田。管子顧公曰。許諾已明。而悔之。管仲曰。無已許之。而倍信殺之。愈一小快耳。而棄信失天下之諸侯。不可。



故要盟可犯而桓公不欺桓之信著於天下自柯之盟始也已宋背北否之盟公請于王王命單伯會師以伐宋會于鄆宋服也明年復會鄆齊始霸也鄭侵宋桓公以宋衛伐鄭會宋陳衛鄭許滑滕諸侯同盟于幽鄭成也書同盟志同欲也穀梁子曰同尊周也桓會不致安之也桓盟不日信之也信其信仁其仁衣裳之會十有一未嘗有歟血之盟信厚也兵車之會四未嘗有大戰愛民也當是時王室多故四夷交侵燕有戎患邢衛有狄患楚僭王猾夏江漢宋鄭之間無慮多楚患而是時魯莊公薨夫人慶父淫於內子般卒閔公弑魯於是乎

曠年無君。桓公遣仲孫湫如魯。省魯難。仲孫歸曰。不去  
慶父。魯難未已。公曰。去之。柰何。對曰。難不已。將自斃。君  
姑待之。公曰。魯可取乎。對曰。不可。魯秉周禮。周禮所以  
本也。臣聞之。國將亡。本必先傾。而後枝葉從之。魯不棄  
周禮。未可動也。君其務寧魯難。而親之。親有禮。因重固。  
間携貳。覆昏亂。伯王之器也。公曰。善。於是召哀姜而斃  
之。遣高子如魯。泄盟。定僖公。而還。於是山戎伐燕。齊救  
燕。遂伐山戎。至于孤竹。俾燕脩王貢而還。燕伯送桓公。  
遂至于齊境。桓公曰。非天子。諸侯相送。不出境。於是割  
燕君所至地。以昇燕。而諸侯益附。狄伐邢。管仲言於桓



公曰。戎狄豺狼。不可厭也。諸夏親暱。不可棄也。宴安酖  
毒。不可懷也。詩云。豈不懷歸。畏此簡書。簡書。同惡相恤  
之謂也。請救邢。以從簡書。遂救邢。邢潰出奔師。師逐狄  
人。具器用。城夷儀。而遷之。師無私焉。已狄滅衛。公救衛  
爲衛城楚丘。立衛文公。使公子無虧帥車三百乘。甲士  
三千人。戍焉。歸衛侯乘馬。祭服。牛。羊。豕。雞。狗。皆三百。歸  
衛夫人魚軒。重錦。衛人所爲。賦木瓜者也。邢遷如歸。衛  
國忘亡。桓公會宋公。桓陳侯。宣衛侯。又鄭伯。文許男。穆  
曹伯。昭以侵蔡。蔡潰。遂伐楚。楚子使與師言曰。君處北  
海。寡人處南海。唯是風馬牛不相及也。不虞君之涉吾

地也。何故？管仲對曰：昔召康公命我先君太公曰：五侯九伯，女實征之，以夾輔周室。賜我先君履，東至于海，西至于河南，至于穆陵，北至于無棣，爾貢包茅不入，王祭不供，無以縮酒，寡人是徵；昭王南征而不復，寡人是問。對曰：貢之不入，寡君之罪也，敢不供。給。昭王之不復，君其問諸水濱。楚未有服，辭。師進，次于陘。楚子使屈完如師。楚服。已，師退，次于召陵。桓公陳諸侯之師，與屈完乘而觀之。公曰：豈不穀是爲？先君之好，是繼。與不穀同好，如何？對曰：君惠徼福於敝邑之社稷，辱收寡君，寡君之願也。公曰：以此衆戰，誰能禦之？以此攻城，何城不克？對



曰。君若以德綏諸侯。誰敢不服。若以力。楚國方城以爲城。漢水以爲池。雖衆無所用之。屈完及諸侯盟。而楚平王世子之母死。惠后生叔帶。嬖欲立之。桓公率諸侯會王世子于會止。以定其位。鄭伯逃歸。不盟。公伐鄭。楚人圍許。以救鄭。諸侯救許。明年復伐鄭。管仲曰。招攜以禮。懷遠以德。德禮不易。無人不懷。公乃修禮於諸侯。鄭子華聽命於齊。言於桓公曰。洩氏。孔氏。子人氏。三族實違君命。君若去之。以爲成。臣以鄭爲內臣。將許之。管仲曰。君以禮與信屬諸侯。而以姦終之。無乃不可乎。子父不姦。之謂禮。守命共時之謂信。違此二者。姦莫大焉。公曰。

諸侯有討於鄭。未捷也。苟有變從之。不亦可乎。對曰。君若綏之以德。加之以訓辭。而率諸侯以討鄭。鄭將覆亡之不暇。豈敢不懼。若總其罪人以臨之。鄭有辭矣。何懼。且夫合諸侯以崇德也。德刑禮義。無國不記。會而列姦。君盟替矣。作而不記。非盛德也。君其勿許。鄭必受盟。夫子華既爲太子。而介於大國。以弱其國。亦必不免。鄭有叔詹。堵叔師。叔三良爲政。未可間也。公辭焉。子華繇是得罪於鄭。而鄭伯乞盟。惠王崩。王世子以太叔之難告。桓公會宋公。魯侯。衛侯。許男。曹伯於葵。丘盟。諸侯于葵丘。王使宰周公賜齊侯胙。曰。且有後命。天子使孔曰。以



伯舅耄老。加勞。賜一級。無下拜。齊侯對曰。天威不遠。顏  
曰。小白敢貪天子之命。無下拜。恐隕越於下。爲天子  
羞。敢不下拜。下拜登受。已。王子帶與戎翟謀。周桓公使  
管仲平戎于王。王以上卿之禮饗之。仲辭曰。臣賤有司  
也。有天子之貳。守國高在。若節春秋來承王命。何以禮  
焉。陪臣敢辭。王曰。舅氏。余嘉乃勲。應乃懿德。曰。督不怠。  
毋逆朕命。仲固辭。受下卿之禮而還。於是桓公稱曰。寡  
人南伐。至召陵。望于熊山。北伐。山戎。刺令支。斬孤竹。西  
伐。攘白翟之地。涉流沙。東。馬懸車。登太行。熊耳。而還。諸  
侯莫違寡人。睦。仲父之力也。管子旣任政於齊。曰。吾弟

困時。嘗與鮑叔。分財多自與。鮑叔不以我爲貪。知我  
貧也。吾嘗爲鮑叔謀事。而更窮困。鮑叔不以我爲愚。知  
時有和不利也。吾嘗三仕三見逐於君。鮑叔不以我爲  
不肖。知我不遭時也。吾嘗三戰三北。鮑叔不以我爲怯。  
知我有老母也。公子糾敗。吾幽囚受辱。鮑叔不以我爲  
無耻。知我不宦小節而耻功名不顯於天下也。生我者  
父母。知我者鮑子。葵丘之會。宰周公蒞盟。還遇晉侯。獻  
晉侯後於盟。而懼宰周公曰。君無患焉。夫齊侯好專務  
施。而不務其德。故輕致諸侯。而重遣之。是以北伐山戎。  
南伐楚。西爲此會也。譬之如室。旣鎮其鼂矣。又何加焉。



吾聞惠難徧也不徧不報卒於怨讎雖後之會將在東矣君無勤焉明年楚伐徐桓公合諸侯以救徐伐厲不克救會諸侯于淮而還東畧也迨季年管子疾公問焉曰仲父之疾甚矣不幸而失仲父也二三大夫者其猶能以國寧乎管子曰君請矇已乎鮑叔牙之爲人也好直賓胥無之爲人也好善甯孫之爲人也能事孫在之爲人也善言公曰此四子者孰其能一人之上也寡人弁而臣之其不能以國寧何也曰鮑叔之爲人好直而不能以國屈賓胥無之爲人好善而不能以國屈甯戚之爲人能事而不能以足息孫在之爲人善言而不能

以信默臣聞之消息盈虛與百姓詘信然後能以國寧  
勿已其隰朋乎。公出仲喟然嘆曰天之生朋爲夷吾舌  
也其身死舌焉得存哉。是歲管仲隰朋皆卒。豎刁易牙  
開方用。桓公薨於亂。始桓公好內多內寵。內嬖如夫人  
者六人。子十餘。莫適立。公薨五公子相攻爭立。尸蟲出  
于戶。莫爲棺。後六十七日無詭立。乃棺立。三月弑宋納  
太子昭爲孝公。孝公立。桓公乃葬。孝公卒。公子潘殺孝  
公子而自立。曰昭公。昭公卒。弟商人弑昭公子舍而自  
立。曰懿公。懿公驕好兵。伐魯伐曹。民不附。虐酈歆閭職  
而近之。爲所弑。齊人立公子元。曰惠公。無詭。孝昭懿惠。



皆桓公子。然皆立于亂。齊以失霸。惠公卒。子頃公無野立。是時晉王夏盟數世矣。晉侯使卻克徵會于齊。頃公帷婦人而觀之。卻子嬖登。婦人笑於房。卻子怒。誓必報。會齊伐魯。北鄙敗衛師。子新築衛孫桓子。魯滅孫。皆如晉。乞師皆主。卻獻子。晉侯許之七百乘。卻克曰。此賊濮之賦也。有先君之明。與先大夫之肅。故捷克於先大夫。無能爲役。請八百乘。許之。於是卻克將中軍。會魯衛伐齊。陳于鞍。邴夏御頃公。逢丑父爲右。公曰。余姑剪滅此。而後朝食。不介馬而馳之。遂敗績。逐之。逢丑父與公易位。使公下。如華泉取飲。而免韓厥。獻丑父。卻子曰。人不

難以苑免其君。殺之不祥。赦之以勸事君。免之。晉師從齊師入自丘輿。擊馬陘。頃公使賓媚人賂以紀甌玉。聲與地不可。則聽客之所爲。賓媚人致賂。卻克不可。曰。必以蕭同叔子爲質。而使齊之封內盡東其畝。對曰。蕭同叔子非他寡君之母也。君以匹敵。則亦晉君之母也。吾子布大命于諸侯。而曰必質其母以爲信。其若王命何。且是以不孝令也。詩曰。孝子不匱。永錫爾類。若以不孝令於諸侯。其無乃非德類也乎。先王疆理天下物土之宜。而布之利。故詩曰。我疆我理。南東其畝。今吾子疆理諸侯。而曰盡東其畝而已。唯吾子戎車是利。無顧土宜。



其無乃非先王之命也乎。四王之王也。樹德而濟同欲  
焉。五伯之霸也。勤而撫之。以役王命。令吾子求合諸侯。  
以濟無疆之欲。詩曰。布政優優。百祿是適。子實不優而  
棄百祿。諸侯何害焉。不然。寡君之命。使臣則有辭矣。曰。  
子以君師辱於敝邑。不腆敝賦。畏君之震。師徒撓敗。吾  
子惠徼齊國之福。不泯其社稷。使繼舊好。惟是先君之  
敝器土地。不敢愛。子又不許。請收合餘燼。背城借一。敝  
邑之幸。亦云從也。況其不幸。敢不唯命是聽。乃許之。於  
是齊反。魯衛之侵地。服于晉。頃公歸。弛苑囿。薄賦斂。眼  
孤。問疾虛積。聚以救民。國忘敗焉。公卒。子靈公環立。下

於晉晉荀偃伐齊靈公登巫山以望師晉人使司馬斥  
山澤之險雖所不至必施而疏陳之乘車者左實右僞  
以施先輿曳柴而從之靈公畏其衆也走郵棠太子光  
與郭榮叩馬諫曰師速而疾畧也將退矣且社稷之主  
不可以輕不聽太子抽劍斷鞅乃止初靈公旣立太子  
已嬖子牙立之遂東太子光徙之東垂靈公疾崔杼迎太子  
元而立之爲莊公殺子牙莊公暴伐衛遂伐晉上太行  
入孟門取晉朝歌又驟淫于崔氏爲崔杼所弑立公異  
母弟杵臼而相之曰景公齊太史書曰崔杼弑其君杵  
殺之其弟嗣書而殺者二人其弟又書乃舍之南史氏



聞太史盡死。執簡以往。聞既書。乃還。已。崔杼以慶封滅其家而縊。而慶封專齊。齊大夫頌其逐之。景公肅。聚斂。然時能聽用晏子嬰之言。嬰卒。而陳氏得政於景公。立五十有八年。老矣。惡言嗣事。有嬖妾賤無行生子荼。欲立之。憚發之口。諸大夫請立太子。輒言曰。爲樂耳。國何患無君。及疾病。乃以荼屬國。夏惠子高張昭子而立之。盡逐群公子。景公薨。陳乞鮑牧立公子陽生。爲悼公。殺孺子荼。及國。夏高張奔莒。已。吳伐齊。國人弑悼公。以說吳。而陳恒弑簡公。後三傳。而田氏遂卒有齊國。論曰。昔太史公適齊。自泰山屬之琅邪。其被于海。膏壤

三千里。乃其民闊達多匿知。曰洋洋哉。固大國之風也。以太公之聖。建國本。桓公之盛。脩善政。爲諸侯會盟主。稱伯。不亦宜乎。孔子贊管仲曰。微仲。吾其被髮左衽。蓋許之也。獨嘗譏其器小。乃王心則天而道矣。

○宋 宋微子啓之後也。微子殷王帝乙元子。紂庶長兄。有聖德。箕子請立之。王不聽。而紂立爲淫虐不道。箕子謂微子曰。王子。我舊云覆餗。子必去之。王子不出。國且傾。而微子去之。周語見尚書微子篇周武王克商。封紂子

武庚於殷。武庚以叛。誅。命微子爲上公。脩殷禮。奉其先祀。事傳世。至宣公。入春秋。宣公讓國於其弟和。是爲穆



公穆公且死召大司馬孔父謂之曰先君舍與夷宣公

而立寡人寡人不敢忘若以大夫之靈得保首領以沒

先君問與夷其何辭以對請必奉之對曰羣臣願奉馬

也馬穆公公曰先君以寡人爲賢使主社稷若棄德不讓

是負先君之舉豈曰能賢光昭先君之令德可不務乎

使公子馬出居鄭而卒即與夷殤公立伐鄭以馬故十年

十一戰民不堪命爲宰華督所弑於是召公子馬于鄭

而立之曰莊公莊公卒子閔公捷立宋大水魯遣使來

弔對曰孤實不敬天降之災又以爲君憂拜命之辱魯

臧孫辰曰宋其興乎禹湯罪已其興也淳焉桀紂罪人

其亾也忽焉。且列國有凶。稱孤禮也。言懼而名禮其度乎。既而聞之曰。公子御說之辭也。臧孫曰。是宜爲君。有恤民之心。明年宋南宮萬弒閔公。公子御說立曰桓公。桓公疾。太子茲父固請曰。目夷長且仁。請立之。公命子魚。目夷子魚辭曰。能以國讓。仁孰大焉。臣不及也。且不順。乃立襄公。襄公立。使子魚爲左師以聽政。故魯氏世爲宋左師。時齊桓公薨。宋襄公欲合諸侯以繼霸。使邾文公用鄆子于次。雖之社。欲以屬東夷。子魚曰。古者六畜不相爲用。小事不用大牲。而况敢用人乎。祭祀以爲人也。民神之主也。用人則誰饗之。齊桓公存三亾國。以屬



諸侯義士猶曰薄德。今一會而虐二國之君。又用諸淫  
昏之鬼。將以求霸。不亦難乎。不聽。已而爲曹南之會。求  
諸侯。曹不禮焉。公圍曹。子魚曰。文王聞崇德亂而伐之。  
軍三旬而不降。退脩教而復伐之。因壘而降。詩曰。刑于  
寡妻。至于兄弟。以御于家邦。今君德無乃猶有所闕。而  
以伐人。其若之何。盍姑內省德乎。無闕而後動。不聽。十  
二年。爲鹿上之盟。求諸侯。楚人許之。子魚曰。小國爭盟。  
禍也。宋其亾乎。幸而後敗。秋。諸侯會宋公于孟。公與楚  
期。以乘車之會。子魚諫曰。楚夷國也。強而無義。請以兵  
車之會。往。宋公曰。吾與之約矣。自我爲之。自我墮之。不

可終以乘車之會往。楚人果伏戎車。執宋公以伐宋。公謂子魚曰。子歸守國矣。國子之國也。吾不從子之言。以至於此。子魚曰。諾。歸設守。楚使謂宋人曰。子不與我國。吾將殺子君矣。宋人應曰。三。賴社稷神靈。國有君矣。楚人知雖殺宋公。猶不得宋國。於是釋宋公。公走之衛。子魚迎宋公。以歸。公猶不悛。子魚退。太息曰。禍猶未艾。未足以懲君。公伐鄭。楚人伐宋。以救鄭。宋公將戰。子魚固諫曰。天之棄商久矣。君將與之。弗可救也。弗聽。及楚人戰于泓。宋人既成列。楚人未既濟。子魚曰。彼衆我寡。及其未既濟也。請擊之。公曰。不可。旣濟而未成列。又以



告公曰。未可。旣陳而後擊之。宋師敗績。公傷股。門官殲  
焉。國人皆咎公。公曰。君子不重傷。不禽二毛。古之爲軍  
也。不以阻隘也。寡人雖亾國之餘。不鼓不成列。子魚曰。  
君未知戰。勦敵之人。隘而不列。天贊我也。阻而鼓之。不  
亦可乎。猶有懼焉。且今之勦者。皆吾敵也。雖及胡耆。獲  
則取之。何有於二毛。明耻教戰。求殺敵也。傷未及死。如  
何勿重。若愛重傷。則如勿傷。愛其二毛。則如服焉。三軍  
以利用也。金鼓以聲氣也。利而用之。阻隘可也。聲盛致  
志。鼓儼可也。襄公違子魚言。以卒困於楚而薨。子成公  
王臣立。君子曰。宋襄霸之友也。彼其人情烈似義。復

似信小不忍似仁而施之。不當爲悖也。成公卒。子昭公  
杵臼立。昭公欲盡去羣公子。樂豫曰。不可。公族君之枝  
葉也。若去之。則本根無所庇蔭矣。葛藟猶能庇其本根。  
况國君乎。此諺所謂庇焉而縱尋斧焉者也。君若親之  
以德。皆股肱也。誰敢攜貳不聽。穆襄之族。率國人以攻  
公。殺公孫。圖公孫鄭于公宮。樂豫舍司馬而讓公子邛。  
六卿乃和。襄夫人。襄王之姊也。昭公不禮焉。公子鮑禮  
於國人。宋饑。竭其粟而貸之。年七十而上。畢饋貽也。時  
加羞焉。無日不數數於六卿之門。國之材人無不事也。  
親自桓而下。無不恤也。昭公田於孟諸。國人奉公子鮑



以因襄夫人而弑之。鮑立曰。文公昭公子因戴桓莊之族以作亂。殺之。使樂舉爲司寇。以靖國。楚伐宋。宋憊甚。賴華元以情告子反而平。語具楚事中。文公薨。始厚葬。用殉。重器備。君子謂華元樂舉於是乎不臣矣。臣治煩去惑者也。今二子者。君生則縱其惑。死又益其侈。是喜君於惡也。何臣之爲。共公固立。共公薨。平公成立。華元爲右師。魚石爲左師。司馬蕩澤弑公室。殺公子肥。華元曰。我爲右師。君臣之訓。我所司也。今公室卑而不能正。不能治官。敢賴寵乎。出奔晉。左師將止之。魚府謂左師曰。右師反。必討。討是無桓族也。魚石曰。六官皆桓族。右

師反雖許之討必不敢且右師多大功國人與之如不  
反吾懼桓氏之無祀於宋也右師討猶有皮在桓雖亾  
必偏自往止右師于河上右師請討許之乃反使華喜  
公孫師帥國人攻蕩氏殺蕩澤魚石及五卿出舍于睢  
上華元使止之不可自止之又不可則決睢澁閉門而  
登陴五大夫遂奔楚華元使向戌爲左師老佐爲司馬  
樂裔爲司寇以靖國人已平公三年楚子共鄭伯成納  
宋魚石會伐宋華元如晉告急晉欒黶會衛曹莒邾滕  
薛爲宋討魚石圍彭城不登叛人也彭城降晉人以宋  
五大夫在彭城者歸寘諸瓠丘伊戾爲太子痤內師而



無寵。楚聘晉。過宋。太子請野享。楚使公許之。伊戾從。至則飲。用牲。加書。微之。而聘告。公曰。太子將爲亂。與楚客盟矣。公曰。我子也。何求。對曰。欲速使視之。信囚太子。太子縊而死。徐聞其無罪也。烹伊戾。歷其平元。景國多難。華向桓。黷交亂。羣大夫出亡。又數傳入戰國。公偃東敗齊。南敗楚。西破魏。而自王。淫於酒婦人。齊與楚魏共伐宋。曰。宋其復爲紂所爲。乃誅滅之。而三分其地。

論曰。自宣公廢太子而立弟。國以不寧者三世。襄公如脩仁行義。欲以求諸侯。而竟困。所謂仁者非仁。而義者非義也。天不饗殷。乃宋猶列上公。有國土。茲茲數百年。

豈非契成湯之遺烈耶。嗚呼盛矣。

西史上編卷之二終



五十二













25  
735  
A2  
3  
函史上編卷之三

明旴郡鄧元錫纂

周列國志

晉 晉武王子叔虞封國也。武王崩。成王幼。與叔虞戲。削桐葉爲圭。以與叔。曰。以封若。史佚侍。請差。日封叔。成王曰。吾與之戲耳。史佚曰。天子無戲言。言則史書之。禮成之。樂歌之。於是封叔虞於唐。國河汾之東。子燮父以南有晉水。改國曰晉。自唐叔至于穆侯。凡八世。晉穆侯娶齊女爲夫人。伐條。生太子仇。後伐千畝。生少子曰成師。師服曰。異哉。君之名子也。太子曰仇。仇者讎也。少子



曰成師。成師大號名者命也。今嫡庶名逆。晉其亂乎。後成師封曲沃。號曲沃桓叔。曲沃大於翼。而桓叔好德。晉國衆附焉。詩人所爲賦。揚之水。椒聊者也。後六十七歲。而曲沃武公伐翼。弑哀侯。代晉。武公卒。子獻公詭諸立。患桓莊之族偏盡。殺羣公子。而多智好兵。闢壤以封國。獻公娶于賈。無子。烝于齊姜。武公妾生秦穆夫人及太子申生。已伐犬戎。得狐姬。生重耳。小戎子。生夷吾。最後伐驪戎。以驪姬歸。生奚齊。其娣生卓子。驪姬嬖。欲立其子。會晉滅耿。滅霍。滅魏。姬乃賂於外嬖。使言於公曰。曲沃君之宗也。蒲與二屈。君之疆也。宗邑無主。則民不威。疆

舉無主則啓戎心。若使太子主曲沃而使重耳夷吾主夷與蒲可威民而懼戎矣。晉侯曰：「善。」城曲沃使太子居之。居重耳於蒲。居夷吾於屈。惟二姬之子在絳。士蔣言於太子曰：「太子不得立矣。分之都城而位以卿先爲之極。又焉得立。不如逃之。爲吳泰伯。不亦可乎。猶有令名與其及也。」已。晉侯使太子申生伐茅山臯落氏。里克諫曰：「太子奉冢祀社稷之粢盛以朝夕侍君膳者也。故冢子君行則守。有守則從。從曰撫軍。守曰監國。古之制也。夫帥師專行謀。誓軍旅。君與國政之所圖也。非太子之事也。師在制命。稟命則不威。專命則不孝。故君之適嗣。」



不可以帥師。君失其官。帥師不威。將焉用之。且臣聞臯  
落氏將戰。君其舍之。公曰。寡人有子。未知其誰立焉。退  
見世子。世子曰。吾其廢乎。對曰。告之以臨民。教之以軍  
旅。不共是懼。何謂廢乎。狐突請行。羊舌大夫曰。不可。違  
命不孝。棄事不忠。子其死之。將戰。狐突諫曰。不可。昔辛  
伯諗周桓公曰。內寵並后。外寵貳政。嬖子配適。大都耦  
國。亂之本也。今亂本成矣。立可必乎。行而安民。子其圖  
之。不聽。已而驪姬果深譖世子。世子進胙於公。姬毒而  
獻公。祭之地。地墳。食犬。犬斃。姬泣曰。賊繇世子。公信之。  
遣人殺世子于曲沃。或曰。子盍言子之志於公平。世子

曰君安驪姬是我傷公之心也曰然則益行乎曰君謂我欲弑君也天下豈有無父之國哉吾何行如之使人辭於狐突曰申生有罪不念伯氏之言也。以至於死申生不敢愛其死雖然吾君老矣子少國家多難伯氏不出而圖吾君伯氏苟出而圖吾君申生受賜而死再拜稽首乃卒是以爲恭世子也。於是獻公使寺人披伐蒲蒲人請保重耳曰保君父之命而享其生祿於是乎得人得人而較罪莫大焉吾其奔也遂奔翟使伐屈夷吾奔梁於是獻公使荀息帥奚齊而立之病且死謂荀息曰士何如則可謂信矣荀息封曰使死者及生生者不



愧乎其言。則可謂信矣。獻公死。奚齊立。里克謂荀息曰。君殺正立不正。廢長立幼。如之何。願與子慮之。荀息曰。君嘗訊臣矣。臣對曰。使死者反生。生者不愧乎其言。則可謂信矣。里克知其不可謀也。弑奚齊。荀息立卓子。里克弑卓子。荀息死之。於是里克及平鄭。召重耳於翟。重耳告舅犯。舅犯狐偃曰。不可。夫堅樹在始。始未固。終必稿。落父母死。爲大罣。讒在兄弟。爲大亂。今適當之。是故難重耳辭焉。秦穆公使人弔公子重耳。且曰。寡人聞之。亡國恒於斯。得國恒於斯。雖吾子儼然在憂服之中。喪亦不可久也。時亦不可失也。吾子圖之以告舅犯。舅犯曰。

孺子其辭焉。亡人無寶。仁親以爲寶。死之謂何。而因以爲利。天下其孰能說之。孺子其辭焉。於是公子出見客。辭曰。君惠弔亡臣重耳。身喪父死。不得與於哭泣之哀。以爲君憂。父死之謂何。或敢有他志。以辱君義。稽顙而不拜。哭而起。起而不私。於是秦伯以爲仁。諸大夫服其義。而夷吾以賂故得入。爲惠公。惠公許賂中大夫。旣而殺里克以爲說。使謂之曰。微子。則不及此。雖然。子弑二君與一大夫。爲子君者。不亦難乎。對曰。不有廢也。君何以興。欲加之罪。其無辭乎。臣聞命矣。伏劍而死。於是平鄭聘於秦。謝緩賂私於秦伯。請出君而納重耳。還弁



其黨殺之。方晉侯之入也，秦穆姬屬翟君焉。且曰：盡納羣公子，既復國，烝於賈君，又不納羣公子。穆姬怨之，許賂秦伯，以河外列城五，東盡虢畧，南及華山，內及解梁。既而不與。晉饑，秦輸之粟，秦饑，晉閉之糴。於是秦伯伐晉，戰于韓，獲晉侯以歸。晉大夫及曾蒹舍從之，秦伯辭焉，曰：「二三子何其感也。」宮旁人之從君而西也。豈敢以至晉大夫三拜稽首曰：「君居後土而戴皇天，皇天后土實聞君之言。」羣臣敢在下風。晉侯使卻乞告瑕呂飴甥，子金且召之。飴甥教之，朝國人，而以君命賞。且告曰：「孤雖歸，辱社稷矣。其卜貳圉也。」皆哭。晉於是乎作爰田。呂甥

曰。君亡之不恤。而羣臣是憂。惠之至也。將若君何。衆曰。何爲而可。對曰。征繕以輔孺子。諸侯聞之。罷君有君。羣臣輯睦。甲兵益多。好我者勸。惡我者懼。庶有益乎。衆說。晉於是乎作州兵。呂飴甥會秦伯于王城。秦伯曰。晉國和乎。對曰。不和。小人耻失其君。而悼喪其親。不憚征繕。以立圉也。曰。必報讐。寧事夷狄。君子愛其親。而知其罪。不憚征繕。以待秦命。曰。必報德。有死無二。以此不和。秦伯曰。國謂君何。對曰。小人感謂之不免。君子恕以爲必歸。小人曰。我毒秦。秦豈歸君。君子曰。我知罪矣。秦必歸君。貳而執之。服而舍之。德莫厚焉。刑莫威焉。服者懷德。



貳者畏刑此一役也。秦可以霸。納而不定。廢而不立。以德爲怨。秦必不然。秦伯曰。是吾心也。敗館晉侯。饋七牢焉。於是復晉侯。已。惠公疾病。子圉質於秦。自秦逃歸。公卒。圉立。是爲懷公。忌羣公子。命無從亡人。期期而不至。無赦。狐突之子毛及偃。從重耳在秦。弗召。懷公執狐突曰。子來則免。對曰。子之能仕。父教之忠。古之制也。策名委質。貳乃辟也。今臣之子。名在重耳。有年數矣。若又召之。教之貳也。父教子貳。何以事君。刑之不濫。君之明也。臣之願也。淫刑以逞。誰則無罪。臣聞命矣。乃殺之。卜偃稱疾不出。曰。周書有之。乃大明服。已則不明。而殺人以

逞不亦難乎。民不見德而惟戮是聞。其何後之有於是。  
內外皆怨。初公子重耳之及於難也。賢士之從者五人。  
狐偃。趙衰。顓頊。魏犢。武子胥臣。司空李子在狄十二年。狐偃曰。  
日吾來此也。非以狄爲可以成事也。奔而易達。困而有  
資。休以擇利。可以戾矣。戾久將底。誰能興之。蓄力一紀。  
可以遠矣。齊侯長矣。管仲沒矣。謀而無正。衰而思始。以  
追前言。求善以終。皆以爲然。乃行。過衛。衛文公不禮焉。  
出於五鹿。乞食於野人。與之塊。怒。子犯曰。天賜也。民以  
土服。必獲土。受而載之。及齊。齊桓公妻之。公子安焉。桓  
公卒。國亂。諸侯畔齊。子犯知齊之不可以動。與從者謀。



於桑下。蠶妾在上。聞之。告姜氏。姜殺之。言於公子曰。從者將以子行。其聞之者。吾除之矣。子必從之。白子之行。晉無寧歲。民無成君。天未喪晉。無異公子。有晉國者。非子而誰。公子曰。吾不動矣。姜曰。不然。書曰。懷與安。實敗名。昔管敬仲有言。畏威如疾。民之上也。從懷如流。民之下也。見懷思威。民之中也。齊國之政敗矣。晉之失道久矣。從者之謀忠矣。敗不可處。時不可失。忠不可棄。懷不可從。子必速行。公子弗聽。姜與子犯謀。醉而遣之。及曹。曹文公聞其駢脅。浴薄而觀之。及宋。宋襄公贈之馬二十乘。及鄭。鄭文公不禮焉。叔詹諫曰。臣聞天之所啓。人

弗及也。晉公子離外之患，而天未靖晉國，殆將啓之。有三士足以上人而從之。晉鄭同儕，其過子弟，固將禮焉。況天之所啓乎？弗聽。及楚，楚子饗之，曰：「公子若反晉國，則何以報不穀？」對曰：「子女玉帛，則君有之；毛羽齒角，則君地生焉；其波及晉國者，君之餘也，其何以報之？」若以君之靈，得反晉國，晉楚治兵，遇於中原，其辟君三舍。子玉請殺之。楚子曰：「晉公子，廣而儉，文而有禮，其從者，肅而寬，忠而能力。晉侯無親，外內惡之。吾聞姬姓，唐叔之後，其後衰者也。其將繇晉公子乎？天將興之，誰能廢之？違天必有大咎。」於是秦伯召公子於楚，楚子厚幣送公。



子于秦。秦伯乃納公子于晉。立之。殺懷公于高粱。除呂  
卻之偏。而晉國大定。是爲文公。蓋是時公亡在外十九  
年。年六十有二矣。於是列三等賞。從亡之士曰。夫道我  
以仁義。防我以德惠者。受上賞。輔我以行。卒以成立。受  
次賞。矢石之難。汗馬之勞。又受次賞。若以力事我而無  
補吾缺。又其次矣。晉人聞之。說明年王室有太叔帶之  
難。王來告難。晉侯遂足王于郊。語具周紀中。王與之陽  
樊。溫原攢茅之田。陽樊原爲王守。不下。晉侯圍原。命具  
三日之糧。不降。則去之。三日。謀出曰。原將降矣。軍吏請  
待之。公曰。信國之寶。民之所庇也。得原失信。何以庇之。

所亡滋多。退一舍而原降。於是歸屬百官。賦職任功。棄  
責薄歛。施舍分寡。救乏振滯。臣困資無。輕關易道。通商  
寬農。懋穡勸分。省用足財。舉善授能。昭舊族。愛親戚。明  
賢良。尊貴寵。賞功勞。事耆老。禮賓旅。故舊胥藉。狐箕欒  
卻栢先。羊舌董韓寔。掌近官。諸姬之良。掌其中官。異姓  
之良。掌其遠官。公食貢。大夫食邑。士食田。庶人食力。工  
商食官。政平民阜。財用不匱。國以大治。四年。楚子會陳  
蔡鄭許之師。以圍宋。公孫固來告急。先軫曰。報施救患。  
取威定霸。于是乎在矣。決策功首狐偃曰。楚始得曹而新昏  
於衛。若伐曹衛。楚必救之。則齊宋免矣。於是蒐于被廬。



作三軍謀元帥趙衰曰。郤穀可。臣亟聞其言矣。說禮樂

而敦詩書。詩書義之府也。禮樂德之則也。德義利之本

也。君其試之。乃使郤穀將中軍。郤溱佐之。晉將中軍。即上卿執國政

者郤音隙。晉公族以采邑為氏。使狐偃將上軍。讓於狐毛而佐之。命趙

衰為鄒讓於欒枝。先軫佐之。荀林父御戎。魏犢為右。郤

穀卒。先軫將中軍。隰叔後封于先為先氏。胥臣佐下軍。上德也。於

是晉侯入曹。伐衛。宋使如晉師告急。齊秦未可。公患之。

於是用先軫計。使宋人賂齊秦而藉之。告楚。執曹君。分

曹衛之田以怒楚。於是楚子入居于申。使申叔去穀。使

子玉去宋。曰。無從晉師。晉侯在外十九年矣。而果得晉

國險阻艱難。備嘗之矣。民之情僞。盡知之矣。天假之年。而除其害。天之所置。其可廢乎。軍志曰。允當則歸。又曰。知難而退。又曰。有德不可敵。此三志者。晉之謂矣。子玉使伯勞請戰。王怒。少與之師。子玉使宛春來告曰。請復衛侯而封曹。臣亦釋宋之圍。子犯曰。子玉無禮哉。君取一臣取二。不可失矣。先軫曰。子與之。定人之謂禮。楚一言而定三國。我一言而亡之。我則無禮。何以戰乎。不許楚言。是棄宋也。救而棄之。謂諸侯何。楚有三施。我有三怨。怨讐已多。將何以戰。不如私復曹衛以携之。執宛春以怒楚。戰而後圖之。

主謀

公說乃拘宛春於宋。私許復曹



衛而曹衛告絕于楚。子玉怒，從晉師。晉師退。軍吏曰：「以君辟臣辱也。且楚師老矣，何故退？」子犯曰：「師直爲壯，曲爲老。微楚之惠不及此。退三舍避之，所以報也。背惠食言，以亢其讐，我曲楚直。其衆素飽，不可謂老。我退而楚還，我將何求？若其不還，君退臣犯，曲在彼矣。」退三舍，師次于城濮。楚衆欲止，子玉不可。進，背鄆而舍。晉侯患之，聽輿人之訟曰：「原田晦晦，舍其舊而新是謀。公疑焉。」子犯曰：「戰也。戰而捷，必得諸侯。若其不捷，表裏山河，必無害也。」公曰：「若楚惠何？」欒貞子曰：「漢陽諸姬，楚實盡之。思小惠而忘大耻，不如戰也。」子玉使鬬勃請戰。晉侯使欒

枝對曰。寡君聞命矣。楚君之惠。未之敢忘。是以此爲  
大夫退。其敢當君乎。旣不獲命。敢煩大夫。謂二三子。戒  
爾車乘。敬爾君事。詰朝將見。晉車七百乘。鞮鞢鞅鞞。晉  
侯登有莘之墟。以觀師。曰。少長有禮。其可用也。遂伐其  
木。以益其兵。師陳于莘北。胥臣蒙馬以虎皮。先犯陳蔡。  
陳蔡奔。楚右師潰。欒枝使輿曳柴而僞遁。楚師馳之。先  
軫卻縠。以中軍公族橫擊之。狐毛狐偃以上軍夾攻。楚  
左師潰。楚師敗績。晉侯謁穀者三日而還。楚子聞之。怒。  
使謂子玉曰。大夫若入。其若申息之老何。及連穀而死。  
晉侯始入而教其民。二年欲用之。子犯曰。民未知義。未



安其居。於是乎出定襄王。入務利民。民懷生矣。將用之。  
子犯曰。民未知信。未宣其用。於是伐原以示之信。民易  
資者。不求豐焉。明徵其辭。公曰。可乎。子犯曰。民未知禮。  
未生其共。於是大蒐以示之禮。作執秩以正其官。民聽  
不惑。而後用之。出穀戊。釋宋圍。一戰而霸。文之教也。文  
公立九年而薨。子襄公驪立。秦襲鄭。滅滑。用先軫。晝子  
墨衰興戎。敗秦師于殽。語具秦穆事中。襄以繼霸。而陽  
處父盟魯侯。文公士穀。及宋公陳侯。鄭伯。魯公孫敖。盟于  
垂隴。實始以大夫盟諸侯。六年。蒐于夷。時先軫死。秦師  
趙成子欒貞子。霍伯曰季辛矣。公欲使箕鄭父先都將。

上軍士穀梁益耳將中軍先克曰狐趙之勲不可廢也

從之使狐射姑將中軍

狐偃子

趙盾佐之

趙衰子

陽處父

至自溫改蒐于董易中軍處父趙成季之屬也黨趙氏

且謂趙盾能曰使能國之利也盾於是乎得政襄公卒

太子夷臯少晉人以難故欲立長君趙盾曰必公子雍

好善而長先君愛之且近於秦秦舊好也置善則固事

長則順立愛則孝結舊則安使先蔑士會如秦逆公子

雍狐射姑怨陽子之易其班而知其無援於晉也殺陽

處父而奔狄

狐氏後不立

穆嬴日夜抱太子啼於朝曰先君

何罪其嗣亦何罪舍適嗣不立而外求君將焉寘此出



朝則把以適趙氏。頓首曰：先君奉此子也，屬諸子。今棄之，若何？趙盾與諸大夫皆患之，乃皆先蔑立世子以禦秦師，敗之于令狐。先蔑士會奔秦，盾會齊侯、宋公、衛侯、陳侯、鄭伯、許男、曹伯盟于扈。晉侯立故也。魯侯後至，辭焉。魯公子遂會盾盟衡雍，實始以大夫主諸侯。先克奪蒯得田，箕鄭父先都，士穀作亂，賊先克。晉殺其大夫先都、士穀及箕鄭父。滅先氏而召士會於秦，實始大夫專殺生已而靈公長不君，歛厚而刑淫。趙盾士會患之，將諫。士會曰：諫而不聽，莫之繼也。會請先不入，則子繼之。三進及溜而後視之，曰：吾知所過矣。將改之。稽首曰：人誰

無過過而能改。善莫大焉。詩曰。靡不有初。鮮克有終。夫如是。則能補過矣。君能有終。則社稷之固也。豈惟羣臣賴之。又曰。衮職有闕。惟仲山甫補之。能補過也。君能補過。衮不廢矣。猶不改。宣子驟諫。公患之。使鉏麇賊之。晨往寢門闢矣。盛服將朝。尚早。坐而假寐。麇退而嘆曰。不。忘恭敬。民之主也。賊民之主。不忠。棄君之命。不信。有一於此。不如死也。觸槐而死。於是晉侯飲趙盾酒。伏甲將攻之。其右提彌明知之。趨登曰。臣侍君宴。過三爵。非禮也。遂扶而下。公嗾夫獒焉。明搏而殺之。初。宣子田於首山。舍于翳桑。見靈輒。餓。問其病。曰。不食三日矣。食之。舍。



其半。問之。曰。宦三年矣。未知母之存否。今近焉。請以遺之。使盡之。而遺之。簞食與肉。寘諸橐。而與之。旣而與爲公介。倒戟以禦公徒。而免之。問其故。對曰。翳桑之餓人也。問其名居。不告而退。遂自亡也。已。趙穿攻靈公於桃園。弑之。以迎盾。盾未出山而復。成公黑臀立。文公子靈公季父太史書曰。趙盾弑其君。以示於朝。盾曰。不然。對曰。子爲正卿。亡不越境。反不討賊。非子而誰。盾曰。嗚呼。我之懷矣。自貽伊慙。孔子曰。董狐。古之良史也。書法不隱。趙宣子。古之良大夫也。爲法受惡。惜也。越竟乃免。邾文公次妃生捷菑。晉出也。而元妃齊姜生驪且。文公卒。趙盾以

師八百乘納捷。留于邾。邾人曰：貴則皆貴，然獲且也。長  
卻成子缺曰：非吾力不能納也，義實不爾也。引師而去  
之。故君子大其弗克納也，及盾卒。卻成子爲政，以勤求  
諸侯。曰：吾聞之，非德莫如勤，能勤有繼，非勤何以求人。  
詩曰：文王既勤止。文王猶勤，況寡德乎？成公薨，子景公  
孺立。於是荀林父爲政。中行氏楚伐陳，圍鄭。荀林父將中

軍以救鄭，敗于邲，而楚霸。語具楚莊事中。晉師歸，林父  
請死。晉侯欲許之。士貞子諫曰：士渥濁不可。城濮之役，晉

師三日穀，文公猶有憂色。左右曰：有喜而憂，如有憂而  
喜乎？公曰：得臣猶在，憂未艾也。困獸猶鬪，況國相乎？及



楚殺子玉。公喜而後可知也。曰。莫余毒也已。是晉再克而楚再敗也。楚是以再世不競。今天或者大警晉也。而又殺林父以重楚勝。何以競乎。林父之事君也。進思盡忠。退思補過。社稷之衛也。若之何殺之。夫其敗也。如日月之食焉。何損於明。晉侯使復其位。潞子嬰兒之夫人。景公姊也。酆舒爲政而殺之。又傷潞子之目。公欲伐之。諸大夫曰。不可。酆舒才。伯宗曰。必伐之。狄有五罪。雖才何益。不祀。一也。嗜酒。二也。棄仲章而奪黎氏地。三也。虐我伯姬。四也。傷其君目。五也。怙其雋才而不以茂德。滋益罪也。天反時爲災。地反物爲妖。民反德爲亂。亂則妖。

災生。故文反正爲乏。盡在狄矣。公從之。荀林父敗赤狄于曲梁。遂滅潞。殺酈舒。以潞子嬰兒歸。穀梁子曰。滅國有三術。中國謹曰。卑國月。夷狄不日。其日。潞子嬰兒賢也。已。士武子會滅赤狄甲氏。景公請于王。以黻冕。命會將中軍。且爲太傅。晉國之盜。逃奔于秦。羊舌職曰。吾聞禹禰害人。害人適則不害人。遠害人在上。國無佻民。此之謂矣。諺曰。民之多幸。國之不幸也。無害人之謂也。士會如周平王室。定王享之。問殺丞。不能對。歸而講求典禮。脩晉國之法。晉數世賴焉。明年。卻獻子克聘於齊。甞頃公帷婦人而笑之。卻子怒。出而誓曰。所不能報。無能



渡河。范武子

士會

召子變而謂之曰。變乎。吾聞之。喜怒以

類者鮮。易者實多。詩曰。君子如怒。亂庶遄沮。君子如祉。

亂庶遄已。君子之喜怒。以已亂也。弗已者。必益之。郤子

其或者欲已亂于齊乎。不然。余懼其益之也。余將老。使

郤子逞其志。爾從二。三子唯敬。乃老。郤克爲政。伐齊。敗

齊師于鞍。語具齊事中。晉師歸。范文子後入。武子曰。無

爲吾望爾也乎。對曰。師有功。國人喜而逆之。先人必屬

耳目焉。是代師受名也。故不敢。武子曰。吾之免矣。當是

時。晉政多門。予奪無當。諸侯多貳。晉人謀去故絳。諸大

夫皆曰。必居郇瑕。饒而近鹽。國利民樂。不可失也。

時韓獻子厥將新軍矣。公揖而入。獻子從立于寢庭。公謂獻子曰。何如對曰。不可。郇瑕土薄水淺。其惡易覲。惡易覲則民怨。民怨則墊隘。於是乎有沘溺重隄之疾。不如新田新田土厚水深。居之不疾。有汾澮以流其惡。且民從之。數十世之利也。夫山澤林監國之寶也。國饒則民驕佚。近寶公室乃貧。不可謂樂。公說從之。於是晉遷新田。自晉攘楚成霸。而兵爭於鄭數世矣。至是楚伐鄭。欒武子書將中軍。救鄭。楚師還。晉遂侵蔡。楚以申息之師救蔡。知莊子荀范文子變韓獻子厥諫曰。還師善。吾救鄭。楚師去我。吾遂至于此。是遷戮也。遷而不已。又怒。



楚師必不克。雖克。不令。成師以出。而敗楚之二縣。何榮之有。若不能敗。爲辱已甚。不如還也。於是軍帥之欲戰者衆。或謂欒武子曰。聖人與衆同欲。是以濟。盍從衆乎。子之佐十一人。其不欲戰者三人而已。商書曰。三人占。從二人之言。從衆也。武子曰。善鈞從衆。夫善衆之主也。三卿爲主。可謂衆矣。從之。不亦可乎。乃遂還。邲之戰。楚熊負羈囚知瑩。莊子知壯子以其族友求之。厨武子御。下車之士多從之。每射。抽矢。藪納厨子之房。厨子怒。曰。非子之求。而蒲之愛。董澤之蒲。可勝旣乎。莊子曰。不以人子。吾子其可得乎。吾不可以苟射故也。使人謂已矢盡不虞射。

射連尹襄老獲之。遂載其尸。射公子穀臣。囚之。還至是。荀首佐中軍矣。歸公子穀臣。與連尹之尸于楚。求智瑩。楚子送之。曰。子怨我乎。對曰。二國治戎。臣不才。不勝其任。以爲俘馘。執事不以釁鼓。使歸。卽戮。君之惠也。臣實不才。又誰敢怨。王曰。然則德我乎。對曰。二國圖其社稷。而求紓其民。各懲其忿。以相宥也。兩釋纍囚。以成其好。二國有好。臣不與及。其誰敢德。王曰。子歸。何以報我。對曰。臣不任受怨。君亦不任受德。無怨無德。不知所報。王曰。雖然。必告不穀。對曰。以君之靈。纍臣得歸。骨于晉。寡君之以爲戮。死且不朽。若從君之惠而免之。以賜君之



外臣貪。貪請十寡君。而以戮于宗。亦死且不朽。若不獲命。使嗣宗職。次及于手。而帥偏師。以脩封疆。雖遇執事。其弗敢違。其竭力致死。無有二心。以盡臣禮。所以報也。楚子曰。晉未可與爭。厚爲之禮而歸之。於是晉楚始平。十二年。晉始作六軍。景公薨。子厲公州蒲立而侈。楚伐鄭。鄭違晉。即楚。晉侯將伐鄭。范文子燮曰。若逞吾願。諸侯皆叛。晉可以逞。若惟鄭叛。晉國之憂。可立俟也。欒武子曰。不可以當吾世而失諸侯。乃興師。鄭人聞有晉師。使告于楚。楚救鄭。晉師濟河。聞楚師。范文子欲反。曰。我僞逃楚。可以紓憂。夫合諸侯。非吾能也。以遺能者。若我

群臣輟睦以事君多矣。樂武子不可。於是晉楚遇于鄢陵。范文子不欲戰。卻至曰：韓之戰，惠公不振旅，箕之役，先軫不反命，邲之師，荀伯不復從，皆晉之耻也。今我避楚，又益耻也。文子曰：吾先君之亟戰也，有故。秦狄齊楚皆彊，不盡力，子孫將弱。今三彊服矣，敵楚而已。唯聖人能內外無患。自非聖人，外寧必有內憂。盍釋楚以爲外懼乎？不聽。甲午晦，楚晨厭晉軍而陳，軍吏患之。范匄文子趨進曰：塞井夷竈，陳于軍中，而䟽行首。晉楚亦唯天所授，何必楚？文子執戈而逐之曰：童子何知？卻至曰：楚有六間，不可失也。其二卿相惡，王卒以舊，鄭陳而不



整變軍而不陳。陳不遠晦。在陳而囂合而加囂。各顧其後。莫有鬪心。舊不必良。以犯天忌。我必克之。楚子登巢車以望晉軍。子重使太宰伯州犂侍于王後。王曰。騁而左右何也。曰。召軍吏也。皆聚于中軍矣。曰。合謀也。張幕矣。曰。虔卜於先君也。撤幕矣。曰。將發命也。甚囂且塵上矣。曰。將塞井夷竈而爲行也。皆乘矣。左右持兵而下矣。曰。聽誓也。戰乎。曰。未可知也。乘而左右皆下矣。曰。戰禱也。伯州犂以公卒告王。苗賁皇在晉侯之側。亦以王卒告公。苗賁皇曰。楚之良在其中軍。王族而已。請分良以擊其左右。左右奔而三軍聚于王卒。必大敗矣。於是楚

師敗績。晉入楚軍三日穀。范文子立戎車之前曰。君勿  
諸臣不佞。何以及此。君其戒之。周書曰。惟命不于常有  
德之謂也。反自鄢陵。使其祝宗祈死。曰。君侈而克敵。是  
天益其疾也。難將作矣。愛我。惟祝我使我速死。無及于  
難。范文子之福也。無何卒。於是厲公乃大侈。多外嬖。欲盡  
去諸大夫。而雜其左右。胥童曰。必先三卻。三卻族大多  
怨。去大族不偏。敵多怨。有庸。遂殺卻錡。卻犇卻至。尸諸  
朝。執欒書中行。偃於朝。旣而舍之。使胥童爲卿。公遊于  
匠麗氏。欒書中行。偃遂執公。召士匄。士匄辭。召韓厥。韓  
厥曰。古人有言曰。殺老牛。莫之敢尸。況君乎。二三子不



能事君焉。用厥也。書僇殺胥童。遂弑厲公。葬之翼東門之外。以車一乘。初。晉會諸侯于柯陵。魯成公見單襄公。朝。憂晉難。及卻犇之譖。單子曰。晉將有亂。其君與三卻當之。君何患焉。魯侯曰。寡人懼不免於晉。今公曰將有亂。敢問天道乎。抑人故也。單子曰。吾非瞽史焉。知天道。吾見晉君之容。而聽三卻之語矣。殆必禍者也。夫目以定體。足以從之。是以觀其容而知其心。口以處義。足以步日。今晉侯視遠而足高。目不在體。足不步日。目體不相從。其心異矣。何以能久。卻氏。晉之寵人也。三卿而五大夫。可以懼矣。高位實疾債。厚味實腊毒。今卻伯之語。

犯叔迂。季伐犯。則陵人。迂則誣人。伐則擄人。有是寵也。而益之以三怨。其誰能忍之。雖齊國子亦將與焉。立於淫亂之國。而好直言以招人過。然之本也。唯善人能受盡言。齊其有乎。君偏於晉。而隣於齊。齊晉有甌。可以取伯。無德之患。何憂於晉。明年而晉旣作。公孫周者。晉襄公曾孫。惠伯談子也。事單襄公立。無跛視。無還聽。無聳言。無遠言。敬必及天。言忠必及意。言信必及身。言仁必及人。言利必及義。言知必及事。言勇必及制。單襄公疾病。召其子告之曰。必善晉周。周將得晉國。其行也文。及是。樂書中行偃。使荀瑩士魴逆周于京師。立之。是爲軒公生十



四年矣。大夫逆于清原。子周曰。孤始願不及此。雖及此。豈非天乎。抑人之求君。使出命也。立而不從。將安用君。二三子用我今日。否亦今日。其而從君。神之福也。對曰。羣臣之願也。敢不惟命是聽。晉悼公既即位。令百官施舍。已責逮鰥寡。振廢滯。匡困乏。救急患。禁淫慝。薄賦歛。宥罪戾。節器用。時用民。欲無犯時。使魏相士魴。魏頡。趙武爲卿。使士渥濁爲太傅。使脩范武子之法。右行辛即賈辛爲司空。使脩士薦之法。欒糾御戎。較正屬焉。使訓諸御。知義荀賓爲右。司士屬焉。使訓勇力之士。時使卿無共御。立軍尉以攝之。使訓卒乘親以聽命。望鄭爲乘馬御。

六騶屬焉。使訓羣騶。知禮。凡六官之長。皆民譽也。爵不踰德。師不陵正旅。不偏師。民無謗言。所以復霸也。使韓獻子厥爲政。順德勤事。會單頃公。合諸侯同盟于雞澤。謀不協也。公弟楊干亂行於曲梁。魏絳戮其僕。悼公怒。謂羊舌赤曰。合諸侯以爲榮也。楊干爲戮。何辱如之。必殺魏絳。無失也。對曰。絳無貳志。事君不辟難。有罪不逃刑。其將來辭。何辱命焉。言終。魏絳至。授僕人書。將伏劒。公讀其書曰。日君乏使。使臣斯司馬。臣聞。師衆以順爲武。軍事有死無犯。爲敬君。合諸侯。臣敢不敬。君師不武。執事不敬。罪莫大焉。臣懼其死。以及楊干。無所逃罪。不



能致訓。至於用鉞。臣之罪重。敢有不從。以怒君心。請歸死於司寇。公跣而出曰。寡人之言。誰愛也。吾子之討軍禮也。寡人有弟。弗能教訓。使干大命。寡人之過也。子無重寡人之過。敢以爲請。悼公以魏絳爲能以刑佐民矣。反役。與之禮食。使佐新軍。鄢陵之戰。晉呂錡射楚子。中目。以鄭故。故鄭堅卽楚。至是楚伐宋。宋華元如晉告急。韓厥曰。欲求得人。必先勤之。成靈安疆。自宋始矣。於是師于台谷以救宋。已伐鄭。城虎牢。鄭請成。楚公子貞帥師伐鄭。鄭用公子騑。晝又卽楚。晉會諸侯之師伐鄭。師于汜。鄭又請成。知武子瑩曰。許之盟而還師。以弊其楚。

吾三分四軍。與諸侯之銳。以迎來者。於我木病。楚不能  
矣。猶愈於戰。暴骨以逞。大勞未艾。君子勞心。小人勞力。  
先王之制也。乃許鄭成。將盟。晉士莊子爲載書曰。自今  
日既盟之後。鄭國而不唯晉命是聽。而或有異志者。有  
如此盟。子駢趣進曰。天禍鄭國。使介居二大國之間。大  
國不加德音。而亂以要之。使其鬼神不獲歆其禋祀。其  
民人不獲享其土利。夫婦辛苦墊隘。無所底告。自今日  
既盟之後。鄭國而不惟有禮與彊。可以庇民者。是從。而  
敢有異志者。亦如之。荀偃曰。改載書。公孫舍之曰。昭大  
神。要言焉。若可改也。大國亦可叛也。知武子謂韓獻子



曰。我實不德。而要人以盟。豈禮也哉。姑盟而退。脩德。息  
兵而來。終必獲鄭。何必今日。我之不德。民將棄我。豈惟  
鄭若能休和。遠人將至。何恃於鄭。乃盟而還。晉侯歸。謀  
所以息民。魏絳請施舍。輸積聚以貸。自公以下。苟有積  
者。盡出之。國無滯積。亦無困人。公無禁利。亦無貪民。所  
以弊更賓。以特牲。器用不作。車服從給。行之期年。國乃  
有節。三駕而楚不能與爭。十一年。公會宋公。魯侯。衛侯。  
曹伯。齊世子光。莒子。邾子。滕子。薛伯。杞伯。小邾子。伐鄭。  
鄭請成。乃會于蕭魚。於是晉侯赦鄭。囚納斥埃。禁侵掠。  
晉公之有禮與信也。初。無終子嘉父。因魏莊子。絳。納虎。

豹之皮。請和諸戎。悼公曰。戎狄無親而貪。不如伐之。魏絳曰。諸侯新服。陳新來和。將觀於我。我德則睦。否則携貳。勞師於戎。而楚伐陳。必弗能救。是棄陳也。諸華必叛。戎禽獸也。獲戎失華。無乃不可乎。夏訓有之。曰。有窮后羿。公曰。后羿何如。對曰。昔有夏之衰。后羿自鉏遷于窮石。因夏民以代夏政。待其射也。不脩民事。而淫于原獸。棄武羅。伯困。熊髡。尨圉。而用寒浞。寒浞伯明氏之讒子弟也。伯明后寒棄之夷。羿收之。信而使之。以爲己相。浞行媚於內。而施賂于外。娛羿于田。而樹之詐慝。以取其國家。羿歸自田。家衆殺而烹之。以食其子。其子不忍食。



死于窮門。浞因羿室。生澆及豷。恃其讒慝。詐僞而不德。  
于民。使澆用師。滅斟灌。及斟尋氏。處澆于過。處豷于戈。  
靡自有鬲氏。收二國之燼。以滅浞。而立少康。少康滅澆。  
于過。后杼滅豷于戈。有窮遂亡。失人故也。昔周辛甲之  
爲太史也。命百官。官箴王闕。於虞人之箴曰。芒芒禹迹。  
畫爲九州。經啓九道。民有寢廟。獸有茂草。各有攸處。德  
用不擾。在帝夷羿。冒于原獸。忘其國恤。而思其麇牡。武  
不可重用。不恢于夏家。獸臣司原。敢告僕夫。虞箴如是。  
可不懲乎。於是晉侯好田。故魏絳及之。公曰。然則莫如  
和戎乎。對曰。和戎有五利焉。戎狄荐居。貴貨易土。玉可

賈焉。一也。邊鄙不聳。民狎其野。穡人成功。二也。戎狄事  
晉。四鄰震動。諸侯威懷。三也。以德綏戎。師徒不勤。甲兵  
不頓。四也。鑒于后羿。而用德度。遠至邇安。五也。君其圖  
之。公說。使魏絳盟諸戎和焉。及是。鄭人獻女樂於晉。公  
以鄭樂之半。賜魏絳。曰。子教寡人。和諸戎狄。以正諸華。  
八年之中。九合諸侯。如樂之和。無所不諧。請與子樂之。  
辭曰。夫和戎狄。國之福也。八年之中。九合諸侯。諸侯無  
慝。君之靈也。二三子之勞也。臣何力之有焉。抑臣願君  
安其樂。而思其終也。詩曰。樂只君子。福祿攸同。便蕃左  
右。亦是帥從。夫樂以安德。義以處之。禮以行之。信以守



之仁以厲之。而後可以殿邦國。同福祿。來遠人。所謂樂也。書曰。居安思危。思則有備。有備無患。敢以此規。公曰。子之教。敢不承命。抑微子寡人無以待戎。不能濟河。夫賞國之典也。藏在盟府。不可廢也。子其受之。魏氏於是乎有金石之樂。韓獻子老矣。知武子瑩爲政。稟焉而後從事。於是六卿大和。無何。卒悼公。蒐縣上以治兵。使士句將中軍。辭曰。伯游長。昔臣習於知伯。是以佐之。非能贊也。請從伯游。荀偃將中軍。中行獻子伯游士句佐之。使韓起將上軍。辭以趙武。又使欒黶辭曰。臣不如韓起。韓起上趙武。君其聽之。使趙武將上軍。韓起佐之。欒黶將下軍。

魏絳佐之。新軍無帥。公難其人。使其什吏察其卒乘。官屬以從於下。軍禮也。晉國之民是以大和。諸侯遂睦。君子曰。讓禮之主也。范宣子讓其下。皆讓。樂廩爲汰。弗敢違也。晉國以平。數世賴之。刑善也。夫一人刑善。百世休和。可不務乎。周之興也。其詩曰。儀刑文王。萬邦作孚。言刑善也。及其衰也。其詩曰。大夫不均。我從事獨艱。言不讓也。世之治也。君子尚能而讓其下。小人厚力以事其上。是以上下有禮。而讒慝黜遠。繇不爭也。謂之懿德。及其亂也。君子稱其功以加小人。小人伐其技以馮君子。是以上下無禮。亂虐並生。繇爭善也。謂之昏德。國家之



敝。恒必繇之。悼公立十四年而薨。子平公彪立。范宣子

爲政。

士

諸侯之幣重。欒祁譖欒氏。士鞅爲之徵。

宣子子

乃逐欒盈。兩會諸侯盟以錮之。欒盈帥曲沃之甲。因魏

獻子

舒

以入絳。宣子懼。樂王鮒曰。欒氏多怨。子在位。欒

氏自外。何懼。欒氏所得唯魏氏。而可強取也。夫克亂在

權。公有嬖器。王鮒使宣子墨縗凶經。二婦人輦以如公。

奉公以如固宮。使鞅逆魏舒。則成列。旣乘。將逆欒氏矣。

鞅趨進曰。欒氏帥賊以入。鞅之父與二三子在君所矣。

使鞅逆吾子。鞅請驂乘。持帶遂超乘。右撫劍。左援帶。命

之驅。僕請曰。何之。鞅曰。之公。范宣子逆諸階。執其手。賂

之以曲沃欒氏乘公門宣子謂鞅曰矢及君屋必死之

鞅用劔以帥卒欒氏北盈奔曲沃而誅初欒黶惡士鞅逐之秦秦伯問

曰晉大夫其誰先王對曰其欒氏乎汰虐已甚然黶猶

可免其在盈乎秦伯曰何故對曰武子之德在民如周

人之思召公焉愛其甘棠況子乎黶死盈之害未能及

人武子所施沒矣而黶之怨實章將於是乎在秦伯曰

善爲之請於晉而後之宣子滅欒氏殪其黨羊舌虎及焉囚叔向

樂王鮒見之曰吾爲子請叔向弗應出不拜其人皆咎

叔向叔向曰必祁大夫室老聞之曰樂王鮒言於君無

不行求赦吾子吾子不許祁大夫所不能也而曰必繇

之何也叔向曰樂王鮒從君者也何能行祁大夫外舉

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順

不棄讐內舉不失親獨遺我乎詩曰有言德行四國順



之。夫子覺者也。晉侯問叔向之罪於欒。鮒對曰：「不棄其親，其有焉。」於是祁大夫老矣，乘駟而九。宣子曰：「書曰：『聖有謨訓，明徵定保。』夫謀而鮮過，惠訓不倦，叔向有焉。社稷之固也，猶將十世宥之以勸能者。今壹不免其身，以棄社稷，不亦惑乎？」鮒殛而禹興，管蔡爲戮，周公右王。若之何其以虎也？棄社稷，子爲害，誰敢不勉？多殺何爲？」宣子說，與之乘，以言諸公而免之，不見叔向而歸。叔向亦不告免焉而朝。

初祁大夫請老，問嗣焉，稱解狐，其讐也。將立之而卒，又問，對曰：『午也可。』於是使祁

是年舌職死矣。晉侯曰：『鮒可代對。』曰：『赤也可。』於是使祁午爲中軍尉，羊舌赤佐之。君子謂祁奚爲能舉舍矣。稱

其讐，不爲諂，立其子，不爲比，舉其偏，不爲黨。昔曰：『無偏無黨，王追蕩蕩，其祁奚之謂矣。』平十年，趙

文子武爲政薄諸侯之幣而重其禮諸侯或相侵則討而使歸其地諸侯是以睦於晉於是晉楚構難數世矣厭於兵宋向戌善趙文子又善於令尹子木欲弭諸侯之兵以爲名如晉告趙孟趙孟謀於諸大夫韓起宣子曰兵民之殘也財用之蠹小國之大菑也將或弭之雖曰不可必將許之弗許楚將許之以召諸侯則我失爲盟主矣晉人許之如楚楚亦許之如齊齊人難之陳文子曰晉楚許之我焉得已且人曰弭兵而我弗許則固携吾民矣將焉用之齊人許之告於秦秦亦許之皆告於小國爲會于宋五月甲辰晉趙武至於宋丙午鄭良霄



至戊申魯叔孫豹齊慶封陳須無衛石惡至丙辰邾悼公至壬戌楚公子黑肱先至成言於晉丁卯宋向戌如陳從子木成言於楚戊辰滕成公至子木謂向戌請晉楚之從交相見也復於趙孟趙孟曰晉楚齊秦匹也晉之不能於齊猶楚之不能於秦也楚若能使秦君辱於敝邑寡君敢不固請於齊向戌復於子木子木使駟謂楚子楚子曰釋齊秦他國請相見也陳蔡曹許之大夫皆至以藩爲軍晉楚各處其偏荀盈謂趙孟曰楚氛甚惡趙孟曰吾左還入於宋其若我何將盟于宋西門之外子木令楚人衷甲伯州犁曰合諸侯之帥以爲不信

無乃不可乎。子木曰：晉楚無信久矣。事利而已。苟得志焉。焉用信。趙孟患之。告叔向。叔向曰：何害。匹夫一爲不信。猶不可。單斃其死。若合諸侯之卿。爲不信。必不捷矣。食言者不病。非子之患也。夫以信召人。而以僭濟之。必莫之與也。安能害我。且吾因宋以守病。則夫能致死。與宋致死。倍楚可也。子何懼焉。又不及是。曰：弭兵以召諸侯。而稱兵以害我。吾庸多矣。非所患也。且盟。晉楚爭先。晉人曰：晉固爲諸侯盟主。未有先晉者也。楚人曰：子言晉楚匹也。若晉常先。是楚弱也。且晉楚狎主夏盟久矣。豈專在晉。叔向謂趙文子曰：諸侯歸晉之德。只非歸其



戶盟也。子務德無爭先。且諸侯盟。小國固必有戶盟者。  
楚爲晉細。不亦可乎。晉楚平。而楚卒先晉。夷德僭。不可  
邇也。經先晉。重晉也。晉中國也。於是宋公。平魯侯。襄陳  
侯。哀鄭伯。簡許男。悼皆朝于楚。從宋盟。而春秋患天下  
之無霸。宋公兼享。晉楚之大夫。趙孟爲客。子木與之言。  
弗能對。使叔向侍言焉。子木亦不能對。子木歸。語楚子  
曰。宜晉之伯也。有叔向以佐其卿。楚無以當之。不可與  
爭。悼夫人食輿人之城杞者。絳縣人。年長矣。無子而往。  
與於食。有與疑年。問之曰。臣小人也。不知紀年。臣生之  
歲。正月甲子朔。四百有四十五甲子矣。其季於今三之

一也。

不欲顯君相遺老虐使之也。故隱語以對。

吏走問諸朝。師曠曰：魯叔仲

患伯。會郤成子于承匡之歲也。今七十有三年矣。史趙

曰：亥有二首六身，下二如身，是其日數也。

亦隱

士文伯曰：

然則二萬六千六百有六旬矣。趙孟問其縣大夫，則其屬也。召之而謝過焉，曰：武不才，任君之大事，以晉國之多虞，不能繇吾子，使吾子辱在泥塗，久矣。武之罪也。敢謝不才，使助爲政，辭以老，使爲君復陶，以爲絳縣師而廢其輿尉。魯使者歸，告季武子曰：晉未可媮也。有趙孟以爲大夫，有伯瑕以爲佐，有史趙、師曠而咨度焉，有叔向、女齊以師保其君，其朝多君子，其庸可媮乎？勉事之。



而後可。魯襄公薨。子產相鄭伯。以如晉。晉侯以魯喪故。未見也。子產使盡壞其館之垣。納車馬焉。晉讓之曰。以敝邑之爲盟主。繕館葺牆。以待賓客。若皆毀之。其何以共命。對曰。敝邑褊小。介於大國。不敢寧居。悉索敝賦。以來會時事。逢執事之不間。而未得見。又不獲聞命。未知見時。不敢輸幣。亦不敢暴露其輸。則君之府實也。非薦陳之。不敢輸也。其暴露之。則恐燥涇之不時而朽蠹。以重敝邑之罪。僑聞文公之爲盟主也。宮室卑庠。無觀臺榭。以崇大諸侯之館。今君之宮室。庫繕脩。司空以時平易道路。圻人以時塡館宮室。諸侯賓至。車馬有所賓。

從有代。隸人牧圉。各瞻其事。百官之屬。各展其物。公不  
留賓。而亦無廢事。憂樂同之。教其不知。而恤其不足。賓  
至如歸。不畏寇盜。而亦不患燥溼。今銅鞮之宮數里。而  
諸侯舍於隸人門。不容車。而不可踰越。盜賊公行。而天  
疇不戒。賓見無時。命不可知。若又勿壞。是無所藏幣。以  
重罪也。敢請執事。將何所命之。雖君之有魯喪。亦敝邑  
之憂也。若獲薦幣。脩垣而行。君之惠也。敢憚勤勞。趙文  
子曰。信。我實不德。而以隸人之垣羸羸受諸侯。是吾罪  
也。使士文伯謝不敏焉。乃築諸侯之館。十七年。趙孟會  
楚公子圍。及諸侯盟于訖。尋宋之盟也。初午。謂趙文子。



曰。宋之盟。楚人得志於晉。今令尹之不信。諸侯之所聞也。子弗戒懼。又如宋。子木以信稱於諸侯。猶詐晉而駕焉。況不信之尤者乎。楚重得志於晉。晉之耻也。子相晉國。以爲盟主。於今七年矣。再合諸侯。三合大夫。服齊狄。寧東夏。平秦亂。城淳于。師徒不頓。國家不罷。民無謗議。諸侯無怨。天無大災。子之力也。有令名矣。而終之以耻。午也。懼之。文子曰。武受賜矣。然宋之盟。子木有禍人之心。武有仁人之心。是楚所以駕于晉也。今武猶是心也。楚又行僭。非所害也。武將信以爲本。循而行之。譬如農夫。是穠是泰。雖有飢饉。必有豐年。且吾聞之。能信。不爲。

事矣。譬如火焉。火中寒暑乃退。此其極也。能無退乎。晉將失諸侯。諸侯求煩不獲。子大叔告人曰。張趯知矣。其猶在君子之後乎。不爲君諱既而齊使晏嬰請繼室於晉平公。許之。嬰如晉致女。而晉築鴈祁之宮。諸侯畢賀。史趙曰。甚哉其相蒙也。可弔也。而又賀之。

晏子從叔向宴相與語叔向曰齊其

何如。晏子曰。季世也。齊其爲陳氏矣。舊四量豆區釜鍾四升爲豆各自其四以登於釜釜十則鍾陳氏三量皆登一焉鍾乃大矣以家量貸而以公量收之山木如市弗加於山魚鹽蜃蛤弗加於海民叁其力二入於公而衣食其一公聚朽蠹而三老凍餒國之諸市屨賤踊貴民人痛疾而或噢咻之欲無獲民將焉辟之叔向曰然吾公室今亦季世也戎馬不駕卿無軍行公乘無人卒列無長庶民罷敝而官室滋侈道殣相望而女富溢尤政在家門民無所依君日不悛以樂悞憂公室之卑其何日之有晏子曰子將若何叔向曰盼聞之公室將卑



其宗族枝葉先落而後公室從之。盼之宗十一族。平公唯羊舌氏在而已。盼又無子。幸而得死。豈其獲祀。

薨。傳昭頃而六卿益專。主夏盟。平王室亂。而齊以法相

滅。滅祁氏。羊舌氏。分其邑。公室益微。當是時。楚不振而

吳強。通於上國。與晉爭諸侯。定公時。趙鞅殺邯鄲午。圍

邯鄲。范中行氏相與睦而伐趙。鞅入于晉陽以叛。知伯

荀躒

曰。君命大臣。始禍者死。載書在河。今二臣始禍。獨逐

鞅。刑不鈞矣。諸皆逐之。與韓魏奉公。以伐范中行氏。荀

寅士吉射較不勝。奔朝歌。復趙氏。而四卿益專。出公之

世。知伯瑤專國。與趙韓魏共滅范中行氏。分其地。公怒。

告齊魯。欲以伐四卿。四卿反攻出公。出公奔齊。知作乃

事矣。壁曰：如火焉，火中寒暑乃退。此其極也。能無退乎？晉

將失諸侯，諸侯求煩不獲。子大叔告人曰：張趯知矣。其

猶在君子之後乎？不爲君議既而齊使晏嬰請繼室於晉平

公，許之。嬰如晉致女，而晉築虎祁之宮，諸侯畢賀。史趙

曰：甚哉其相蒙也。可弔也。而又賀之。晏子從叔向宴，相與語，叔向曰：齊其

何如？晏子曰：季世也。齊其爲陳氏矣。舊四量：豆、區、釜、鍾。四升爲豆，各自其四以登於釜，釜十則鍾。陳氏三量皆

登一焉。鍾乃大矣，以家量貨，而以公量收之。山木如市，

弗加於山；魚鹽蜃蛤，弗加於海；民叁其力，二人於

衣食，其一，公聚朽蠹，而三老凍餒。國之諸市，履賤踊貴，

民人痛疾，而或喚咻之，欲無獲，民將焉辟之？叔向曰：然，

吾公室今亦季世也。戎馬不駕，卿無軍行，公乘無人，率

列無長，庶民罷敝，而宮室滋侈，道殣相望，而女富溢尤，

政在家門，民無所依，君日不悛，以樂慆憂，公室之卑，其

何日之有？晏子曰：子將若何？叔向曰：盼聞之，公室將卑。



其宗族枝葉先落而後公室從之。盼之宗十一族。平公唯羊舌氏在而已。盼又無子。幸而得死。豈其獲祀。

薨。傳昭頃而六卿益專。主夏盟。平王室亂。而齊以法相

滅。滅祁氏。羊舌氏。分其邑。公室益微。當是時。楚不振而

吳強。通於上國。與晉爭諸侯。定公時。趙鞅殺邯鄲午。圍

邯鄲。范中行氏相與睦而伐趙。鞅入于晉陽以叛。知伯

荀躒曰。君命大臣。始禍者死。載書在河。今二臣始禍。獨逐

鞅。刑不鈞矣。請皆逐之。與韓魏奉公。以伐范中行氏。荀

寅士吉射較不勝。奔朝歌。後趙氏而四卿益專。出公之

世。知伯瑤專國。與趙韓魏共滅范中行氏。分其地。公怒。

告齊魯。欲以伐四卿。四卿反攻出公。出公奔齊。知作乃

立昭公曾孫驕曰哀公。傳幽烈孝靜。凡四君而韓魏趙滅知氏。代晉爲諸侯。

論曰。晉自文侯王東遷焉依。至文公久於外而踐國。得土足相。故譎而不驚。詳而有章。於是乎世爲霸主百餘年。宗周賴焉。靈公旣弑。其後成景致嚴。至厲大刻。大夫懼誅而禍作。後乃六卿權並而爭。晉卒以亡。君道之御其臣下。固不易哉。

鄭 鄭桓公友者。周厲王少子。宣王庶弟也。初封鄭。百姓便愛之。爲幽王司徒。王以褒姒故。治多邪。桓公憂之。用史伯言。東徙其民於維。而開虢鄆十邑。已而死幽王。



之難。鄭人立其子掘突。曰武公。公爲王司徒。善於其職。好賢樂善。詩人所爲賦。緇衣者也。娶於申。曰武姜。生大子寤生。弗愛。愛少子叔段。欲立爲太子。公弗聽。武公卒。莊公寤生立。姜爲請制。曰公制嚴邑也。號叔死焉。他邑惟命。請京使居之。蔡仲曰。都城過百雉。國之害也。先王之制。大都不過參國之一。中五之一。小九之一。今京不度。非制也。請更之。公曰。夫人欲之。焉避害。對曰。姜氏何厭之有。不如早爲之所。無使滋蔓。蔓難圖也。蔓草猶不可除。況君之寵弟乎。公曰。多行不義必自斃。旣而大叔命西鄙北鄙貳於己。又收貳爲己邑。至于廩延。公子呂曰。

厚將得衆且奈何。公曰。不義不暱。厚將崩。已太叔將襲鄭。夫人啓之。公曰。可矣。命子封率車二百乘以伐段。段奔鄆。經書曰。鄭伯克段于鄆。段不弟。故不言弟。如二君。故曰克。稱鄭伯。鄭志也。且譏失教。鄭伯遂寘武姜于城穎。而誓之曰。不及黃泉。無相見也。居久之。穎考叔有獻於公。公賜之食。食舍肉。公問之。對曰。小人有母。皆嘗小人之食矣。未嘗君之羹。請以遺之。公曰。爾有母遺。繫我獨無。穎考叔曰。敢問何謂也。公語之故。且告之悔。對曰。君何患焉。若闕地及泉。隧而相見。其誰曰不然。從之。公入大隧。逆姜出。賦而融泄也。遂爲母子如初。君子曰。穎



考叔。純孝也。愛其母。施及莊公。詩曰。孝子不匱。永錫爾類。其是之謂乎。莊公性果。忍善兵。又明於時與權。旣克許。則使許大夫百里奉許叔。居許東偏。公孫獲處許西偏。曰。寡人有弟。不能和協。使餽其口於四方。況能少有許乎。吾子其奉許叔以撫柔此民也。無滋他族。實偪處此。旣敗王師于緇葛。王傷于師。則使祭足勞王。且問左右。曰。君子不欲多上人。況敢陵天子乎。吾苟自救也。社稷無隕。多矣。逆惡不遂。以能犯大難而竟免其身。莊公卒。子昭公忽立。宋人欲立雍姑之子突。誘祭仲而執之。曰。不立突將死。仲乃立厲公。突而昭公出奔衛。已厲公

惠祭仲專使其婿雍糾賊之。祭仲殺雍糾。公奔櫟。昭公復入。立爲高渠彌所弑。公子亶立。亶爲齊所殺。子儀立。而傅瑕殺子儀。及其二子。迎厲公復入。而公殺傅瑕。使謂原繁曰。寡人出伯父無裏言。入又不念寡人。寡人憾焉。對曰。先君桓公。命我先人典司宗祏。曰。必無貳社稷。有主而外其心。何貳如之。臣無貳心。天之制也。子儀在位十四年矣。而君庸非貳乎。莊公之子。猶有八人。若皆以官爵行賂。勸貳而濟。君其若之何。臣聞命矣。縊而死。厲公立。四歲亡。君櫟。十七歲復入。立七歲而卒。歷文

捷  
穆  
蘭  
靈  
夷

襄  
堅

悼  
瀆

成  
踰

之世。鄭內多亂。晉楚爭成。



國無日不受師。幾不能自存。語具晉楚事中。及公子駢  
絀。僖公。髡子嘉立。曰簡公。簡公在位久。子展子西爲政。  
已屬國於子產。子產維國以禮。字民以惠。以君子之道  
輔之而安。又國多君子。鄭以久存。至戰國時。乃爲韓所  
滅。

通史上編卷之四

明盱郡鄧元錫纂

周列國志

楚 吳 越 楚芊氏其先重黎之後也帝嚳命曰祝

融夏殷時嘗爲侯伯文王時鬻熊爲文王師成王時舉

文武勤勞之後嗣得熊繹而封之楚居丹陽今荊州枝江夷

王時王室衰而楚子熊渠者甚得江漢間民和自以蠻

夷也不與於中國之號謚乃並立其三子爲王至蚡冒

大倨自立爲武王傳子熊貲文王始都郢伐申伐蔡憑陵

江漢間小國小國皆畏之子熊羆古艱字立欲殺其弟頤



成王。顧奔隨。與隨人伐楚。弑堵敖而代之。是為成王。楚人謂未成君曰敖。

而鬬穀於菟為令尹。穀於菟。緇帛以朝。鹿裘以處。食朝。

不謀夕。以憂勤于社稷。得臣伐陳。取焦夷。城頓於菟以

為功。使為令尹。而悉以舊令尹之政告之。以靖國。楚闢

地千里。於是齊桓公有召陵之師。桓公薨。楚會孟。執宋

襄。又敗之泓。晉文公始霸。敗得臣於城濮。後楚成為子

商臣所弑。穆王商臣死。子旅立。國人所謂楚莊王者也。立

三年。淫于樂。不聽正令。有諫者死。伍舉曰。願進隱。楚子

曰。何舉。曰。有鳥在阜。三年而不飛。不鳴。是何鳥也。楚子

曰。三年不飛。飛將冲天。三年不鳴。鳴將驚人。舉退矣。吾

知之矣。大夫蘇從入強諫。楚子曰：「若不聞吾令乎？」對曰：「聞之。」抑殺身以明君臣之願也。於是楚子乃罷淫樂，聽政。任伍舉、蘇從以圖政。於是楚大饑，庸人帥羣蠻以叛楚。麋人帥百濮聚於選，將伐楚。申息之北門不啓。楚人謀徙於阪高，薦賈孫叔敖父曰：「不可。我能往，寇亦能往。」不如伐庸。夫麋與百濮謂我饑，不能師，故伐我也。若我出師，必懼而歸。百濮離居，將各走其邑。誰暇謀人？乃出帥旬有五日，百濮乃罷。自廬以往，振廩同食，以伐庸。秦人、巴人從楚師，遂滅庸。舒蓼叛楚，楚滅舒蓼而疆之。及滑汭，盟吳起而還國，以富強。若敖越椒作亂，滅若敖氏。箴尹



克黃者。令尹子文孫也。使於齊。還及宋。聞亂。其人曰。不  
可以入矣。箴尹曰。棄君之命。獨誰受之。君天也。天可逃  
乎。歸復命。而自拘於司敗。楚子曰。子文無後。何以勸善。  
使復其所。改命之。姓曰生焉。楚子召孫叔敖。薦艾與共政。  
問國是。叔敖曰。國之有是。衆之所惡也。臣恐王之不能  
定也。楚子曰。定之當何如。叔敖曰。君驕士曰。士非我無  
繇富貴。士驕君曰。君非我無繇安強。君或至失國而終  
不悟。士至飢寒而終不進。則國是無定矣。夏桀殷受。不  
定國是。而以合其取舍者爲是。不合其取舍者爲非。故  
危亾而不知。楚子曰。善。願相國與諸侯大夫士共定國。

是矣。寡人豈敢以取舍自爲。是陳靈公宣淫于夏氏。夏徵舒弑靈公。中國不能討。楚子謂陳人無動。將討于少西氏。遂入陳。殺夏徵舒。轅諸栗門。因縣陳。陳侯在晉。申叔時使於齊。反復命而退。楚子使讓之曰。夏徵舒爲不道。殺其君寡人。以諸侯討而戮之。諸侯縣公皆慶寡人。女獨不慶寡人。何故。對曰。猶可辭乎。曰。可。曰。夏徵舒弑其君。其罪大矣。討而戮之。君之義也。抑人有言曰。牽牛以蹊人之田。而奪之牛。牽牛以蹊者。信有罪矣。而奪之牛。罰已重矣。諸侯之從也。曰。討有罪也。今縣陳。貪其富也。以討召諸侯。而以貪歸之。無乃不可乎。楚子曰。善哉。



吾未之前聞也。反之可乎。對曰。可哉。吾儕小人。所謂取諸其懷而與之者也。乃復封陳。鄉取一人焉。以歸。謂之夏州。晉主夏盟而賂。鄭受盟于楚。復徼事於晉。楚子圍鄭。入自皇門。至于逵路。鄭伯褻肉袒牽羊以迎。曰。孤不能事君。使君懷怒。以及敝邑。孤之罪也。其俘諸江南。以實海濱。唯命。其翦以賜諸侯。使臣妾之。亦唯命。若惠顧前好。徼福于厲宣桓武。不泯其社稷。使改事君。夷於九縣。君之惠也。孤之願也。非所敢望也。左右曰。得國無赦。楚莊曰。其君能下人。必能信用其民矣。庸可幾乎。退三十里而許之平。潘廕入盟。子良出質。於是晉荀林

父

桓子

帥師以救鄭。及河。聞鄭及楚平。林父欲還。曰。無及。

於鄭而勦民焉。用之。楚歸而動。不後。隨武子士會曰。善。會。

聞用師。觀釁而動。德刑政事典禮不易。不可敵也。楚軍。

討鄭。怒其貳而哀其卑。叛而伐之。服而舍之。伐叛刑也。

柔服德也。德刑成矣。昔歲入陳。今茲入鄭。民不罷勞。君。

無怨讟。政有經矣。荆尸而舉。農工商賈不敗其業。而卒。

乘輯睦。事不奸矣。蔣敖爲宰。擇楚國之令典。軍行右轅。

左追蓐。前茅慮無。中權後勁。百官象物而動。軍政不戒。

而備。能用典矣。其君之舉也。內姓選於親。外姓選於舊。

舉不失德。賞不失勞。老有加惠。旅有施舍。君子小人。物。



有服章。貴有常尊。賤有等威。禮不逾矣。德立刑行。政成  
事時。典從禮順。若之何敵之。見可而進。知難而退。軍之  
善政也。兼弱攻昧。武之善經也。子姑整軍而經武乎。猶  
有弱而昧者。何必楚。彘子<sup>先</sup>曰。不可。晉所以霸。師武臣  
力也。今失諸侯。不可謂力。有敵不從。不可謂武。繇我失  
霸。不如死。以中軍佐濟。知莊子荀曰。此師始哉。易有之。  
師出以律。否臧凶。執事順成爲臧。逆爲否。果遇必敗。彘  
子尸之。雖免而歸。必有大咎。韓獻子厥曰。彘子以徧師  
陷子罪大矣。不如進也。事之不捷。惡有所分。師遂濟。鄭  
使皇戌如晉。師曰。鄭之從楚。社稷之故也。未有貳心。楚

師驟勝而驕。其師老矣。而不設備。子擊之。鄭師爲承。楚師必敗。彘子曰。敗楚服鄭。於此在矣。必許之。樂武子

書

曰。楚自克庸以來。其君無日不討國人而訓之于民生之不易。旣至之無日。戒懼之不可以怠。在軍無日不討軍實而申儆之于勝之不可保。紂之百克而卒無後。訓之以若敖。蚡冒。筭路藍縷。以啓山林。箴之曰。民生在勤。勤則不匱。不可謂驕。先大夫子犯有言曰。師直爲壯。曲爲老。我則不德。而徼怨于楚。我曲楚直。不可謂老。其君之戎。分爲二廣。廣有一卒。卒偏之兩。右廣初駕。數及日中。左則受之以至于昏。內官序當其夜。以待不虞。不可



謂無備子良。鄭之良也。師叔楚之崇也。師叔入盟。子良在楚。楚鄭親矣。來勸我戰。我克則來。不克遂往。以我卜也。鄭不可從。楚少宰如晉師。曰寡君少遭閔凶。不能文聞。二先君之出入此行也。將鄭是訓定。豈敢求罪于晉。二三子無淹久。隨季以好對蕤子。以爲譖。使趙括從而更之。曰寡君使羣臣遷大國之迹於鄭。曰毋辟敵。羣臣無所逃命。楚又使人求成于晉。晉乃許盟。盟有日矣。晉魏錡求爲公族。未得而怒。欲敗晉師。請致師。弗許。請使許之。趙旃求卿。未得。且怒於失楚之致師者。請挑戰。弗許。請召盟。許之。與魏錡皆命而往。郤獻子克曰。二憾往。

矣。弗備必敗。蒧子曰：鄭人勸戰，弗敢從也。楚人求成，弗能好也。師無成命，多備何爲？士季會曰：備之善若二，怒楚楚人乘我，器師無日矣。不如備之。楚之無惡，除備而盟，何損於好？若以惡來，有備不敗。且雖諸侯相見，軍衛不徹警也。蒧子不聽。已而楚子乘左廣以逐趙旃。旃棄車走。晉人使輶車逆之。潘黨望其塵，使騁而告曰：晉師至矣。楚人懼，楚子之入晉軍也，遂出陳。孫叔敖曰：進之。寧我薄人，毋人薄我。詩云：元戎十乘以先啓行。先人也。軍志曰：先人有奪人之心，薄之也。遂疾進師，車馳卒奔，乘晉軍，晉軍大敗，隨季殿其卒而退，獨不敗。潘黨言



於楚子曰。臣聞克敵必示子孫。以無忘武功。盍收晉尸。築之。爲京觀乎。楚子曰。非爾所知也。夫文止戈爲武。武王克商。作頌曰。載戢于戈。載櫜弓矢。我求懿德。肆于時夏。又作武。其卒章曰。耆定爾功。其三章曰。鋪時繹思。我徂惟求定。其六章曰。綏萬邦。屢豐年。夫武禁暴戢兵。保大定功。安民和衆。豐財者也。故使子孫無忘其章。今我使二國暴骨。暴矣。觀兵以威諸侯。不戢矣。暴而不戢。安能保大。猶有晉在焉。得定功。所違民欲。猶多。民何安焉。無德而強爭。諸侯何以和衆。利人之幾。而安人之亂。以爲已榮。何以豐財。武有七德。我無一焉。何以示子孫。爲。

先君宮告成事而已。武非吾事也。古者明王伐不敬。取其鯨鯢而封之。以爲大戮。於是乎作京觀以懲淫慝。今罪無所而民皆盡忠以死君命。又何以爲京觀乎。祀于河。作先君宮告成事而還。是役也。君子曰。史佚所謂毋怙亂者。謂是類也。詩曰。亂離瘼矣。爰誰適歸。歸於怙亂者。夫。明年晉殺其大夫先穀。楚申舟聘于齊。不假道於宋。宋殺之。楚莊怒。投袂而起。屨及於室皇。劒及於寢門之外。車及於蒲胥之市。遂伐宋。宋告急於晉。晉侯欲救之。伯宗曰。不可。古人有言曰。雖鞭之長。不及馬腹。天方授楚。未可與爭。雖晉之彊。能違天乎。川澤納汙。山藪藏



疾瑾瑜匿瑕。國君含垢。天之道也。乃止。使解揚如宋。使  
無降楚。曰。晉師悉起。將至矣。鄭人囚而獻諸楚。楚子厚  
賂之。使反其言。不許。三而許之。登諸樓車。使呼宋人而  
告之。遂致其君命。楚子使與之言曰。爾旣許不穀而反  
之。何故。非我無信。女則棄之。速卽爾刑。對曰。臣聞之。君  
能制命爲義。臣能承命爲信。信載義而行之。爲利。謀不  
失利。以衛社稷。民之主也。義無二信。信無二命。君之賂  
臣。不知命也。受命以出。有死無隕。又可賂乎。臣之許君。  
以成命也。死而成命。臣之祿也。寡君有信。臣下臣獲考  
死。考終命又何求。楚子義而舍之。楚圍宋。食且盡。司馬子

反乘堙而窺宋城。宋華元亦乘堙而出見之。司馬子反曰。子之國何如。華元曰。憊矣。曰。何如。曰。易子而食之。析骸而炊之。子反曰。嘻。甚矣。憊雖然。吾聞之也。圍者。枘馬而秣之。使肥者應客。是何子之情也。華元曰。吾聞之。君子見人之厄則矜之。小人見人之厄則幸之。吾見子之君子也。是以告情于子也。子反曰。諾。勉之矣。吾軍亦有七日之糧。爾盡此不勝。將去而歸。爾揖而去之。反命于楚子。楚子曰。何如。子反曰。憊矣。曰。何如。曰。易子而食之。析骸而炊之。楚子曰。嘻。甚矣。憊雖然。今吾取此。然後歸。爾。子反曰。不可。臣已告之矣。軍有七日之糧。爾楚子怒。



曰。吾使子視之。子曷爲乎告之。子反曰。以區區之宋。猶有不欺人之臣。可以楚而無乎。是以告之也。乃引師而去之。故外平。不書經書。宋人及楚人平。大其平乎已也。楚莊卒。子審立。王楚之討陳夏氏也。楚莊欲納夏姬。申公巫臣曰。不可。君召諸侯以討罪也。今納夏姬。貪其色也。貪色爲淫。淫爲大罰。楚莊乃止。子反欲取之。巫臣曰。是不祥人也。是天子蠻殺御叔。弑靈侯。戮夏南。出孔儀。喪陳國。何不祥如是。人生實難。其有不獲死乎。子反乃止。楚人以子連尹襄老。襄老死於邲。巫臣使於齊。通焉。取以行。遂奔晉。子反請以重幣錮之。楚子曰。止。是其自

爲謀也。則過其爲先君謀則忠。忠社稷之固也。所蓋多矣。且彼若能利國家。雖重幣。晉將可乎。若無益於晉。晉且棄之。何勞錮焉。子重子反殺巫臣之族而分其室。巫臣請於晉。得使吳。吳子壽夢說之。乃通吳於晉。教吳乘車射御。教之戰陳。吳始伐楚。伐徐入州來。子重子反於是乎一歲七奔命。楚其伐鄭。晉師救鄭。晉敗楚於鄢陵。射楚子中目。而晉悼公繼霸。楚莫能與爭。於是楚子疾告大夫曰。不穀不德。生十年而器先君。未及習師保之訓。而應受多福。是以亾師于鄢。辱社稷爲大夫憂。若以大夫之靈。獲保會。領以歿於地。唯是春秋寃寃。所以從。



先君於禰廟者。請爲靈若厲。大夫擇焉。莫對。五命而許之。秋。楚子卒。子囊謀謚。大夫曰。君有命矣。子囊曰。君命以共。若之何毀之。赫赫楚國。而君臨之。撫有蠻貊。奄征南海。以屬諸夏。而知其過。可不謂共乎。請謚之。共從之。子召立。康王楚康時。公子追舒爲令尹。觀起寵未益祿而有馬數十乘。楚人患之。楚子將討焉。子南之子棄疾爲郤士。楚子見之。必泣。棄疾曰。君三泣臣矣。敢問誰之罪也。楚子曰。令尹之不能爾所知也。國將討焉。爾其居乎。對曰。父戮子居。君焉用之。洩命重刑。臣亦不爲。楚殺子南尸於朝。輶觀起於四境。三日。棄疾請尸。楚子許之。旣

葬其徒曰行乎。曰吾與殺吾父行將焉人。曰然則臣楚乎。曰棄父事讎吾弗忍也。遂縊而死。遽子馬爲令尹而寵於遽子者八人。亦無祿而多馬。他日朝與申叔豫言弗應而退。從之入於人中。又從之遂歸。退朝遽子就見曰子三困我於朝吾懼矣。吾過子姑告我何疾我也。對曰吾不免是懼何敢告子。曰何故。對曰昔觀起有寵於子南。子南得罪。觀起車裂。何故不懼。遽子自御而歸不能當道。謂八人者曰吾見申叔夫子所謂生死而肉骨也。知我者如夫子則可。不然請止。辭八人者而後君安之。遽子馬卒屈建爲令尹。子木使司馬蔣掩賦甲兵蔣掩



書土田度山林鳩藪澤辨京陵表淳鹵數疆潦規偃豬

町原防牧隰臯井衍沃量入脩賦賦車兵徒卒甲楯之

數成以授子木禮也楚滅舒鳩賞子木子木辭曰先大

夫薦子之功也子以與薦掩當是時子木從宋向戌請

與晉成會諸侯於宋曰弭兵矣楚伍參與蔡太師子朝

友其子伍舉與聲子相善也子朝伍舉將奔晉聲子遇

之鄭郊班荆相與食而言聲子曰子行矣吾必復子使

子晉還令尹子木與之語問晉故焉且曰晉大夫與楚

孰賢對曰晉卿不如楚其大夫則賢皆卿材如杞梓皮

革自楚往也子木曰夫獨無族姻乎對曰雖有而用楚

材實多。歸生聞之。善爲國者。賞不僭而刑不濫。賞僭則懼及淫人。刑濫則懼及善人。若不幸而過寧僭無濫。與其失善。寧其利淫。無善人則國從之。詩曰。人之云亡。邦國殄瘁。無善人之謂也。古之治民者。勸賞而畏刑。恤民不倦。賞以春夏。刑以秋冬。是以將賞爲之加膳。加膳則飫賜。此勸賞也。將刑爲之不舉。不舉則徹樂。此畏刑也。今楚多淫刑。其大夫逃死於四方。而爲之謀主以害楚。國不可救療。於是述晉大夫析公。巫臣。子靈。苗賁。皇。自楚往。輸忠力於晉者以告。子木曰。是皆然矣。聲子曰。今又有甚於此者。椒舉娶於申公子牟。子牟得戾而亡。君



大夫謂椒舉。女實遣之。懼而奔鄭。引領南望曰。庶幾赦余。亦弗圖也。今在晉矣。晉人將與之縣。以比叔向。若謀害楚。豈不爲患。子木懼。言諸王而復之。聲子使椒鳴逆之。楚康卒。子麇立。公子圍爲令尹。鄭行人子羽曰。是謂不宜必代之昌。松楸之下。其草不殖。子圍殺蔣掩而取其室。申無宇曰。王子必不免。善人國之主也。司馬令尹之偏王。之四體也。絕民之主。去身之偏。艾王之體。以禍其國。不祥莫大焉。已圍弑子麇。及其二子。葬之邾。謂之邾敖。使椒舉如晉。求諸侯。晉侯欲勿許。司馬侯曰。齊叔女不可。楚王方侈。天或者欲逞其心。以厚其毒而降之罰。

未可知也。其使能終亦未可知也。晉楚唯天所相不可與爭。君其許之。而脩德以待其歸。糾作淫虐。文王惠和。殷是以隕。周是以興。夫豈爭諸侯乃許。楚使楚子問於子產曰。晉許我諸侯乎。對曰。許君。晉君少安不在諸侯。其大夫多求。莫匡其君。在宋之盟。又曰。交相見也。必許君矣。楚子曰。諸侯來乎。對曰。必來。從宋之盟。承君之歡。不畏大國。何故不來。不來者。其魯衛曹邾乎。曹畏宋。邾畏魯。魯衛偏於齊而親於晉。唯是不來。楚子曰。然則吾所求無不可乎。對曰。求逞於人不可。與人同欲盡濟於。是諸侯如楚。曹邾辭以難。魯辭以時祭。衛侯辭以疾。楚



子合諸侯于申。椒舉言於楚子曰：「臣聞諸侯無歸，禮以爲歸。今君始得諸侯，其慎禮矣。」宋向戌、鄭公孫僑在，諸侯之良也。君其選焉。乃問禮於左師子產。左師曰：「小國習之，大國用之，敢不薦聞。」獻公合諸侯之禮六。子產曰：「小國其職，敢不薦守。」獻伯子男會公之禮六。楚子示諸侯侈。椒舉曰：「夫六王二公之事，皆以示諸侯禮也。諸侯所繇用命也。夏桀爲仍之會，商紂爲黎之蒐，周幽爲大室之盟，皆以示諸侯汰也。諸侯所繇棄命也。今君以汰，無乃不可乎？」弗聽。子產見左師曰：「吾不患楚矣，汰而慢，諫不過十年。」左師曰：「然，不十年，侈惡不遠，惡遠而後棄。」

善亦如之。德遠而後興。楚子以諸侯伐吳。圍朱方。克之。  
執齊慶封。負之斧鉞。以徇於諸侯。使言曰。無或如齊慶  
封。弑其君。弑其孤。以盟其大夫。慶封曰。無或如楚其王  
之庶子圉。弑其兄之子君而代之。以盟諸侯。使速殺之。  
滅其族。遂以諸侯滅賴。申無宇曰。楚旤始此矣。召諸侯  
而來伐國。而克。王心不違。民其有居乎。民不堪命。亂也。  
楚使令尹如晉。逆女。晉使韓宣子叔向如楚。逆女。楚子  
朝其大夫曰。晉吾仇敵也。苟得志焉。無恤其他。今其來  
者。上卿。上大夫也。若吾以韓起爲闕。而以羊舌肸爲司  
宮。足以辱晉矣。大夫莫對。遠啓疆曰。可。苟有其備。何故。



不可耻匹夫。不可以無備。况國乎。是以聖王務行禮。不求耻人。晉之事君。臣曰可矣。求諸侯而羣至。求婚而薦女。君親送之。上卿及上大夫致之。猶欲耻之。君其亦有備矣。不然。以親易怨。而未有其備。使晉奮武志。以報其大耻。使羣臣往遺之禽。以逞君心。何不可之有。乃厚爲禮而歸之。四年伐吳。七年滅陳。九年召蔡侯般。伏甲而饗之。執而殺之。遂圍蔡。晉韓起問於叔向曰。楚其克乎。對曰。克哉。蔡侯弑其君而不能其民。天假手於楚。以斃之。何故不克。然。胥聞之。不信。以幸。不可再也。楚王奉孫吳以討於陳。曰。將定而國。陳人聽命。而遂縣之。今又誘

蔡而殺其君。雖幸而克。必受其咎。桀克有緡。以喪其國。  
紂克東夷。而隕其身。楚位小下。而暴亟於二王。能無咎  
乎。天之假助不善。非祚之也。厚其凶惡而降之罰也。譬  
之天有五材。而將用之。必力盡而後敝之。是以無拯。不  
可沒振。於是楚滅蔡。執蔡世子有以歸。用之。申無宇曰。  
不祥。五牲不相爲用。况用諸侯乎。楚子城陳。蔡不羹。使  
棄疾爲蔡公。問於申無宇曰。棄疾在蔡何如。對曰。擇子  
莫如父。擇臣莫如君。鄭莊公城櫟而寘子元焉。使昭公  
不立。齊桓公城穀而寘管仲焉。至于今。賴之。臣聞五大  
不在邊。五細不在庭。親不在外。羈不在內。楚子曰。國有



大城如何。對曰。鄭京櫟實殺曼伯。宋蕭亳實殺子游。齊渠丘實殺無知。衛蒲戚實出獻公。若繇是觀。則害於國。未大必折。尾大不掉。君所知也已。楚子狩于州來。使蕩侯潘子司馬督囂尹陵尹帥師圍徐。以懼吳。楚子次于乾谿。爲之援。群羣職之族。矯蔡公命。召子干子皙皆共王子。強盟之。入襲蔡。奉蔡公棄疾。帥陳蔡不羹許葉之師入楚。殺太子祿。及公子罷敵。使觀從。從師于乾谿。遂告之。且曰。先歸復所。後者劓。楚子聞羣公子之死也。自投于車下而哭曰。人之愛子。亦如予乎。侍者曰。甚焉。小人老而無子。知擠于溝壑矣。楚子曰。余殺人子多矣。能無及。

此乎。右尹子革曰：請待於郊，以聽國人。楚子曰：衆怒不可犯也。請入大縣而濟師於諸侯。曰：皆叛矣。然則亾乎？楚子太息曰：大福不再，祇取辱耳。於是楚子獨徬徨行山中，無所得食。憊見涓人，枕其股而卧。涓人又以土自代，逃去。乃縊死于申亥之家。初，楚子之在乾谿也，雨雪，服皮冠，秦復陶翠被，豹舄。執鞭出，僕析父從。右尹子革夕見之，去冠被，舍鞭，與之語曰：昔我先王熊繹與呂伋王孫牟、燮父禽父，並事康王，四國皆有分，我獨無有。今吾使人於周，求鼎以爲分。王其與我乎？對曰：與君王哉。昔我先王熊繹辟在荊山，篳路藍縷，以處草莽，跋涉山



林以事天子。惟是桃弧棘矢。以共禦王事。齊王舅也。晉及魯衛。王母弟也。楚是以無分。而彼皆有。今周與四國服事君王。將惟命是從。豈其愛鼎。楚子曰。昔我皇祖伯父昆吾。舊許是宅。今鄭人貪賴其田。而不我與。求之其與我乎。對曰。與君王哉。周不愛鼎。鄭敢愛田。楚子曰。昔諸侯遠我而畏晉。今我大城陳蔡。不羹。賦皆千乘。子與有勞焉。諸侯畏我乎。對曰。畏君王哉。是四國者。專足畏也。又加以楚。敢不畏君王哉。工尹路請曰。君王命剝土爲鉞秘。敢請命。楚子入視之。析父謂子革曰。吾子。楚國之望也。今與王言如響。國其若之何。子革曰。摩厲以

須王出。吾亦將斬矣。楚子出復語。左史倚相趨而過。王曰。是良史也。子善視之。是能讀三墳五典八索九丘。子革曰。臣嘗聞焉。昔穆王欲肆其心。周行天下。將皆有車轍馬跡焉。祭公謀父作祈招之詩。以止王心。王是以獲沒於祗宮。臣問其詩而不知也。若問遠焉。其焉能知之。楚子曰。子能乎。對曰。能。其詩曰。祈招之愔愔。式昭德音。思我王度。式如玉。式如金。形民之力。而無醉飽之心。楚子揖而入。饋不食。寢不寐。數日。不能自克。以及於難。仲尼曰。古也有志。克己復禮仁也。信善哉。楚靈王令能自克。豈其辱於乾谿。初。楚其王無適冢。有寵子五人。無適



立。大有事於羣望而祈焉。曰。當璧而拜者。神所立也。密埋璧於大室之庭。使五人齊而序入。康王跨之。靈王肘加焉。子干子皙遠之。平王弱。抱而入。再拜皆厭紐。至是子干入國而不立。子比立不終。而子棄疾立。平王初楚之滅蔡也。楚靈遷許胡沈道房申於荆焉。楚子封陳蔡而皆復之。蔡隱太子之子廬歸於蔡。陳悼太子之子吳歸于陳。禮也。使然丹簡上國之兵於宗丘。撫其民。分貧振窮。長幼養老。收介特。救災患。宥孤寡。赦罪戾。理新叙舊。祿勲合親。使屈罷簡東國之兵於召陵。亦如之。息民五年而後用。楚國稱治。其後嬖讒人費無極使如秦。爲太

子娶婦美。說楚子自娶之。絕安幸。生子軫。而更爲太子。  
娶無極。旣以秦女自媚。恐太子之怨之也。日夜譖太子。  
太子母無寵。而太子常居外備邊。故譖行。於是楚子令  
司馬奮揚召太子。欲誅之。而囚其傅伍奢。揚未至。先使  
人遣太子。太子奔宋。楚子召奮揚曰。言出於予口。入於  
爾耳。誰告建也。對曰。臣告之。王命臣事建如事予。奉以  
周旋。不忍後命。故遣之。曰。而敢來何也。對曰。使而失命。  
召而不來。是再奸也。楚子釋之。無極請誅奢二子。而以  
免其父。召之。宜必來。於是楚使使謂奢曰。能致二子則  
生。不能者死。奢曰。尚至。負不至。子楚子曰。何也。奢曰。尚



爲人廉。死節。慈孝而仁。聞召而免。父必至。不顧其死。負  
爲人好智謀。而尚勇功。知來必死。必不來。召之尚果歸。  
并死。而負出奔吳。奢且死。歎曰。君大夫其盱食乎。於是  
吳滅鍾離。居巢。楚懼而城郢。沈尹戌曰。苟不能衛城。無  
益也。古者天子守在四夷。天子卑。守在諸侯。諸侯守在  
四鄰。諸侯卑。守在四境。慎其四境。結其四援。民狎其野。  
三務成功。而又無外懼。國焉用城。今吳是懼。而城於郢。  
守已小矣。卑之不獲。能無亾乎。及楚平卒。太子軫立。昭王  
令尹囊瓦賂用費。無極。譖族卻宛。殺太宰伯州犂。伯州  
犂之孫嚭奔吳。沈尹言於子常曰。無極。讒人也。喪太子。

建發連尹奢屏王之耳目。使不聰明。不然。平王之溫恭。慈惠。有過成莊。無不及焉。所以不獲諸侯。邇無極也。今又殺不辜。以興大謗。必甌子矣。囊瓦乃殺無極。滅其族。勾吳本太王子仲雍後也。太伯以讓國。與仲雍逃荆蠻。太伯薨。無子弟。仲雍立。太伯端委以治周禮。仲雍乃斷髮文身。裸爲飾。以說於吳。吳人安之。蓋其權也。傳五世。而武王克殷。求太伯仲雍後。得周章。因其故。封吳。而封周章弟虞仲於夏墟。曰虞。後十二世。晉滅虞。而勾吳始大。從太伯至壽夢十九世。而壽夢始僭稱王。壽夢有子四人。長諸樊。次餘祭。次餘昧。次季札。壽夢賢季札。欲



立之讓不可立。諸樊卒。命授弟餘祭。欲傳以次。必致國於季子。而季子終讓不立。立餘昧之子僚。公子光者。王諸樊子也。則以爲吾父兄弟所爲相致國者。爲當傳季子也。季子不受國。卽光父長先立國。我之國也。僚焉得有之。於是陰結士欲襲僚。楚伍員之犇吳也。說僚以伐楚之利。公子光曰。胥父兄爲僂於楚。欲自報仇耳。未見其利。伍員聞之曰。彼其方有內志。未可說以外事。乃退而耕於野。求勇士待之。已僚使公子蓋餘燭庸圍六濞。兵外困於楚。使季札於晉。觀諸侯之變。國無人。公子光曰。時不可失也。乃伏甲士於宮室。謁僚飲。置匕首。

於炙魚中。弑之。光代立。是爲王闔廬。闔廬旣立。以伍員爲行人。謀伐楚。員曰。楚執政衆而乖。莫適任患。若爲三師而肄焉。一師至。彼必皆出。彼出則歸。歸復出。而亟肄以疲之。多方以誤之。而後以三軍繼之。必克也。闔廬從之。楚於是乎始病。蔡昭侯爲兩佩與兩裘以如楚。獻一佩一裘於楚子。子常請其一。弗與。止之。唐成公如楚。有兩肅爽馬。子常欲之。弗與。亦止之。獻佩馬。乃偕出。蔡侯歸。及漢。執玉而沈之。曰。余所有濟漢而南者。有如大川。遂如晉。以其子元與大夫之子質焉。請伐楚。晉荀寅求貨於蔡侯。弗得。辭蔡侯。於是蔡侯因吳太宰嚭。伯州犁孫以



其子乾與大夫之子質於吳。而吳大興師伐楚。唐侯從。舍舟于淮汭。自豫章與楚夾漢而軍。楚濟漢而陳。闔廬弟夫槩曰。楚瓦不仁。其下莫有死志。先伐之。必奔。而後大師繼之。必克也。以其屬五千先擊子常之卒。卒奔。楚師亂。大敗之。囊瓦奔鄭。吳從楚師。及清發。水名先濟者。後者競濟。半濟而擊之。又敗之。楚人爲食。及食而從之。三戰及郢。經書蔡侯以吳子及楚人戰于柏舉。楚師敗績。吳稱子。善伐楚。解蔡圍也。入郢。不稱子。以班處宮。君舍于君室。大夫舍于大夫室。狄道也。反夷狄也。楚子涉雎。濟江。亾入于雲中。方寢。盜以戈擊楚子。王孫繇于以

背受之中肩乃奔鄖鄖公辛之弟懷曰平王殺吾父將  
弑之辛曰君討臣誰敢讎之君天也若死天命將誰讎  
且違彊凌弱非勇也乘人之約非仁也滅宗廢祀非孝  
也動無令名非知也必犯是余將殺女乃與其弟巢以  
楚子奔隨吳人謂隨人曰周之子孫在漢川者楚實盡  
之天誘其衷致罰焉君若顧報周室施及寡人以獎天  
衷君之惠也漢陽之田君實有之隨人卜與之不吉乃  
辭吳曰以隨之辟小而密邇於楚楚實存之世有盟誓  
至于今未改若難而棄之何以事君執事之患不唯一  
人若鳩楚竟敢不聽命初伍員與申包胥友其亾也謂



申包胥曰。我必覆楚。申包胥曰。勉之。子能覆之。我必能復之。及吳入郢。伍員求昭王不得。乃掘平王之墓。出其尸。鞭之。包胥使謂員曰。吾聞之人衆者勝天。天定亦能勝人。子故平王之臣也。親北面事之。而死以爲僇。何其無天道之極乎。伍員復之曰。爲我謝申包胥。吾日暮途遠。故倒行而逆施之。太史公曰。怨毒之於人甚矣哉。王者尚不能行之於臣下。况同列乎。公羊子曰。事君如事父。其復讎柰何。曰。父不受誅。子復讎可也。父受誅。子復讎。推刃之道也。於是申包胥如秦。乞師。曰。吳爲封豕長蛇。以荐食于上國。虐始于楚。寡君失守社稷。越在草莽。

使下臣告急曰。夷德無厭。若鄰于君。疆場之患也。逮吳之未定。君其取分焉。楚固君之土也。若以君靈撫之。世以事君。秦伯曰。寡人聞命矣。子姑就館。將圖而告。對曰。寡君越在草莽。未獲所伏。下臣何敢卽安。立依於庭牆而哭。日夜不絕聲。勺飲不入口者七日。秦伯哀之。爲之賦無衣。九頓首而坐。秦師乃出。敗吳師。會吳有越難。闔廬還而楚子復歸。徙居都。方吳之入楚也。使召陳懷公。懷公朝國人而問焉。曰。欲與楚者右。欲與吳者左。陳人從。用無田從。黨逢滑當公而進。曰。臣聞國之興也。以福。其亾也。以甌。今吳未有福。楚未有甌。楚未可棄。吳未可。



從而晉盟主也。其以晉辭若何。公曰。國勝君亾。非旤而何。對曰。國之有是多矣。何必不復。小國猶復。况大國乎。臣聞國之興也。視民如傷。是其福也。其亾也。以民爲土芥。是其禍也。楚雖無德。亦不艾殺其民。吳日敝於兵。暴骨如莽。未見德焉。天其或者正訓楚也。旤之適吳。其何日之有。陳侯從之。已吳侵陳。楚子在城父。將救陳。卜戰不吉。卜還不吉。楚子曰。然則死也。再敗楚師。不如死。棄盟逃讎。亦不如死。死一也。其死讎乎。命公子申爲王。子西不可。命公子結。子期亦不可。則命公子啓。子閭五辭而許之。將戰。楚子以疾卒于師。公子啓曰。君王舍其子而讓羣

臣羣臣敢忘君乎。從君之命順也。立君子亦順也。二順不可失也。與子西子期謀。潛師閉塗。逆子章而立之。王惠先是有雲如衆赤鳥。來日以飛三日。楚子使問於周太史。太史曰。其當王身乎。若禳之。可移於令尹司馬。楚子曰。除心腹之疾。而寘之股肱。何益。遂弗禳。及有疾。卜曰。河爲祟。盍祭諸。楚子曰。三代命祀。祭不越望。江漢雖漳。楚之望也。禍福之至。不是過。不穀雖不德。河非所獲罪。遂弗祭。孔子曰。楚昭王可謂知天道矣。楚惠時。子西爲政。使人召故太子建之子勝於吳。將用之。葉尹沈諸梁諫曰。不可勝也。復言而不慮身。愛而不仁。詐而不知彊。



恐犯義直而不衷周而不慎皆有華而無實也將焉用之且其父爲戮其心又狃而不潔若以其狃報怨而不以潔悛德其愛足以得人言足以復之詐足以謀之彊足以飾之周足以蓋之加之以不仁奉之以不義若果用之害可待也子西曰德以忘怨可乎沈諸梁曰不然唯仁者爲可好可惡可高可下也好之不偏惡之不怨高之不驕下之不懼不仁者反之驕有欲焉懼有惡焉欲惡怨偏茂能靖矣夫誰無疾膏能者蚤除之爲之闕籥藩籬而遠備之猶恐其至而爲之怵惕可召而近之乎人求多聞以鑑戒也今子求聞而棄之猶蒙耳也吾

將逃矣。子西不從。竟召勝使處吳。竟爲白公。初太子建  
亾之。鄭暴於鄭而死。白公請伐鄭。許之。未出師。適晉伐  
鄭。子西救鄭。勝怒曰。鄭人在此。讐不遠矣。自厲劔。子期  
之子平見之。曰。王孫何自厲也。曰。勝以直  
聞不告女。庸爲直。平將殺爾父。平奔以告子西。子西曰。勝如卵。余翼而長之。我死且爲令尹司馬。何反乎。不聽。  
而勝果爲亂。殺子西。子期于朝。葉公聞之。帥方域之外  
卒以入。及北門。遇一人曰。君胡不胄。國人望君如望慈  
父母然。盜賊之矢一及君。是絕民望也。乃胄而進。又遇  
一人曰。君胡胄。國人望君如望歲然。時日以幾。若見君  
面。民知不死。其亦愈有奮心矣。乃免胄進。遇箴尹將帥  
其屬與白公。葉公曰。棄德從賊。其可保乎。乃從葉公。與



國人攻白公。白公奔而縊。葉公兼行令尹司馬之事。國  
以大定。乃使子西之子寧爲令尹。子期之子寬爲司馬。  
而退老於葉。是時楚數更亂。然亂已旋定。後越滅吳。而  
楚乃更大。越王勾踐者。夏后氏之苗裔也。封會稽。披草  
萊。邑焉。後二十餘世。至允常。而大與吳爲怨。允常卒。子  
勾踐立。吳闔廬因伐越。勾踐詐敗之於檣李。傷而死。子  
夫差立。使人立於庭。苟出入。必詔曰。夫差而忘越人之  
殺而父乎。對曰。唯不敢忘。勾踐懼。欲及吳。未發。先伐之。  
范蠡曰。不可。臣聞持盈者與天定。傾者與人節。事者與  
地。天時不作。人事未起。而創爲之始。此未逆天而不和。

於人且夫兵者凶器也。戰者逆德也。爭者事之末也。陰謀逆德。好用凶器。試身於所未。上帝禁之。行者不利。勾踐不聽。師以大敗。保棲於會稽。謂范蠡曰。以不聽子至於此。爲之柰何。蠡對曰。臣前言之矣。定傾者與人。勾踐曰。何謂與人。蠡曰。卑辭崇禮。玩好女樂。以遺之。不許而身與之市。乃令大夫種。因吳太宰嚭。請委身爲臣妾。以行成。夫差將許之。負曰。不可。臣聞之。樹德莫如滋。去疾莫如盡。勾踐能親而務施。施不失人。親不棄勞。與我同壤而世爲仇讎。於是乎克而弗取。後雖悔。不可及已。弗聽。負退告人曰。越十年生聚。十年教訓。二十年之外。



吳其爲沼乎。勾踐旣反國。苦身焦思。置膽於坐。坐卧卽  
甞膽。曰。勾踐而忘會稽之大耻耶。乃身自耕作。夫人親  
織。食不加肉。衣不重采。折節下賢人。振貧弔死。與百姓  
同患苦。就范蠡問計。對曰。臣前言之矣。節事者。與地。地  
包萬物。而兼其利。時不至。不生。事不究。不成。因時所宜  
而定之。因男女之功。除其害。而避其天殃。使田野闢。府  
倉實。民衆殷。時將有反。事將有間。知天地之制。乃可以  
收天下之利。事無間。時無反。則撫民保教。而須之。勾踐  
欲使蠡爲國。蠡曰。四封之外。敵國之利。立斷之事。種不  
如蠡。四封之內。百姓之事。不逆天時。不亂民功。使五穀

熱而民蕃滋也。百姓附親。蠡不如種。於是舉國政屬大  
夫種。而蠡身爲質於吳。二年吳人安之。而後歸。於是夫  
差聞齊景公死。乃與師北伐齊。召魯哀公徵百牢焉。置  
畧地於齊魯之南。明年復伐齊。勾踐率其衆以朝王。及  
列士皆有饋賂。吳人皆喜。唯子胥懼曰。是豢吳也。諫曰。  
越在腹心。其柔服其求濟欲也。不如早從事焉。得志於  
齊。猶獲石田。無所用之。使醫除疾。而曰必遺類焉者。未  
之有也。弗聽。使於齊。屬其子於鮑氏。爲王孫氏。太宰嚭  
讒之王。夫差怒。賜之屬鏹伍。負嚙笑而罵曰。我令而父  
霸。我又立若。乃今以讒誅我。嗟乎。嗟乎。一人固不能獨



立報使者曰。必抉吾眼。置吳東門。以觀越兵之入也。勾踐聞于胥死。乃大喜。以問蠡。蠡曰。未可也。天也未形。逆節萌生。事以不成。雖受其刑。又明年。蠶稻不遺種。又問蠡。蠡曰。天應至矣。人事未至也。於是夫差乃大修。從海上攻齊。召魯衛會橐臯。北會單平公。晉定公。魯侯于黃池。國精兵畢從。惟獨老弱與太子畱守。以問蠡。蠡對曰。臣固將謁之。從時者。猶救火追亡。不可失矣。遂伐吳。及郊。大敗吳師。獲太子友。王孫彌庸。遂入吳。吳告敗于黃池。夫差惡其聞也。手刃七人於幕下。將盟。吳晉爭先。吳人曰。於闔室。我爲長。晉人曰。於姬姓。我爲伯。趙鞅呼司

馬寅曰。日旰矣。大事未成。建鼓整列。二臣死之。長幼必  
可知也。對曰。請姑視之。及日。肉食者無墨。今吳王有墨。  
國勝乎。太子死乎。且夷德輕。不忍久。請少待之。乃先晉  
人還伐宋。旣盟。殺丈夫而囚其婦人。歸乃遣使禮請成。  
於越。越自度亦未能滅吳。許吳平。當是時。吳士民罷敝。  
輕銳盡於齊晉。國大困。而越復伐吳。吳人出挑戰。一日  
五反勾踐。欲戰。范蠡曰。不可。古之善師者。後則用陰。先  
則用陽。近則用柔。遠則用剛。彼來從我。固守勿與。毋爲  
人客。宜爲人主。安徐而重固。盡其陽節。盈吾陰節。以奪  
之。因畱圍之。居久之。吳潰。越遂棲夫差於姑蘇之山。夫



差使公孫雄肉袒膝行而前。曰孤臣異日得罪於會稽。孤臣不敢逆命。得與君王成而歸。今君王舉玉趾而誅孤臣。孤臣意者亦欲如會稽之赦乎。勾踐欲許之。范蠡曰。臣聞之。得時弗乘。天有還形。天節不遠。五年復反。小凶則近。大凶則遠。孰使我早朝而晏罷。非吳乎。與我爭三江五湖之利。非吳耶。十年謀之。一朝而棄之。王必勿許。使每進益恭。勾踐曰。吾欲聽子言。吾不忍其使者。范蠡乃鼓疾進兵。謂夫差曰。吾置王甬東。君百家。夫差謝曰。孤老矣。不能事君。遂自剄。且死。以袂蒙其面。曰。吾無面目以見子胥也。勾踐乃塋吳王。誅太宰嚭而歸。魏文侯

問於李克曰。吳所以亾者何也。李克對曰。數戰而數勝。文侯曰。戰勝國之福也。其獨亾何也。對曰。數戰則民疲。數勝則主驕。主驕則恣。恣則民疲必極。吳之亾晚矣。方吳在陳。楚大夫皆懼曰。闔廬惟能用其民。以敗我於柘。舉今其嗣又甚焉。將若之何。子西曰。二三子恤不相睦。無患吳矣。昔闔廬食不二味。居不重席。室不崇壇。器不彫鏤。宮室不觀。舟車不飭。衣服財用。擇不取費。在國。天有災厲。親廵其孤寡。而共其乏困。在軍。熟食者分而後敢食。其所嘗者。卒乘與焉。勤恤其民。而與之勞逸。是以民不罷勞。死知不曠。吾先大夫子常易之。所以敗也。今



夫差次有臺榭陂池焉宿有妃嬪嬪御焉一日之行所

欲必成玩好必從珍異是聚觀樂是務視民如讎而用

之日新夫先自敗也焉能及我范蠡與越王苦身戮力謀二十年而滅吳還反

國以為大名之下不可以久居乃裝其輕寶珠玉與其徒屬乘舟浮海去自齊遺大夫種書曰蜚鳥盡良弓藏

狡兔死走狗烹子向不去種種病勾踐賜之劍種自殺越勾踐已平吳乃以兵北

渡淮與齊晉諸侯會徐州致貢於周王賜勾踐胙命為

伯勾踐南渡淮以淮上地與楚歸吳所侵宋魯地於魯

宋而力不能舉江淮以北楚子惠王因得滅陳滅蔡與秦

平東侵至泗上楚子卒子中立簡王滅莒卒子當立聲王為

盜所弑子熊疑立悼王聞魏人吳起賢任以政起明法審

令捐不急之官。廢公族疏遠者。以養戰士。要在疆兵破。遊說之言從橫者。於是南平百越。北却三晉。西伐秦。諸侯皆患楚之彊。而楚之貴戚大臣多怨起。楚子卒因作亂。其攻起起走伏王尸。衆徒射刺之。斧中王尸。王子臧立。王肅禽滅殺起者七十餘家。楚肅卒無子弟。熊良夫立。王宣楚宣卒子熊商立。王威楚威時。越王無彊伐齊。與中國爭彊。齊使人說越曰。越不伐楚。大不王。小不霸。圖越之所爲。不伐楚者。爲不得晉也。所待於晉者。非藉其汗馬之力。又非可與合軍連和也。將待之以分楚衆也。今楚衆已分。何待於晉。楚三大夫張九軍。圍曲沃。景翠之軍。



北聚魯齊南陽分有大此者乎。而王猶求鬪晉。晉楚不鬪。越兵不起。是知二五而不知十也。此時不攻楚。臣以是知越大不王。小不伯。於是越遂釋齊而伐楚。楚威興兵而伐之。大破越。殺王無彊。盡取吳故地。而越以此散。  
諸族子或爲王或爲君。濱於江南海上。朝服於楚。

楚威卒。子槐立。懷王。楚懷時。蘇

秦約從山東六國。其擯秦。楚爲從長。秦伐齊。患楚與從親。乃宣言張儀免相。使之楚。說楚子閉關絕齊。請獻秦故所分楚商於地六百里。楚子大悅。置相璽於張儀。曰。置酒。宣言吾復得商於地。群臣皆賀。陳軫獨弔。楚子曰。何故。陳軫曰。秦所爲重王者。以王之有齊也。今地未可。

得而齊交先絕。是楚孤也。秦又何重於孤國哉。且先出  
地而後絕齊。則秦計不爲先絕齊而後責地。必且見欺。  
見欺王必怨而攻秦。是西起秦患。壯絕齊交。兩國之兵  
必至矣。臣故弔楚子不聽。使一將軍西受地。儀至秦。詐  
醉墜車。稱病不出者三月。地不可得。楚子曰。儀以吾絕  
齊。尚薄邪。乃使勇士壯辱齊。齊君大怒。折楚符而合於  
秦。秦齊交合。張儀乃起朝。謂楚將軍曰。臣有奉邑。從某  
至某。廣袤六里。使還報命。楚子大怒。發兵西攻秦。秦逆  
擊。川陽斬甲士八萬。虜將取漢中。韓魏聞楚困。乃南襲  
楚。至於鄧。已。秦復使使約與楚分漢中之半。以和楚子。



日願得張儀。不願得地。張儀聞之。自請復之楚。旣至。因嬖人靳尚。請夫人鄭袖。竟言於王。而出儀。儀因說楚叛從約。與秦親。久之。楚怨秦。令太子質於齊。以求平。秦昭王爲好言約。楚子會武關。面結盟。楚子欲往。恐見欺。無往。恐秦怒。昭睢曰。秦虎狼。不可信也。而楚懷稚子。子蘭勸之行。曰。柰何絕秦之驩心。於是往會秦。秦伏兵閉武關。劫楚懷西入秦朝章臺。要以割巫黔中郡。楚大臣患之。相與謀曰。王在秦。不得還。而太子爲質於齊。齊秦合而謀楚。楚無國矣。乃詐赴於齊。迎太子。太子橫至。立爲王。頃襄秦亟攻楚楚懷從間道亡之趙。求歸楚。趙不敢納。

復之秦。憂懣發病卒。獨罷歸。楚人憐之。如悲親戚。而天下不直秦。初。楚懷任屈平爲左徒。與圖國事。造憲令。甚寵而上官大夫。害其能。讒之王。怒而疏平。頃襄立。任弟子蘭爲令尹。屈平咎子蘭之勸懷王入秦不反也。疾之作楚辭。怨焉。子蘭怒。與上官大夫比而短屈平。頃襄怒。遷之汨羅。屈平傷國困辱於秦。不能報。顧內欲圖周外。爲秦所劫。迎婦於秦。割上庸漢北地與秦。秦拔西陵。拔郢。燒先王墓夷陵。則悲懣不自勝。瞻顧宗國。作哀郢。懷沙之賦。竟抱石自沈淵。語具原事中。

楚欲圖周王。使東周武公謂楚曰。西

周之地。不過百里。而名爲天下共主。裂其地。不足以肥國。得其衆。不足以勁兵。攻之者名爲弑君。然而猶有欲



攻之者祭器在焉故也。夫虎肉臊而兵利身人猶攻之。若使澤中之麋蒙虎之皮人之攻之必萬於虎矣。裂楚地足以肥國。誦楚名足以尊主。今子欲誅滅天下之共主居三代之傳器。器南則兵至矣。於是楚計輟不行。秦白起欲與韓魏共伐楚。黃歇恐一舉而楚遂滅也。因上書秦王得止兵。楚因使歇及太子完質於秦。楚頃襄病太子完不得歸而與秦相應。侯善黃歇說應侯曰。相國誠善楚太子乎。曰然。曰。今楚王恐不起疾。不如歸太子。太子得立。其事秦必重。而德相國無窮也。若不歸。則咸陽一布衣耳。楚更立太子。必不事秦。失與國而絕萬乘之歡。非計也。應侯以聞。秦王令楚太子之傅往問疾。反而後圖之。黃歇爲太子計曰。秦留太子而陽文君子。

一人在中王若卒大命太子不得奉宗廟矣。不如亾去。  
巨請止以死當之。太子因易服爲楚使者。御以出關。而  
黃歇常守舍爲太子謝病。度太子已遠。秦不能追。乃自  
言請死。秦昭怒欲聽之。死。應侯曰。歇爲人臣。能出身以  
徇主忠。太子立必用歇。不如歸之以親楚。因遣歇。歇至  
楚而頃襄卒。太子立。考烈王黃歇相。封爲春申君。已考烈  
無子。春申君求婦人宜子者進之。終無子。趙人李園乃  
進其女弟。幸於春申君。知有身。說春申君進之王。王召  
入。幸之。遂生子。立爲太子。而李園女弟爲王后。李園恐  
春申君驕軋已。遂殺春申君以滅口。考烈卒所生子竟



得立爲王。幽王以是知先王一娶九女。諸侯不再娶。不下

漁色於爲防至遠也。楚幽卒。同母弟猶立。哀王庶兄負芻

襲殺之。自立而秦破楚。虜負芻。

論曰。楚吳越皆神明之胄。居方東以南。而春秋外之。非

以夷德輕僭王淫名淹於天子。又猾夏始亂耶。蓋其妨

也。二霸衰而楚昌。楚不競而吳昌。吳已汰而越昌。於是

乎。師命降而兵謀與春秋相始終。而天下之大故盡於

此。













國史上編卷之五

明旰郡鄧元錫纂

周列國志

燕韓趙魏田齊○韓魏趙本晉三卿其先世皆神明之  
胄趙與秦同祖虞伯翳伯翳佐虞夏烈山澤焚之以平  
土者也穆王時造父以善御封趙城爲趙氏幽王之難  
趙帶去周如晉事晉文侯爲大夫五世而生夙晉獻公  
伐霍耿魏滅之以耿封夙以魏封畢萬而萬出畢公高  
韓出曲沃桓叔萬之封魏也卜偃曰萬之後必大萬盈  
數魏大名也以是始賞天開之矣天子曰兆民諸侯曰



萬民今命之大而從其盈數。後其有興乎。夙孫衰與魏武子。擘俱從公子重耳亡於外。比文公反國。以衰爲原大夫。擘爲魏大夫。靈景之際。趙宣孟始專。已趙氏中滅。嬰齊同括俱被戮。景公疾卜大業之後不遂者爲崇。韓獻子厥言於公曰。成季之勲。宣孟之忠。而無後爲善者懼矣。因見趙氏孤於公而立之。則趙文子武也。平公時得政。文子孫曰簡子鞅。鞅之長子曰伯魯。幼曰無恤。無恤母賤。將置後。莫知所立。則書訓戒之辭於二簡。以授二子曰。謹識之。三年而問。伯魯不能舉其辭。求其簡失之矣。問無恤。誦其辭甚習。求其簡出諸袖中而奏之於

是簡子以無恤爲賢。欲立之。乃盡告諸子曰。吾藏寶符常山之上。先得者賞。諸子馳之常山上。無所得。無恤還曰。已得符矣。簡子曰。奏之。無恤曰。從常山臨代代可取也。簡子於是知無恤果賢。立以爲後。襄初。簡子使尹鐸爲晉陽。請曰。以爲繭絲乎。抑爲保障乎。簡子曰。保障哉。尹鐸損其戶數。簡子且死。謂無恤曰。晉國有難。而無以尹鐸爲少。無以晉陽爲遠。必以爲歸。及知伯荀瑤專晉。請地於韓魏。韓魏與之。請地趙。趙不與。知伯怒。師韓魏之甲以攻之。襄子將出曰。吾何走乎。從者曰。長子近。且城厚完。襄子曰。民罷力以完之。又斃死以守之。其誰與我。



從者曰。邯鄲之倉廩實。襄子曰。浚民之膏血以實之。又因而殺之。其誰與我。其晉陽乎。先主之所屬也。尹鐸之所寬也。民必和矣。乃走晉陽。三家攻圍之三年。決水而灌之。城不浸者三板。沈竈產鼃。民無叛意。知伯行水。魏桓子御。韓康子驂乘。知伯曰。吾乃今知水之可以亡人國也。桓子懼。肘康子。康子履桓子之跗。以汾水可以灌安邑。絳水可以灌平陽也。絺疵謂知伯曰。韓魏必反矣。知伯曰。何以知之。對曰。以人事知之。夫從韓魏而攻趙。趙亡。難必及韓魏矣。今約勝趙。三分其地。城降有日。而二子無喜志。有憂色。非反而何。明日。知伯以其言告二

子。二子曰。此讒臣欲爲趙氏游說。使主疑二家而懈於  
攻趙也。不然。二家豈不利朝夕分趙氏之田。而欲爲此  
危難不可成之事乎。二子出。綈疵入曰。主何以臣之言  
告二子也。知伯曰。子何以知之。對曰。臣見其視臣端而  
趨疾。知臣之得其情故也。知伯不悛。趙襄子使張孟談  
潛出見二子曰。臣聞晉亡則齒寒。趙亡則韓魏爲之次  
矣。乃陰與相約。共伐知伯。滅之分其地。於是襄子北滅代。  
南并知氏。疆於韓魏。至威烈王二十三年。初命魏斯趙  
籍。景侯韓虔。景侯並列爲諸侯。而魏文侯斯最賢。魏文侯好  
學。受經藝於卜子夏。田子方以爲師。客段干木。過其廬。



必式也。四方之士多歸之。東陽上計錢布十倍。大夫畢賀。文侯曰：「此非所以賀我也。」譬之無異。夫路人反裘而負薪，將愛其毛。不知其裏盡而毛無所傳也。今吾地不加廣，士民不加衆，而計錢十倍，是安所取之？取之民也。吾聞之下不安者，不可以居上。此非所以賀我也。」文侯伐中山，克之，以封其子擊。他日問於群臣曰：「我何如主？」皆曰：「仁君。」任座曰：「君得中山，不以封君之弟，而以封君之子，何謂仁君？」文侯怒。座趨出。翟璜進曰：「君真仁君也。」文侯問故，對曰：「君仁則臣直。嚮者任座之言直，是以知之。」文侯悅，使璜召座而反之，親下堂迎之，以爲上客。文

侯與群臣飲酒樂而天雨。命駕將適野。左右曰。今日飲酒樂。天又雨。君將安之。文侯曰。吾與虞人期獵。雖樂豈可無一會期哉。乃往。身自罷之。韓借師於魏以伐趙。文侯曰。趙兄弟也。不敢聞命。趙借師以伐韓。對亦如之。二國皆怒。已而知文侯之媾於已也。皆朝於魏。魏繇是大於三晉。文侯謂李克曰。先生嘗教寡人曰。家貧思賢妻。國亂思良相。今所置非成。則璜。二子何如。李克對曰。卑不謀尊。疎不謀戚。臣在闕門之外。不敢當命。文侯曰。先生臨事勿讓。李克曰。君不察故也。居視其所親。富視其所與。達視其所舉。窮視其所不爲。貧視其所不取。五者



足以定之矣。何待克哉。文侯曰。先生就舍。寡人之相定矣。李克趨而出。過翟璜。璜問曰。今者聞君召先生而卜相。果誰爲之乎。李克曰。魏成子相矣。翟璜忿然作色曰。以耳目所覩記。臣何負於魏成子。西河守吳起才。臣之所進也。君內以鄴爲憂。臣進西門豹。君欲伐中山。臣進樂羊。中山拔無使守之。臣進先生。君之子無傳。臣進屈侯鮒。臣何負於魏成子。李克曰。子之言克於子之君者。豈將比周以求大官哉。君問置相。非成則璜。二子何如。克對曰。君不察故也。居視其所親。富視其所與。達視其所舉。窮視其所不爲。貧視其所不取。五者足以定之矣。

何待克哉。是以知魏成子之相也。且子安得與魏成子比乎。魏成子食祿千鍾。什九在外。什一在內。是以東得卜子夏。田子方。段干木。此三人者。君皆師之。子所進五人者。君皆臣之。子焉得與魏成子比也。翟璜逡巡再拜曰。璜鄙人也。失對。願卒爲弟子。而是時齊大夫田和因文侯請於王。亦得命爲諸侯。田和者。陳公子完之後也。陳之先自虞帝。武王封虞帝後胡公滿於陳。奉舜祀。入春秋而陳人殺公子御寇。公子完奔齊。齊桓公使爲卿。敬辭曰。羈旅之臣。幸若獲宥。及於寬政。赦其不閑於教訓。而免於罪戾。弛於負擔。君之惠也。所獲多矣。敢辱高



位以速官謗請以死告詩云翹翹車乘招我以弓豈不欲往畏我友朋使爲工正飲桓公酒樂公曰以火繼之辭曰臣卜其晝未卜其夜不敢君子曰酒以成禮不繼以淫義也以君成禮弗納於淫仁也初懿氏卜妻敬仲占之曰吉是謂鳳凰于飛和鳴鏘鏘有嬌之後將育于姜五世其昌並于正卿八世之後莫之與京陳之亡也陳桓子無字始大於齊其亡也成子得政陳恒成子之相簡公也修僖子陳乞之政以大量貸以小量受以能附國人及旣弑簡公懼諸侯之討乃盡歸魯衛侵地結魯三家晉六卿以爲固已欲威於國乃言於齊平公曰德施人

之所欲。君其行之。刑罰人之所惡。臣請任焉。而齊失政。  
久。惠施民不懷。而恒因得盡誅鮑晏。監止及公族之彊。  
者。國人愈益畏。三傳而和。遂代姜氏。有齊國。爲齊太公。  
姜齊以亡。而趙魏韓。魏文侯子武侯。擊趙烈侯子敬侯。  
章韓烈侯子文侯。文侯子哀侯。  
亦廢其君。俱酒爲家人分其地。而晉亡。故君國之大柄。  
不可失也。下失則亂。以亡此君。術所必慎也。魏武侯浮  
西河而下。顧而歎曰。美哉山河之固。魏國之寶也。守起  
進曰。在德不在險。晉三苗氏左洞庭。右彭蠡。德義不修。  
禹滅之。夏桀之居左河濟。右泰華。伊闕在其南。羊腸在  
其北。修政不仁。湯放之。商紂之國左孟門。右太行。常山



在其北大河經其南。修政不德。武王殺之。繇此觀之。在德不在險。君若不修德。舟中之人皆敵國也。武侯曰。善。已置相。相田文。吳起不悅。與田文論功。曰。將三軍。使士卒樂死。敵子孰與起。文曰。不如子起。曰。治百官。親萬民。實府庫。子孰與起。文曰。不如子起。曰。守西河而秦兵不敢東鄉。韓魏賓從。子孰與起。文曰。不如子。此三者皆出吾下。而位加吾上。何也。文曰。主少國疑。大臣未附。百姓不親。方是之時。屬之子乎。屬之我乎。起默然良久。曰。屬之子矣。去之楚。武侯不立太子而卒。子瑩與公仲緩爭立。而國亂。韓懿侯哀侯趙成侯敬侯并兵以伐魏。破之。

趙謂韓曰。殺魏瑩立公孫緩。割地而退我。且利。韓曰。不可。殺魏君。人必曰暴。割地而退人。必曰貪。不如兩分之。魏分爲兩。不強於宋衛。則我終無魏之患矣。趙不聽。韓不說。以其師退。魏惠之所以身不死。國不分者。二家謀不和也。若從一家之言。魏必分矣。故曰。君終無適子。其國可破也。魏侯瑩定立。國以日削。與齊秦趙日尋於兵。使龐涓將太子申爲上將。以伐韓。韓告急于齊。齊宣王用孫子計。擊魏以救韓。外黃徐子謂魏太子曰。臣有百戰百勝之術。太子豈欲聞乎。太子曰。幸甚。對曰。固願効之。太子自將攻齊。大勝并莒。富不過有魏。貴不益爲王。



若戰不勝則萬世無魏矣。計獨有還。此臣所謂百戰百勝之術也。太子曰善。請從公而還矣。客曰臣懼太子雖欲還不得也。彼勸太子以戰攻。欲啜汁者衆。太子雖欲還不得矣。太子欲還其御曰將出而還。與北同。太子果與齊將田忌戰。敗績。虜死於馬陵。故君之適嗣不可以帥師。以其所不愛及其所愛。孟子之所謂不仁也。當是時秦孝公業已用商君計。務耕戰。彊秦矣。商君者衛公孫鞅也。事魏相公叔痤。公叔病。魏侯問之。公叔曰臣之中庶子衛鞅。年雖少。奇才也。願君舉國而聽之。卽不用。必殺之。無令出境。魏侯出。公叔召鞅曰。吾先君而後臣。

故先爲君謀。今告子。子速行矣。鞅曰。君不能用子之言。  
任臣。又豈能用子之言殺臣乎。魏侯出。謂左右曰。公叔  
病甚。諄矣。悲夫。欲令寡人以國聽衛鞅也。旣又勸寡人  
殺之。豈不諄哉。及是。商君聞魏困於齊。遂伐魏。欺公子  
卬。襲執之。大破魏師。魏侯瑩恐。獻河西地於秦。以爲和。  
曰。吾恨不用公叔之言。而是時齊威因最賢。太公和孫  
威初卽位。不治。委政卿大夫。九年之間。諸侯並伐。乃召  
即墨大夫而語之曰。自子之居即墨也。毀言日至。吾使  
人視即墨。田野闢。人民給。官無畱事。東方以寧。是子不  
事吾左右以求譽也。封之萬家。召阿大夫語之曰。自子



守阿譽言日聞然吾使人視阿田野不闢人民貧苦昔日趙攻甄子弗能救衛取薛陵子弗知是子以厚幣事吾左右以求譽也是日烹阿大夫及左右嘗譽者遂起兵擊趙衛敗魏於濁澤魏獻觀以和趙歸長城於是齊國震懼人不敢飾非務盡其誠齊國大治時王室微諸侯莫有朝者齊侯獨往朝天下愈益賢齊侯騶忌子以鼓琴見齊侯齊侯說而舍之右室齊侯鼓琴騶忌子推戶見入曰善哉琴齊侯勃然不說去琴按劍曰夫子見容未察何以知其善也騶忌子曰夫大絃濁以春溫者君也小絃廉折以清者相也攫之深釋之愉者政令也

鈞諧以鳴。大小相益。圓邪而不相害者。四時也。臣是以知其善也。齊侯曰。善。語音。騶忌子曰。何獨語音。夫治國家而弭人民。皆在其中。齊侯又勃然不說。曰。語五音之紀。信未有如夫子者也。若夫治國家而弭人民。何爲乎絲桐之間。騶忌子曰。夫大絃濁以春溫者。君也。小絃夔折以清者。相也。攫之深而舍之愉者。政令也。鈞諧以鳴。大小相益。回邪而不相害者。四時也。夫復而不亂者。所以治昌也。連而徑者。所以存亡也。故曰。琴音調而天下治。夫治國家而弭人民。無若乎五音者。齊侯曰。善。見三月而受相印。居期年。封下邳。號成侯。當其時。齊檀子守。



南城而楚人不敢爲寇。盼子守高唐而趙人不敢東漁  
於河。黔夫守徐州而燕趙之人從徙者七千餘家。種官  
備盜賊而道不拾遺。齊侯所自謂四臣照千里者也可。  
謂善任使矣。於是齊最強於諸侯。三晉皆朝于齊。而三  
晉惟韓昭侯頗賢。侯懿子昭侯請學於申不害以爲相。申

子之學本黃老而主刑名。已申子請任其從兄昭侯不  
許。申子有怨色。昭侯曰。所爲學於子者。欲以治國也。今  
將聽子之謁而廢子之術乎。抑將行子之術而廢子之  
請乎。子教寡人修功勞視次第。今有所私請。寡人將奚  
聽焉。申子乃辟舍請罪曰。君真其人也。昭侯有弊袴命

藏之侍者曰。君亦不仁矣。不賜左右而藏之。昭侯曰。吾  
聞明主愛一嘔一笑。嘔有爲嘔。笑有爲笑。今裒豈特嘔  
笑哉。吾必待有功者。然治瑣察。適至是而止矣。終不以  
以御秦。末年作高門。屈宜曰。曰不時。吾所謂時者。非時  
日也。夫人固有利不利時。往者君常利矣。不作高門。前  
年秦拔宜陽。今年旱。君不以此時恤民之急。而顧益奢。  
此所謂時。拙舉羸者也。故曰不時。門成而昭侯卒。當是  
時。秦用商君遺法。日戰勝攻克。耽耽有兼六國并吞心  
矣。六國自拙。不能難衡人說之。割地賂秦以求免。於是  
鄒陽人蘇秦。即說趙肅侯。敬侯孫成侯子。令約六國從親以擯



秦。肅侯說飾車馬金璧貨賂。厚資之游諸侯。以通其意。其大指言。秦虎狼之國。不可親也。有吞天下之心。衡人者。務以秦權。恐惕諸侯。求割地。今茲効之。明年又復求與。則無地以給之。不與。則棄前功而受後醜。國之地有盡。而秦之求無已。以有盡之地。而逾無已之求。此所謂市怨結隣者也。不戰而地已削矣。鄙諺曰。寧爲雞口。無爲牛後。今西面交臂而臣事秦。豈有異於牛後乎。夫爲人臣。割其主之地。以外交。國有秦患。而不與其禍。此姦人。非忠臣也。臣以天下地圖。案諸侯之地。五倍於秦。度諸侯之卒。十倍於秦。爲大王計。莫如一韓魏齊楚燕趙。

從親以擯秦。令天下之將相會洹水之上。通質。剗白馬而盟。要約曰。秦攻楚。齊魏各出銳師以佐之。韓絕其糧道。趙涉河漳。燕守常山之北。秦攻韓魏。則楚絕其後。齊出銳師而佐之。趙涉河漳。燕守雲中。秦攻齊若趙。五國出銳師以佐之。亦如之。不如約者。其代之。六國從親。則秦甲不敢出山谷而害山東矣。蘇秦習揣摩。多通於天下。形勝阨塞之故。甚熟。張六國之利。便富實。以發舒其志氣。六國固患苦秦困之。顧計無從出。聞蘇秦言。則大喜。過望。恨聞之晚。願奉社稷以從。於是六國從合。而蘇秦爲從約長。并相六國。北報趙。趙肅侯封爲武安君。乃接



從約書於秦。秦人不敢闕函谷關十五年。張儀者。魏人也。故與蘇秦同學。爲權變。方蘇秦說趙時。秦惠王使犀首攻魏。擒將取雕陰。蘇秦恐其且東出也。則召儀至。困辱之。激使入秦。說秦王以寬趙。無撓已權。儀說行。得相。秦則倍之。患六國從親。則宣言免相。出相魏。因却說魏王。背從約以事秦。已楚與齊親。又患之。又宣言儀免相。出使楚。許獻商於地。使絕齊。最後說楚韓齊趙燕令各連衡以事秦。時蘇秦已死。儀因得振暴其短。以扶其說。指畧言秦地半天下。被險帶河。四塞以爲固。士卒安難。樂死可事也。而不可敵也。從人多奮辭而少信。利說成。

封侯日夜揜腕切齒而言從。此無異於驅群羊而攻猛虎。不格明矣。今不與猛虎而與群羊。不料敵而輕戰。國貧而數舉兵。危亡之術也。凡天下共以信約從親相堅者。蘇秦秦相燕。卽陰與燕王謀破齊。乃詳得罪。出走齊。齊王受而相之。居二年而覺。車裂於市。今親昆弟同父母。尚有爭錢財相傾。而欲恃詐僞反覆。蘇秦之餘謀。經營天下。混一諸侯。其不可成亦明矣。六國主固恇怯。而儀指從失甚辯。群信之。約成而秦惠卒。秦武爲太子時。不悅儀。諸侯聞乃皆畔。衡復爲從。其時鄒孟游子游齊魏。說梁惠齊宣。自彊於政治。推恩行仁。務之於保民進之。



王陰格其嗜殺人之心，皆莫能遵用。而儀所依秦以恐喝六國者，已中其要害，橫潰其腹心，不復能自振。秦得帖險固勝兵，以戰攻讐諸侯擒滅之，故約從不必能全六國而衡則六國之所以亡也。當是時，山東之國莫彊於趙，齊阻東海，燕負北海，而楚介江淮之間，爲大國。趙武靈子肅侯始立，少未能聽政，置博聞師三人左右，司過三人及聽政，尊先王貴臣肥義以爲國三老。時年八十矣，國大事咨焉而後行。楚故僭王已，齊魏會徐州以相王，已韓燕皆稱王。趙獨否曰：「無其實，敢處其名乎？」令國人謂已曰：「君久之，武靈北略中山，至房子，遂之代，北至

於無終。西至河，登黃華之上，與肥義謀。胡服騎射以教百姓。曰：「此四戰之國，非習民於騎射，變服以便事，不足以御難矣。」且曰：「愚者所笑，賢者所察焉。雖驅世以笑我，胡地中山，吾必有之。」請於公子成。今胡服以朝而出令焉。於是時，趙彊於天下。王胡服，國人皆不欲。公子成稱疾聽於君。今寡人作教易服，而公叔不服，吾恐天下議之也。制國有常，利民爲本。從政有經，令行爲上。明德先論於賤，而從政先信於貴，故願慕公叔之義，以成胡服之功。公子成再拜稽首而對曰：「臣固聞王之胡服也。臣不佞，寢疾未能趨走以滋進也。王命之，臣敢對。」因竭其愚忠。臣聞中國者，聰明睿智之所居也。萬物財用之所聚也。聖賢之所教也。仁義之所施也。詩書禮樂之所用也。異敏技能之所試也。達士之所觀也。赴蠻夷之所儀也。行也。今王舍此而襲遠方之服，變古之教，易古之道，逆人之心，而拂學者離中國，故臣願王圖之也。」使者以報。王曰：



吾固聞叔之疾也將自往請之請曰夫服者所以便用也禮者所以便事也是以聖人果可以利國不一其用果可以便事不同其禮今叔父所言者俗也吾所言術俗者也吾國東有齊中山北有燕東胡西有樓煩秦韓之邊無騎射之備則何以守先時中山負齊之疆侵暴吾地引小圖鄙微社稷之神靈則鄙幾不守也先君醜之故寡人變服騎射欲以備四境之難報中山之怨而叔順中國之俗忘鄙事之醜非寡人之所望也公子成聽命乃賜武靈立二十七年傳國於少子何惠文王自號胡服以朝

為主父主父欲令子治國而身將士大夫西北畧胡地而欲從雲中九原直南以襲秦於是詐自爲燕使者入秦欲自畧地形因觀秦王之爲人秦昭王不知也已而恠其狀甚偉非人臣之度逐之已馳脫關矣審問之主父也則大驚於是主父北滅中山起靈壽從代道大通

還歸。行賞六赦。置酒酺五日。封長子章爲代安陽君。章素侈。心不服其弟所立。主父又使田不禮相章也。忍殺而驕。或危肥義。使稱病。毋與難。肥義曰。不可。主父以王屬義也。曰。毋變而度。毋異而慮。堅守一心。以沒而世。義再拜受命而籍之。今畏不禮之難。而忘吾籍。變孰大焉。進受嚴命。退而不全。負孰大焉。變負之臣。不容於刑。且夫貞臣也。難生而節著。忠臣也。累至而行明。子則有賜而忠於我矣。雖然。吾語在前也。終不敢失。會主父令王朝群臣。而自從隙觀。見子章僂然也。反北面爲臣。誦於其弟。心憐之。欲分趙而王章於代。計未決。而主父及王



游沙丘。異宮。章因以主父令。召王相肥義。恐有變。止王母入。請先入嘗難。果見殺。王得免難。公子成李兌起四邑之兵以距難。殺章不禮。夷其黨。成兌遂謀曰。以章故。圖主父。即解兵。吾屬夷矣。乃遂圖主父。令官人後出者。夷。官中人悉出。主父欲出不得。探爵齧食之。餓死沙丘。宮主父定立長子章爲太子。後得吳娃愛之。爲不出者數歲。生子何。乃廢章而立何。吳娃死。王愛弛。憐故太子。欲兩王之。猶豫未決。而亂作。至父子俱死。爲天下笑。豈不痛哉。燕召公奭後也。與周同姓。北封燕。僻遠播告。不及於春秋。戰國時。周所封齊晉諸大國皆已易姓。

唯燕存。子噲時。燕僭王二世矣。子之相燕。貴重主斷。而齊蘇代與交厚。爲齊使於燕。子噲問曰。齊王霸乎。代對曰。不能。曰。何故。曰。不信其臣。代意激子噲。以尊子之也。於是子噲以爲信。而子之使所善鹿毛壽說子噲曰。古今所以謂堯爲大聖者。以其讓天下於許繇也。許繇不受。有讓天下之名。而實不失天下。今王誠以國讓子之。子之必不敢受。是王與堯同行也。子噲因屬國於子之。而子之權大重。復令人說子噲曰。昔者禹薦益於天。而以啓人爲吏。於是啓與其黨攻益而奪之。天下謂禹名傳天下於益。而實令啓自取也。見謂爲德衰。今王屬國



於子之而吏無非太子之人者。竊恐天下有以議王也。  
於是子噲收吏印。畢以聽子之南面行王事。而噲顧爲  
臣。子之得國爲驕虐三年。國大亂。百姓恫怨。於是齊宣

威王子辟疆

發五都之兵。北伐燕。燕士卒不戰。城門不閉。子

噲死於亂。擒子之醢之。燕人乃共立太子平爲王。

昭王

具孟子書。齊宣卒。子地立。

閔王

當是時。齊爲勝國。與秦媾。

秦稱西帝。使魏冉尊齊王爲東帝。蘇代自燕還。入見齊

湣。驟問曰。秦使魏冉致帝。子以爲何若。對曰。王之間臣

也。卒而患之。從來也微。臣願王受之而勿稱也。秦稱之

天下安之。王稱之可也。秦稱之天下不安之。願必勿稱。

以收天下。且天下並立兩帝王。以爲尊秦乎。尊齊乎。曰。尊秦。釋帝。天下愛齊乎。愛秦乎。曰。愛齊。而憎秦。兩帝立。約伐趙。孰與伐桀。宋利。曰。伐桀。宋利。曰。然則願王釋帝。以收天下。毋與秦爭重。而以其間舉宋。夫有宋。衛之陽地危。有濟。西趙之東。阿危。有淮北。楚之東。國危。有陶。平陸。梁。國門不啓。釋帝而代之以伐桀。宋之利。國重而名尊。此湯武之舉也。敬秦以爲名。而使天下憎之。所謂以卑爲尊也。齊乃釋帝。號不受而伐宋。宋王偃走死。南割楚淮陽。西侵三晉。鄒魯之君皆恐懼。稱臣。當是時。燕昭卽位於破燕之後。弔死問孤。與百姓同其苦。卑身厚幣。



以招賢者。問於郭隗曰。齊因孤之國亂而襲破燕。孤極知燕小不足報。然誠得賢士與之共國。雪先王之耻。孤之大願也。先生視可者得身事之。隗曰。古之君有以千金使涓人求千里馬者。馬已死。買其骨五百金。而反。君怒。涓人曰。馬死且買之。況生者乎。馬今至矣。不期年而十里馬至者三。今王必欲致士。請先從隗始。賢於隗者豈遠千里哉。於是燕昭爲隗改築宮師事之。士果爭趨燕。劇辛自趙往。鄒衍自齊往。樂毅自魏往。而王禮重毅。以爲亞卿。任國政。日夜撫循其人。欲因報齊。齊湣王旣伐宋。益驕。欲并二周爲天子。以狐咼陳舉直言諫。殺之。

百姓怨懟。燕昭乃陰使樂毅約秦趙連楚魏以伐齊。大敗齊師於濟西。於是毅還秦師。分魏師略宋郛。趙師收河間而身率燕師北逐齊劇辛。曰：齊大燕小，今獨賴諸候之助以破其軍，宜及時收取其邊城以自廣。此長久之利也。毅曰：不然。齊王伐功矜能，信諂諛，黷賢良，政令戾虐。今軍破民叛而疾乘之，乃可圖也。不遂乘之，彼悔而撫其民，則難慮矣。遂進軍，齊潛出走。齊大亂，毅入臨淄，整軍禁暴掠，禮逸民，寬賦歛，除暴令，修舊政。齊民大悅。乃遣左軍渡膠東，定東萊。前軍循泰山，東至海，畧琅瑯。右軍循河濟，屯阿鄆，連魏師。後軍傍北海，撫千乘而



以中軍擬臨淄鎮齊。燕王乃大喜。遣使者齎璽綬。卽封毅爲昌國君。齊湣亡居衛。無悛色。謂公子丹曰。吾所以亡何也。公子丹對曰。臣以王爲已知之矣。顧未之知耶。王之所以亡者。以賢也。天下之主皆不肖。而王獨賢。故惡王。相與合兵而攻之。此王之所以亡也。齊湣慨然大息曰。善。賢固若是其苦耶。丹又諷之曰。古人有辭天下而無憂色者。臣聞其聲。未見其實也。王名東帝。實有天下。去國居衛。容貌克盈。顏色發揚。無重國之意。真其人乎。王曰。善。丹知寡人居衛不遜。衛侵之。奔鄒魯。又倨高。鄒魯不納。遂走莒。楚淖齒將兵救齊。遂相齊。欲與燕分。

齊執齊湣而數之曰。千乘博昌之間。方數百里。雨血沾衣。王知之乎。曰。知之。羸博之間。地坼及泉。王知之乎。曰。知之。有人當闕而哭。求之不得。去聞其聲。王知之乎。曰。知之。齒曰。雨血者。天以告也。地坼者。地以告也。當闕而哭者。神以告也。而王不戒。何得無誅。遂擢王筋懸之廟梁。宿昔而死。是時齊幾亡。王子法章變姓名爲莒太史敫家傭而齊大夫王孫賈乃攻淖齒誅之。因與齊亡臣求王子法章立爲君。保莒城以拒燕。襄王樂毅圖莒即墨。期年而不克。乃解圍去城九里而爲壘。令曰。城中民出勿獲。困者賑之。使卽業。三年猶未下。或讒之燕曰。樂毅



智謀過人。呼吸之間。克七十餘城。今不下者。兩城耳。非力不能拔。欲久仗兵威以服齊。遂南面而王耳。燕昭於是置酒大會。引言者讓之曰。先王不貪土地。舉國以禮賢者。遭所傳德薄。不能堪命。國人不順。齊爲無道。毒害先王。寡人常痛之入骨。以求報讐。有成功者。尚欲與其燕國。今樂君親爲寡人破齊。夷其宗廟。報塞先讐。齊固樂君之有非燕所得也。汝何敢言若此。乃斬之。遣相國立毅爲齊王。毅惶恐拜書以死自誓。不敢受。繇是齊人服其義。諸侯畏其信。莫敢復謀燕者。頃之。燕昭薨。其子惠立。自爲太子時。不快於樂毅。齊田單乃縱反間曰。樂

毅與燕新王有隙。畏誅。欲連兵王齊。以齊人未附。姑緩之。齊惟懼他將之來。即墨殘矣。燕惠聞之。使騎劫代將。毅奔趙。將士繇是憤惋不和。齊田單得敗燕軍。殺騎劫。而盡復其故地爲齊。田單者。齊諸田疏屬也。湣王時。單爲臨菑市柅。不見知。及樂毅伐破齊。燕長驅平齊。而田單走安平。令其宗人盡斷其車軸。末而傅以鐵籠。已而燕軍攻安平。城壞。齊人走爭塗。以轉折車敗。爲燕人所虜。唯田單宗人以鐵籠故得脫。保即墨。燕東園即墨。即墨大夫出與戰。敗死。城中相與推單習兵。立爲將軍。以即墨距燕。及燕王以反間。故使騎劫代樂毅將。燕士卒咸貳。而田單乃令城中人食必祭其先祖於庭。飛鳥悉翔舞城中下食。燕人望見怪之。田單因宣言曰。神來下教我。城中人當有神人爲我師。有一卒曰。臣可以爲師乎。因反走。田單立起。引還東鄉。坐師事之。卒曰。臣欺君。誠無能也。單曰。子勿言。遂師之。每出約束。必稱神師。乃縱反間曰。吾唯懼燕軍剽所得齊卒置之前行。即墨敗矣。燕人如其言。城中人見齊諸降



者盡剽皆怒堅守唯恐見得軍又縱反問曰吾懼燕人掘吾城外冢墓修先人可爲寒心燕軍盡掘壘墓燒死人卽墨人從城上望見皆涕泣共欲出戰怒自十倍出單知士卒之可用也乃身隕版倬與士卒分功妻妾編於行伍之間盡散飲食饗士令甲卒皆伏使老弱女子乘城遣使約降於燕燕軍皆信單又收民金得千鎰令卽墨富豪遺燕將大喜許之燕軍繇此益懈田單乃收城中令安堵燕將大喜許之燕軍繇此益懈田單乃收城中得千餘牛爲絳繒衣畫以五綵龍文束兵刃於其角灌脂束葦於尾燒其端鑿城數十穴夜縱牛壯士五千人隨其後牛尾熱怒而奔燕軍燕軍夜大驚牛尾炬火光明耀炫燕軍視之皆龍文所觸盡死傷則大驚焉以爲神五千人因銜枚擊之而城中鼓譟從之老弱皆擊銅器爲聲聲動天地燕軍大駭敗走齊人遂殺其前騎劫追亡逐北所過城邑皆畔燕而歸齊乃迎襄王於莒入臨淄而聽政王封田單號曰安平君毅旣奔趙趙欲與毅謀燕毅泣曰臣疇昔之事昭王猶今日之事六王也若復得罪在他國終身不敢謀趙之奴隸況子孫乎趙君賢之封毅於觀津號望諸君於是燕惠乃悔使人讓樂毅且謝之毅遺王書報之曰臣不佞不能奉承王命

以順左右之心。恐傷先王之明。有害足下之義。故近逃走趙。今足下使人數之以罪。臣恐侍御者不察先王所以畜幸臣之理。又不白臣所以事先王之心。故敢以書對。臣聞賢聖之君。不以祿私親。其功多者賞之。其能當者處之。故察能而授官者。成功之君也。論行而結交者。立名之士也。臣竊觀先王之舉也。見有高世主之心。故假節於魏。以身得察於燕。先王過舉。廁之賓客之中。立之群臣之上。不謀父兄。以爲亞卿。臣竊不自知。自以爲奉令承教。可幸無罪。故受命而不辭。先王命之曰。我有積怨深怒於齊。不量輕弱。而欲以齊爲事。臣曰。夫齊霸國之餘業。而最勝之遺事也。練於甲兵。習於戰攻。王若欲伐之。必與天下圖之。與天下圖之。莫若結於趙。且文淮北宋地。楚魏之所欲也。趙若許而約。四國攻之。齊可大破也。先王以爲然。其符節南使臣於趙。顧反命起兵。擊齊。以天之道。先王之靈。河北之地。隨先王而舉之。濟上。濟上之軍。受命擊齊。大敗齊人。輕卒銳兵。長驅至國。齊王遁而走莒。僅以身免。珠玉財寶。車甲珍器。盡收入於燕。齊器設於寧臺。大呂陳於元英。故鼎反乎磨室。薊丘之植。植於汶篁。自五伯以來。功未有及先王者也。先王以爲慊於志。故裂地而封之。使得比小國諸侯。臣竊



不自知。自以奉命承教。可幸無罪。是以受命不辭。臣聞賢  
聖之君。功立而不廢。故著於春秋。蚤知之士。名成而不毀。  
故稱於後世。若先王之報怨雪恥。夷萬乘之疆國。收八百  
歲之蓄積。及棄羣臣之目。餘教未衰。執政任事之臣。修法  
令。慎庶孽。施及乎萌隸。皆可以教後世。臣聞之。善作者不  
必善成。善始者不必善終。昔在子胥。說聽於闔閭。而吳王  
遠迹至郢。夫差弗是也。賜之鴻夷。而浮之江。吳王不寤先  
論之可以立功。故沉子胥而不悔。子胥不蚤見主之不同  
量。是以至於入江而不化。夫免身立功。以明先王之迹。臣  
之上計也。離毀辱之謗。墮先王之名。臣之所大恐也。臨不  
測之罪。以幸為利。義之所不敢出也。臣聞古之君子。交絕  
矣。恐侍御者之親左右之說。不察疏遠之行。故敢獻書以  
聞。惟君王留意焉。於是燕王復以毅子樂間為昌國君。而  
毅復往來通於燕。

當是時。秦用商鞅。范雎。畫欲規韓魏。折天下

樞矣。魏安釐時。秦拔魏兩城。軍大梁。予秦溫以和。已又  
拔四城。破韓趙魏。沈卒十五萬。魏段干子請割南陽以

和。蘇代謂魏君曰。欲璽者。段干子也。欲地者。秦也。今王使欲地者制璽。使欲璽者制地。魏地盡矣。夫以地事秦。猶抱薪救火。薪不盡。火不滅。魏君曰。是則然矣。然事始已行。不可更矣。對曰。夫博之所以貴梟者。便則食。不便則止。何王之用智。不如用梟也。魏君不聽。卒予南陽以和。已。齊楚攻魏。秦救之。得解。於是魏君欲親秦。而伐韓。以求故地。公子無忌曰。不可。秦與戎翟同俗。有虎狼之心。貪戾好利。無信。不識禮義德行。太后母也。而以憂死。穰侯舅也。功莫大焉。而竟逐之。兩弟無罪。而奪之國。此於親戚若此。而況讐敵之國乎。今王與秦共伐韓。而益



近秦患臣甚惑之。今韓氏以一女子奉一弱主。內有大亂。外交秦魏之兵。王以爲不亡乎。韓亡。秦有鄭地。與大梁鄰。王以爲安乎。王欲得故地。而附彊秦。親之。王以爲利乎。秦非無事之國也。韓亡之後。必將更事。更事必就易與利。就易與利。則非魏無攻已。異日者。秦在河南。去梁千里。有河山以闌之。周韓以間之。從林鄉軍以至今。秦七攻魏。五入國中。邊城盡拔。文臺墮。垂都焚。林木伐。麋鹿盡。而國繼以圍。又長驅梁北。東至陶衛之郊。北至平監。所亡於秦者。山南山北。河外河內。大縣數十。名都數百。秦乃去梁千里。而旣若是矣。況又使秦有鄭地。無

河山以闌之。無周韓以間之。去大梁百里。旤無日矣。臣願以從事王。王速受楚趙之約。挾韓之質以存韓。而求故地。韓必効之。士民不勞而故地得。其功多於與秦共伐韓。而又無彊秦鄰之旤也。王聽之。而韓存。趙惠文時。廉頗趙奢爲趙將。良頗破齊取陽晉。拜上卿。以勇氣聞諸侯。趙奢將擊秦。閼與下。大破之。賜號馬服君。其後有藺相如。以勇力著。趙以不困。趙得楚和氏璧。秦使人遺趙王書。願以十五城易璧。趙王與諸大臣謀。欲與璧。秦城恐不可得。徒見欺。欲不與。起怨。求可使秦者。宦者令繆賢言。相如得見。問之。相如曰。秦以城求璧。而不與。曲在趙。趙與之璧。而秦不與我城。曲在秦。均之二策。寧許以負秦曲。王曰。諾。願誰可。使者相如曰。王必無人。臣願奉璧往。使城入趙。而璧留秦。城不入。臣請完璧歸趙。於是趙遣相如奉璧西。



入秦既至秦獻璧秦王坐章臺見相如相如奉璧奏秦王秦王大喜傳以示美人及左右皆呼萬歲相如視秦王無意償趙城乃前曰璧有瑕請指示王王授璧相如因持璧却立倚柱怒髮上衝冠謂秦王曰大王欲得璧使人發書至趙趙王悉召羣臣議皆曰秦貪負其疆以空言求璧償城恐不可得議不欲予臣以爲布衣之交尚不相欺況大國乎且以一璧之故逆疆秦之歡不可於是趙王乃齊戒五日使臣奉璧并送書於庭今臣至大王見臣禮節甚倨得璧傳之美人以戲弄臣臣觀大王無意償趙城臣故復取璧大王必欲急臣臣頭今與璧俱碎矣持其璧睨柱欲以擊柱秦王恐破璧乃辭謝請召有司案圖指畫十五都予趙相如度秦王特以詐佯爲予城實不可得乃謂秦王曰和氏璧天下所共傳寶也趙王恐不敢不獻送時齊戒五日今大王亦宜齊戒五日設九賓於廷臣乃敢上璧秦王度終不可彊奪遂許齊五日舍相如廣成傳舍相如度秦王決負約不償城乃使從者衣褐懷璧從徑道亡歸趙秦王齊五日九賓禮於廷引趙使者相如至謂秦王曰秦自穆公以來二十餘君未嘗有堅明約束者也臣誠恐見欺而負趙故令人持璧歸間至趙矣且秦彊趙弱大王一介

至趙。趙立奉璧來，誠先割十五都予趙。趙豈敢留璧哉？臣欺大王罪當誅。王與群臣相視而嘻，然念殺相如，終不能得璧，徒絕秦趙之歡，乃禮而歸之。相如歸，趙以爲賢，使不辱於諸侯，拜爲上大夫。其後秦王告趙，願爲好會於西河外渾池。趙王欲毋行，廉頗、藺相如計曰：「王不行，示趙弱且怯也。」王乃行，相如從。廉頗居守，送至境，與王訣曰：「王行度道里會遇之禮畢，不過三十日，三十日不還，請立太子，絕秦望矣。」王許之。及會飲酒，秦王請趙王鼓瑟，趙王鼓之。相如前請秦王擊缶，秦王不肯，相如曰：「五步之內，相如請得以頸血澣大王矣。」左右欲刃相如，相如張目叱之，左右皆靡。秦王爲一擊缶而罷酒，終不能有加於趙。趙亦盛爲備，秦不敢動。趙王歸以相如功大，拜上卿，位廉頗右。頗曰：「我爲將，有攻城野戰之功，相如素賤，徒以口舌而位我上，吾耻之。」宣言見相如必辱之。相如每朝常稱病，不欲與爭列。出望見頗，輒引避其舍人，羞之。請辭去。藺相如止之曰：「公視廉將軍孰與秦王？」曰：「不若也。」相如曰：「夫以秦王之威，而相如廷叱之，辱其羣臣，相如雖驕，獨畏廉將軍哉？顧吾念之，疆秦所以不敢加兵於趙者，徒以吾兩人在也。今兩虎共鬪，其勢不俱生，吾所以爲此者，先國家之急而後私讎也。」頗聞



之肉袒負荊。因賓客至相如門謝罪。曰。鄙賤之人。趙孝不知將軍寬之至此也。卒相與歡。爲刎頸之交。

成時。

惠文子冉

秦伐韓。拔野王。上黨路絕。上黨守馮亭與其

民謀曰。不如歸趙。趙受我。秦必攻之。趙被秦兵。必親韓。韓魏爲一。則可以當秦矣。乃告於趙曰。韓不能守。上黨人之秦。其吏民皆安爲趙。不欲爲秦。有城市邑十七。願再拜人之趙。財王所以賜吏民者。孝成大喜。召平陽君豹告之。豹對曰。聖人甚禍無故之利。孝成曰。人懷吾德。何謂無故。對曰。夫秦蠶食韓氏地。中絕不令相通。固自以爲坐而受上黨之地也。韓氏所以不入於秦者。欲嫁其禍於趙也。秦服其勞。而趙受其利。雖彊大不能得之。

小弱小弱顧能得之彊大乎。豈可謂非無故之利哉。且秦以牛田之水通糧蠶食上黨。倍戰者裂地。其政行。不可與爲難。必勿受也。趙豹出。孝成召平原君與趙禹告之。對曰。發百萬之軍而攻。踰歲未能得一城。今坐受城。市邑十七。此大利不可失也。孝成曰善。乃令趙勝受地。以萬戶都三封。太守千戶都三封。縣令世爲侯。吏民皆益爵賜金。馮亭垂涕不見使者。曰。吾不處三不義也。爲主守地不能死。不義一矣。不聽主令入之秦。不義二矣。賣主地而食之。不義三矣。於是秦遂伐趙。拔上黨。上黨民走趙。趙使廉頗軍長平。按據之。秦王齟擊趙。趙敗。困。



樓昌請發重使於秦以求媾。趙使至。秦人尊顯之。示天下秦之媾於趙也。於是諸侯不救趙。秦乃益急攻趙。趙將廉頗壁不出。又失亡多。趙孝成怒。噉讓之。應侯乃使人行千金爲反間。曰。秦獨畏馬服君之子括爲將耳。廉頗易與。且降矣。於是孝成以括伐將。括母聞之。上書言括不可使。孝成問之。對曰。括父存時。括與父談兵。父莫能難。然不謂害也。妾問其故。曰。兵死地也。而括易言之。使括爲趙將。破趙者必括也。且括父爲將時。身所奉飯進食飲者。以十數。所友者。百數。得賞賜。盡以與軍吏士大夫。受命之日。不問家。今括一旦爲將。東鄉而朝。軍吏

無敢仰視者。王所賜金歸藏于家。買利便田宅。父子異心。必願王勿遣也。孝成曰。毋置矣。吾已決矣。母曰。卽如有不稱。妾請無隨坐。孝成許之。秦聞括將。乃大喜。陰使武安君白起爲上將軍。戒軍中。毋泄。泄者斬。卒射殺括。大破趙。趙卒降秦者四十萬。武安恐其反覆。益爲亂。乃挾詐盡坑之。長平。趙幾亡。應侯害武安功用。韓趙間爲秦君言秦兵勞。請許韓趙割地休士卒。而趙郝勸孝成割六縣而媾。虞卿曰。秦之攻王也。倦而歸乎。亦其力尚能進。愛王而不攻乎。孝成曰。秦之攻我也。不遺餘力矣。必以倦而歸也。虞卿曰。秦以其力攻其所不能取。倦而歸。



王又割其力之所不能取以歸之。是助秦自攻也。來年秦復攻王。王無救矣。趙郝曰。虞卿誠能盡秦力之所至乎。此彈丸之地。弗予。今秦來年復攻王。王得無割其內而媾乎。趙君曰。請聽子割矣。子能必秦來年不復攻我乎。趙郝對曰。此非臣之所敢任也。他日三晉之交於秦。相善也。今秦善韓魏而攻王。王之所以事秦。必不如韓魏也。今臣爲王開關通幣。齊交韓魏。而王獨取攻於秦。此其事秦。必在韓魏之後也。此非臣之所敢任也。趙君以告虞卿。虞卿曰。郝言不媾。秦攻王。王得無割其內而媾乎。今郝媾又不能必秦之不復攻也。卽雖割六城。何

益故不如無媾。秦雖善攻，不能取六縣。趙雖不能守，終不失六城。吾國尚利，孰與坐而自弱於疆秦哉？今郝曰：秦善韓、魏而攻趙，必王之事秦，不如韓、魏也。是使王歲以六城事秦也。以益強之秦，而割愈弱之趙，其勢必無趙矣。無何，秦復伐趙，圍邯鄲。趙使平原君勝求救於楚、魏。秦使使者覲魏曰：「吾攻趙旦暮且下，而諸侯有敢救者，已下趙，必移兵先擊之。」公子無忌者，魏昭王少子也，仁而好士，士無賢不肖皆謙而禮下之，以故能得士而公子姊爲趙公子平原君夫人。數遣魏君及公子書請救。魏君使將軍晉鄙將十萬衆，名救趙。中憚秦實觀望。



令母急前。平原君使讓魏公子曰：勝所以自附爲婚姻者，以公子高義，能急人之困也。今邯鄲旦暮降秦，而魏救不至，安在公子能急人之困也？且公子縱輕勝，棄之降秦，獨不憐公子姊耶？公子患之，數請魏君及賓客辯士說王萬端。魏君終畏秦，不肯聽公子度。終不能得之王。計不獨生而令趙亡，乃請賓客約車騎百餘乘，往赴秦死趙。過夷門，見所善侯生。初生隱大梁，年七十，家貧，爲夷門監者，信陵數往請，厚遺之，終不受。曰：臣修身潔行數十年，終不以監門困故而受公子財。公子於是乃置酒大會賓客，坐定，公子從車騎虛左，自迎夷門侯生。侯生攝敝衣冠，直上載上坐，不讓，欲以觀公子。公子執轡愈恭。侯生又謂公子曰：臣有客在市屠中，願枉車騎過之。公子引車入市，侯生下見其客朱亥，睥睨故久立，與其客語，微視公子。公子色愈

和當是時、魏將相宗室、賓客滿堂、待公子舉酒、市人皆  
覲公子執轡從騎、皆竊罵侯生、侯生視公子色終不變、  
乃謝就車、至家、公子引侯生坐上坐、徧贊客、賓客皆醵  
酒酹公子起爲壽、侯生前、侯生謂公子曰、今日嬴之爲  
公子亦足矣、嬴乃夷門之抱關者耳、而公子親枉車騎、  
迎嬴於衆人廣坐之中、不宜有所過、令公子過之、嬴欲  
成公子名、故久立、公子車觀市中、過客欲市人皆以嬴  
爲小人、而以公子爲長者、能下士也、於是罷酒、而公子  
數往請朱亥、朱亥亦故不復謝、及公子欲死趙、過夷門  
見侯生、辭決而行、侯生曰、公子勉之矣、老臣不能從、公  
子行數里、心不快、曰、吾所以待侯生者備矣、天下莫不  
聞、今吾且死、而侯生曾無一言半辭送我、我豈有所失  
哉、復引車還問侯生、侯生笑曰、吾固知公子之還也、公  
子遇臣厚、公子往而臣不送、以是知公子恨之復返也、  
公子再拜問訊、生屏人語曰、公子喜士、聞天下、今有難、無他端、  
獨欲赴秦軍、譬之若以肉投餒虎、何功之有、尚安事客、  
嬴聞晉鄙兵符在王臥內、而如姬最幸、力能竊之、嬴聞



如姬父爲人所殺。自王以下求報其父讐。莫能得。公子使客斬其讐頭進如姬。如姬欲爲公子死。無所辭。顧未有路耳。公子誠一開口請。則得虎符。得虎符。奪晉鄙軍。北救趙而西却秦。此五霸之伐也。公子大喜。再拜謝侯生。從其計。果得晉鄙兵符。矯魏君令。代晉鄙將救趙。侯生曰。將在外。君令有不受。以便國家。公子卽合符。而晉鄙不授公子兵。復請之事。必危矣。臣客朱亥。力士。可與俱。晉鄙聽大善。不聽。可使擊之。於是公子請朱亥。朱亥笑曰。臣乃市井鼓刀屠者。而公子親數存之。所以不報謝者。以爲小禮。無所用。今公子有急。此乃臣效命之秋也。遂與公子俱過。謝侯生。侯生曰。臣宜從。老不能。請數公子行。且以至晉鄙軍之口。比鄉自剄送公子。晉鄙合符疑之。欲無聽。而侯生所進客朱亥。袖四十斤鐵椎。椎殺之。公子遂將晉鄙軍。

勒兵令軍中曰父子俱在軍中父歸兄弟俱在軍中兄  
歸獨子無兄弟者歸者得選兵八萬人進擊秦大敗之  
邯鄲下秦軍解去遂存趙公子與侯生決至軍侯生果  
北卿自剄先是秦昭公以范  
雎怨魏相魏齊欲爲必報讐魏齊匿平原君所秦昭誘  
平原君至秦止之謂魏君必得魏齊魏齊夜亡見趙相  
虞卿虞卿度王中懾終不可諫說乃解相印與魏齊俱  
亡念諸侯莫可急抵者乃復走大梁見信陵信陵君畏  
秦猶豫未肯見曰虞卿何如人侯生時在坐曰人固未  
易知知人亦未易也夫虞卿躡蹻擔簦一見趙君賜白  
璧一雙黃金百鎰再見拜上卿三見卒受相印封萬戶  
侯當此之時天下爭知之夫魏齊窮困過虞卿虞卿不  
愛爵祿之尊解相印捐萬戶侯而間行急士之窮歸公  
子公子曰何如人故人未易知知人固未易也信陵君  
慙乃駕如郊迎虞卿而魏趙君與平原君計以五城封  
齊聞信陵難見之已自剄

公子客說公子曰物有不可忘有不可不忘人有德於



公子公子不可忘也。公子有德於人，願公子忘之也。且矯魏君令，奪晉鄙兵以救趙，於趙信有功矣。於魏則未爲忠臣也。公子乃自驕而功之，竊爲公子不取也。於是公子立自責，若無所容者。趙君掃除自迎，執主人之禮，引公子就西階。公子側行辭讓，從東階上，自言臯過，以負於魏，無功於趙。趙君侍酒至暮，口不忍言，獻五城而罷。以公子退讓也。蓋公子留趙十年，不敢歸。秦日夜發兵東伐魏，魏君患之，使使往請公子。公子恐王之怒之也，誠門爲魏使通者死。公子客皆背魏之趙，莫勸公子歸。趙有毛公、藏於博徒，薛公藏於賣漿家，平原君莫知。

也。公子至趙，乃徒步往。從此兩人游。此兩人乃往見公子。曰：公子所以重於天下，徒以有魏也。今魏急而公子不恤，使秦破大梁而燒夷先王之宗廟，公子當何面目立於世乎？語未及卒，公子心大動，色變，立趣駕歸救魏。魏君抱公子與相泣。以上將軍印授公子。諸侯聞公子復將魏，各遣將將兵救魏。公子率五國之兵，破秦軍於河外，走蒙驁，遂乘勝逐秦軍至函谷關。當是時，公子威振天下。秦王患之，乃行金萬斤於魏，求晉鄙客。令日夜毀公子。魏君意不能無信忌公子。公子傷不能自明，且懼誅，與賓客爲長夜飲，竟病酒卒。於是秦滅韓，已伐趙。



多與趙嬖臣郭開金譖其良將李牧殺之遂滅趙虜王  
遷又明年引河溝灌大梁魏君假降殺之遂滅魏燕太  
子丹故嘗質於趙秦王政生於趙少相驩也及政立爲  
秦王丹質於秦秦王不禮焉丹怨而亡歸求所爲報秦  
王者國小力不能而秦日出兵山東燕君臣皆恐禍之  
至太子丹尤患之問其傅鞠武鞠武曰秦地徧天下威  
脅韓魏趙北有甘泉谷口之固南有涇渭之沃擅巴漢  
之饒右隴蜀左殽函民衆而士厲意有所出長城之南  
易水之北未有定也奈何以見陵之怨欲批其途鱗哉  
居有間秦將樊於期得罪秦王亡之燕太子受而舍之

鞠武諫曰。不可。夫以秦王之暴。而積怒於燕。足爲寒心。又況聞樊將軍之所在乎。是委肉當餓虎之蹊也。旣必不振。願太子疾遣樊將軍入匈奴以滅迹。請西約三晉。南連齊楚。北購單于。其後乃可圖也。太子曰。太傅之計。曠日彌久。心惛然恐不能須臾。且非獨於此也。夫樊將軍窮困而歸於丹。丹終不以迫彊秦而棄所哀憐之交。是固丹畢命之日也。願太傅更慮之。鞠武曰。夫行危欲求安。造旤而求福。計淺而怨深。連一人之後交。而不顧國家之大患。此謂資怨而速禍也。夫以鴻毛而燎於爐炭之上。必無事矣。太子終憤憤欲舉事。得當以報秦於



是武乃言田光先生。田光先生言燕人荆卿。太子見荆卿厚事之。荆卿乃爲謀持燕督亢地圖及樊將軍首。陽爲好。入秦見秦王。欲刺之事。發不中。秦王乃殺軻而益發兵伐燕。燕王恐。斬太子獻之秦。秦復進兵攻之。卒滅

燕。荆軻者衛人也。好讀書擊劍。嘗游過榆次。與蓋聶論劍。蓋聶怒目之。荆軻出。人或言復召荆卿。聶曰。試往。是宜去。不敢留。使使往。卿已駕而去。榆次矣。使還報。蓋聶口罔也。吾曩者與論劍。有不稱目聶之。游於邯鄲。魯勾踐與荆軻博。爭道。魯勾踐怒而叱之。荆軻嘿而逃去。不復會。既至燕。愛燕狗屠善擊筑者高漸離。與日飲於燕市。酒酣。高漸離擊筑。荆軻和而歌於市中。相樂也。已而相泣。旁若無人者。燕處士田光先生智深而勇沈。善待之。知其非庸人也。會燕太子丹怨秦王欲報秦。因其傳。勸武請交田光先生。先生造焉。太子則逢迎却行。爲導。跪而蔽席。坐定。屏左右。避席請曰。燕秦不兩立。願先生留意也。田光曰。臣聞騏驎盛壯之時。一口而馳千里。至

莫老、駑馬先之。今太子聞光盛壯之時，不知臣精  
清亡矣。光不敢以圖國事。雖然，光所善荆卿，可使也。太  
子曰：願因先生得結交於荆卿，可乎？田光曰：敬諾。出太  
子送至門，戒之曰：丹所報先生言，國之大事，願先生勿  
泄。田光俛而笑曰：諾。偃行，見荆卿，曰：光與子相善，燕國  
莫不知。今太子聞光壯盛之時，不知吾形已不逮也，幸  
而教之曰：燕秦不兩立，願先生畱意也。光竊不自外，言  
足下於太子，願足下過太子於宮。荆軻曰：謹奉教。田光  
曰：吾聞之，長者爲行，不使人疑之。今太子告光曰：所言  
者，國之大事，願勿泄。是太子疑光也。夫爲行而使人疑  
之，非節俠也。欲自殺以激荆卿，曰：願足下急過太子，言  
光已死，明不言也。因遂自刎死。荆軻見太子，言田光已  
死，狀致光言。太子再拜而跪，膝行流涕，有頃而後言曰：  
丹所以誠田先生者，欲以成大事之謀也。今田先  
生以死明不言，豈丹之心哉？荆軻坐定，太子避席頓首  
曰：田先生不知丹之不肖，使得至前，敢有所道。此天所  
以哀燕而不棄其孤也。今秦有貪利之心，而欲不可足  
也，非盡天下之地，臣海內之王者，其意不厭。燕小弱數  
困於兵，今計舉國不足以當秦，諸侯服秦，莫敢合從。丹  
私計愚以爲誠得天下之勇士，使於秦，闕以重利，誠得



劫秦王使悉反諸侯侵地若曹沫之與齊桓公則大善矣不可則因而刺殺之以其間諸侯得合從彼秦將擅兵於外而內有亂破秦必矣此丹之上願而不知所委命唯荆卿留意焉荆卿辭讓丹前頓首固請荆卿許諾於是尊荆卿爲上卿舍上舍太子日造門供具久之荆軻曰今行而無信則秦未可親也夫樊將軍秦王購之金千斤邑萬家誠得樊將軍首與燕督亢之地圖獻之秦王必說而見臣臣乃得有以報也太子曰樊將軍窮困來歸丹丹不忍以已之私而傷長者之意願足下更慮之荆軻知太子不忍也乃遂私見樊於期言之於期偏袒扼腕而前進曰嗟乎此臣之所日夜切齒而腐心者也乃今得聞教遂自剄太子聞之馳往伏屍哭極哀旣已不可奈何乃遂盛樊於期首函封之裝爲遣燕有秦舞陽年十三殺人人不敢忤視今爲副頃之未發犬子遲之疑其改悔乃復請荆卿荆卿怒叱曰何太子之遣往而不反者豎子也且提一匕首入不測之強秦僕所以畱者待吾客與俱今太子遲之請辭決矣遂發太子及賓客知其事者皆白衣冠送之至易水之上旣祖取道高漸離擊筑荆軻和而爲變徵之聲士皆垂淚泣又前爲歌曰風蕭蕭兮易水寒壯士一去兮不復還復

爲羽聲恍懔士皆瞋目髮盡上指冠於是荆軻就車去  
終已不顧遂至秦持千金之資幣物厚遺秦王寵臣爲  
言於秦王曰燕王誠振怖大王之威不敢舉兵以逆軍  
吏願舉國爲內臣比諸侯給貢職如郡縣恐懼不敢自  
陳謹斬樊於期之頭及獻燕督亢之地圖函封上唯大  
王命之秦王聞之喜乃朝服設九賓見燕使者咸陽宮  
荆軻奉樊於期頭函而秦舞陽奉地圖匣以次進至陛  
秦舞陽色變振恐羣臣惟之荆軻顧笑舞陽前謝曰北  
蕃蠻夷之鄙人未嘗見天子故振懼願大王少假借之  
使得畢使於前秦王謂軻取舞陽所持地圖軻既取圖  
奏秦王王發跡圖窮而七筩見因左手把秦王之袖而  
右手持匕首揜之未至身秦王驚引去袖絕拔劍劍長  
操其室時惶急劍堅故不可立拔荆軻逐秦王王環柱  
而走羣臣皆愕卒起不意失其度而秦法羣臣侍殿上  
者不得持尺寸兵諸郎中執兵皆陳殿下非有詔召不  
得上爭以手共搏之秦王卒惶急不知所爲左右曰王  
負劍負劍遂拔以擊軻斷其左股荆軻廢乃引其匕首  
擿秦王不中中銅柱軻自知事不就倚柱而笑箕踞罵  
曰事所以不成者以欲生劫之必得約契報太子也於  
是左右前後刺秦王爲不怡者良久於是益發兵伐燕



高漸離變名姓爲人庸保。匿作於宋子。久之。作苦。聞其家堂上客擊筑。傍徨不能去。言彼有善。有不善。從者告家丈人。召使前擊筑。一坐。稱善。賜酒。而漸離念久隱約無窮時。乃退出其裝匣。申筑。與其善衣。更容貌而前。坐客皆驚下。與抗禮。爲上客。擊筑而歌。客無不流涕者。宋子傳客之聞於秦始皇。召見。人有識者。曰高漸離也。始皇惜其善擊筑。乃矐其目。使擊筑。未嘗不稱善。稍益近之。高漸離乃以鐵置筑中。復進得近。舉筑撲秦皇。不中。於是誅高漸離。終身不復近諸侯之人。魯勾踐聞荆軻之事。私曰。嗟乎。惜哉。其不講於刺劍之術也。曩者吾叱之。彼乃以我爲非人也。時天下大亂。人習戰攻。輕死。氣激。肆故能奮。一旦之決如此。齊王建初立。秦日夜攻三晉。楚燕。五國各自救。而齊東邊海上。不被兵。后勝相多受秦間金。賓客使者又多爲秦內間。勸王去從朝秦。不修攻戰之備。不助五國攻秦。秦以故得滅五國。五國亡。秦兵卒人臨淄。民莫敢格者。約王建降。封

以五百里之地建降。遷於共。松栢之間。餓而死。齊人歌之曰。松耶栢耶。住建共者客耶。疾建用客之不詳也。論曰。自周東遷。晉主夏盟。屏周者二百年。已六卿擅國。更相夷。而三晉之形成。於是乎。天下之樞折而秦猖。燕齊阻山海。楚擁江湖。與三晉地。各方千餘里。誠令修政治。自立。保生民而王。孰禦焉。而務諛詐。尚攻戰。日糜民於兵。衡主事秦。從主合。諸侯擯秦。如佩劒然。更相笑而不知其反也。悲夫。

函史上編卷之五終





禹史上編卷之六

明旰郡鄧元錫纂

周列國志

秦○秦嬴姓。伯爵。其先虞伯翳之苗裔也。出帝顓頊。方  
虞時。伯翳佐禹。烈山澤。焚鳥獸有功。已主畜。調馴鳥獸。  
畜多息。以居嬴。得賜姓嬴。歷商世爲諸侯。其後有飛廉。  
善走。及犇馬。與子惡來俱。以材力事紂。助爲虐。誅死失  
國。周穆王時。有造父者。御王行遊天下。樂忘歸。聞淮徐  
亂。則疾駕。一日千里。長驅歸。亂平。得封趙。趙其後也。周  
孝王時。有非子。主馬汧渭之間。馬蕃息。得分土爲附庸。



邑之秦。至秦仲始大。實始有車馬侍御絲竹之華。國士  
女務車馬。勇公戰。詩車鄰。鐵駟。小戎之所爲作也。至幽  
王大戎之亂。秦襄公將兵救周。戰甚力。周東徙。維平王  
封襄公爲諸侯。且命之曰。戎無道。侵奪我雍岐豐地。秦  
能攻逐戎者。聽兼有之。於是秦遂有雍岐豐之地。作西  
時。用事上帝。僭端萌焉。至穆公。任好益盛。而百里奚自  
晉入秦。秦穆公召與語。而大說。授之政。秦人號之曰。五  
穀大夫。以微時嘗爲人飯牛。而牛肥得五穀皮爲資也。  
或解晉遣媵穆夫人。奚耻之。亡走宛。楚人執。  
馬。穆公因其賢。以五穀皮贖於楚。而得之。於是百里  
奚言蹇叔於穆公。迎以爲上大夫。晉獻公薨。穆公納晉

公子夷吾。夷吾許歸河外列城五而背之。許以賂內大夫  
平鄭。則殺平鄭。鄭子豹亡之秦。說穆公曰。吾爲無道。百  
姓不親。可伐也。穆公曰。百姓不親。何能誅其大臣。能誅  
大臣。始其調也。不聽。而陰用豹。晉荐饑。來乞糴。秦伯問  
子桑與諸乎。對曰。重施而報。君將何求。重施而不報。則  
民必攜攜而討焉。無衆必敗。謂百里與諸乎。對曰。天災  
流行。國家代有。救災卹鄰。道也。行道有福。秦於是乎輸  
粟于晉。自雍及絳相繼。命之曰汎舟之役。已秦饑。乞糴  
于晉。晉弗與。於是秦伐晉。初繆公亡善馬於岐之野。得  
而食之者三百人。吏捕論繆公曰。奈何重畜而輕人乎。



吾聞食善馬肉者不飲酒傷人。皆賜酒而遣之。是役也。三百人皆請從。而秦繆公爲晉所圍窘。乃馳冒晉軍。卒脫公而生得晉侯。於是天子爲晉君請。穆夫人。晉侯女兄也。衰絰跣。以太子瑩。女簡壁。登臺履薪焉。子桑曰。晉未可滅。而殺其君。祇以成惡。史佚有言曰。無始旣無怙亂。無重怒。重怒難任。陵人不祥。乃歸晉侯。而質其子圉於秦。已而晉惠公卒。圉自立。穆公納公子重耳於晉。爲晉文公。已將兵助文公納襄王。又助圍鄭。然無意於諸侯。獨闢壤以自封。晉文公薨。杞子自鄭告于秦曰。鄭人使我掌其北門之管。若潛師以來。國可得也。穆公

訪諸蹇叔。蹇叔曰：「勞師以襲遠，非所聞也。」師勞力竭，遠  
主備之，毋乃不可乎？且行千里，其誰不知？不聽。問百里  
奚，奚曰：「不可。又不聽。」召孟明、視、西乞術、白乙、丙使出師  
于東門之外。蹇叔哭之曰：「孟子，吾見師之出，而不見其  
入也。」公使謂之曰：「爾何知中壽？爾墓之木拱矣。」蹇叔之  
子與師哭而送之曰：「晉人禦師必于殽，殽有二陵焉。其  
南陵，夏后皋之墓也；其北陵，文王之所辟風雨也。必死  
是間，余收爾骨焉。」秦師遂東。及滑，鄭商人弦高將市於  
周，遇之以乘韋，先牛十二犒師。曰：「寡君聞吾子將步師  
出於敝邑，敢犒從者。不腆敝邑，爲從者之淹，居則具一



日之積行則備一夕之衛。且遽使告于鄭。鄭穆公使視客館。則束載厲兵秣馬矣。使皇武子辭焉。杞子奔齊。孟明日。鄭有備矣。不可冀也。攻之不克。圍之不繼。吾其還也。滅滑而還。至晉。晉師禦之。師覆于殽。晉獲孟明視。西乞術。白乙。丙以歸。文嬴請三帥。三帥乃免。秦伯素服郊次。鄉師而哭曰。孤違蹇叔以辱二三子。孤之罪也。大夫何罪。且吾不以一眚掩大德。明年春。孟明視及晉師戰于彭衙。復敗績。秦伯猶用孟明。孟明增脩國政。重施於民。晉成季言於諸大夫曰。秦師又至。必辟之。懼而增德。不可當也。詩曰。毋念爾祖。聿脩厥德。孟明念之矣。念德

不怠其可敵乎。又三年秦伯伐晉。濟河焚舟。取王官。及郊。晉人不出。遂自茅津濟。封殽尸而還。爲三日哭。作秦誓。悔不用蹇叔百里奚之言。君子是以知秦穆公之爲君也。舉人之周也。與人之壹也。孟明之爲臣也。其不懈也。能懼思也。子桑之忠也。其知人也。能舉善也。詩曰。于以采繁。于沼于沚。于以用之。公侯之事。秦穆有焉。夙夜匪懈。以事一人。孟明有焉。貽厥孫謀。以燕翼子。子桑有焉。蓋公用孟明而霸西戎。益國十一。開地千里。及穆公薨。葬雍。以子車氏之子三人奄息。仲行。鍼虎。殉。皆秦之良也。國人哀之。爲之賦黃鳥。君子曰。秦穆之不爲盟主。



也宜哉。死而棄民。先王違世。猶詒之法。並建聖哲。樹之風聲。予之法制。告之訓典。使衆隸賴之。而後卽命。况奪之善人乎。詩曰。人之云亡。邦國殄瘁。無善人之謂也。其後歷康其桓景。而哀公之世。救楚助吳師。後九世。數易君。多亂。至獻公而始昌。獻元年止。終死二年。城櫟陽。四年。孝公生。周太史儋見曰。周故與秦合。合而別。別五百歲復合。合七十七歲而霸王出焉。其時乎。十八年。甬金櫟陽。二十一年。與晉戰於石門。斬首六萬。天子賀以黼黻。二十三年。與魏戰。少梁。虜將。卒。子渠梁立。爲孝公。孝公元年。河山以東。疆國六。與齊威。楚宣。魏惠。燕悼。韓哀。趙成。侯。並淮泗之間。小國十餘。楚魏與秦接界。魏築長城。自鄭濱。雒以北。有上郡。楚自漢中。以南。有巴黔中。周室

微諸侯力政爭相併秦。僻在雍州。不與中國諸侯之會。  
盟。夷翟遇之。孝公於是布德施惠。振孤寡。招戰士。明功  
賞。下令國中曰。昔我穆公自岐雍之間。脩德行武。東平  
晉亂。以河爲界。西霸戎翟。廣地千里。天子致伯。諸侯畢  
賀。爲後世開業。甚光矣。會往者厲。蹀簡公。出子之不寧。  
國家內憂。未遑外事。三晉攻奪我先君河西地。諸侯卑  
秦。醜莫大焉。獻公卽位。鎮撫邊境。徙治櫟陽。且欲東伐。  
復穆公之故地。脩穆公之政令。寡人思念先君之意。常  
痛於心。賓客羣臣。有能出奇計彊秦者。吾且尊官與之  
分土。於是衛鞅聞之。西入秦。因景監以見。公大說。與議。



國事是歲。彗星見西方。


鞅之言曰：疑行無名，疑事無功。愚者闇於成事，知者見於未萌。

夫民不可與慮始，而可與樂成。論至德者，不和於俗；成大功者，不謀於衆。是以聖人苟可彊國，不法其故；苟可利民，不循其禮。昔龍曰：『不然。』聖人不易民而教，知者不變法而治，因民而教，不勞而成功，緣法而治者，更習而民安之。衛鞅曰：『龍之所言，世俗之言也。常人安於故俗，學者溺於所聞，以此兩者居官守法可也。非所與論於法之外也。』三代不同禮而王，五霸不同法而霸。智者作法，愚者制焉；賢者更禮，不肖者拘焉。杜摯曰：『利不百，不變法；功不十，不易制。』法古無過，循禮無邪。衛鞅曰：『治世不一道，便國不法古。故湯武不循禮而王，夏殷不易禮而亡。反古者不可非，而循禮者不足多。』孝公曰：『善。』此與趙武靈胡服答問同。霸下而強，一時橫決，語類如此。乃定變法令，令民爲什伍，而相收司連坐，不告姦者腰斬，告姦者與斬敵首同賞。匿姦者與降敵同罰。民有二男以上不分異者，倍其賦。有軍功者，各以率音律受上爵。

爲私鬪者。各以輕重被刑。大小僇力。本業耕織。致粟帛多者。復其身。事末利及怠而貧者。舉以爲收孥。宗室非軍功。論不得爲屬籍。明尊卑。爵秩等級。各以差次。名田宅。臣妾衣服。以家次。有功者。顯榮。無功者。雖富。無所芬華。令旣具。未布。恐民之不信也。立三丈之木於國都市南門。募有能徙置北門者。予十金。民惟之。莫敢徙。復曰。能徙者。予五十金。有一人徙之。輒予五十金。以明不欺。乃下令。令行期年。秦民之國都。言新令不便者。以千數。於是太子犯法。衛鞅曰。法之不行。自上犯之。將法太子。太子君嗣也。不可施刑。刑其傅公子虔。黥其師公孫賈。




明日秦人皆趨令。初言令不便者有來言令便。衛鞅曰。此皆亂化之民也。盡遷之邊。其後民莫敢議令。已作咸陽。築冀闕。其中秦自雍徙都之。集小都鄉邑聚爲縣。置令丞。爲田開阡陌封疆。令畢田更賦法。平斗桶權衡。丈尺行之十年。道不拾遺。山無盜賊。家給人足。民勇公於戰怯於私闕。秦以富強。於是鞅言於公曰。秦之有魏。譬若人有腹心之疾。非魏并秦。卽秦并魏。何者。魏居嶺阨之西。都安邑。與秦界河。而獨擅山東之利。利則西侵秦。病則東收地。今以君之賢聖國賴以盛。而魏往年破於齊。諸侯叛之。可因此時伐魏。魏不支秦。必東徙。東徙秦據













養老存孤。敬父兄。序有功。尊有德。可以少安。君尚貪商  
於之富。寵秦國之政。畜百姓之怨。秦王一且捐賓客而  
不立朝。秦國之所以收君者。豈其微哉。商君默然居五  
月而難作。孝二年。天子致胙。三年變灋。八年與魏戰。元  
里。斬首七千。取少梁。十年鞅爲大良造伐魏。  
安邑。十一年圍固陽。降之。十九年。天子致伯。二十年。諸  
侯畢賀。使公子少官率師會諸侯逢澤。朝天子。二十一  
年。馬  
生人。惠文王旣誅鞅。因用其法爲富彊。張儀相。時時宣  
言免相。相魏。相楚。說楚魏六國連衡以事秦。六國益屈。  
語具六國志中。已欲伐蜀。儀曰。不如伐韓。王曰。請聞其  
說。儀曰。親魏善楚。下兵三川。塞什谷之口。當屯留之道。  
攻新城宜陽。以臨二周之郊。據九鼎。按圖籍。挾天子以



令於天下。此王業也。今夫蜀西僻之國。而戎翟之倫也。臣聞爭名者於朝。爭利者於市。今三川周室天下之朝市也。而王不爭焉。顧爭於戎翟。去王業遠矣。司馬錯曰。不然。臣聞之。欲富國者。務廣其地。欲彊兵者。務富其民。欲王者。務博其德。三資者備。而王隨之矣。夫蜀西僻之國。而戎翟之長也。有桀紂之亂。以秦攻之。譬如使豺逐羊。得其地。足以廣國。取其財。足以富民。繕兵不傷衆。而彼已服焉。拔一國而天下不以爲暴。利盡四海而天下不以爲貪。是我一舉而名實附也。而又有禁亂止暴之名。今攻韓劫天子。惡名也。而未必利也。周天下之宗室。

齊韓之與國也。周自知失九鼎，韓自知亡三川，將二國  
并力合謀，以因乎齊趙，而求解乎楚魏，以鼎與楚，以地  
與魏，而王弗能止也。所謂危也。不如伐蜀。完惠王曰：「善。」  
秦穆公已用此術，故無意於會盟。卒伐蜀，遂定蜀，而秦益以富厚，輕諸

侯。惠文王初稱王，而再稱元年前後二十八年卒。子蕩

立，爲武王。

惠文元年，楚韓趙蜀來朝。二年，天子賀。五年，陰晉人公孫衍爲大良造，敗魏師，取雕陰。六

年，魏以陰晉爲和，實華陰。命曰寧秦。七年，虜魏將龍賈，斬首八萬八千。魏納河西地。九年，渡河取汾陰皮氏。圍焦，降之。十年，張儀伐魏，取蒲陽，復與魏。魏納上郡十五縣以謝張儀。相十一年，歸魏焦曲沃。十三年，張儀將兵取陝，出其人與魏，更以十四年爲元年。三年，張儀出相。魏欲令魏事秦，而諸侯效之。魏王不聽。陰使秦伐魏，取二邑。七年，韓趙魏燕齊帥匈奴共攻秦。秦使庶長疾與戰脩魚，虜將斬首八萬二千。八年，魏求成，張儀歸相。秦



九年滅蜀伐取趙中都西陽十年韓太子來質伐韓取  
石章取義渠二十五城十一年攻魏焦降之敗韓岸門  
斬首萬張儀相楚擊楚丹陽虜將斬首八萬秦武自爲  
又取楚漢中置漢中郡十四年拔楚召陵

太子不悅於張儀元年儀之魏死於魏二年初置丞相  
樗里疾甘茂爲左右相秦使甘茂約魏以伐韓使向壽  
爲輔行魏聽如約茂使向壽還請曰魏德臣矣然願王  
勿伐也秦武迎茂息壤而問故對曰宜陽大縣也上黨  
南陽之積久矣名曰縣其實郡也今倍數險行千里而  
攻之難魯人有與曾參同姓名者殺人。人告其母。母織  
自若也。頃又一人告之曰曾參殺人。尚織自若。頃又一  
人告之。則其母授杼下機踰垣而走。夫以曾參之賢與

其母之信之也。三人疑之。其母懼焉。今臣之賢不若曾參。王之信臣。不如其母。疑臣者。非特三人。臣恐大王之投杼也。魏文侯令樂羊攻中山。三年拔之。反而論功。文侯示之謗書一篋。樂羊再拜稽首曰。此非臣之功。君之力也。今臣羈旅之臣也。樗里子公孫奭挾韓而議之。王必聽之。是王欺魏王。而臣受公仲侈之怨也。王曰。寡人弗聽也。請與子盟。乃盟于息壤。甘茂攻宜陽。五月而不拔。樗里子公孫奭果間之。秦武欲罷兵。茂曰。息壤在秦。武乃悉起兵佐茂。遂拔宜陽。斬首六萬。涉河城武遂。王好武力。戲舉鼎。絕臙。乃遂死。諸弟爭立。異母弟穰質於



燕母楚人芊氏故號芊八子。

秦女官號

母異父弟魏冉當惠

武時任職用事。乃遂與國人迎稷而立之。爲昭襄王。昭襄年少。母芊號宣太后。太后治事。而魏冉尊用爲將軍。秦庶長壯及大臣諸公子。心不服。作亂誅滅之。而悼武后孫于魏冉。威振秦國。薦左更白起使將兵。歲伐楚韓魏有功。而冉封穰侯。當是時。天下諸侯。日救甌不給。謀臣策士。僅各爲其主說秦。嫁甌他國。聽少割冀須臾後。以爲功。而昭襄明果善聽納。熟於知計。善用人。秦白起欲與韓魏共伐楚。而楚使黃歇適至秦。聞之。恐壹舉而滅楚也。乃上書說秦曰。臣聞物至則反。冬夏是也。致

至則危。累基是也。今大國之地。徧天下有其二垂。此從生民以來。萬乘之地。未嘗有也。王又舉甲而攻魏。杜大梁之門。舉河內。拔燕酸棗。休甲息衆。二年而後用之。又并蒲衍。會垣。割濮磨之北。注燕齊之要。絕楚趙之脊。天下五合六聚。而不敢救。而王之威亦單矣。王若持功守威。紂攻取之心。而肥仁義之地。使無後患。三王不足四。五伯不足六也。王若負人徒之衆。仗兵革之強。而欲以力臣天下。臣恐其有後患也。易曰。狐涉水。濡其尾。此言始之易。終之難也。夫韓魏父子兄弟接踵而死於秦。將十世矣。本國殘。社稷壞。宗廟毀。剝腹絕腸。身首橫分者。



相望於境。父子老弱。係脰束手。爲羣虜者。相及於路。鬼神孤傷。無所血食。而王信韓魏之善王也。資之與攻楚。此正吳之信越也。因說秦攻韓魏以寬楚。昭襄曰善。乃止。白起謝韓魏。受楚約。而楚使歇與太子完質於秦。穰侯將兵攻魏。圍大梁。魏大夫須賈說穰侯曰。臣聞魏悉百縣勝甲。以上戍大梁。計不下三十萬。以三十萬之衆。守七仞之城。臣以爲湯武復生。不易攻也。夫輕背楚趙之兵。陵七仞之城。戰三十萬之衆。而志必舉之。臣以爲自天地始分。至于今。未嘗有也。攻而不拔。秦兵必罷。陶邑必亾。則前功棄矣。今魏氏方疑。可以少割收也。願君

亟以少割收魏。魏方疑而得以少割爲利，必欲之。則君  
得所欲矣。楚趙怒魏之先已也，必爭事秦。從以此散，魏  
效絳安邑。又爲陶開兩道，幾盡故宋衛，效單父而秦兵  
可全。願君熟慮之，無行危。穰侯曰：善。罷梁園。昭襄初立，欲附龍諸  
侯。三年，與楚王會黃棘。與楚上庸。四年，彗星見，取魏蒲  
坂。晉陽封陵，取韓武遂。五年，魏王朝應亭，復與魏蒲坂。  
六年，伐韓，取穰。庶長與伐楚，斬首二萬，取重丘。日餉畫  
晦。七年，拔新城。八年，將軍辛戎攻楚，取新市，斬首三萬。  
九年，負攻楚，取八城，殺將。十年，楚懷王入朝，止之。秦王  
聞齊田文賢，請於齊以爲相，或間之曰：文相秦，必先齊  
而後秦，則囚欲殺之，得脫。歸怨秦。十一年，以齊韓魏宋  
中山五國共伐秦，敗秦軍函谷關。河渭絕。一日，秦割河  
東三城以和，乃退。彗星見。楚懷王死，歸葬。十三年，向壽  
伐韓，取趙武始。十四年，左更白起敗韓魏伊闕，斬首二  
十四萬。虜公孫喜，拔五城。十五年，起攻魏，取垣，復予之。  
攻楚，取宛。十六年，左更錯取軹及鄧，取城六十一，十八



年錯攻垣河雍。決橋取之。十九年，王爲西帝，已去之。趙拔梗陽。二十年，攻魏，拔新垣、曲陽。二十一年，魏納安邑。河內以和。秦敗韓、夏山。二十二年，蒙武擊齊，拔九城。秦會楚于宛，會趙于中陽。二十三年，尉斯離與燕樂殺韓趙魏，共破齊。濟西。二十四年，與楚王會鄆，又會穰，取魏安城至大梁。冉病免。二十五年，拔趙二城。二十六年，冉復相。二十七年，起攻趙，取代光狼城，斬首二萬，地震壞城。錯發隴蜀師攻楚黔中。二十八年，起攻楚，取鄆、鄧、西陵。楚納漢北上庸。二十九年，起攻楚，取郢至竟陵，爲南郡。燒夷陵，起爲武安君。三十年，會趙、滬池。三十一年，起伐魏，拔兩城。三十二年，冉伐魏，韓救之，大敗韓師，斬首四萬。魏納八城以和。復伐魏，圍大梁。魏又割溫以和。三十三年，起攻魏，卷蔡陽，長社破華陽，斬首十五萬。魏入南陽以和。三十六年，攻齊，取剛壽。當是時，昭襄同母弟公子市、公子悝封涇陽、高陵君。芊太后弟芊戎封華陽君，穰侯相。三人更將私家，富重於王室。於是魏人范雎從謁者王稽西入秦，而秦昭襄立已三十六

年因天下諸侯地闢壤進戰勝意得厭天下辨士無所

信矣

范雎者魏人也字叔事魏中大夫須賈須賈爲魏昭王使於齊范雎從留數月未得報齊襄王聞雎

辨口乃使人賜雎金十斤及牛酒須賈知之怒以爲雎持魏國陰事告齊得此也既歸告魏相魏齊齊大怒答擊雎折脇摺齒雎佯死卷以簀置廁中賓客飲者醉更溺雎故僂辱以懲後令無妄言者雎從簀中許守者金幸出我守者乃請出棄簀中死人魏齊醉曰可矣范雎得出魏人鄭安平遂操雎亡匿更名姓曰張祿秦謁者王稽使魏鄭安平詐爲卒侍王稽王稽問魏有贊人可與俱西遊者乎鄭安平曰臣里中有張祿先生欲見君言天下事其人有仇不敢晝見請夜與俱來既得見王稽知其贊與私約曰先生待我於三亭之南稽辭魏去過載雎入秦至湖關望見車騎從西來甚盛雎問爲誰王稽曰秦相穰侯東行縣邑范雎曰吾聞穰侯專秦權惡內諸侯客恐辱我我寧且匿車中有頃穰侯至勞王稽因立車而語曰關東有何變曰無有謂稽曰謁君得無與諸侯客子俱來乎無益徒亂人國耳王稽曰不敢卽別去范雎曰吾聞穰侯智士獨見事遲鄉者疑車中



有人忘索之。於是下車走。曰：此必悔之。行十餘里，果使騎還索車中。無客乃已。王稽遂與范雎入咸陽。已報使，因言曰：「魏有張祿先生，天下辨士也。」曰：「秦王之國危於累卵，得臣則安，然不可以書傳也。」臣故載俱來。王弗信，使舍食。雖待命歲餘，不得見。乃上書自請曰：「臣聞明君草具，」

立政賞功而官能，勞大者其祿厚，功多者其爵尊，故無能者不敢當職焉。而有能者不蔽。今陛下誠以臣言爲可，願行而益利其道。以臣言爲不可，久留臣無爲也。臣聞善厚家者取之國，善厚國者取之天下。天下有明主，則諸侯不得擅厚者，何也？爲其割榮也。賞必加毋恐，良弗予曰割榮。醫知病之死生，而聖主明於成敗之斷。利則行之，害則舍之。疑則少葺之。語之至者，臣不敢載之書。其淺者又

不足聽也。臣之冒不足當斧質。而要不足待鈇鉞。豈敢以疑事嘗試於王哉。意者臣愚而不概於王心耶。無乃言臣者賤而不足信耶。自非然者。願得少賜游觀之間。望見顏色。一語不效。請伏斧質。於是秦昭乃大說。謝王稽而召范雎。雎得召。待命於離宮。佯爲不知。永巷也者。而入其中。王來。宦者怒逐之。曰。王至。范雎繆爲曰。秦安得王。秦獨有太后穰侯耳。欲以感怒昭襄。昭襄至。聞爭言。不怒。趣延迎。謝曰。寡人宜以身受命久矣。會義渠之事急。寡人旦暮自請太后。今義渠之事已。寡人乃得受命。竊閔然不敏。敬執賓主之禮。范雎辭讓。是日觀范雎。



見者莫不洒然變色易容者。秦王屏左右。宮中虛無。八。秦王跽而請曰。先生何以幸教寡人。范雎曰。唯唯。若是者三。秦王跽曰。先生卒不幸教寡人耶。范雎曰。非敢然也。昔者呂尚之遇文王也。身爲漁父。而釣於渭濱耳。若是者交疎也。已說而立爲太師。載與俱歸。其言深也。故文王遂收功於呂尚。而卒王天下。今臣。羈旅之臣也。交疎於王。而所願陳者。皆匡君之事。處人骨肉之間。願効愚忠。而未知王之心也。此所以王三問而不敢對也。臣非有畏而不敢也。臣知今日言之於前。而明日伏誅於後。然臣不敢避也。臣死而秦治。是臣之死。賢於生。秦王

跽曰先生是何言也。秦國僻遠。寡人愚不肖。先生乃幸辱至於此。是天以寡人恩先生。而存先王之宗廟也。寡人得受命於先生。是天所以幸先王而不棄其孤也。先生柰何言若是事。無大小上及太后。下至大臣。願先生悉以教寡人。無疑寡人也。范雎拜。秦王亦拜。然左右多竊聽者。范雎恐。未敢言內。先言外事。觀秦王之俯仰。因進曰。夫穰侯越韓魏而攻齊。剛壽非計也。少出師。則不足以傷齊。多出師。則害秦。昔齊湣王南攻楚。破軍殺將。再辟地千里。而齊尺寸之地無得焉。豈不欲得地哉。形勢不能有也。諸侯見齊之罷弊也。興兵而伐齊。大破之。



士辱兵頓皆咎其王曰誰爲此計者乎故齊所以大破者以伐楚而肥韓魏也王不如遠交而近攻得寸則王之寸也得尺亦王之尺也今釋此而遠攻不亦謬乎夫韓魏中國之處而天下之樞也王欲霸必親中國以爲天下樞以乘楚趙楚彊則附趙趙彊則附楚楚趙皆附齊必懼矣齊懼必卑辭重幣以事秦齊附而韓魏因可虜也王曰敬聞命乃拜范雎爲客卿謀兵事居久之日親幸說用乃因間說曰臣居山東時聞齊之有田文不聞有王也聞秦之有太后穰侯華陽高陵涇陽不聞有王也夫擅國之謂王能利害之謂王制殺生之威之謂

王。今太后擅行不顧。穰侯出使不報。華陽涇陽等擊斷無諱。高陵進退不請。四貴備而國不危者。未之有也。爲此四貴者下。所謂無王也。然則權安得不傾。令安得從王出乎。臣聞善治國者。內固其威而外重其權。穰侯使者。操王之重。決制於諸侯。剖符於天下。攻敵伐國。莫敢不聽。戰勝攻取。則利歸於陶國。弊御於諸侯。戰敗則怨結於百姓。而甌歸於社稷。詩曰。木實繁者披其枝。披其枝者傷其心。大其都者危其國。尊其臣者卑其主。崔杼淖齒管齊射王股。擢王筋縣之於廟梁。宿昔而死。李兌管趙囚主父於沙丘。百日而餓死。今臣聞秦太后穰侯



用事高陵華陽涇陽佐之卒無秦王此亦齒李兌之類也且夫三代所以亡國者君專授政縱酒弋獵不聽政事其所授者妬賢疾能御下蔽上以成其私不爲王計而主不覺悟故失其國今自有秩以上至諸大吏下及王左右無非相國之人者是王獨立於朝臣竊恐萬世之後有秦國者非王子孫也昭王聞乃大動於是廢太后逐穰侯高陵華陽涇陽君於關外拜范雎爲丞相封

應侯

范雎既相秦秦號曰張祿而魏不知以爲范雎已死久矣聞秦且東伐使須賈於秦范雎聞之爲微

行敝衣間步之邸見須賈須賈兄之驚曰范叔固無恙乎雎曰然須賈笑曰范叔有說於秦耶曰不也雎前日得過魏相故亡逃至此安敢說乎須賈曰今叔何事范雎曰臣爲人庸賃須賈意哀之留與坐飲食曰范叔一

寒如此哉、乃取其一綈袍以賜之、因問曰、秦相張君公知之乎、聞幸於王、天下事皆決於相君、今吾事之去留、在相君、孺子豈有客習於相君者哉、范睢曰、主人翁習知之、唯睢亦得謁、須賈曰、吾馬病、車軸折、非大車駟馬、吾不出、范睢曰、願爲君借大車駟馬於主人翁、范睢歸、取大車駟馬爲須賈、御入秦相府、府中望見者皆避匿、須賈怪之、至相舍門、謂須賈曰、待我、我爲君先入通相君、須賈待門下、持車良久、問門下曰、范叔不出何也、門下曰、無范叔、須賈曰、鄉與我載而入者、門下曰、乃吾相張君也、賈大驚、自知見賣、肉袒膝行、因門下人謝罪、於是范睢盛帷帳、侍者甚衆、見之、須賈頓首言死罪、曰、賈不意君能自致於青雲之上、賈有湯鑊之罪、請自屏於胡貉之地、唯君死生之、范睢曰、汝罪有幾、曰、擢賈之髮以續賈之罪、尚未足、范睢曰、汝罪有三耳、昔楚昭王時、申包胥爲楚卻吳軍、楚王封之以荆五千戶、辭不受、爲丘墓之寄於荆也、今睢之先人丘墓亦在魏、公前以睢爲有外心於齊、而惡睢於魏、齊罪一也、當魏齊辱我於廁中、公不止罪二也、更醉而溺我、公其何忍乎、罪三也、然公之所以得無死者、以綈袍戀戀、有故人之意、故釋公、乃謝罷歸、須賈須賈辭、范睢大供具、盡請諸侯使與



坐堂上、食飲甚設、而坐須賈於堂下、置莖豆其前、令兩黥徒夾而馬食之、數日、爲我告魏王、急持魏齊頭來、不然我且屠大梁、須賈歸以告、魏齊恐、亡走趙、匿平原君所、秦昭欲爲雖必報其仇、乃詳爲好書遺平原君、曰、寡人聞君之高義、願與君爲布衣之交、君幸過寡人、寡人願與君爲十日之飲、平原君畏秦、且以爲然、乃入秦見昭王、王與飲數日、曰、昔周文王得呂尚以爲太公、齊桓公得管夷吾以爲仲父、今范君亦寡人之仲父也、范君仇在君家、願使人歸取其頭來、不然吾不出君於關、平原君曰、貴而爲交者爲賤也、富而爲交者爲貧也、魏齊勝之友也、在固不出也、今又不在臣所、昭王乃遣趙王書曰、王之弟在秦、今魏齊在平原君之家、王使人疾持其頭來、不然吾舉兵伐趙、又不出王之弟於關、趙發卒圍平原君家、急、魏齊夜亡出、見趙相虞卿、虞卿度趙王終不可說、乃解相印與魏齊亡、問行走大梁、欲因信陵君以走楚、信陵畏秦、猶豫未肯見、魏齊怒而自剄、趙卒取其頭予秦、范雎既相、王稽謂范雎曰、事有不可知者三、有不可奈何者亦三、宮車一日晏駕、事不可知一也、君卒然捐館舍、事不可知二也、臣卒然填溝壑、事不可知三也、宮車一日晏駕、君雖恨於臣、無可奈何、君卒然

捐館舍。君雖恨於臣，亦無可奈何。臣卒然填溝壑，君雖恨於臣，亦無可奈何。范雎不憚入言於王曰：「非王稽忠莫能內臣於函谷關，非大王賢聖莫能貴臣。今臣官至相，爵列侯，王稽官尚止於謁者，非其內臣之意也。」秦昭王召王稽拜爲河東守，三歲不上計，又在鄭安平爲將軍，范雎散家財物，盡以報所嘗困厄者，一飯之德必償，睚眦之怨必報。當雎相時，計不席坐，制諸侯，決平陽之險，塞太行之道，斬范中行，之塗六國，不得合從而謀秦，棧道千里，通於蜀漢。白起者，故穰侯之所任舉也，相善善用兵，與應侯內郤。旣破趙長平，圍邯鄲，韓趙使蘇代說應侯曰：「武安君爲秦戰勝攻取者七十餘城，南定鄢郢，漢中北擒趙括，雖周召呂望之功，不益於此矣。今趙必以秦必帝，則武安必爲三公。君能爲之下乎？雖欲無爲之下，



得乎不如因而割之。無爲武安功。於是應侯言於王曰。祭兵勞。請許韓趙割地。休士卒。王聽之。割韓垣雍。趙六城以和。而武安君意大恨。無何復攻趙。武安君病不任將。他將攻邯鄲。少利。王欲使武安君代將。武安君曰。邯鄲實未易攻也。今秦雖破長平軍。而秦卒死者過半。國內空。遠絕河山而爭人國都。諸侯之救日至。趙應其內。諸侯攻其外。破秦必矣。持不行。王使應侯請之。終不肯行。王使王齮代將。及魏公子戰而却。武安君幸其計中。有後言。秦昭怒。免爲士伍。遷陰密。使使者賜之劔。武安引劔將自裁曰。我何罪至此。良久曰。我固當死。長平之

戰趙卒降者四十萬人。我詐而盡阬之。是足以死。遂自殺。居數年。武安君旣死。而應侯所任鄭安平。王稽皆敗。坐法誅。應侯席藁請罪。秦法任人而所任不善者。各以其罪罪之。於是應侯當收三族。秦昭恐傷應侯之意。令國中有敢言鄭安平事者罪死。而加賜相國食物。日益厚。以順適其意。後二歲。昭王中郤。乃臨朝而嘆。應侯進曰。臣聞主憂臣辱。主辱臣死。君王嘆。臣敢請其罪。秦昭曰。吾聞楚鐵劍利。而倡優拙。夫鐵劍利。則士勇。倡優拙。則思慮遠。夫以遠思慮。而御勇士。吾恐楚之圖秦也。夫物不素具。不可以應卒。今武安君旣死。而鄭安平等畔。



內無良將而外多敵國。吾是以憂。欲以激勵應侯。應侯懼。不知所出。燕人蔡澤聞之。乃西入秦。說應侯令去位。

睢乃薦蔡澤令代相而老。

初澤游學于諸侯。小大甚衆。不遇去之。趙見逐。入韓魏。遇

奪釜鬲於塗。至是西入秦。使人宣言以威怒應侯。曰。燕客蔡澤。天下雄俊弘辨智士也。彼一見秦王。秦王必困君而奪之位。應侯問使人召蔡澤。蔡澤入。則長揖。應侯固不快。及見之。又倨讓之。曰。子嘗宣言欲代我相。秦寧有之乎。對曰。然。應侯曰。請聞其說。蔡澤曰。吁。君何見之晚也。四時之叙。成功者去。夫人生百體堅彊。手足便利。耳目聰明。而心聖智。豈非士之願與。應侯曰。然。蔡澤曰。質仁秉義。行道施德。得志於天下。天下懷樂敬愛而尊慕之。皆願爲君王。豈不辨智之期與。應侯曰。然。蔡澤復曰。富貴顯榮。成理萬物。使各得其所。性命壽長。終其天年。而不夭傷。繼統守業。傳之無窮。各實純粹。世世稱之。無絕與天地終始。豈道德之符。而聖人所謂吉祥善事者與。應侯曰。然。蔡澤曰。若夫秦之商君。楚之吳起。越之大夫種。其卒然亦可願與。應侯知蔡澤欲困已。以說復

諺曰、何爲不可、君子以義死難、視死如歸、士固有殺身  
以成名者、何爲不可哉、蔡澤曰、主聖臣賢、天下之福也、  
君明臣直、國之福也、父慈子孝、夫信妻貞、家之福也、故  
比干忠而不能存殷、子胥智而不能完吳、申生孝而晉  
國亂、是皆有忠臣孝子、而國家滅亂者、何也、無明君賢  
父以聽之、故天下以其君父爲僇辱、而憐其臣子、今商  
君吳起、大夫種之爲人、臣是也、其君非也、夫人之立功、  
豈不期於成全耶、身與名俱全者、上也、名可法而身死  
者、其次也、名在僇辱而身全者、下也、以君臣論之、商君  
吳起、大夫種、其可願孰與閔天、周公哉、應侯曰、商君吳  
起、大夫種弗若也、蔡澤曰、然則君之主、親忠臣、不忘舊  
故、孰與孝公、悼王、勾踐、而君之功績、愛信親幸、又孰與  
商君吳起、大夫種、然而君之祿位、貴盛、私家之富、過於  
三子、而身不退、恐患之甚於三子也、竊爲君危之、語曰、  
日中則移、月滿則虧、物盛則衰、天地之常數也、進退盈  
縮、與時變化、聖人之常道也、故國有道則仕、無道則隱、  
聖人曰、飛龍在天、利見大人、不義而富且貴、於我如浮  
雲、今君之怨已讐、而德已報、意欲至矣、而無變計、竊爲  
君不取也、且夫翠鵠犀象、其處勢非不遠死也、而所以  
死者、惑於餌也、蘇秦知伯之知、非不足以辟辱遠死也、



而所以死者惑於貪利不止也。是以聖人制禮節欲。取  
於民有度。使之有時。用之有制。故志不溢。行不驕。常與  
迫俱而不失。故天下承而不絕。夫四子者。功成不去。禍  
至於此。范蠡知之。超然辟世。長爲陶朱公。君獨不觀夫  
博者乎。或欲大投。或欲分功。今君相謀。不出廊廟。坐制  
諸侯。秦之欲得矣。君之功極矣。此亦秦分功之時也。吾  
聞之。鑒於水者。見面之容。鑒於人者。知言與凶。書曰。成  
功之下。不可久處。君何不以此時歸相印。讓賢者而授  
之。退而巖居川觀。長爲應侯。世世稱孤。而有許繇延陵  
季子之讓。喬松之壽。孰與以禍終哉。恐不能自離。疑不  
能自決。必有四子之禍矣。易曰。亢龍有悔。此言上而不  
能下。信而不能誦。往而不能返者也。應侯曰。善。吾聞欲  
而不知止。失其所以欲。有而不知止。失其所以有。先生  
幸教。雖敬受命。於是乃延入坐。爲上客。後數日入朝。言  
於秦昭王。昭王召見與語。大說之。拜爲客卿。秦昭時。西  
應侯因謝病歸相印。蔡澤相秦數月。謝病去。

周盡其邑三十六城。口三萬。納之秦。周民東亾。九鼎入

秦。韓王入朝魏。委國聽令。郊見上帝於雍。

三十八年。滅義渠。四十一

年范雎相攻魏取邢丘懷四十二年宣太后薨葬芷陽  
四十三年起攻韓拔九城斬首五萬四十四年陽攻韓  
絕大行道取南郡四十五年五大夫賁攻韓取十城四  
十七年拔野王起坑趙降卒於長平四十餘萬四十八  
年韓獻垣雍分三軍王齕將伐趙拔武安皮牢司馬梗  
定太原盡有韓上黨五大夫陵攻趙邯鄲四十九年齕  
代將五十年張唐攻鄭拔之益發卒軍汾城旁齕攻邯  
鄲不拔奔汾軍從唐拔寧新中更各安陽五十年  
取韓陽城負黍斬首四萬立五十六年而卒子柱立  
取趙二十餘縣首虜九萬

元年卒子楚立

莊襄

遷東周君陽人四年卒

元年驚伐韓韓獻成臯鞏

置三川郡二年驚攻趙定太原三年驚拔魏高都子政  
及攻趙榆次新城狼孟取三十七城四日日觸

立是為始皇帝立二十六年初并天下又五年而崩子

胡亥立為二世皇帝三年而天下叛秦秦亡事在後秦

志中



論曰予讀詩秦風歎焉曰商風也夫秦僻遠在西翟襄公定王以王命得兼有岐雍穆公定晉雖無意於諸夏之會盟而據形便蓄力廣土恢恢乎有并吞囊括之風故春秋錄秦僅於吳楚等而書錄秦誓詩秦風次魏唐知微也夫夫秦風西風也西風商風商風作蕩六合矣故終以水德并字內

百史上編卷之六終

國史上編卷之七

明旰昃鄧元錫纂

至聖先師孔子年表

孔子名丘字仲尼其先宋人也宋出自虞司徒契敷五  
教見尚書至成湯有天下曰殷殷亡微子封宋宋襄公  
少子曰弗父何其後世宋卿及正考父佐戴武宣公三  
命茲益恭生孔父嘉義形於邑事殤公死羣督之難者  
也其後以王父所賜號爲孔氏至防叔畏華氏之偪而  
奔魯爲魯人防叔生伯夏伯夏生叔梁紇爲鄆大夫叔  
梁紇妻生九女而無子卒妾有子曰孟皮髡於是叔梁



五經

卷之七

紂求婚於顏氏。顏父曰：「鄉大夫雖父祖士耳，然聖王之

裔也。今其人孔武，雖年長性嚴，不足為疑，以少女妻之。

顏夫人既歸，孔氏以夫年大，懼不時有男，乃祠祀於尼

丘，禱焉。靈王二十有一年，魯襄公二年庚戌，十有一月庚

子，孔子生。生而首上圩頂，因名丘。祖庭廣記：先聖生有

海川龍額，斗唇昌顏，均順輔疾，聯齒龍形，龜脊虎掌，駢

勝修肱，柔膺圩頂，山臍林背，翼臂正頸，阜頰堤首，地足

谷窠雷聲，澤腹修上，趨下求，樓後耳面如蒙，俱手垂過

膝耳垂珠庭，眉十二彩，目六十四理，立如鳳峙，坐如龍

蹲，手握天文，足履廣宇，望之如仆，就之如升，視若蒼海，  
海躬履謙，讓胸有文，口制作定世符，長九尺六寸，腰大  
十圍，然出結書形，用  
豈能得聖人之真哉？三歲，父鄉大夫卒。子為兒時，楚  
容景王八年，魯昭公甲子，孔子年十五，志學，有覺乎德。

行。聞叔孫昭子之殺豎牛也。謂然嘆曰：叔孫之不勞，不

景王十二年。魯昭公九年。戊辰，孔子年十九，娶宋開宮氏。暮而

生伯魚。伯魚生，適君賜鯉，榮君賜名鯉。子時景王十七

年。魯昭公十四年。癸酉，年二十有四歲，有母顏夫人之哭。夫子

父殯於五父之衢，人皆以為葬也。其實也殯也。至是問鄭曼父之母，乃知之，奉以合葬於防。景王二

十年。魯昭公十七年。丙子，孔子年二十有七，博學無方。郊子來

見而問官，退而曰：吾聞之，天子失官，學在四夷，猶信從

師襄子學琴，十日而不進。師襄子曰：可以益矣。子曰：丘

習其曲矣，未得其數也。有間，問之。曰：丘得其數矣，未得

其志也。有間，又問之。曰：丘習其志矣，未得其人也。有間

孔子曰：有所穆然深思焉，有所怡然高望而遠志焉。其

為人也黯然而黑，頽然而長，眼如望羊，奄有四方，將具

文王乎？師襄子避席而拜。曰：師景王二十三年。魯昭公

蓋云文王操也。蓋其精如此。二十年。



巳卯孔子年三十觀周道於周。

初昭公如楚鄭伯勞于梁孟僖子不能相儀父

楚不能答郊勞歸病之召其大夫曰禮人之幹也無禮何以立吾聞孔丘聖人之後也滅於宋其祖弗父何以宋而授厲公佐戴武宣三命茲益共其弔銘曰一命而僂再命而偃三命而俯循壇而走亦莫予敢侮歸於是焉於是以致餽余曰其共也如是臧孫紇有言聖人有明德者若不當世後必有達人其在孔丘乎我若獲沒必屬說與何忌於孔子使事之而學禮焉故孟懿子與南宮敬叔師事仲尼及是孔子曰我欲觀夏道是故之杞而不足徵也吾得坤乾焉欲觀周道乃往觀於京師南宮敬叔言於君而從君資之車一乘馬二疋既至周問禮于老聃訪樂于萇弘歷郊社之所考明堂之位察廟朝之度得周禮學焉喟然曰吾乃今知周公之聖與周之所以王也於是乎夢寐周公萇弘謂劉文公曰仲尼有聖人之表洽聞強記博物不窮而躬履謙讓其敬王三年

昭公二十九年

甲申孔子年三十有五昭公孫于齊魯亂孔

子適齊

在齊聞韶學之三月不知肉味口不圖為樂至於此也於虞帝樂而化夫景公欲封以尼谿之

田侍之以季孟之間晏子學墨以為周衰禮樂缺有間

今孔子盛脩之當年不能殫其學累世不能窮其禮殆

難為用哉於是景公意沮曰吾老

敬王五年

魯昭二

矣不能用也孔子遂行反乎魯

子之羸博之間

延陵季子者吳賢人也聘于晉而子虎葬羸博之間孔子聞之曰吾聞延陵季

子吳之習於禮者也蓋往觀焉既而曰於禮也令夫蓋

孔子每自言好學言好古敏求而是時列國君大夫有

疑事奇物每咨以其

敬王十年

魯昭公

辛卯孔子年四

十有二不仕退而修詩書禮樂明王道為教弟子自遠

方至受業者益衆

時昭公卒于乾侯季孫意如廢太子立公子宋或問孔子曰子奚為不政

子曰書云孝乎惟孝友于兄弟施於有政是亦為政奚

其為為政是時魯無正陪臣陽虎因桓子執國政欲見

孔子歸孔子蒸豚孔子時其亾而

敬王八年

定公八年

已亥



孔子年五十。欲往公山弗狃。召不果。公山弗狃以費叛。欲張公室以爲名。

使人召孔子。孔子循道彌久。溫溫無所試口。蓋周文武起豐鎬而王。今儻庶幾乎欲往。子路不說。止孔子。孔子

曰。夫召我者而豈徒哉。如用敬。王十九年。定公九年。庚子。孔

子年五十一。爲中都宰。子宰中都。一於禮。申養生喪死之節。長幼異食。强弱異住。行之

三月。男女別於途。路無拾遺。器不離僞。行之一年。四方則焉。定公曰。舉此法以治魯國。何如。對曰。雖天下可也。

公以爲司空。乃別五土之性。而物各得其所宜。爲大司寇。設法而不用。無奸民。敬王二十年。定公

辛丑。孔子年五十二。相公會齊侯于夾谷。齊人歸鄆

謹龜陰田。夾谷之會。孔子相。請於公曰。臣聞有文事者必有武備。有武事者必有文備。古者諸侯出

疆。必具兵以從。請具左右司馬。果已齊難。語具魯志中。於是齊侯歸。大悔曰。魯以君子之道輔其君。而子獨以

夷狄之道教寡人。使得罪於魯。於是歸所侵魯之田以謝過。敬王二十有二年。魯定公

二癸卯孔子年五十有四爲魯司寇魯墮郈墮費圍成

不克

爲司寇有父子訟者同登執之三月不別其父詰止子舍之季孫聞之不悅曰是老也欺予詰予曰

爲國家必以孝令今戮一不孝以教民孝不亦可乎又

舍之冉子以告孔子慨然嘆曰嗚呼上失之下殺之其

可乎不教其民而聽其獄殺不辜也三軍大敗不可斬

也獄犴不治不可刑也上教之不行罪不在民故也始

爲司寇國人謗之曰麇裘之鞞投之無戾鞞之麇裘投

之無尤旣而政化盛行魯有敗羊者沈猶氏常朝飲其

羊以誅市人公慎氏妻淫不制慎瀆氏侈踰濫及是沈

猶氏朝不飲其羊公慎氏出其妻慎瀆氏越境而徙國

人誦之曰衮衣章甫寔獲我所章甫衮衣惠我無私時

三家四分公室公無民而家臣內叛侯犯以郈叛公山

不狃以費叛季孫叔孫內患之於是孔子言於公謂過

制之繇使仲由爲季氏宰墮三都欲以張公室叔孫氏

墮郈帶鉏畔襲魯伐之杞敬王二十三年魯定公

遂墮費圍成欲墮之不克甲辰

孔子年五十有五以大司寇攝行相事齊人歸女樂季

孫



桓子受之三日不朝孔子行適衛時魯國益大治齊人聞而懼以爲魯必霸

齊且爲之奔也選國中女子美好者八十人衣文衣而

舞康樂并馬三十驥遺魯欲問之季桓子不悟受之與

君往觀游怠於政三日不朝子路曰夫子可以行矣子

曰魯今且郊吾職相禮焉已桓子卒堂女樂郊又不致

膳俎于大夫乃遂行適衛主顏濁鄒家敬王二十有四

說遽瑗史鱗主伯王家衛人致粟六萬

年魯定公十四年乙巳孔子年五十有六自衛適陳畏於匡反

衛衛夫人南子使謂孔子曰四方之君子辱與寡君爲

而見之入門北面稽首夫人自帷中答拜環佩玉聲

瑤然子曰吾何爲弗見也見之禮答焉然夫人有淫行

子路以爲辱不說而靈公問陳去適陳絕糧過匡顏刻

爲僕魯陽虎嘗暴於匡孔子貌狀類陽虎又刻僕匡人

圖之五日弟子懼子稱斯文命於天以信之敬王二十

已甲者知其非虎也圖解去過蒲月餘反衛敬王二十

有三年魯定公十五年丙午孔子年五十七去衛過曹魯定公

薨孔子適宋及鄭至陳主司城貞子為陳侯臣去曹適

子習禮於大樹下宋司馬桓魋大惡欲殺之伐其樹孔

子行門人曰可以速矣子曰天生德於予桓魋其如予

何去適鄭弟子後獨立於鄭郭東門外子貢至鄭人謂

之曰東門有人其顙似堯其項類皋陶其肩似子產然

自要而王不及禹三寸累累然若喪家之狗子貢以敬

告孔子曰形狀末也似喪家之狗然哉遂至陳敬

王二十有七年魯哀戊申孔子年五十有九去陳如衛

去之晉至河而反去陳過蒲蒲人止孔子弟子有公良

吾從夫子遇難於匡今又遇難於此命矣夫吾寧闕一

死也闕甚力蒲人懼要孔子曰必無適衛而出之

竟適衛子貢曰如盟何子曰要盟也神不聽衛靈公

孔子來喜而郊迎無何至衛亂西適晉至河

殺竇鳴犢舜華臨河而嘆曰美哉水洋洋乎丘之不

此命也乎子貢趨進曰何謂也子曰吾聞之剗胎殺

則麒麟不至於郊竭澤則鯨龍不合覆巢毀卵

鳳凰不翔何則諱傷其類也竇鳴犢舜華晉之賢



也而殺之吾何行乎哉臨河  
操傷焉反息乎陬已自陳遷蔡敬王三十一年魯哀公

壬子孔子年六十有三楚昭王使人聘孔子孔子往

於陳蔡昭王以兵迎子至楚夫聘子子往應聘陳蔡

蔡之問吾屬所設行非孔子之意楚大國也孔子用  
楚吾屬危矣於是發徒圍孔子孔子不得行絕糧從者  
病莫能興乃嘆曰匪兕匪虎率彼曠野吾道非耶吾何  
爲於此子路曰意者吾未仁耶人之不我信也未知耶  
人之不我行也子曰由使仁者而必信安有夷齊  
者而必行安有王子比干子貢入子復歎子貢曰  
之道大天下莫能容盍少貶焉子曰賜良農能稼而不  
能爲穡良工能巧而不能爲順君子能修其道而紀  
之統而理之而不能爲容今不脩爾道而求爲容賜而  
之志不遠矣顏淵入子復歎顏淵曰夫子之道至人天  
下莫能容雖然不容何病夫道之不修是吾醜也道已  
大脩而不用是有國之醜也不容何病不容然後見君  
子子欣然曰有是哉回使爾多財吾爲爾宰昭王聞孔  
子厄陳蔡之問乃興師以迎乃至楚昭王將以書社地

七百里封孔子令尹子西曰王之臣使諸侯有如端木賜者乎曰無有王輔相有如顏回者乎曰無有王將帥有如仲由官尹有如冉求者乎曰無有曰如此則楚危矣夫楚始封號子男地五十里文王在豐武王在鎬方百里今孔子述三王之灋明周召之業王從而封之賢弟子爲之佐楚安得堂堂世有數千里之地乎昭王乃止又會昭王卒楚狂接輿歌而過孔子孔子自楚反乎衛是歲顏回卒喟然嘆曰鳳鳥不至河不出圖吾已矣夫在陳興歸歟之思在衛答子路敬王三十有六年魯正名子貢曰夫子不爲衛君也

公十有一年

丁巳孔子年六十有八自衛反魯叙書記禮刪

詩正樂作周易十翼

先是季桓子疾病輦而行魯城喟然歎曰昔此國幾興矣以吾獲罪

於孔子故弗興也顧謂康子曰我即死爾爲政其必召仲尼居無何卒已葬康子欲召仲尼公之魚沮之乃召冉求時冉求從子在陳子貢送之曰即用必召夫子至是冉求爲季氏將有功季康子問之曰子於軍旅誰學曰學之孔子曰孔子何如人對曰用之以道播之百姓質諸鬼神而無憾曰欲用之如何則可對曰求之遠道



雖累千社，夫子不利也。求之以道，雖疏食飲水，夫子豈少之哉？子必召之，必毋以小人間之，則可矣。會衛孔文子將攻太叔，問仲尼。仲尼不對，命駕而行。曰：「烏能擇木？豈能擇鳥？」至，適康子以幣逆。孔子乃自衛反魯。蓋孔子去魯，至是十有五年矣。魯哀公問政，告之以九經。季康子問政，告以舉錯，退而作丘嫂之歌，流涕焉。是時夫子尊重於魯，哀公館焉。公自阼階升，命以席。問政，子對曰：「政莫大乎使民富且壽。」公曰：「爲之柰何？」對曰：「省力役，薄賦歛，則民富；崇禮教，遠罪戾，則民壽。」公曰：「寡人欲行夫子之言，然吾國貧不能及也。」對曰：「詩云：『愷悌君子，民之父母。』未有子富而父母貧者也。是時公問儒服，對以儒行。公將昏，問大禮，對以親迎。公疑已重，告以愛敬及四海。然魯終不能用孔子，孔子亦不復求仕。序書斷自唐虞，本精一之統，欽明之德，以爲世儀極。下述殷周之盛，帝王統紀，燦然可施行。大正經曲之禮，而中重於周宮，詔太師摯以樂，樂正雅頌各得其所。蓋晚而好易，作彖象傳，繫辭上下傳，說卦文言，爲上翼。弟子自遠至者三千人，身通六藝者七十有二人。自餘如顏濁鄒之倫，敬王三十有九年，魯哀公十四年，庚申，孔子頗從問業者甚衆。」

年七十有一西狩獲麟孔子作春秋

叔孫氏之車子鉏商獲獸焉鬻而角

以爲不祥賜虞人仲尼視之曰麟也反袂拭面涕沾袍  
目吾道窮矣乃因魯史作春秋起隱迄哀舉十二公當  
世之故繩之以文武之道成一王之法筆則筆削則削  
雖游夏之徒以文學名者不能贊一辭而天下之亂臣  
賊子懼焉弟子從受春秋喟然曰知我者其惟春秋乎  
罪我者其惟春秋乎是歲齊陳恒弑君子請討魯三家  
不敬王四十有一年魯哀公十有六年壬戌夏四月己丑子卒  
孔子蚤作負手曳杖逍遙於門而歌歌曰泰山其頽乎  
梁木其壞乎哲人其萎乎既歌而入當戶而坐子貢聞  
之驚曰泰山其頽則吾將安仰梁木其壞哲人其萎則  
吾將安放夫子殆將病也遂趨而入夫子曰賜爾來何  
遲也夏后氏殯於東階之上則猶在阼也殷人殯於兩  
楹之間則與賓主夾之也周人殯於西階之上則猶賓  
之也而丘也殷人也疇昔之夜夢坐奠於兩楹之間夫  
明王不興天下其孰能宗予予殆將死也蓋寢疾七日  
而沒魯君大夫舉國莫不哀弟子相與葬孔子於魯城  
北泗上心器三年器畢相向哭乃去子貢獨廬塚上六



年乃後去。弟子往從塚上而家者百餘室。因命曰孔里。  
魯世世相傳以歲時奉祠其家。諸儒生時時講習儀曲。  
禮其家。迄漢世不衰。蓋夫子生鯉曰伯魚。伯魚生伋曰子思。子思

者夫子嫡長孫也。伯魚蚤死。子思幼。夫子擇弟子道通  
者使子思受學焉。屬魯參參授以誠明之奧。襄之以弘

毅。行適宋。宋大夫樂朔與之言於書。取虞夏數篇以爲  
極。道以時行。堯舜周公易時則皆然。胡可不學哉。朔曰  
凡書之作欲以喻民也。簡易爲上。乃故作難知之辭。不  
亦費乎。子思曰。書意兼複深奧。訓詁成義。古人之所以  
爲典也。昔魯委巷人有如君之言者。彼謂之曰道爲知  
者傳苟非其人。道不貴矣。然非道之病也。子思嘗問於  
樂朔不悅。退其徒園子思。宋君救之。乃解。

夫子曰。物有形顯事有真僞。必審之何繇。子曰。繇乎心。  
心之精神是謂聖。推數究理不以疑。周其所察。聖人難

諸方其爲臣衛有齊寇終守死不去曰如伋去君誰與  
守至爲師於魯穆公亟問亟餽以友士則不說君無人  
乎其側不能安也宛尼父仕止久速法矣語具孟子書  
子思居貧有饋之粟者而受獻尊酒弗受也或曰辭少  
而受多於義無名於介不全子思曰受粟爲周乏也酒  
脯爲宴飲也方困於乏而宴於飲非義也伋非爲介者  
也去之衛益貧緼袍而無裘田子方遺之狐白之裘曰  
吾假人也遂忘之與人也如棄之子思曰伋聞之妄取  
之謂盜妄與之謂棄誠棄之不如遺諸溝中伋雖貧不  
忍以身爲溝壑卒不受謂子上曰人有公侯之尊而富



貴人衆不與焉。其唯志乎。成其志者唯無欲乎。知足則不欲。不欲則不累志矣。嘗言曰。吾富貴甚易。而人莫繇。不取於人之謂富。不欲於人之謂貴。胡毋豹曰。子之道大世莫能容。盡隨時求容乎。子思曰。所爲求容於世爲行道也。毀道以求容。何爲乎。道不見容。命也。毀道求容。惑也。吾弗能改矣。蓋其毅也。子思言苟變於衛侯以爲材。可將五百乘也。公曰。吾誠知其可將。然變嘗爲吏。賦於民而食二雞子。故弗用也。子思曰。夫聖人之官人。猶匠之用木。取其所長。棄其所短。故桐梓連抱。而有數尺之朽。不棄也。今君處戰國之世。選瓜牙之士。而以二卵

棄下城之將。此不可使聞於鄰國矣。衛侯言計非是。而羣臣和者如出一口。子思曰。以吾觀衛。所謂君不君。臣不臣者也。人主自臧。則衆謀不進。事是而臧之。猶却衆謀。况和非而長惡乎。夫不察事之是非。而說人讚已。闇孰甚焉。不度理之所在。而阿諛求容。諂孰甚焉。君闇臣諂。以居民上。民不與也。乃言於衛侯曰。君之國事將且非矣。公曰。何故。子思曰。有繇然也。君出言自以爲是。卿大夫莫敢矯其非。卿大夫出言亦自以爲是。士庶人莫敢矯其非。君臣旣自賢矣。而羣下同聲賢之。賢之則順而有福。矯之則逆而有禍。如此則善安從生。詩曰。具曰



予聖誰知鳥之雄雌。抑亦似君之君臣乎。已道既尊。又聖人之後。益尊重於魯。繆公欲大用子思。老萊子曰。子事君死君乎。子思曰。君子事君。道行言聽。則何所死亡。道不行。言不聽。則不能事君。無死亡也。老萊子曰。齒剛易敝。舌柔常存。子思曰。吾不能爲舌。自曾子以弘毅自力。直躬以爲行。晉楚之富。藐如也。傳子思孟軻世守焉。以能自立於戰國。子思既卒。不用。乃述父師以來道學。相傳之。統作中庸。發天人誠明之奧。繇下學以上達天德。學聖者得有宗焉。子思生白。曰。子上。子上生求。求生箕。箕生穿。字子高。當子高時。趙人公孫龍之屬。善小辯。

爲堅白異同之辯。與子高論臧三耳。辯甚晰。子高弗應。  
平原君問之。子高曰。幾能令臧三耳矣。然謂三耳。甚難。  
而實非也。謂兩耳。甚易。而實是也。不知君從其易。而是  
者乎。亦從其難。而非者乎。平原君謂龍曰。公無復與孔  
子高辯事也。其人理勝於辭。公辭勝於理。辭勝於理。終  
必拙。子高生斌曰。子順。魏王聞子順賢。聘爲相。子順謂  
使者曰。王信用吾道。吾道固爲治世也。雖蔬食飲水。吾  
猶願之。若徒欲制吾身。委以重祿。吾猶一夫耳。魏王奚  
少於一夫。使者固請。乃之魏。改嬖寵之官。以事賢才。奪  
無任之祿。以賜有功。諸器職秩者。咸不悅。陳大計。又不



用遂謝病人曰。行乎。子順曰。行將安之。山東之國將并於秦。秦爲不義。義所不入。遂寢於家。喟然歎曰。死病無良醫。不出二十年。天下其盡爲秦乎。秦伐趙。魏王問於諸大夫。皆曰。秦不勝。可乘敝而擊之。勝則服焉。國未有損也。子順曰。不然。秦貪暴之國也。勝趙則必復他求。吾恐於時。魏受其師也。先人有言。燕雀處堂。子母相哺。呴呴然樂。自以爲安矣。竈突炎上。棟宇將焚。燕雀顏不變。不知禍之將及已也。今不悟。趙破而患將及已。可以人而同於燕雀乎。子順生鮒。爲陳王涉博士。死陳難。無子。以弟子騰爲嗣。騰字子襄。值秦難。藏其家書于屋壁中。

北漢世裔孫臧。事武帝爲太常安國。霸爲博士。霸授太  
子經。元帝立。封褒成侯。子光爲丞相。封博山侯。終東漢  
仍平帝時。封世襲成侯。唐宗封褒聖侯。玄宗封孔子文  
宣王。因世襲文宣公。宋初因焉。已封衍聖公。至  
國朝世嗣衍聖公。公舉其族賢者。世爲曲阜令。於戲天  
下君王。至於賢人衆矣。皆當時而榮。沒則已焉。孔子以  
布衣。歷千百世。學者宗之。自王侯中國四夷。言道術者  
取衷於夫子。乃施及苗裔。縣縣有爵也。謂之曰。自生民  
未有諒矣。

論曰。昔孔門高第弟子。推夫子於日月。於天不可階。而



賢於堯舜。可謂曰知也。至矣。而尼父莫我知歎焉。知德者鮮。又歎焉。無亦以不怨尤而下學以上達也。庸言庸行。不敢盡。不敢不勉。以慥慥也。自十五志於學。憤發忘食。樂忘憂。不知老將至。以學也。闇闇勿勿。非人所及。知及信耶。而求之已高。今表其年。考觀其行事。厯厯可表見者如此。亦足以明聖人之行於人乎。同倫矣。乃顏子淵喟然之歎。彌高彌堅。在前在後。欲從而末由。曾子稱江漢秋陽。以濯以暴。直信其皜皜。子思子贊祖述憲章。上律下襲。於川流敦化之德。同其淵浩也。斯學之以上達也哉。故曰。仲尼不爲已甚。又曰。君子之中庸也。君子

而時中。噫。可以志於學矣。

### 孔門弟子述

昔太史公作史記。於孔門弟子列傳。畧節論語中所載。荅問數言而止。何闕也。豈非尊信聖賢。自附於闕疑之義。加重慎歟。然它諸採摭古今人言行。多旁引泛述。又何詳也。堯禹雖神。得九官岳牧而道行。夫子至聖。待四科七十子而道尊。郊禋之禮。泰昭坎壇。王宮幽宗。諸無文咸秩。則何可簡也。故叙次孔門諸弟子言行。見他書有益敦學者。于篇爲務。學者著前路焉。

○顏子淵。魯人。名回。顏路無繇之子也。路少孔子六歲。



孔子始教。首受學焉。已遣回事夫子。回質美明睿。而將之以深潛。孔子告之克已復禮。曰。一日克已復禮。天下歸仁焉。而回以速化。所謂明得盡。查滓便渾化者也。其與言終日。默成而信。如愚若虛。淵乎其受道焉。其自言曰。舜何人也。予何人也。有爲者亦若是。又竭才不惰如此。故喟然之歎。於道爲獨親。其問爲邦也。夫子語以四代禮樂。著春秋之用焉。淵家貧屢空。然所自得者。無不足而樂也。夫子歎之曰。美哉回之心也。三月不違仁矣。又亟稱其賢。又稱其庶乎。言在道也。其沒也。哭之慟。至以爲天畧予焉。亡矣。猶薦其好學於君大夫曰。不遷怒。

不貳過。今也則亡贊易。於復繫之曰。顏氏之子其殆庶幾乎。有不善未嘗不知。知之未嘗復行也。易曰。不遠復。無祇悔。元吉。它書所記曰。自吾得回而門人益親。蓋信許如此。當其時。高第弟子如子貢。子路之倫。至才辨。語及淵。嗛嗛讓。自以爲不如也。戰國蒙莊之徒。於孔子猶時肆靳侮。顧獨推重淵。稱其心齋。象其坐忘。蓋夫子之教。首德行。而淵及閔子騫。冉伯牛。仲弓之倫。咸以德行稱。

○閔損。字子騫。魯人。幼喪母。爲後母所苦。冬衣之以蘆絮。父知之。欲出母。母時生三子。甚少。損跪請曰。母在一



子寒。母去三子。單父惻然而止。故損以孝。稱於外。內無  
間言。閔子始見夫子。有菜色。夫子切磋之。以至道。而襄  
之於孝德。芻豢之色盎如也。得深已。唯是不仕。欲隱約  
以明道。季氏召爲費宰。弗往。故不言而存。言而時中焉。  
○冉伯牛。名耕。仲弓。名雍。蓋同族魯人也。伯牛靖無欲。  
孔子節小物。必以伯牛侍。曰。吾以自厲也。雍重厚簡默。  
在貧如客。使其臣如借。不遷怒。不深怨。不錄舊罪。其問  
仁。孔子曰。出門如見大賓。使民如承大祭。已所不欲。勿  
施於人。其自言曰。居敬行簡。疑於德矣。故孔子許其可  
南面。南面者。官人使人者也。非官於人使於人者也。然

孔子在當時於門人最屬意子羔子賤南宮敬叔之賢。  
○子羔姓高氏名柴齊人也。高敬仲僉之後。長不盈五  
尺。自見孔子日嚴。足不履影。啟蟄不殺。方長。不折執親  
之罌。泣血三年。未嘗見齒。蓋愿而近仁。孔子欲進之大  
道。砭之曰。愚懼其仁而不好學也。子路使之仕。孔子恨  
其未學。以爲賊人之子。重學也如是。後爲成宰。成人有  
其兄死而不爲衰者。聞子羔將至。遂爲衰。其感者素也。  
成人爲之語曰。蠶則績而蟹有筐。范則冠而蟬有綏。兄  
則死而子羔爲之衰。子羔之妻葬。犯人之禾。申詳以告。  
曰。請庚之子羔曰。孟氏不以是罪予。朋友不以是棄予。



以吾爲邑長於斯也。買道而塋後難繼也。吾聞之。爲政者罔違道以干百姓之譽。進於達節矣。之衛爲士師。刑人之足。俄而衛有亂。子羔違之。至郭門。刑者門焉。謂子羔曰。彼有缺。子羔曰。君子不踰。又曰。彼有竇。子羔曰。君子不隧。又曰。於此有室焉。乃入門啟而出。子羔將去。謂刑者曰。吾不能虧主之法。而刑子之足。今吾在難。正子報怨之時。而逃我者三。何也。門者曰。斷足吾罪也。昔君之治臣也。以法。臨當論爲臣。惻然豈私臣哉。天生君子。其道固然。此臣所以悅君也。子羔出遇子路。曰。盍行乎。弗及。不踐其難。子路曰。不可。食焉。不避其難。子羔出。子

路入而死。孔子聞衛亂。謂人曰。柴其來乎。由也死矣。及聞門者之言。曰。善哉。爲吏其用法一也。思仁恕則樹德。加嚴暴則樹怨。

○宓子賤字不齊。魯人。爲單父宰。問政。孔子曰。毋迎而距也。毋望而許也。迎而距則自閉。望而許則失守。譬則高山深淵然。仰之不可極。度之不可測也。是爲政之道也。潁行過陽晝。曰。子有以送我乎。陽晝曰。吾少也賤。不知治民之術。知釣道焉。請以送子。子賤曰。釣道奈何。陽晝曰。夫扱綸錯餌。迎而吸之者。陽橋也。其爲魚也。味薄而不美。有若來若亡。若食若不食者。魴也。其爲魚也。博



而厚味。子賤曰：善行未至，單父冠蓋而迎者，接於路。子賤曰：是所謂陽橋者也。既至，請其耆老，賢者與其治焉。而單父大治。孔子謂子賤曰：子治單父而衆說何施而得之也？對曰：不齊父其父，子其子，恤諸孤而哀喪紀。孔子曰：小民附矣。未也。對曰：賞有能，招賢才，退不肖。孔子曰：是士附矣。未也。曰：此地有賢於不齊者，不齊父事之。三人，兄事之五人，所友者十有二人，其一人師之而稟度焉。孔子曰：昔堯舜聽天下，務求賢以自輔，夫賢百福之宗，神明之主也。下賢優於天下，惜不齊之所治者，邑也。子賤在單父，不下堂鳴琴而治，巫馬期繼之以星出。

以星入親政而後治。問子賤曰：子何道而逸也？子賤曰：我任人，子任力。任人者逸，任力者勞。孔子謂子賤：君子矣。巫馬期勞力教詔，雖治猶未至也。子賤所著宓子十六篇。

○南宮敬叔者，名縉，又名括。孟僖子子也。居南宮，稱焉。敬叔既以父命事仲尼，日三復白圭。孔子曰：邦有道，不廢；邦無道，免於刑戮。以其兄之子妻之。魯繆公之世，辛寬見於公，曰：昔大公望封於營丘，阻山海之固，齊日廣而隆。先君周公封於魯，無山林谿谷之險，其地四達，魯日削而替。意者先君周公仁矣，未若太公望之智也。辛



寬出敬叔入。公以辛寬之語告敬叔曰。君未聞成王定成周之說乎。曰。惟予一人營居于成周。後有德者易興。無德者易崩。天之道也。夫賢者豈欲其子孫阻山林之險。以長無道哉。小人哉。寬也。其入見夫子。薄羿。梟而尚禹。稷。孔子歎之曰。君子哉。若人。尚德哉。若人。故孔門薦子賤。南宮括爲君子。其所尚者德也。

蓋昔者孔子不得中道而與之。曰。必也狂狷乎。狂者進趣。狷者有所不爲也。而魯點與琴張。牧皮之倫。並稱狂士焉。

○曾點。名皙。魯南武城人。蓋與漆雕開子若。俱渙然於

性之體而通於大道。子若性純質。近中行。故益求自信。自信者。明無疑之盡也。皙高明。能不疑所行。洞然於素位。無不足之理。故言志不願外。而聖人喟然與之而行。有不掩。不掩者。志嚶嚶。古人而行。不盡逮焉者也。琴張。字子張。一字子開。或曰。卽琴牢也。與子桑戶。孟之反。三人相謂曰。孰能相與於無相與。相爲於無相爲。相忘以生。無所終窮。三人相視而笑。莫逆於心。遂相與爲友。子桑死。琴張。孟之反。編曲鼓琴。相和而歌。曰。嗟來桑戶乎。嗟來桑戶乎。而已反其真。而我猶爲人猗。曾皙亦曠然於晝夜死生之一致。故季武子死。大夫弔。皙亦倚其



門而歌。夫子思狂。思之者。思裁之也。見大心泰矣。懼失則蕩。裁之。使之志於學也。哲言志化而知裁矣。齊豹薦宗魯於公孟。爲驂乘。及齊豹作亂。欲殺公孟。謂宗魯。宗魯曰。子行子之事。我必死之。亂作。宗魯死。琴張往弔。蓋其度也。齊是非也。孔子曰。齊豹之盜。孟縶之賊。汝何弔焉。君子不食姦。不受亂。不爲利疚於回。不以回待人。不蓋非義。不犯非禮。牧皮力牧之後。與張及曾皙爲友。孔子之所謂狂也。而原憲子思者。宋人或曰。魯人於省克至嚴。節狷者也不屑不潔。能有所不爲。故問耻問克。伐怨欲不行。而孔子歎其難進之於仁。原憲居魯。處環

堵之室。茨以生蒿。蓬戶甕牖。桷桑而無樞。上漏下濕。匡坐而絃歌。孔子以爲宰。與之粟九百。猶介然而辭。其狷如此。子貢乘肥馬。衣輕裘。中紺而表素。軒不容巷而往。見之。原憲楮冠。藜杖而應客。正冠則纓絕。振襟則肘見。納履則踵決。子貢曰。嘻。先生何病也。憲曰。憲聞之。無財之謂貧。學不能行之謂病。憲貧也。非病也。若夫希世而行。比周而友。學以爲人。教以爲己。仁義之匿。車馬之飾。衣裘之麗。憲不忍爲也。子貢逡巡有慚色而去。憲乃徐步曳杖。歌商頌而反。聲淪於天地。如出金石。

○端木賜。衛人。字子貢。性警悟。善說辭。能方人。孔門自



顏子而下。敏達莫及焉。故孔子罷其材。曰瑚璉。而每黜其辯。數進之以顏子。蓋欲其默識也。其於道也達。見禮知政。聞樂知德。其信仲尼至深。孔子曰。自吾得賜而遠方之士日至。然獨推之神化。信其立立道行。綏來動和。不可階而升。乃下學上達。一以貫之之實未喻也。故歎欲無言。歎莫我知發焉。末年幾矣。故聞性與天道。比夫子沒。築場者六年。然後歸。於繹思深矣。定公十五年。邾隱公來朝。子貢觀焉。邾子執下高其容仰。公受玉卑其容俯。子貢曰。夫禮。死生存亡之體也。將左右周旋進退。誦仰。於是乎觀之。今正月相朝。而皆不度。心已亡矣。嘉

事不體何以能久。高仰驕也。卑俯替也。驕近亂。替近疾。君爲主其先亡乎。夏五月公薨。已邾子及於難。仲尼曰。賜不幸言而中。是使賜多言也。乃史載其亂。齊存魯。強晉敝吳。使吳亡而越霸。則儀秦流矣。記之者過也。孔子曰。美言傷信。慎言哉。齊景公嘗問於子貢曰。子何師對曰。師魯。仲尼曰。仲尼賢乎。曰。聖人也。豈直賢。景公曰。其聖何如。對曰。不知也。景公作色曰。始言聖人。今言不知。何也。子貢曰。賜終身戴天。不知天之高也。終身履地。不知地之厚也。賜事仲尼。猶渴操壺杓。就江海而飲之。腹滿而去。又安知江海之深乎。景公曰。子得無已譽耶。子



貢曰。賜何敢譽。適不及耳。賜譽仲尼。譬猶兩手捧土而  
附泰山。其亦奚益。景公曰。善哉。豈其然乎。子貢嘗倦於  
學。願息於事君。子曰。詩云。溫恭朝夕。執事有恪。事君之  
難也。焉可息哉。曰。然則賜願息於事親。子曰。詩云。孝子  
不匱。永錫爾類。事親之難也。焉可息哉。曰。然則賜願息  
於妻子。子曰。詩云。刑于寡妻。至於兄弟。以御于家邦。刑  
妻子之難也。焉可息哉。曰。然則願息於朋友。子曰。詩云。  
朋友攸攝。攝以威儀。朋友之難也。焉可息哉。然則賜願  
息於耕。子曰。詩云。晝爾于茅。宵爾索綯。亟其乘屋。其始  
播百穀。耕之難也。焉可息哉。曰。然則賜將無所息乎。子

曰有焉。望其墳。睨如也。視其封。墳如也。察其從。隤如也。所以息也。明學之不可息也。孔子曰。吾死之後。商也日益。賜也日損。曾子曰。何謂也。子曰。商也好與賢已者處。賜也悅與不若已者處。不知其子。視其父。不知其人。視其友。不知其君。視其所使。不知其地。視其草木。故曰。與善人居。如入芝蘭之室。久而不聞其香。與之俱化矣。與不善人居。如入鮑魚之肆。久而不聞其臭。亦與之化矣。丹之所藏者赤。漆之所藏者黑。是以君子慎其所與處者。明學之不可滿也。子貢後相魯衛。卒於齊。是時宰我以言語與子貢並稱。信孔子以爲賢於堯舜。而夫子嘗



告之以鬼神之情狀。亦通明之才。然晝寢而怠。故行不力。而見責。史稱其爲臨菑大夫。與田常作亂。孔子耻之。然呂覽則言陳恒攻宰予於庭。卽簡公於廟。則予非助亂者也。死於亂者也。或曰闕止。字子我。與恒爭寵。爲恒所殺。誤以爲宰予。益以知君子立身。必慎於豫也。禮家記其問五帝之德。子曰。予非其人也。又嘗自言曰。以言取人。失之宰予。警焉。

○冉求。字子有。仲弓族人。學文博藝。省物而勤已。然聞大道而畏。不敢當。故孔子每強其志。而責其退。其行恭老慈幼。溫然退讓焉。伯高之喪。孔氏之使者未至。卽攝

束帛乘馬而將之。蓋其周哉。孔子聞之曰。異哉。徒使我  
不誠於伯高。後爲季氏宰。齊伐魯。及清。冉有謂季孫曰。  
一子守。二子從。公禦諸竟。康子曰。不能求。曰。居。封疆之  
間。二子不可。曰。不可。則君無出帥師背城而戰。有不屬  
者。非魯人也。魯之羣室衆於齊之兵車。一室敵一車。優  
矣。二子之欲戰也。以政在季氏也。當子之身。齊人伐  
我而不能戰。子之恥也。大不列於諸侯矣。季孫使從於  
朝。孟懿子呼而問戰焉。對曰。君子有遠慮。小人何知強  
問之。對曰。吾儕小人。慮材而言量。力而動者也。懿子曰。  
是謂我不成丈夫也。退而蒐乘。及齊師戰于郊。齊師宵



遁是役也。冉子用矛於齊師，入其軍。於是季孫益倚信冉。冉有冉有言於季孫曰：「國有聖人而不能用，以資鄰國，難以言智。」季康子乃言於公，迎孔子歸魯。而孔子請老。君大夫時訪諮焉。今記孔子與哀公、康子問答及旅泰山、伐顓臾，蓋其時事也。季孫嘗欲以田賦訪諸仲尼，三發而不對。私於冉有曰：「君子之行也，度於禮，施取其厚，事舉其中，歛從其薄。如是則以敝而足矣。若不度於禮，而貪冒無厭，雖以田賦將能足乎？」且子季孫若欲行而法，則周公之典在。若苟而行，又何訪焉？已求，頗爲季氏使而賦粟，倍他日。孔子至，鳴鼓攻焉，故斥以具臣。具臣

者不以道事其君者也。

○子路魯卅人仲由也。性伉直。有勇力。不爲不義屈。初見孔子。冠雄雞冠。佩玃豚。杖釃而舞之。曰。君子亦以釃自衛乎。孔子曰。古之君子。忠以爲質。仁以爲衛。不出環堵而知千里之外。有不善。以忠化之。有侵暴。以仁固之。何待釃乎。子路默然。良久曰。山。乃今聞此言。請攝齊以受教。遂儒服。因門人委質爲弟子。孔子誨以學。子路曰。學奚益哉。孔子曰。君而無諛。臣則失正。士而無教友。則失聽。胡可無學也。子路曰。南山有竹。不揉自直。斬而用之。達於犀革。以此言之。何學之有。子曰。括而羽之。鏃而



厲之其入不亦深乎。問勇。夫子誨以義。於是勇於義。有聞未之行。唯恐有聞。以敏於行。故其自言志曰。願車馬衣輕裘。與朋友共。敝之而無憾。而孔子亦許以衣敝緼袍。與衣狐貉者立。而不耻。蓋行顧言也。故群賢畏焉。然強弗友。終行難變。嘗侍鼓瑟。孔子曰。由之瑟。乃於丘之門。何也。夫先王之制音也。在察中聲。以爲節。流入於南。不歸於北。夫南者生育之鄉。比者殺伐之域。故君子之音。溫柔居中。以養生育之氣。憂愁不感於心。暴戾不動於體。所謂治安之風也。小人之音。則不然。亢厲微末。象殺伐之氣。是衰亂之風也。昔舜彈五絃之琴。造南風。

之詩。故興也。勃焉糾爲北鄙之音。故亡也。忽然今由也。匹夫也。無意於先王之制。而習亡國之聲。豈能保其七尺之軀哉。子路懼而自悔。至於骨立。孔子曰。過而能改。進矣。子路居於魯。而忠信直義聞於鄰國。小邾射以勾繹奔魯。曰。使季路嬰我。吾無盟矣。使子路。子路辭。季康子曰。千乘之國。不信其盟。而信子之一言。子何辱焉。對曰。魯有事於小邾。不敢問故。死城下可也。彼叛其君。而以地來。是不臣也。不臣而濟其言。是義之也。由弗能。魯有溺者。子路從拯之。勞以牛。辭。孔子曰。魯人必不拯溺矣。子路曰。由也聞諸夫子曰。人者。天地之心也。天地以



生物爲心。豈圖報哉。孔子曰。善爲蒲大夫三年。孔子過之。入其境。曰。善哉。由也。恭敬以信矣。入其邑。曰。善哉。由也。忠信以寬矣。至庭。曰。善哉。由也。明察以斷矣。子貢問曰。夫子未見由而三稱善。何也。孔子曰。吾入其境。田疇甚易。草萊甚闢。溝洫深治。此恭敬以信。故民盡力也。入其邑。牆屋完固。樹木甚茂。此忠信以寬。故民不偷也。至其庭。庭甚閑暇。羣下用命。此明察以斷。故民不擾也。是三善也已。孔子去魯。子路從。困於陳蔡之間。有愠色。孔子絃歌不輟。曰。君子好樂爲無驕也。小人好樂爲無懼也。子路悅。援戚而舞之。三終乃出。明日免於厄。已困於

匡子路欲鬪。孔子止之曰。德義之不講。禮樂之不習。是丘之過也。若以述先王修古學而爲咎。非丘之罪也。命之歌。子路彈琴而歌。孔子和之。曲三終。匡人辭而退。孔子行游天下。子路執轡問津於所如。畢從故乘桴浮海之歎。獨許之。又直諒不媢阿。於見南子則不說。佛僧召欲往則不說。於衛欲正名。則質以爲迂。及死衛。輒之難。且死曰。君子死而冠不免。結纓而死。孔子甚痛惜之。舉之。若喪子而無服。曰。吾無從聞過也矣。

○公西赤字子華。魯人。莊而能肅。志通而好禮。篤雅有節。優於禮樂之事。孔子曰。二三子欲學賓客之禮。其於



赤也夫。

○言偃字子游。吳人。慕聖人之道。自吳如魯。受學於孔子。學禮達其原。通於體。又明於變與情。每侍。輒以禮爲問。襲裘而弔。曾子屈焉。故偃爲習於禮也。然譏子夏之門人末而無本。其論禮也。曰。無於禮者之禮也。其動也。中。蓋得禮樂之精。其治武城也。武邑之人皆絃歌。蓋其化也。子游旣深通於禮樂之意。又甚嫻於文。故夫子與於蜡。畢游於兩觀之上。喟然上世大道之行。與三代之英。言偃侍間焉。孔子爲僞言大同大祥大順。而極於大成。官天地。仁鬼神。明天治人之道。大備。偃退而記之。今

禮運篇是已。與卜子夏以文學並稱。

○子夏衛溫人也。名商。篤信謹守。始頗病狹隘。夫子漸之學而深通。嘗讀詩畢。作而曰。詩之於事也。昭乎如日月。燎乎如星辰。堯舜之道。三王之義。粲如也。雖居蓬戶之中。彈琴以詠。亦可以發憤而忘食矣。孔子曰。商也始可以言詩已矣。然吾恐見其表未見其裏也。蓋濬之便深也。子夏於是而深於詩。其閒居而侍也。子語之以禮樂之原。致五至而行三無。子夏曰。敢問何謂五至。孔子曰。志之所至。詩亦至焉。詩之所至。禮亦至焉。禮之所至。樂亦至焉。樂之所至。哀亦至焉。哀樂相生。是故正明目



而視之不可得而見也。傾耳而聽之不可得而聞也。志氣塞乎天地。此之謂五。至子夏曰。敢問三無。子曰。無聲之樂。無體之禮。無服之喪。此之謂三無。蓋精言微言。子夏知不可以言求也。問何詩爲近。子曰。夙夜基命。宥密無聲之樂也。威儀棣棣。不可選也。無體之禮也。凡民有喪。匍匐救之。無服之喪也。無聲之樂。氣志不違。無體之禮。威儀遲遲。無服之喪。內恕孔悲。無聲之樂。氣志旣得。無體之禮。威儀翼翼。無服之喪。施及四國。無聲之樂。日聞四方。無體之禮。日就月將。無服之喪。純德孔明。無聲之樂。氣志旣起。無體之禮。施及四海。無服之喪。施于子。

孫蓋欲其深而通。抑啟予之歎。問詩知禮。其會通久矣。孔子讀易。至於損益。喟然而歎。子夏避席而請曰。夫子何歎。子曰。夫自損者必或益之。自益者必或決之。吾是以歎也。子夏曰。學不可益乎。子曰。道彌益而身彌損。故虛以受人。天道成而必變。堯居天位。猶允恭以持之。克讓以逮下。凡持滿而能久者。未之有也。子夏曰。商請志而終身。後其自言亦曰。大德不踰閑。小德出入可也。於小人儒遠矣。故孔門自曾子而下。篤實稱子夏。而文學大著。序詩傳禮。而孔子又嘗屬其傳易。春秋云。孔子既沒。子夏居西河之上。教授焉。西河之人。嚴事之如夫子。



魏文侯師尊之。已哭子喪明。曾子往弔之。曰。吾聞之。朋友喪明則哭之。曾子哭。子夏亦哭。曰。天乎。予之無罪也。曾子怒曰。商汝何無罪也。吾與汝事夫子於洙泗之間。退而老於西河之上。使西河之民。疑汝於夫子。爾罪一也。喪爾親。使民未有聞焉。爾罪二也。喪爾子。喪爾明。爾罪三也。爾焉得無罪。子夏投其杖而拜曰。吾過矣。吾過矣。吾離群而索居。亦已久矣。故索居者。易泰。自古患之。今日學可以不講。無爲師友者。過也。時陳人巫馬施子期者。嘗與子路薪於韞丘。陳富人脂車百乘。觴於韞丘之上。子路曰。使子無忘子之所知。亦無進子之所能有。

此富終身無復見夫子。子願之乎。子期喟然曰。吾何願  
焉。吾聞之夫子曰。志士不忘在溝壑。勇士不忘喪其元。  
子亦爲不知予矣。期於聖門。豈亦篤信者歟。樊須字  
子遲。亦專篤而愿。故問崇德脩慝辯惑。問仁智。不達不  
止。問稼圃。欲以力穡爲學。皆其篤也。故孔子進以大人  
之事。戰稷曲也。能用命。澹臺滅明。字子羽。魯武城人。  
貌甚惡。欲事孔子。孔子以爲才薄。未之知也。而滅明脩  
行甚嚴。貴之不喜。賤之不怒。苟利於民。庶於行已。孔子  
曰。吾以貌取人。幾失之子羽矣。孔子沒。南遊至於江。弟  
子從者三百人。設取予去就。名施乎諸侯。今吳地有澹



臺湖卒墓在豫章城東。

○司馬牛。宋桓族桓司馬。魋弟也。事夫子。問仁。問君子。魋有寵於宋公。害於公。牛常內自憂。難作。致其邑與珪。而適齊。魋自衛來奔。牛又致其邑而適吳。不說於吳。而反。趙簡子召之。陳成子亦召之。不往。卒于齊。葬于丘輿。○顓孫師。陳人也。有容貌。寬冲博接。美功不伐。貴位不喜。不侮不佚。不敖無告。是其行也。然而未仁。晚德進。且死。曰。君子曰終。小人曰死。吾今日其庶幾乎。及卒。曾子有母之器。齊衰而往哭。或曰。齊衰不以弔。曾子曰。我弔也與哉。謂哭也。知生者弔。知死者傷。朋友之義於天倫。

等豈謂弔哉。是子張之終也。

○左丘明魯人。爲人信直而文。蓋耻尚得所者。故孔子稱之曰。巧言令色足恭。左丘明耻之。丘亦耻之。匿怨而友其人。左丘明耻之。丘亦耻之。蓋信之也。傳春秋述國史事。辭表屬辭之本。而時發經旨。語約而志博。文緩而旨遠。將令學者原始反終。尋其枝葉。究其所窮。優游自求。厭飫自趨。以爲得也。其發凡言例。皆周公之垂法。經國之常制。其時有論斷。必歸之君子。亦足徵其重慎之至矣。彼義鑿而論繁者。臆經者也。彼執史之文。謂傳豔而富。爲巧言。非孔子所謂丘明者。誣傳者也。而七十子



之徒有公孫尼子者。史稱其撰次樂記。而劉瓛以爲戴記。繼衣篇。本其所作也。則言爛然於六藝之文。論語書諸門人。獨有子曾子以子稱。蓋其賢也。亦顓二子弟子所次云。

○有子。名若。性坤純行粹。故言行似聖人。孔子沒。子游子夏子張皆聖門高第弟子。至欲以所事孔子事之。其人可知矣。語爲仁本孝弟。語禮和而節。語言行先謹始。學皆近質。而記稱其不信速貧速朽之言。深於道。動子游歎焉。乃史記其不能答。月離畢不雨。及商瞿曾子之問而避位。靳侮者之言也。

○曾子名參字子輿。子皙之子也。子皙性高明。旣洞然於日用卽道之旨。爲孔子所與。然行時不掩參最晚出。又頗魯而循循於反躬日省。將之以弘毅。卒能唯一貫而誠明達天德也。以爲聖學宗。故曰參也魯。竟以魯得之。蓋毅本近仁也。後夫子自衛反魯。喟然於明王之道。歎之曰。今之君子。惟士與大夫之言聞也。吾主言其幾不出而死乎。參敬以請。具告之。至語明王之至德要道。順天下約之孝。孝約之愛敬。具告以天子諸侯大夫士庶人之孝。而推之孝治天下。嚴父以配天。天地爲明察焉。故仁以爲己任而弘。其後時其欲達。呼而告之曰。參



乎吾道一以貫之。即應之曰唯。蓋敏於化也。及退。答門人之問。直指之忠恕。可謂一貫矣。伯魚先孔子二歲卒。其時孔門弟子成德著名者甚衆。然孔子獨遣伯事曾子。卒以聞道。故參之傳獨得其宗。其言曰。君子愛日以學。及時以行。旦旦就業。夕而自省。思以歿其身。君子博學而約守之。微言而篤行之。行必先人。言必後人。故終身守此悒悒。行無求數有名。事無求數有成。不絕小。不殄微。行自微也。不微人。故終身守此勿勿。君子見利思辱。見惡思誦。嗜慾思耻。忿怒思患。終身守此戰戰。禍之所繇生。自熾熾也。故君子夙絕之。君子恭而不難。安而

不辭。遜而不諂。寬而不縱。惠而不侈。直而不徑。可言而  
不信。寧無言也。故亂言弗殖。神言弗致。言必有主。行必  
有法。親人必有方。人言不善而不遠。近於說其言。近於  
說其言。殆於以身近之也。殆於以身近之。殆於身之矣。  
人言善而色蕙焉。近於不說其言。近於不說其言。殆於  
不以身近之也。殆於不以身近之。殆於不身之矣。其諄  
至如此。故能滿而不滿。實如虛。過之如不及。學士先生  
難之。其貌恭。其德敦。其言於人也。無不信。其橋大人也。  
常以浩浩。孔子曰。孝德之始也。弟德之序也。忠德之正  
也。信德之厚也。參也。申是四德矣。其傳大學指誠意爲



主本而約之。毋自欺。毋自欺也者。不欺其獨知。惡惡如  
惡惡。臭好善如好好色。必自慊之謂也。學問自脩。恂慄  
威儀。潤德潤身。以極於盛德至善。而齊家治國平天下。  
舉省括於慎獨。親愛賤惡。畏敬哀矜。坊其辟也。忿懣恐  
懼。好樂憂患。坊其危也。好人之所惡。惡人之所好。絜其  
平于矩。懼其過而拂人之性也。故曰。君子有大道。必忠  
信以得之。忠信者誠也。毋自欺也。是內聖外王。一以貫  
之之道也。曾子少至孝而貧。能養父之志。葷芸瓜。誤傷  
其根。子皙怒。援杖擊之。什有頃而蘇。蹙然而起。進曰。大  
人用力教參。得無疾乎。退鼓瑟而歌。欲父之知其平也。

孔子聞而責之曰。昔舜事瞽瞍。索而使之。未嘗不在側。索而殺之。未嘗可得。故小杖則受。大杖則走。今參委身於暴怒。以陷父於不義。安得爲孝乎。曾子曰。參罪大矣。夫子之不責子皙。不責之責也。曰。瞽瞍責之至也。此行不掩之一也。及父卒。事母孝。呼吸通於親。嘗出薪於野。而客至。母以手盥臂。而參卽馳至。問母曰。臂何恙乎。母曰。今者客至。盥以呼汝耳。後二親旣沒。讀喪禮。必泣下沾襟。曰。往而不可還者親也。故椎牛而祭。不如鷄豚之及親存也。初爲吏。祿不及三釜。而心樂。非以爲多也。樂其逮親也。親沒。仕而得重祿。北面滄汙。非爲賤也。悲不



逮親也。其言曰：大孝尊親，其次不辱，其下能養烹孰羶香嘗而薦之，非孝也。養也，養可能也。敬爲難，敬可能也。安爲難，安可能也。卒爲難，居處不莊，非孝也。事君不忠，非孝也。蒞官不敬，非孝也。朋友不信，非孝也。戰陳無勇，非孝也。父母旣歿，愼行其身，不遺父母惡名，可謂能終矣。故君子一舉足而不敢忘父母，一出言而不敢忘父母，故道而不徑，舟而不游，不敢以先父母之遺體行，殆故惡言不出於口，忿言不反於身，不辱其身，不憂其親，草木以時伐焉，禽獸以時殺焉，仁者仁此者也，禮者履此者也，義者宜此者也，忠者中此者也，信者信此者也。

強者強此者也。樂自順此生。刑自反此作。故孝置之而塞乎天地。溥之而橫乎四海。施之後世而無朝夕。是一貫之道也。始家貧。食力。敝衣躬耕。日不舉火。而歌聲若出金石。魯君聞而致邑。辭不受。曰。吾聞受人者常畏人。與人者常驕人。縱君有賜。不吾驕也。吾豈能無畏乎哉。後道既尊。而諸侯交賓。曾子以仁義爲富貴。不答也。失其偶。子元請再娶。曾子曰。高宗聖君也。以後妻殺孝已。尹吉甫良臣也。以後妻放伯奇。吾不及高宗吉甫。庸能免於非乎。終不娶。及寢疾。謂曾元曰。微乎。吾無夫。顏氏之言。吾何以語汝哉。夫華繁而實寡者多也。言多而行



寡者人也。鷹隼以山爲卑。而檣巢其上。魚鼈龜鼉以淵爲淺。而麇穴其中。卒其所以得之者。餌也。是故君子苟無以利害義。則辱何繇至哉。親戚不悅。不敢外交。近者不親。不敢求遠。小者不審。不敢言大。故人之生也。百歲之中。有疾病焉。有老幼焉。故君子思其不可復者而先施焉。親戚既沒。雖欲孝。誰爲孝。年旣耆艾。雖欲弟。誰爲弟。故孝有不及。弟有不時。其此之謂與。言不遠身。言之主也。行不遠身。行之本也。言有主。行有本。謂之有聞矣。君子尊其所聞。則高明矣。行其所知。則廣大矣。高明廣大。不在於他。在加之意而已矣。與君子游。苾乎如入蘭

芷之室。久而不聞。則與之化矣。與小人游。貸乎如入鮑魚之肆。久而不聞。亦與之化矣。是故君子慎其所去就。與君子遊。如長日加益。而不自知也。與小人遊。如履薄水。每履每下。幾何而不陷乎哉。吾未見好學盛而不衰者矣。吾未見好教如食疾子者矣。吾未見日省而月考之其友者矣。吾未見孜孜而學。過而能改者矣。比其病也。謂門弟子曰。啟余足。啓余手。詩云。戰戰兢兢。如臨深淵。如履薄水。今吾免乎。沒之夕。樂正子春坐牀下。曾元曾西坐於足。童子隅坐而執燭。童子曰。華而晄。大夫之簣與。曾子曰。然。斯季孫之賜也。我未之能易也。元起。易。



箕曾元曰。夫子之疾革矣。不可以變。幸而至於旦。請敬  
易之。曾子曰。爾之愛我也。不如彼。君子之愛人也以德。  
細人之愛人也以姑息。吾何求哉。吾得正而斃焉斯已  
矣。舉扶而易之。反席未安而沒。曾子之徒著名者。有陽  
膚子。襄沈猶行。公明高。單居離。之倫。而樂正子。春公明  
宣最深。單居離問於曾子曰。事父母有道乎。曾子曰。  
有愛而敬。父母之行。若中道則從。若不中道則諫。諫而  
不用行之。如繇已。從而不諫。非孝也。諫而不從。亦非孝  
也。孝子之諫。達善而不敢爭辯。爭辯者。亂之所繇興也。  
繇已爲無咎。則寧。繇已爲賢人。則亂。父母所憂憂之。父

母所樂樂之。孝子唯巧變。故父母安之。若夫坐如尸。立如齊。弗訊不言。言必齊色。此成人之善者也。非爲人子之道也。問事兄有道乎。曾子曰。有尊事之以爲己望。不遺其言。兄之行若中道。則兄事之。兄之行若不中道。則養之。養之內。不養於外。則是越之也。養之外。不養於內。則是疏之也。是故君子內外養之也。問使弟有道乎。曾子曰。弟之行中道。則正以使之。弟之行若不中道。則誦事兄之道。道之若不可。然後舍之矣。蓋日切磋於倫物。不舍也如此。公明宣學於曾子。三年不讀書。曾子曰。宣而居參之門。三年不學。何也。公明宣曰。宣見夫子居



宮庭親在叱叱之聲。未嘗至于犬馬。宣說之學而未能。宣見夫子之應賓客。恭儉而不懈惰。宣說之學而未能。宣見夫子之居朝廷。嚴臨下而不毀傷。宣說之學而未能。宣安敢不學而居夫子之門乎。曾子避席謝之曰。參不及也。樂正子春事親孝。侍親疾。加一飯。親脫然愈。損一飯亦然。加一衣。親脫然愈。損一衣亦然。則心誠求之故也。及親歿。下堂而傷其足。數月不出。猶有憂色。門弟子曰。夫子之足瘳矣。數月不出。猶有憂色。何也。樂正子春曰。善如汝之問也。善如汝之問也。吾聞諸曾子。曾子聞諸夫子曰。天之所生地之所養。惟人爲大。父母全

而生之子全而歸之。可謂孝矣。不虧其體。不辱其身。可謂全矣。故君子頃步而弗敢忘孝也。今予忘孝之道。予是以有憂色也。

○孟軻。鄒人也。受學於子思之門人。聞仲尼之道。願學焉。稱其言。履其行。夜思之。晝行之。如農之赴時。故道性善。稱堯舜。述誠明。皆本之曾子子思。其命氣曰浩然。曰至大至剛。則弘毅之極也。曰直養。則自反之縮也。其論性善。直指人心。惻隱羞惡辭讓是非之端。爲人所必同。而要於察識擴充。卽耳目鼻口聲色臭味之嗜好。爲人所必同。而約之於然理義。驗好惡相近於平旦之氣。驗



怵惕惻隱於赤子之入井。驗良知良能於孩提之愛敬。見良心所同。而以信聖人爲必可學而至也。其言曰。無爲其所不爲。無欲其所不欲。如此而已矣。曰。學問之道。無他。求其放心而已矣。曰。先立乎其大者。則其小者不能奪也。此爲大人而已矣。故其學簡易直截。求之親長。求之行止疾徐。求之四端。使人自得其本心。雖其精義之盡。不外於無受爾汝之實。無穿窬之心。而得之也。當是時。秦用商鞅。富國強兵。楚魏用吳起。戰勝弱敵。齊用孫子。田忌之徒。天下方驚於合從連衡。以攻伐爲賢。而楊朱墨翟告子許行之徒。又各本道德之意。卽所見自

名學。競稱述古往。而期於反世易俗爲也。於是孟子憂之。乃述堯舜湯武行政施仁之道。宗孔氏。崇仁義。貴王賤霸。而經之於井田農桑。學校禮義。辯楊子爲我。墨子兼愛。以爲生心害政。作政害事。至目之無父無君。辯告子性無善無不善之論。爲外義爲禍仁義。辯許行齊物並耕。以爲率天下而路。亂天下也。論戰勝攻取。約與國之倫。則以爲民賊。以爲服上刑。爲今之諸侯之罪人。於是議者翕翕詆訾之。自以爲好辯。而孟子斤斤侃侃。正人心。息邪說。閑先聖之道。自以承三聖。逾競以力也。已年尊德邵。從學者日益衆。行游四方。所至率數十百人。



車數十乘。與諸侯分庭抗禮。上說下教。而竟莫之能用。時魏惠王。齊宣王。各以方千里之地。卑禮厚幣。招賢者。志并兼。而齊稷下之遊士特盛。故孟子之魏。惠王問何以利國。說之以仁義。問雪耻。說之以行仁可王。見以爲迂達而闊於事情也。會惠王卒。見襄王。語不合而退。因適齊。見齊王。以爲王足用爲善也。則三見而不言事。門人問之曰。我先格其非心。非心格而王可正。正君而國可從定也。於是卽王不忍釁鐘。敲觶之牛。太息將詔。以爲可保民而王。諸好勇好色好貨好樂之私。皆引之以與民同。是格心也。宣王初甚尊禮之。館之雪宮。就見焉。


有疾。則使人問疾。醫來。後以爲客卿。會母喪。孟子歸葬。  
魯。魯平公欲就見。不果。而孟子已卒。罍復如齊。則齊王  
既沮於王驪淳于髡之倫。意稍稍怠矣。孟子見於崇。不  
合。則欲去。會齊人伐燕。復爲卿。不受祿。居久之。度王終  
不能用也。乃致爲臣而歸。孟子嘗之薛之宋。於宋見滕  
世子。語以性善堯舜。世子大說之。旣得國。而孟子之滕。  
勸之行經界井田之事。而國弱小。介於齊楚之間。齊楚  
惡而交伐之。卒莫能有施用也。於是孟子喟然曰。夫天  
未欲平治天下也夫。乃退與其徒。本仁義。序詩書。述仲  
尼之意。作孟子七篇。旣沒。而其言大行。然其學卒莫能



有傳也。其徒樂正子克、深粹爲最賢。充虞、陳臻、屋廬子。知學近質矣。餘萬章、公孫丑之徒。特聞見莫之能自反也。蓋孔子之道傳五世而漸以微。豈非天哉。孟子後有趙人荀卿明於禮樂之事。

論曰。自虞廷都俞交贊。下逮於孔門。蓋宇宙僅再見也。性命道德之懿。庸庸翼翼雍雍。咸在其君臣師友間。何其盛也。蓋三數傳而孟軻氏擇精言詳得其宗。夫洙泗從受學者三千。而七十子最賢。亦眇矣。至於今爲烈。豈非難哉。微至聖孰能鼓陶甄育之至是乎。

函史上編卷之七終













國史上編卷之八

明盱眙鄧元錫纂

周列傳

大臣忠節

良臣行義

爭臣

王季子定王之母弟也。曰劉康公。定王八年。聘於魯。發幣於大夫。季文子孟獻子皆儉。叔孫宣子東門子家皆侈。歸。王問魯大夫孰賢。對曰。季孟其長處。曾乎。叔孫東門其亡乎。若家不亡。身必不免。王曰。何故。對曰。臣聞之。爲君必君。爲臣必臣。寬肅宣惠。君也。敬恪恭儉。臣也。寬以保本。肅以濟時。宣以教施。惠以和民。故本固而功成。施徧而民阜。可以長保民矣。敬以承命。恪以守業。恭以



給事儉以足用。承命而不違。守業而不懈。以能寬於死。而遠於憂。今夫二子者。儉其能足用矣。用足則族可庇。二子者。侈侈不恤。墮墮而不恤。憂必及之。且夫人臣而侈。國家弗堪。亡之道也。王曰。幾何。對曰。東門之位。不若叔孫。而侈泰焉。不可以事二君。叔孫之位。不若季孟。而侈泰焉。不可以事三君。若皆蚤世。猶可。若登年以載其毒。則必亡。已而子家宣伯皆出奔。簡八年。及成肅公會。晉侯伐秦。成子受賑于社。不敬。康公曰。民受天地之中。以生。所謂命也。是以有動作禮義威儀之則。以定命也。能者養之以福。不能者敗以取甌。是故君子勤禮。小人

盡力勤禮莫如致敬。盡禮莫如敦篤。敬在養神。篤在守  
祭國之大事。在祀與戎。祀有執膳。戎有受脤。神之大事  
也。今成子惰。棄其命矣。其不反乎。秋成肅公卒于瑕。  
○單襄公朝。其先食采單。善以爲氏。定八年。聘于宋。假  
道于陳。以聘楚。歸告王曰。陳侯不有大咎。國必亡。王曰。  
何故。對曰。夫辰角見而雨畢。天根見而水涸。天根亢本  
見而草木節解。本氏也駟見而隕霜。火見而清風戒霜。故  
先王之教曰。雨畢而除道。水涸而成梁。草木節解而備  
藏。隕霜而冬裘具。清風至而脩城郭宮室。故夏令曰。九  
月除道。十月成梁。其時倣曰。收而場功。饒而畚楬。營室



之中。土功其始。火之初見。期于司里。此先王之所以不  
用財賂。而廣施德於天下者也。今陳國火朝覲矣。而道  
路若塞。野場若棄。澤不陂障。川無舟梁。是廢先王之教  
也。周制有之曰。列樹以表道。立鄙食以守路。國有郊牧。  
疆有寓望。藪有圃草。園有林池。所以禦災也。其餘無非  
穀土。民無縣耕。野無輿草。不奪民時。不蔑民功。有優無  
隨。有逸無罷。國有班事。縣有序民。今陳國道路不可知。  
田在草間。功成而不收。民罷於逸樂。是棄先王之法。制  
也。周秩官有之曰。敵國賓至。關尹以告。行理以節逆之。  
侯人爲導。卿出郊勞。門尹除門。宗祝執祀。司里授

徒具徒司空視塗司寇詰姦虞人入材甸人執薪火師  
監燎水師監濯膳宰致饗廩人獻餼司馬陳芻工人展  
車百官官以物至賓入如歸其貴國之賓至則以斑加  
一等益虔于王使則皆官正蒞事上卿監之若王巡守  
則君親監之朝不才有分族於周承王命爲過賓於陳  
而司事莫至是蔑先王之官也先王之令有之曰天道  
賞善而罰淫凡我造邦無從匪彝無卽慝淫各守爾典  
以承天休今陳侯不念胤續之常棄其伉儷妃嬪而帥  
其卿佐以淫於夏氏不亦瀆姓乎陳我大姬之後也棄  
衮冕而南冠以出不簡彝乎是又犯先王之令也昔先



王之教。茂帥其德。猶恐隕越。若廢其教而棄其制。蔑其  
官而犯其令。國何以守。居大國之間而無此四者。其能  
久乎。八年。陳侯弑于夏氏。九年。楚子入陳。十年。晉侯使  
卻至來告捷。語驟稱其伐。襄公曰。君子不自稱非以讓  
也。惡蓋人也。人性陵上。不可蓋也。求蓋人。其抑下滋甚。  
故聖人貴讓禮。在敵三讓。故獸惡網羅。民惡其上。今卻  
至。位七人之下。而欲上之。是求蓋七人也。其亦有七怨。  
怨在小醜。猶不可堪。况侈卿乎。晉之克也。天有惡於楚。  
而至佻天之功。以爲己力。不亦難乎。佻天不祥。乘人不  
義。天棄人叛。其何以久。明年。會諸侯柯陵。語魯成公。晉

君與三郤當必阼其疾也。命子頃公告之。善晉周語。具  
晉志中。

○司空季子。晉大夫胥臣也。邑于白。曰白季。始從文公  
於外。有功。城濮之戰。以下軍佐從楚。楚潰。嘗使過冀。見  
卻缺。耨其妻饁之。敬相待如賓。與之歸。言於文公。曰。敬  
德之聚也。能敬必有德。德以治民。君請用之。臣聞之。出  
門如賓。承事如祭。仁之則也。公曰。其父有罪。可乎。對曰。  
舜之皐也。殛鯀。其舉也興禹。管仲桓之賊也。實相以濟。  
康誥曰。父不慈。子不祗。兄不友。弟不恭。不相及也。詩曰。  
采芣采芣。無以下體。君取節焉可也。文公以爲下軍大



夫箕之蒐。成子爲卿。以再命先茅之縣。賞胥臣。曰。舉卻  
缺。子之功也。公將使陽處父。傳太子。問於季子曰。處父  
其能教誨驪也。使之善乎。對曰。是在驪也。蘧蔭不可使  
俯。威施不可使仰。焦僥不可使舉。侏儒不可使援。矇瞍  
不可使視。歸瘖不可使言。聾聵不可使聽。童昏不可使  
謀。質將善而賢良贊之。則濟可矣。若其質有違。教將不  
入。其何善之爲。臣聞昔者文王在母不憂。在傅弗勤。處  
師弗煩。事王不怒。孝友二號。而慈惠二蔡。刑于太姒。比  
於諸弟。詩云。刑于寡妻。至于兄弟。以御于家邦。於是乎  
用四方之賢良。及其卽位。詢于八虞。而咨於二虢。度於

閔天而謀於南宮。諏於蔡厚。訪於辛尹。重之以周召畢  
榮。億寧百神。而柔和萬民。故詩云。惠于宗公。神罔時怨。  
神罔時恫。若時。則文王非專教訓之力也。公曰。然則教  
無益乎。對曰。教爲文。益其質。故人生而學。非學不益。公  
曰。柰夫八疾何。對曰。官司之所材也。戚施直鑄。遽蒺蒙  
瑇。侏儒扶盧。矇瞍脩聲。聾聵司火。童昏嚚瘖。僂僂。官司  
之所不材也。以實齋土。夫教者。因體能質而利之者也。  
若川然。有原。邛浦而後大。

○司城子罕。宋大夫樂喜也。出戴公。平公時爲司城。樂  
轡與華羽。少相狎。長相優。已相怨也。以弓楛華羽於朝。



公逐莖羽。子罕請曰：「同罪異罰，非刑也。」專戮於朝，大梟也。亦逐子蕩。子蕩射子罕之門而後行。子罕善之如初。已爲政寬而有制，仁而不殘，國以大和。鄭賂宋，求尉氏。司氏之盜以馬四十乘以師。蒧師慧，師慧過宋朝，溺其相曰朝也。慧曰：「無人。」相曰：「朝也。」何故無人？慧曰：「必無人焉。」若其有人，豈以千乘之相而易淫樂之矇？子罕聞之，固請而歸之。宋人或得玉，獻諸子罕。子罕不受。獻玉者曰：「示玉人以爲寶也，故敢獻之。」子罕曰：「我以不貪爲寶，爾以玉爲寶。若與我皆卷寶也，不若人有其寶。」君子曰：「子罕非無寶也，所寶者異也。其知彌精，其取彌簡，其知

彌掬其取彌精。子罕之所寶者精矣。皇國父爲太宰。爲公築臺。妨農收。子罕請俟農功之畢。弗許。築者謳曰。澤門之皙。實興我役。邑中之黔。實尉我心。子罕聞之。親執朴以行。築者而扶其不勉者曰。吾儕小人。皆有闔廬。以避溼燥寒暑。今君爲一臺而不速成。何以爲役。謳者乃止。或問其故。子罕曰。宋國區區而有詛有祝。禍之本也。向戌合諸侯。弭兵以爲名。旣事而請賞。公與之邑六十。于子罕。子罕曰。凡諸侯小國。所以晉楚兵威之畏。而後上下慈和。慈和而後能安靖其國家。以事大國。所以存也。無威則驕。驕則亂生。亂生必滅。所以亡也。天生五材。



民並用之。廢一不可。誰能去兵。兵之設久矣。所以威不軌而昭文德也。聖人以興亂人以廢。廢興存亡昏明之術。皆兵之繇也。而子求去之。不亦誣乎。以誣道蔽諸侯。罪莫大焉。縱無大討。而又求賞。無鳳之甚也。削而投之。左師辭邑。向氏欲攻司城。左師曰。我將亡。夫子存我。德莫大焉。又可攻乎。君子曰。彼已之子。邦之司直。樂喜之謂乎。何以恤我。我其叔之。向叔之謂乎。士尹池爲荆使於宋。實覘國。子罕觴之。南家之墻擁於前而直。西家之潦經其宮而不止。士尹池問之。子罕曰。南家輓工也。徙之。口吾恃輓而食三世矣。今徙。邦之求輓者。不知吾處。

也。吾將不食。是故不從西家高。吾宮卑。潦之經吾宮也。利。故不禁也。士尹池歸曰。宋不可攻也。其君賢其相仁。賢者得民。仁者能用人。天下其孰能攻之。楚釋宋而攻鄭。陽門之介夫死。子罕入而哭之哀。晉人之覘宋者歸。以告曰。宋不可伐也。仲尼聞之曰。善哉。覘國乎。詩曰。凡民有喪。扶服救之。雖微晉而已。天下其孰能當之。

○晏平仲嬰。夷維人。晏桓子弱之子也。以節儉力行。重於齊。事齊靈公。莊公。景公。以至爲相。食不重肉。妾不衣帛。其在朝。君語及之。卽危言。語不及之。卽危行。國有道。順命。國無道。衡命。以此顯名於諸侯。崔杼弑莊公。晏子



立崔氏之門外。其人曰：「死乎？」曰：「獨吾君乎哉？吾死也。」曰：「行乎？」曰：「吾罪也乎哉？」曰：「歸乎？」曰：「君死安歸？君民者，豈以陵民？社稷是主。臣君者，豈爲其口實？社稷是養。故君爲社稷死，則死之；爲社稷亡，則亡之。若爲已死而亡，非其私暱，誰敢任之？且人有君而弑之，吾焉得死之？而焉得亡之？將庸何歸？」門啟而入，枕尸股而哭。興，三踊而出。人謂崔子必殺之。崔子曰：「民之望也。」舍之。得民已。崔杼立景公而相之，慶封爲左相，盟國人于太宮。曰：「所不與崔慶者，晏子仰天嘆曰：『嬰所不惟忠於君利社稷者，是與。』」有如上帝，乃軟。慶氏之亡也，景公與晏子相。

殿鄣六十弗受。或曰：富人之所欲，何弗受也？晏子曰：「齊氏之邑足欲，故亡。吾邑不足欲也，益之邾，殿乃足，欲足亡，無日矣。且夫富如布帛之有幅焉，爲之制度，使無遷也。夫民生厚而用利，於是乎正德以幅之，使無黜嫚，過則爲敗。吾不敢貪，所謂幅也。」晏子宅近市而湫隘，景公命更之，辭曰：「君之先臣容焉，臣不足以嗣之，於臣侈矣。」且小人近市，朝夕得所求，小人之利也，敢煩里旅。」公笑曰：「子近市，識貴賤乎？」對曰：「旣利之，敢不識乎？」公曰：「何貴何賤？」時刑繁，有鬻踊者，因對曰：「踊貴，屢賤。」景公於是省於刑。君子曰：「仁人之言，其利溥哉！」晏子一言而齊侯省



刑詩曰。君子如祉。亂庶遄已。其是之謂乎。及晏子如晉。公更其宅。反則成矣。既拜。毀之。謂其里人曰。諺有之曰。非宅是卜。惟鄰是卜。二三子先卜鄰矣。違卜不祥。君子不犯非禮。小人不犯不祥。古之制也。卒復其舊。公弗許。因陳桓子以請。乃許之。齊有欒高。陳鮑之亂。欒高氏伐虎門。平仲端委而立於虎門之外。其徒曰。助陳鮑乎。曰。何善焉。欒高乎。曰。何愈焉。然則歸乎。曰。君伐焉。歸。四族召之。無所往。公召之而後入。及陳鮑敗。欒高而分其室。晏子謂陳桓子曰。必致諸公。讓德之主也。能讓謂之懿德。凡有血氣。皆有爭心。故利不可強。思義爲愈。義利之

本也。蘊利生孽。姑使無蘊乎。可以滋長。桓子乃致諸公而老焉。景公疥遂瘡。期而不瘳。諸侯之賓問疾者多在。梁丘據與裔欸言於公曰。吾事鬼神豐於先君有加矣。今君疾病。爲諸侯憂。是祝史之罪也。諸侯不知其謂我不敬。君盍誅於祝固。史嚚以辭賓。公說。告晏子。晏子曰。日宋之盟。屈建問范會之德於趙武。趙武曰。夫子之家事治。言於晉國。竭情無私。其祝史祭祀。陳信不愧。其家事無猜。其祝史不祈。建以語康王。康王曰。神人無怨。宜夫子之光輔五君。以爲諸侯主也。公曰。攄與欸謂寡人能事鬼神。故欲誅於祝史。子稱是語。何故。對曰。有德之



君外內不廢。上下無怨。動無違事。其祝史薦信。無愧心矣。是以鬼神用饗。國受其福。祝史與焉。其所以蕃祉老壽者。爲信君使也。其言忠信於鬼神。若適過於淫。君外內頗邪。上下怨疾。動作辟違。從欲厭私。高臺深池。撞鍾舞女。斬刈民力。輸掠其聚。以成其違。不恤後人。暴虐淫從。肆行無度。無所還忌。不思謗讟。不憚鬼神。神怒民痛。無悛於心。其祝史薦信。是言罪也。其蓋失數美。是矯誣也。進退無辭。則虛以求媚。是以鬼神不饗。其國以阨之。祝史與焉。所以夭昏孤疾者。爲暴君使也。其言僭嫚於鬼神。公曰。然則若之何。對曰。不可爲也。山林之木。衡鹿

守之。澤之。萑蒲舟鮫守之。藪之。薪蒸虞候守之。海之。鹽  
廬祈望守之。縣鄙之人入從其政。偏介之關。暴征其私。  
承嗣大夫。彊易其賄。布常無藝。徵歛無度。宮室不更。淫  
樂不遠。內寵之妾。肆奪于市。外寵之臣。僭令於鄙。私欲  
養求不給。則應民人苦癘。夫婦皆詛。祝有益也。詛亦有  
損。聊攝以東。姑尤以西。其爲人也多矣。雖其善祝。豈能  
勝億兆人之詛。君若欲誅於祝史。脩德而後可。公說使  
有司寬政。毀關去禁。薄歛已責。景公田於滹。還坐於遄  
臺。晏子侍。子猶馳而造焉。公曰。唯。據與我和。夫晏子對  
曰。據亦同也。焉得和。公曰。和與同異乎。對曰。異。和如羹。



焉。水火醢醢鹽梅以烹魚肉。燂音之以薪宰夫和之。齊

之以味。濟其不及以洩其過。君子食之以平其心。君臣

亦然。君所謂可而有否焉。臣獻其否以成其可。君所謂

否而有可焉。臣獻其可以去其否。是以政平而不乖。民

無爭心。詩曰。亦有和羹。既戒既平。醢醢無言。時靡有爭。

先王之濟五味。和五聲。以平其心。成其政也。聲亦如味。

一氣。二體。杜註。舞有文武三類。風雅頌。四物。東竹。東南木。南絲。西

石。東北匏。四方之物。五聲。六律。七音。八風。九歌。以相成也。清濁大

小。短長疾徐。哀樂剛柔。遲速高下。出入周疏。以相濟也。

君子聽之以平其心。心平德和。故詩曰。德音不瑕。今據

不然君所謂可。據亦曰可。君所謂否。據亦曰否。若以水  
濟水。誰能食之。若琴瑟之專一。誰能聽之。同之不可也。  
如是。侍宴飲酒樂。公曰。古而無死。樂當何如。晏子曰。古  
而無死。則古之樂也。君何得焉。昔爽鳩氏始居此地。季  
荊因之。有逢伯陵因之。蒲姑又因之。而後太公有焉。古  
而無死。則爽鳩之樂也。非君之願也。三十有二年。彗星  
見。齊分。公禳之。晏子曰。無益也。祇取誣焉。天道不諂。不  
貳其命。若之何禳之。且天之有彗。以除穢也。若德無穢。  
無事於禳。若德之穢。禳之何損。公與晏子坐于路寢。公  
嘆曰。美哉室。其誰有此乎。晏子曰。敢問何謂也。公曰。吾



以爲在德。對曰：如君之言，其陳氏乎？陳氏雖無大德，而有施於民。豆區釜鍾之數，其取之公也薄；其施之民也厚。公厚歟？陳氏厚施焉，民歸之矣。詩曰：雖無德與女，式歌且舞。陳氏之施，民歌舞之矣。後世若少惰，陳氏而不亡，則國其國也。公曰：善哉！是可若何？對曰：唯禮可以已之。在禮，家施不及國民，不還農不移，工賈不變，士不濫官，不滔大夫，不收公利。公曰：善哉！吾今而後知禮之可以爲國也。對曰：禮之可以爲國也久矣。與天地並，君令臣恭，父慈子孝，兄愛弟敬，夫和妻柔，姑順婦聽，禮也。君令而不違，臣共而不貳，父慈而教，子孝而箴，凡愛而

友弟敬而順。夫和而義。妻柔而正。姑順而從。婦聽而婉。禮之善物也。公曰。善哉。寡人今而後聞禮之上也。對曰。禮先王所稟於天地。以爲其民也。是以先王上之。晏子聘於魯。堂上則趨。授玉則跪。子貢異之。問孔子曰。晏子焉知禮。孔子曰。其有方也。我將問焉。晏子至。問之。晏子曰。堂上之禮。君行一。臣行二。今君行疾。敢不趨乎。君之授幣也。卑。敢不跪乎。孔子曰。善乎。禮中又有禮焉。賜寡使也。何足以識禮。有若曰。晏子一狐裘三十年。遣車一乘。及墓而反。國君七个。遣車七乘。大夫五个。遣車五乘。晏子焉知禮。曾子曰。國無道。君子耻盈禮焉。國奢則示



之以儉。國儉則示之以禮。蓋晏子儉不盈禮而母之族。衣食靡不給。妻之族無凍餒。齊國之士待之舉火者三百有餘家。太史公歎以爲令晏子而在。雖爲之執鞭所忻慕焉。

○蘧伯玉名瑗。衛大夫。衛獻虐。孫林父謀出君。私焉。伯玉曰。君制其國。誰敢奸之。雖奸之庸知愈乎。從近關出。獻公自齊告甯喜。許之賂。甯喜欲納之。告伯玉。伯玉曰。瑗也不得聞君之出。敢聞其入。又從近關出。靈公立。乃反。靈公與夫人夜坐。聞車聲鱗鱗。至闕而止。過闕復有聲。公問夫人曰。知此爲誰。夫人曰。此蘧伯玉也。公曰。何

以知之。夫人曰。妾聞禮下公門。式路馬。所以廣敬也。夫  
忠臣與孝子。不爲昭昭申節。不爲冥冥惰行。遽伯玉。衛  
之賢大夫也。仁而有智。敬以事上。此其人必不以闇昧  
廢禮。是以知之。公使人視之。果伯玉也。蓋是時。伯王之  
賢行孚於國。公亦知之以嬖於彌子瑕。不能用也。史鮪  
亟言於公。公不聽。鮪且死。謂其子曰。吾在朝。不能進遽  
伯玉。退彌子瑕。是生不能正君也。生不能正君。豈以死  
而可成禮乎哉。我死。必置尸牖下。無殯矣。公往弔。怪之。  
問焉。其子以父且死之言告。公戚然改容曰。是寡人之  
過也。命殯之客位。乃退彌子。而使伯玉爲政。晉聞之。寢



兵焉。伯玉篤行慎德。老而不倦。行年五十。而知四十九年之非。年六十。而六十化。孔子嘗主焉。嘆其君子。

○北宮文子佗。公族北宮懿子孫也。相衛侯如楚。見令尹圖之威儀。言於衛侯曰。令尹似君矣。將有他志。雖獲其志。不能終也。公曰。子何以知之。對曰。詩云。敬慎威儀。維民之則。令尹無威儀。民無則焉。民所不則。以在民上。不可以終。公曰。善哉。何謂威儀。對曰。有威而可畏。謂之威。有儀而可象。謂之儀。是故。君有君之威儀。其臣畏而愛之。則而象之。故能有其國家。令聞長世。臣有臣之威儀。其下畏而愛之。則而象之。故能守其官職。保族宜家。

順是以下皆如是。是以上下能相固也。衛詩曰。威儀棣  
棣。不可選也。言君臣上下。父子兄弟。內外大小。皆有威  
儀也。周詩曰。朋友攸攝。攝以威儀。言朋友之道。必相教  
訓。以威儀也。故君子在位。可畏。施舍可愛。進退可度。周  
旋可則。容止可觀。作事可法。德行可象。聲氣可樂。動作  
有文。言語有章。以臨其下。謂之有威儀也。

○鄭子產。國僑。穆公孫。鄭大夫子國子也。簡公初。鄭侵  
蔡。獲蔡司馬。鄭人皆喜。子產尚少。憂之曰。小國無文德。  
而有武功。禍也。楚人來討。能勿從乎。從之。晉師必至。繼  
自今。鄭不四五年。弗得寧矣。子國怒。叱之曰。爾何知。國



有大命。有正卿。童子言之。將爲戮矣。而晉楚果爭鄭。已。  
子駟當國。惡尉止。黜其車。爲田洫。司氏堵氏侯氏子師。  
氏皆喪田。故五族聚群不逞之人以作亂。攻執政于朝。  
殺子駟子國子耳。劫鄭伯如北宮。子西子駟聞盜。不儆。  
而出。入。臨尸而追盜。盜入於北宮。乃歸授甲。則臣妾罷。  
用多罍矣。子產聞盜。置門者。庀群司。閉府庫。慎守藏。成。  
列而後出。以兵車十七乘。攻盜于北宮。國人助之。盜乃。  
盡死。已。子孔當國。爲載書。以位序聽政。辟諸大夫。門子。  
弗順。子產請焚書。子孔曰。爲書以定國。衆怒而焚之。是。  
衆爲政也。國不亦難乎。子產曰。衆怒難犯。專欲難成。合。

二難以安國危之道也。乃焚書衆而後定。久之子展子  
西因國人之怨殺子孔而當國。立子產爲卿。晉楚欲彌  
兵以爲成。楚伐鄭。將禦之子產曰。晉楚將平。諸侯將和。  
楚是以昧於一來。不如使逞而歸。乃易成也。夫小人之  
性。鬻於勇。嗇於禍。以快欲而求名。非國家之利也。若之  
何從之。子展說不禦寇。子展卒。子皮當國。罕鄭機而未  
及麥。民病甚。子皮以子展之命餽國人粟。戶一鍾。是以  
得鄭國之民。如晉葬平公。以幣行。子產曰。器焉用幣。用  
幣必百兩。百兩必千人。至而不行。必盡用之。用千人而  
國不亡。幾矣。不聽。固請以行。旣葬。諸侯之大夫欲因見



新君。叔向辭之曰。大夫之事畢矣。而又命孤。孤斬焉在。衰經之中。其以嘉服見。則祭禮未畢。以喪服見。是重受甲也。皆無辭以見。子皮盡用其幣而歸。謂子羽曰。非知之難。將在行之。夫子知之矣。我則不足。公孫黑與良霄相攻。人謂子產盍就直助彊。子產曰。孰爲我徒。國之禍難。誰知所敝。姑成吾所而已。歛良霄人之死者而殯之。而遂行。子皮曰。夫子禮於死者。況生者乎。自止之。子產入。已而良霄聞子皮之甲不與攻已也。喜曰。子皮與我矣。自墓門之瀆入。伐舊北門。駟帶帥國人伐之。皆召子產。子產曰。兄弟而及此。吾誰與歸。從天所與而已。伯有

死於羊肆。子產禴枕之股而哭。歛而殯諸市側。葬諸土城。駟氏欲攻子產。子皮怒曰。禮國之幹也。殺有禮。禍莫大焉。乃止。已而子皮授子產政。子產辭曰。國小而偪。族大寵多。不可爲也。子皮曰。虎帥以聽。誰敢犯子。子善相之。國無小小能事大。國乃寬。子產使都鄙有章。上下有服。田有封洫。廬井有伍。大人之忠儉者從而與之。泰侈者因而斃之。豐卷將祭。請田焉。弗許。曰。惟君用鮮。衆給而已。豐卷怒。退而徵役。子皮逐豐卷。子產請其田里。三年而復之。有事。伯石賂與之邑。子太叔曰。國皆其國也。奚獨賂焉。子產曰。無欲實難。人得其欲。以從其事。而我



要其成。成將在人乎。何愛於邑。邑將焉往。公孫黑與公孫楚爭室。橐甲以見。欲殺而取其室。楚執戈而逐之。傷子產曰。直鈞然。幼賤有罪。罪在楚也。執子南而數之曰。國之大節有五。畏君之威。聽其政。尊其貴。事其長。養其親。五者所以爲國也。今君在國。女用兵。不畏威也。奸國之紀。不聽政也。子皙上大夫。女嬖大夫。而弗下之。不尊貴也。幼而不忘。不事長也。兵其從兄。不養親也。君曰。余不忍女殺。宥女以遠。必速行。放游楚於吳。已而黑復作亂。傷疾作不果。駟氏與諸大夫謀甘心焉。子產聞之。亟使人戮之。曰。伯有之事。以大國之事。未爾討也。爾有亂。

心無厭國不汝堪專伐伯有爾罪一也。昆季爭室爾罪二也。薰隧之盟汝矯若位爾罪三也。爾有死罪二不速死大刑將至再拜稽首曰死在朝夕無助天爲虐子產曰人誰不死凶人不終命也作凶事爲凶人不助天其助凶人乎請以印爲楮師子產曰印也才君將任之不才將朝夕從汝汝罪之不恤又何請焉乃縊于周氏之衢加木焉蓋因衆如此子產作丘賦國人謗之曰其父死於路已乃爲蠆尾以令於國國將若之何子寬以告子產曰何害苟利社稷死生以之吾聞爲善者不改其度故能有濟也詩曰禮義不愆何恤乎人言民不可逞



度不可改。吾不遷矣。蓋信於義如此。是時鄭人游於鄉較。以論執政。然明謂子產曰。毀鄉較如何。子產曰。何爲。夫人朝夕退而游焉。以議執政之善否。其所善者。吾則行之。所惡者。吾則改之。是吾師也。若之何毀之。我聞思善以損怨。不聞作威以防怨。豈不遽止。猶防川然。大決所犯。傷人必多。吾不克救也。不如小決使道。不如吾聞而藥之也。然明日。蔑也。今而後知吾子之信可事也。若果行此。鄭國實賴之。豈唯二三臣。仲尼聞是語也。曰。人謂子產不仁。吾不信也。旣而子皮使尹何爲其邑。子產曰。少。未知可否。子皮曰。愿。吾愛之。不吾叛也。使夫往而

學焉。夫亦愈知治矣。子產曰：不可人之愛人，求利之也。今吾子愛人，則以政，猶未能操刀而使割也，其傷實多。子有美錦，不使人學製焉。大官大邑，身所庇也，而使學者製焉，其爲美錦，不已多乎？僑聞學而後入政，未聞以政學者也。譬如田獵，射御貫則獲禽，若未嘗登車射御，則敗績覆餗，是懼。何暇思獲子於鄭國？棟也，棟折榱崩，僑將厭焉，敢不盡言。子皮曰：善哉！虎聞君子務知其大者，遠者；小人務知其小者，近者。我小人也，依附在吾身，我知而愼之，大官大邑，所以庇身也，我遠而慢之，微子之言，吾不知也。他日，我曰：子爲鄭國，我爲吾家，以庇焉。



其可也。今而後知不足。自今請雖吾家聽子而行。子產曰。人心不同。如其面焉。吾豈敢謂子面如吾面乎。抑心所謂危。亦以告也。子皮以爲忠。故委政焉。子產是以能爲鄭國。簡公之器。司墓之室。有當道者。毀之。則朝而墉。弗毀。則日中而墉。請毀之。曰。無若諸侯之賓。何。子產曰。諸侯之賓。能來會吾器。豈憚日中。無損於賓。而民不害。何故不爲。遂弗毀。君子謂子產於是乎知禮。禮無毀人以自成也。定五年。星孛于大辰。西及漢。禪竈請壠。羊玉璣以禳。弗許。火作。子產辭晉公子公孫于東門。使司寇出新客。禁舊客。勿出於宮。使子寬子上。巡群屏攝。至于

大宮使公孫登徙大龜使祝史徙主祔於周廟告於先  
君使府人庫人各儆其事使商成公儆司宮出舊宮人  
寘諸火所不及司馬司寇列居火道行火所燬城下之  
人伍列登城明日使野司寇各保其徵郊人助祝史除  
於國北禳火于玄冥回祿祈于四鄺書焚室而寬其征  
與之材三日哭國不市使行人告於諸侯秋大祓已簡  
兵大蒐明年禪竈曰不用吾言鄭又將火又不許子太  
叔寶以保民也若有火國幾亡子何愛焉子產曰天  
道遠人道邇非所及也竈焉知天道是亦多言矣豈不  
或中不與亦不復火是歲鄭大水龍鬪于洧淵國人請



榮弗許曰。我聞龍不我覲也。龍闕我何覲焉。吾無求於龍。龍亦無求於我。始子產爲卿。范宣子聽晉政。諸侯之幣重。子產寓書於子西。以告曰。子爲晉國。不聞令德。而聞重幣。僑也惑之。僑也聞君子長國家者。非無賄之患。而無令名之難。夫諸侯之賄。聚于公室。則諸侯貳。若吾子賴之。則晉國貳。諸侯貳。則晉國壞。晉國貳。則子之家壞。何沒沒也。將焉用賄。夫令名。德之輿也。德。國家之基也。有基無壞。無亦是務乎。有德則樂。樂則能久。詩云。樂只君子。邦家之基。有令德也大。上帝臨女。無貳爾心。有令名也夫。恕思以明德。則令名載而行之。是以遠至邇

安。無寧使人謂子。子實生我。而謂子浚我。以生乎。象有齒。以焚其身。賄也。宣子說。乃輕幣。及爲國。晉盟諸侯于平丘。令日中造于除。子產命外僕速張。子大叔止之。使待明日。及夕。子產聞未張也。使速往。則無所張矣。及盟。子產爭承曰。昔天子斑貢輕重以列。列尊貢重。周之制也。卑而貢重。甸服也。鄭伯男也。而使從公侯之貢。懼不給也。敢以爲請。諸侯靖兵。好以爲事。行理之命。無月不至。貢之無藝。小國有關。所以得罪也。諸侯脩盟。存小國也。貢獻無極。亡可待也。存亡之制。將在今矣。自日中以爭至于昏。晉乃許之。旣盟。或咎之曰。諸侯若討。其可賄。



乎。子產曰。晉政多門。貳偷之不暇。何暇討國。不競亦陵。何國之爲。方災。鄭子產授兵登陴。晉人讓之曰。鄭國有災。寡君大夫不敢寧居。卜筮走望。不愛牲玉。今執事倜然授兵登陴。將以誰罪。捫何板反子產對曰。子之言。敝邑之災。君之憂也。敝邑失政。天降之災。又懼讒慝之間謀。之以敗貪人。君爲不利。以重君之憂。幸而不亡。猶可說也。不幸而亡。君雖憂之。亦無及也。鄭有他境。望走在晉。其敢有二心。晉不能詰。駟偃娶晉而生絲。偃卒。父兄立乞。子產以爲弗順。弗許。亦弗止。晉人以幣如鄭。問駟乞之。立乞欲逃。弗遣。請龜以卜。亦弗予。而對客曰。鄭國不天。

二三臣。虺瘡天昏。今又器我先大夫偃其子弱。其一二父兄。懼墜宗主。私族於謀而立長親。寡君與其二三老曰。大實剥亂。是吾何知焉。今大夫問故。寡君實不敢知。誰實知之。平丘之會。君尋舊盟。曰。無或失職。若二三臣卽世者。晉專制其位。是縣鄙也。何國之爲。辭客幣而報其使。晉人舍之。韓宣子來聘。子產戒有位於朝者必恪。宣子有環。其一在鄭商。謁焉。子產辭曰。非官府之守。羈也。寡君不知。子太叔子羽謂子產曰。韓子亦無幾求。晉國亦未可貳。若屬有讒人交鬪其間。鬼神而助之。以興其凶怒。悔之何及。盍求而與之。子產曰。吾非偷晉而有



貳心。將終事之。是以弗與。忠信故也。僑聞君子非無賄之難立。而無令名之患。僑聞爲國者非不能事大字小之難。無禮以定其位之患。夫大國之人。令於小國。而皆獲其求。將何以給之。一其一否。爲罪滋大。大國之求。無禮以斥之。何饜之有。吾且爲鄙邑。則失位矣。韓子奉命以使。而求玉焉。貪矣。吾又失位。韓子成貪。將焉用之。且吾以至賈罪。不亦斃乎。韓子買諸賈人。請曰。日起請環。執事弗義。弗敢復也。今買諸商人。商人曰。必以聞。敢請。子產對曰。昔我先君桓公。與商人皆出自周。庸次比耦。以艾殺此地。斬其蓬蒿藜藿而共處之。世有盟誓以相

信也。曰：爾無強叛我，無強賈爾，有利市實賄我，勿與知。故能相保，以至于今。吾子以好來辱，而謂敝邑強奪商人，是敝邑背盟誓也，無乃不可乎？吾子得王而失諸侯，必不爲也。僞若獻王，不知所成。韓子慙謝曰：起不敏，敢求玉以徼二罪。及辭，六卿戲韓子，賦我將子產拜。五卿皆拜曰：吾子靖亂，敢不拜德。楚公子圍來聘，且娶於公孫段氏。子產致館於外，旣聘，將以衆逆女。子產使子羽辭焉，曰：以敝邑福小，不足以容從者，請墀而聽命。令尹命太宰伯州犂對曰：君辱貺寡大夫圍，謂圍將使豐氏撫有而室。圍布几筵，告莊共之廟而來。若野賜之，是



委君貶於草莽也。是寡大夫不得列於諸卿也。不寧唯是。又使圖蒙其先君。將不得爲寡君老。其蔑以復矣。唯大夫圖之。子羽曰。小國無罪。恃實其罪。將恃大國之安靖已。而無乃包藏禍心以圖之。小國失恃。以懲諸侯。使莫不憾。而距違君命。是懼。不然。敵邑歸人之屬也。其敢愛豐氏之祧。伍舉知其有備也。請垂橐而入。許之。北宮文子相衛襄公。以如楚。過鄭。羽戾逆勞于棐林。如聘禮。而以勞辭。文子入聘。子羽爲行人。馮簡子與子太叔逆客。事畢。出言於衛侯曰。鄭有禮。數世之福也。其無大國之討乎。詩云。誰能執熱。逝不以濯。禮之以政。猶熱之有

濯也。濯以救熱。何患之有。當是時。鄭介於晉楚二大國。而晉楚之從交相見也。難以禮與辭。子產擇能而使之。馮簡子能斷大事。子太叔美秀而文。公孫揮<sub>子能</sub>知四國之爲。而辯其大夫之族姓班位。貴賤能否。又善爲辭令。裨諲能謀。謀於野則獲。謀於邑則否。國將有諸侯之事。子產問四國之爲於子羽。使多爲辭令。與裨諲乘適野。以謀而告馮簡子。使斷之。事成。乃授子太叔。使行之。以應對賓客。鮮有敗事。北宮子之所謂有禮也。蓋子產爲相一年。豎子不戲狎。斑白不提挈。僮子不犁畔。二年。市不豫賈。三年。門不夜闌。道不拾遺。田器不歸。五年。士



無尺籍。器期不令而治。治鄭二十六年而死。丁壯號哭。

老人兒啼。女婦相弔。仲尼聞之。出涕。曰。古之遺愛也。子產

相鄭之三月。輿人歌之曰。取我衣冠而褚之。取我田疇而伍之。孰殺子產。吾其與之。三年政成。誦之曰。我有子

弟。子產誨之。我有田疇。子產殖之。子產而死。誰其嗣之。子產疾。謂子太叔曰。我死

子必爲政。唯有德者能以寬服民。其次莫如猛。夫火烈

民望而畏之。故鮮死焉。水濡弱。民狎而玩之。則多死焉。

故寬難。子太叔當國。不忍猛而以寬。鄭國多盜。取人於

荏符之澤。太叔悔之。曰。吾早從夫子言。不及此。興徒兵

以攻盜。盡殺之。盜少止。仲尼曰。善哉。政寬則民慢。慢則

糾之以猛。猛則民殘。殘則施之以寬。寬以濟猛。猛以濟

寬政是以和。詩曰：民亦勞止，迄可小康。惠此中國，以綏四方。施之以寬也。毋從詭隨，以謹無良。式遏寇虐，慘不畏明。糾之以猛也。柔遠能邇，以定我王。平之以和也。又曰：不競不綌，不剛不柔。布政優優，百祿是遒。和之至也。子產博學多通。仲尼歎以爲有君子之道四。其適鄭兄事之。備善也。夫子太叔問政。子產曰：政如農功，日夜思之。思其始而成其終。朝夕而行之，行無越思。如農之有畔，其過鮮矣。嘗如晉問晉侯疾。叔向問曰：寡君之疾病，卜人曰：實沈、臺駘爲祟。史莫之知，敢問此何神也。子產曰：昔高辛氏有二子，伯曰閼伯，季曰實沈，居于曠林，不



相能也。日尋干戈以相征討。后帝不臧。遷閼伯于商丘。主辰。商人是因。故辰爲商星。閼伯爲商神。遷實沈于大夏。主參。唐人是因。以服事夏商。及成王滅唐。封太叔焉。故參爲晉星。則實沈參神也。昔金天氏有裔子曰昧。爲玄冥師。生允格。臺駘。臺駘能業其官。宣汾洮。障大澤。以處大原。帝用嘉之。封諸汾川。沈姒。辱黃。實守其祀。今晉主汾而滅之。繇是觀之。則臺駘汾神也。抑此二者。不及君身。山川之神。水旱疫厲之災。於是乎崇之。日月星辰之神。雪霜風雨之不時。於是乎崇之。若君身。則出入歡食哀樂之事也。山川星辰之神。何爲焉。僑聞之。君子有

四時。朝以聽政。晝以訪問。夕以修令。夜以安身。於是節宣其氣。勿使有所壅閉湫底。以露其體。茲心不爽。而昏亂百度。今無乃壹之。則生疾矣。僑又聞之。內官不及同姓。其生不殖。故志曰。買妾不知其姓。則卜之。男女辨姓。禮之大司也。今君內實有四姬焉。其無乃是也乎。晉侯聞子產之言。曰。博物君子也。重賄之。初。鄭人相驚以伯有。子產立公孫洩及良止以撫之。乃止。子太叔問其故。子產曰。鬼有所歸。乃不爲厲。吾爲之歸也。適晉。趙簡子問焉。曰。伯有猶能爲厲乎。子產曰。能。人生始化曰魄。既生魄。陽曰魂。用物精多。則魂魄強。是以有精爽。至於神。



明匹夫彊死。其魂魄猶能馮音於人。以爲淫厲。况良霄。我先君穆公之冑也。子良之孫子耳之子。敝邑之卿。從政三世矣。鄭雖無腆。而三世執其政柄。其用物也弘矣。其取精也多矣。其族又大。所馮厚矣。而彊死。死能爲厲。不亦宜乎。蓋通鬼神之情狀如此。

○子太叔游吉。公子偃之孫也。以王父字爲氏。鄭簡公時。子產爲政。治游楚之罪。成將放之。咨於太叔。太叔曰。吾不能亢身。焉能亢宗。彼國政也。非私難也。子圖鄭國。利則行之。又何疑焉。周公殺管叔。而蔡放蔡叔。夫豈不愛治王室也。吉若獲戾。子將行之。何有於諸游。簡公之

罍爲葬除。及游氏之廟。將毀焉。子太叔使其徒執用龜以立。無庸毀。曰。子產過女。而問何不毀。曰。不忍廟也。諾。將毀矣。子產乃使辟之。已會于宋。諸侯朝楚。鄭子太叔往聘。楚人還之。太叔歸。告子展曰。楚子將死矣。不脩德政。而貪昧於諸侯。以逞其願。欲久得乎。易曰。迷復凶。楚子欲逞其願而棄其本。復歸無所。是謂迷復。能無凶乎。君其往以快楚心。楚不能恤諸侯也。吾乃休吾民矣。是秋。太叔如晉。告將朝于楚。而子產相鄭伯以如楚。會晉頃公薨。太叔弔。且送葬。晉人詰之曰。悼公之罍。子西弔。子蟜送葬。今吾子無貳。何故對曰。諸侯所以歸晉禮也。



聞之禮。小事大。大字小之謂也。事大在其其時命字小。在恤其所無。以敝邑居大國之間。豈忘其命。先王之制。諸侯之器。士弔。大夫送葬。惟嘉好聘饗之事。於是乎使卿。晉之喪事。敝邑之間。先君有所助執紼矣。若其不聞。雖大夫士有所不獲數矣。大國之惠。亦慶其加。而不討其乏。明底其情。取備而已。以爲禮也。靈王之器。我先君簡公在楚。先大夫印段實往。王吏不討。恤所無也。今大夫曰。女盍從舊。舊有豐有省。不知所從。從其豐。則寡君幼弱。是以不共。從其省。則吉在此矣。晉人不能詰。及子產卒。子太叔爲政。會于黃父。趙簡子問揖讓周旋之禮。

焉。對曰：是儀也，非禮也。簡子曰：敢問何謂禮？對曰：吉也。聞諸先大夫子產曰：禮，天之經也，地之義也，民之行也。天地之經，而民實則之，則天之明，因地之性，生其六氣，用其五行，氣爲五味，發爲五色，章爲五聲，淫則昏亂，民失其性，是故爲禮以奉之。爲六畜五牲三犧以奉五味，爲九文六采五章以奉五色，爲九歌八風七音六律以奉五聲，爲君臣上下以則地義，爲夫婦外內以經二物，爲父子兄弟姑姊甥舅，婚媾姻婭，以象天明，爲政事庸力行務以從四時，爲刑罰威獄，使民畏忌，以類其震曜殺戮，爲溫慈惠和，以效天之生殖長育。民有好惡喜怒。



哀樂生於六氣。是故審則宜類。以制六志。哀有哭泣。樂有歌舞。喜有施舍。怒有戰鬪。喜生於好。怒生於惡。是故審行信令。禍福賞罰。以制死生。生好物也。死惡物也。好物樂也。惡物哀也。哀樂不失。乃能協于天地之性。是以長父簡子曰。甚哉禮之大也。對曰。禮。上下之紀。天地之經緯也。民之所以生也。是以先王尚之。故人能自曲直。以赴於禮者。謂之成人。簡子曰。鞅也。請終身守此言也。及太叔卒。簡子爲之臨。甚哀。曰。黃父之會。夫子語我九言。口無始亂。無怙富。無恃寵。無違同。無傲禮。無驕能。無復怒。無謀非德。無犯非義。鞅也。何敢忘。

○叔孫穆叔。魯大夫。叔孫豹也。初叔孫僑如亂魯。出奔。  
季文子反自晉。召豹於齊而立之。自是叔出季處。穆叔  
以其身衛社稷。語具魯志中。襄元年。如晉報聘。晉侯享  
之。金奏肆夏之三。不拜。工歌文王之三。又不拜。歌鹿鳴  
之三。三拜。韓獻子使問之曰。子以君命辱於敝邑。先君  
之禮。藉之以樂。以辱吾子。吾子舍其大而重拜其細。敢  
問何禮也。對曰。肆夏。天子所以享元侯也。使臣弗敢與  
聞。文王。兩君相見之樂也。臣不敢及。鹿鳴。君所以嘉寡  
君也。敢不拜嘉。四牡。君所以勞使臣也。敢不重拜。皇皇  
者華。君敎使臣曰。必諮於周。臣聞之。訪問於善爲咨。咨。



親爲詢。咨禮爲度。咨事爲諷。咨難爲謀。臣獲五善。敢不  
重拜。二十四年。穆叔如晉。范宣子郊迎。問焉。曰。古之人  
有言曰。死而不朽。何謂也。穆叔未對。宣子曰。昔句之祖。  
自虞爲陶唐氏。在夏爲御龍氏。在商爲豕鬻氏。在周爲  
唐杜氏。晉主夏盟。爲范氏。豈是之謂乎。穆叔曰。以豹所  
聞。此之謂世祿。非不朽也。魯有先大夫曰。臧文仲。旣沒。  
其言立。其是之謂乎。豹聞之。太上有立德。其次有立功。  
其次有立言。雖久不廢。此之謂不朽。若夫保姓受氏。以  
守宗祏。世不絕祀。無國無之。祿之大者。不可謂不朽。齊  
慶封來奔。侈齊人來讓。亡之吳。富於其舊。子服惠伯曰。

天殆富淫人乎。穆子曰：善人富，謂之賞；淫人富，謂之殃。天殃之，殆將聚而殲諸已，而慶封戮於楚。齊求崔杼尸，將戮之，不得。穆子曰：必得之。昔武王有亂，臣十人，崔杼其有乎？不，十人不足以葬，卒得之。會諸侯澶淵，還語季孫曰：趙孟將死矣，其語偷，不似民主。且年未盈五十而諄諄焉如八九十人，弗能久矣。若趙孟死，爲政者其韓子乎？可以樹善。晉君失政，韓子懦弱，大夫多貪，求欲無厭，齊楚未足與也。魯其懼哉？季孫不從已。趙文子卒，晉公室卑，韓宣子爲政，不能圖諸侯，魯不堪，晉求是以有平丘之會。昭公初立，小邾穆公來朝，季武子欲卑之，穆



叔曰。不可。曹滕二邾。實不忘我好。敬以逆之。猶懼其貳。又卑焉。是逆好也。其如舊而加敬焉。志曰。能敬無災。又曰。敬逆來者。天所福也。季孫從之。已。穆叔嬖豎牛。牛屏其左右。餓而死。子孟丙仲壬皆爲牛所殺。立子姁而相之。是爲昭子。昭子朝。號其家衆曰。豎牛禍叔孫氏。使亂大從。殺適而立庶。又披其邑求赦罪。罪莫大焉。必速殺之。豎牛懼奔齊。爲孟仲之子所殺。昭公築郎囿。季孫欲速成。昭子曰。詩曰。經始勿亟。亟成勦民。無囿可也。無民可乎。二十三年。武城麇邾師。邾人懇于晉。昭子如晉。晉執之。使與其大夫坐。昭子曰。列國之卿。當小國之君制。

也。邾又夷也。寡君之命介子服回在。請使當之。不敢廢周制故也。乃不果坐。館諸箕。舍子服昭伯於他邑。范鞅求貨於叔孫。請冠焉。取其冠法而與之兩冠。曰。盡矣。申豐以貨如晉。叔孫曰。必見我。吾告汝所行貨。見而閉之。明年。士彌牟逆叔孫。將歸之。叔孫使梁其蹊待于門內。曰。余左顧而歎。汝殺之。右顧而笑。汝止。叔孫見士伯。士伯致禮。乃笑受禮而歸。吏人從昭子居於箕者。請吠狗。弗與。及將歸。殺而與之食之。昭子所館。雖一日。必葺其墻屋。去之日。如始至。二十五年。聘于宋。桐門右師見之。語卑。宋大夫而賤。司城氏。昭子告其人曰。右師其亡乎。



君子貴其身而後能及人。禮也。今夫子卑其大夫而賤其宗。賤其宗。是賤其身也。能有禮乎。無禮必亡。已而右師奔。是歲昭子如闕。公孫於齊。昭子欲歸。君不獲。使祝宗祈死而卒。

○師曠。晉樂師也。晉侯問於師曠曰。衛人出其君。不亦甚乎。對曰。或者其君實甚。良君將賞善而刑淫。養民如子。蓋之如天。容之如地。民奉其君。愛之如父母。仰之如日月。敬之如神明。畏之如雷霆。其可出乎。夫君神之主。而民之望也。若困民之主。匱神乏祀。百姓絕望。社稷無主。將安用之。弗去何爲。天生民而立之君。使司牧之。勿

使失性。有君而爲之貳。使師保之。勿使過度。是故天子  
有公。諸侯有卿。卿置側室。大夫有二宗。士有朋友。庶人  
工商皂隸牧圉。皆有親暱。以相輔佐也。善則賞之。過則  
匡之。患則救之。失則革之。自王以下。各有父兄子弟。補  
察其政。史爲書。瞽爲詩。工誦箴諫。大夫規誨。士傳言。庶  
人謗。商旅于市。百工獻藝。故夏書曰。適人以木。鐸徇于  
路。官司相規。工執藝事以諫。正月孟春。於是乎有之。諫  
失常也。天之愛民甚矣。豈其使一人肆於民上。以從其  
淫。而棄天地之性。必不然矣。公問咎犯。與趙衰孰賢。對  
曰。陽處父欲臣文公。因舅犯三年不達。因趙衰三日而



達之。不知其他。時晉大夫多爭。師曠曰。公室懼日卑矣。臣不心競而力爭。不務德而爭善。私欲已侈。能無卑乎。公問於師曠曰。吾年七十。欲學。恐暮矣。師曠曰。臣聞之。少而好學。如日出之明。壯而好學。如日中之明。老而好學。如炳燭之明。炳燭之明明也。孰與以昧昧行乎。故君子哉。子野也。出君之對。則知君知天矣。

○鍾儀。楚樂官也。鄭獲以獻之。晉景公觀於軍府。見之。問曰。南冠而縶者誰也。有司對曰。鄭人所獻楚囚也。使稅之。召而弔焉。再拜稽首。問其族。對曰。伶人也。公曰。能樂乎。對曰。先父之職官也。敢有二事。使與之。琴操南音。

公曰。君王何如對曰。非小人之所得知也。固問之。對曰。其爲太子。師保奉之。以朝于嬰齊。而夕于側也。不知其也。公語范文子。文子曰。楚囚君子也。言稱先職。不背本也。樂操土風。不忘舊也。稱太子。抑無私也。名其二卿。尊君也。不背本。仁也。不忘舊。信也。無私。忠也。尊君。敏也。仁以接事。信以守之。忠以成之。敏以行之。事雖大。必濟。君盍歸之。使合晉楚之成。公從之。重爲之禮而歸之。

○左史倚相。楚人也。楚司馬子期欲以其妾爲內子。訪於倚相曰。吾有妾而原欲筭之。可乎。倚相曰。昔先大夫子囊。遘王之命。謚子夕嗜芟。子木有羊饋而無芟薦。君



子曰。違而道。穀陽豎憫子反之勞也。獻欽焉而斃之。鄢  
芋尹申亥從靈王之欲而隕於乾谿。君子曰。從而逆君  
子之行。欲其道也不欲其從也。故進退周旋。唯道之從。  
夫子木。能違若敖之欲以之道。吾子經楚國而欲以姜  
薦干之。其可乎。子期乃止。

○宮之奇。虞大夫也。晉獻公志滅虞。以及虢。將伐虢。土  
薦曰。不可。虢公驕。若驟得志於我。必棄其民。無衆而後  
伐之。欲禦我。誰與。夫禮樂慈愛。戰所畜也。夫民讓事樂  
和。愛親哀喪。而後可用也。虢弗畜也。亟戰將饑。居久之。  
晉人以垂棘之璧。屈產之乘。假道於虞。以伐虢。滅下陽。

後四年。又假道。宮之奇諫曰。虢。虞之表也。虢亡。虞必從之。晉不可啟。寇不可玩。一之謂甚。其可再乎。諺所謂輔車相依。唇亡齒寒。虞虢之謂也。公曰。晉吾宗也。豈害我哉。對曰。太伯。虞仲。太王之昭也。虢叔。虢仲。王季之穆也。將虢是滅。何愛於虞。且虞能親於桓莊之族乎。其愛之也。桓莊之族何罪。而以爲戮。不唯偏乎。親以寵偏。尚猶害之。況以國乎。公曰。吾享祀豐潔。神必撫我。對曰。臣聞之。書曰。皇天無親。唯德是輔。又曰。黍稷非馨。明德惟馨。如是。則非德。民不和。神不享矣。若晉取虞。而明德以薦馨香。神其吐之乎。弗聽。宮之奇以其族行。曰。虞不臘矣。



夫國非忠不立。非信不固。今君施所惡於人。而以賄滅親。拔其本矣。何以能久。去三月而虞亡。

○季梁隨大夫也。楚侵隨。隨人使少師董成。楚子毀軍而納少師。少師歸。請追楚師。隨侯將許之。季梁止之曰。天方授楚。楚之羸。其誘我也。君何急焉。臣聞小之能敵大也。小道大淫。所謂道。忠於民而信於神也。上思利民。忠也。祝史正辭。信也。今民餒而君逞欲。祝史矯舉以祭。臣不知其可也。公曰。吾牲牷肥腍。粢盛豐備。何則不信。對曰。夫民。神之主也。是以聖人先成民而後致力於神。故奉牲以告曰。博碩肥腍。謂民力之普存也。謂其畜之

碩大蕃滋也。謂其不疾癘蠡也。謂其備腩咸有也。奉盛以告。曰絜粢豐盛。謂其三時不害而民和年豐也。奉酒醴以告。曰嘉果旨酒。謂上下皆有嘉德而無違心也。所謂馨香。無譏惡也。故務其三時。修其五教。親其九族。以致其禮祀。於是乎民和而神降之福。故動則有成。今民各有心。而鬼神之主。君雖獨豐。其何福之有。君姑修政而親兄弟之國。庶免於難。隨侯懼而脩政。楚不敢伐。論曰。世春秋而王教湮矣。格卿碩士。羈臣瞽師。猶能徵典質禮。秉信持義。以庇國而定身。後世有是夫。先師之所父事。於衛貞惠文子。所兄事。遽伯玉。於齊晏平仲。於



鄭子產以爲是王敎之所存也。爾乃劉康公語中語命。  
晉司空語敬語學。北宮文子子太叔論威儀論禮。懿哉  
粹乎於道也。篤矣。故敎先王之所以化也。平仲薦夫子。  
稱其學若禮也。而廢。今史沒其情。悲夫。

○魏獻子晉大夫魏舒也。將中軍。分祁氏田爲七縣。分  
羊舌氏田爲三縣。以賈辛爲祁大夫。子戊爲梗陽大夫。  
他縣大夫皆餘子之不失職能守業者也。魏子謂成鱗。  
吾與戊也。縣人其謂我爲黨乎。對曰。何也。戊之爲人也。  
遠不忘君。近不偏同。居利思義。在約思純。有守心而無  
淫行。與之縣。不亦可乎。昔武王克商。兄弟之國十有五。

人。姬姓之國者四十人。皆舉親也。主近之矣。所及其遠哉。賈辛辭。魏子曰。辛來。昔叔向適鄭。驥茂惡欲觀叔向。從叔罷者而往。立堂下。一言而善。叔向將飲酒。聞之。曰。必驥明也。下執其手以上。曰。子貌少不颺。若無言。吾幾失子矣。遂如故。知今女有力於王室。吾舉汝行乎。敬之哉。毋墮乃力。仲尼聞魏子之舉戊也。以爲義。聞其命賈辛也。以爲忠。其有後於晉乎。梗陽人有獄。魏戊不能斷。以獄上。其大宗以女樂賂。獻子將受之。戊謂閭沒女寬曰。主以不賄聞於諸侯。若受梗陽人賄。莫甚焉。吾子必諫。皆許諾。退朝。侍於庭。饋入。召之比。置三歎。旣食。獻子



曰。吾聞唯食忘憂。吾子置食之間三歎。何也。同辭而對曰。或賜二小人酒。不夕食。食之始至。恐其不足。是以歎。中置。自咎曰。豈將軍食之而有不足。是以再歎。及饋之畢。願以小人之腹。爲君子之心。屬厭而已。獻子辭梗陽人。

○番吾君者。趙人也。趙烈侯好音。說歌者。槍石二人。賜之田。人萬畝。相國公仲連。諾而不與。屢問。稱疾不朝。未有以奪也。番吾君曰。君實好善。而未知所持。公仲亦有所進士乎。連曰。未也。曰。牛畜荀欣。徐越皆可。連進之。畜侍以仁義。烈侯適音然。明日。欣侍以舉賢使能。明日。越

侍以節財儉用。察度功德。所與無不充。君說謂連曰。歌者之田且止。以畜爲師。欣爲中尉。越爲內史。賜連衣二襲。

○田子方。魏人也。師事卜子夏。魏文侯尊事之。文侯與子方飲。鼓鍾。文侯曰。鍾聲不比乎。左高。子方笑。文侯曰。何笑。子方曰。臣聞之。君明樂官。不明樂音。今君審於音。臣恐其聾於官也。文侯曰善。武侯爲太子時。出遭子方於道。下車伏謁。子方不爲禮。子擊怒。謂子方曰。富貴者驕人乎。貧賤者驕人乎。子方曰。亦貧賤者驕人耳。富貴者安敢驕人。國君而驕人。則失其國。大夫而驕人。則失



其家失其國者。未聞有以國待之者也。失其家者。未聞有以家待之者也。夫士貧賤。言不用。計不合。則納履而去。安往而不得貧賤哉。子擊慙謝之。

○知國。荀氏之宗。士蒍范族也。知伯宴三卿於藍臺。戲韓康子而侮段規。知國進曰。主不備。難至矣。知伯曰。難將繇我。我不爲難。誰敢興之。曰。卻有車轅之難。趙有孟姬之讒。欒有祁叔之愬。皆主之所知也。夏書曰。一人三失。怨豈在明。不見是圖。周書曰。怨不在大。亦不在小。君子能勤小物。故無大難。今主一宴而耻人之君相。又不備。曰。不敢興難。孰不可懼乎。蠶蠹蚋蛾。皆能害人。况君

相乎。不聽。知伯爲室。美士苗夕。知伯曰。室美乎。對曰。美則美矣。抑臣有懼也。知伯曰。何懼。曰。志有之。曰。高山峻原。不生草木。松柏之下。其土不肥。今土木勝。臣懼其不妄人也。不聽。

○屠黍。晉大史也。見晉亂。以圖法亡歸周。周威公問焉。曰。天下之國孰先亡。對曰。晉先亡。威公問故。對曰。臣比在晉。不敢直言。以職官示晉公。以日月星辰之行。不當也。曰。何能爲。語人事不義。百姓鬱怨也。曰。何能傷。又語以鄰國不服。賢良不舉也。曰。何能害。是昧其所以亡者。故先亡也。居三年。晉果亡。威公又見屠黍而問焉。曰。孰



次之。對曰。中山次之。威公問故。對曰。天生民而令有別。有別人之義。人之所以異於禽獸麋鹿也。君臣上下之所以立也。中山之俗。以晝爲夜。以夜繼日。男女切倚。固無休息。康樂歌謠。靡靡以風。臣故曰。中山次之。居三年。中山果亡。威公又見屠黍而問焉。曰。孰次之。屠黍不對。固問焉。對曰。君次之。威公懼。問故。對曰。君見善而不能用也。威公乃大懼。求國之長者。得義蒔田邑而禮之。得史麟。趙駢以爲諫臣。去苛令三十九物。以告屠黍。黍曰。其及終君之身乎。臣聞之。國興也。天遺之賢人。與極言之士。國之亡也。天遺之亂人。與從諛之士。是君之所以

存也。威公薨，周乃分爲二。

○淳于髡，齊人也。博聞彊記，學無所主，其諫說慕晏嬰之爲人也。然而承意觀色，爲務。騶忌子曰：「謹受教。」淳于髡曰：「之曰：髡有愚志，願陳諸前。」騶忌子曰：「謹受教。」淳于髡曰：「得全全昌，失全全亡。」騶忌子曰：「謹受令。」請謹毋離前。淳于髡曰：「稀膏棘軸，所以爲滑也。然而不能運方穿。」騶忌子曰：「謹受令。」請謹事左右。淳于髡曰：「弓膠昔幹，所以爲合也。然而不能傳合。」跪躐。騶忌子曰：「謹受令。」請謹自附於萬民。淳于髡曰：「狐裘雖弊，不可補以黃狗之皮。」騶忌子曰：「謹受令。」請謹擇君子，毋雜小人其間。淳于髡曰：「大車不較，不能載其常任；琴瑟不較，不能成其五音。」騶忌子曰：「謹受令。」請謹脩法律，而督姦吏。淳于髡說畢，趨出至門，面其僕曰：「是人者，吾語之微言五，其應我若響。是人必封不父矣。」居期年，騶忌子封。髡遊梁，梁相悅之，見之。魏惠王、惠王屏左右，獨坐而再見之，終無言。王怪之，讓相曰：「子之稱淳于先生，管晏不及，及見寡人，寡人未有得也。豈寡人不足爲言耶？何故哉？」相以謂髡，髡曰：「固也。吾前見王，王志在驅逐；復見王，王志在音聲。是以默然，相具以報王。」王大駭曰：「嗟乎！淳于先生，誠聖人也。前



淳于先生之來。人有獻善馬者。寡人未及視。會先生至。後先生來。人有獻謳者。未及試。亦會先生來。寡人雖屏人。然私心在彼有之。後淳于髡見。壹語連三日。夜無倦。惠王欲以卿相位待之。遂謝去。於是送以安車。駕駟。束帛加璧黃金百鎰。終不仕。

○觸龍趙左師也。趙孝成王新立。太后用事。秦急攻趙。趙求救於齊。齊曰。必以長安君爲質。兵乃出。太后不肯。大臣彊諫。太后怒。明謂左右曰。有復言長安君爲質者。老婦必唾其面。觸龍請見。太后盛氣而胥之。入。徐趨而坐。自謝曰。老臣病足。曾不能疾走。不得見久矣。竊自恕。恐太后玉體之有所苦也。故願望見太后。太后曰。老婦恃輦而行。曰。食得無少衰乎。曰。恃粥耳。曰。老臣間者。殊

不欲食。乃強步。日三四里。少益嗜食。和於身。太后曰。老婦不能。太后不和之色少解。左師公曰。老臣賤息。舒祺最少。不肖。而臣衰。竊憐愛之。願得補黑衣之缺。以衛王宮。昧死以聞。太后曰。敬諾。年幾何矣。對曰。十五歲矣。雖少。願及未填溝壑而託之。太后曰。丈夫亦愛憐少子乎。對曰。甚於婦人。太后笑曰。婦人異甚。對曰。老臣竊以爲媼之愛燕后。賢於長安君。太后曰。君過矣。不若長安君之甚。左師公曰。父母愛子。則爲之計深遠。媼之送燕后也。持其踵。爲之泣。念其遠也。亦哀之矣。已行。非不思也。祭祀。則祝之曰。必使勿反。豈非爲之計久長。欲子孫相



繼爲王也哉。太后曰：然。左師公曰：今三世以前，至於趙王之子孫，爲侯者，其繼有在者乎？曰：無有。曰：微獨趙諸侯有在者乎？曰：老婦不聞也。曰：此其近者禍及身，遠者及子孫，豈人主之子，侯則不善哉？位尊而無功，奉厚而無勞，而挾重鎡多也。今媼尊長安君之位，封之膏腴之地，多與之重鎡，而不及今令有有功於國，一旦山陵崩，長安君何以自託於趙？老臣以媼爲長安君之計短也。故以爲愛之不若燕后。太后曰：諾。恣君之所使之。於是爲長安君約車百乘，質於齊。齊兵乃出。

陳軫齊人也。楚昭陽旣勝魏，又移兵伐齊。齊王患之，陳軫見昭陽，說曰：願聞楚國之法，破軍殺將者，何以貴？

之昭陽曰官上枉國封上將執珪陳軫曰國有貴於此者乎昭陽曰令尹陳軫曰君今已爲令尹此國冠之上臣請得譬之客有遺其舍人一卮酒者舍人相謂曰數人飲此下足以徧請畫地爲蛇蛇先成者獨飲之一人蛇先成舉酒起旣而曰吾能爲之足及其爲之足而後成人奪其酒飲之曰蛇固無足今爲之足非蛇也今君相楚而攻魏破軍殺將功莫大焉冠之上不可以加矣又移兵而攻齊攻之勝官爵不加於此攻之不勝身死爵奪此畫蛇爲足之說也不若引兵而去以德齊此持滿之術也昭陽曰善引兵而去之君子曰人臣利社稷則據死以守之軫爲昭陽謀不忠然善說哉固持滿之道也

○田贊楚人也楚王好兵贊衣敝緼而見王王曰先生之衣何惡乎對曰衣有惡於此者臣衣不惡也王曰可得聞與對曰甲惡於此王曰何謂也曰甲冬衣之則寒夏衣之則熱惟無衣衣之則折人之首刳人之腸墮人城郭係人子女衣無惡於甲者贊也貧故衣惡今大王萬乘之主也富厚無敵而好衣人以甲意者其爲義耶則名甚不榮意者其爲利耶苟慮害人亦必慮害之苟慮危人人亦必慮危之竊爲大王不取也三無以應



○虞卿趙人見趙王立賜白璧一雙卒以相者也主爲從以抗秦闢衡人甚辯語具六國志魏請趙爲從孝成王召虞卿謀曰魏請爲從對曰魏過王曰寡人固未之許對曰王過王曰魏請從卿曰魏過寡人未之許又曰寡人過然則從終不可乎對曰臣聞之小國與大國從也有利則大國受其福有敗則小國受其阨今魏以小國請其阨而王以大國辭其福臣故曰王過魏亦過竊以爲從便王曰善乃合魏爲從其後虞卿旣以魏齊之故不重萬戶侯卿相之印與魏齊間行卒去趙困於梁不得意乃著書上採春秋下觀近世曰節義稱號揣摩

政謀凡八篇。以刺譏國家得失世傳之曰虞氏春秋。

○貂勃齊人也。襄王既以安平君守卽墨勝燕得復國。或惡安平君。撫百姓懷戎翟結豪俊志欲有齊也。王果疑安平君。安平君免冠徒跣肉袒進請死五日乃得謝罷。貂勃使於楚。反。王觴諸前。曰。召相單來。貂勃避席稽首曰。王惡得此亡國之言乎。王上者孰與周文王。下者孰與齊桓公。王曰。不若也。貂勃曰。昔文王得呂尚以爲太公。齊桓得管夷吾以爲仲父。今王得安平君而獨曰單來。安得此亡國之言乎。夫安平君以惴惴卽墨三里之城。五里之郭。而復千里之齊。當是時而自王。天下莫能止。然計之於道。歸之於義。棧道木閣迎王於咸陽。今國已定矣。民已安矣。而王曰單來。臣竊爲王惑之也。王乃殺譖安平君者而益安平君封。

○貫珠者齊人也。亡其名。安平君出見老人涉淄寒不能行。解裘衣之。王聞之曰。單將欲以取吾國乎。貫珠者曰。王不如因以爲已善。下令曰。寡人憂民之饑。相國收食之。寡人憂民之寒。相國收衣之。寡人憂勞百姓而相國憂之。稱寡人之意。相有是善而王嘉之。相之善亦王之善也。王曰善。賜單牛酒。乃布令求百姓饑寒者收穀。



之。國人聞之，相與言曰：安平君之愛人，嗟王之教也。  
○李同者，趙邯鄲傳舍吏子也。秦圖邯鄲，急同前說平  
原君曰：君不憂趙亡耶？平原君曰：趙亡勝且爲虜，何謂  
不憂？李同曰：邯鄲之民，炊骨食子，而君後宮以百數，被  
綺縠，餘梁肉，民困兵盡，或剡木爲矛矢，而君罷物鐘磬，  
自如，使秦破趙，君安得久有此哉？君誠令夫人以下編  
於士卒之間，分功而作，家之所有盡以饗士，士方危苦  
時，易德耳。於是得敢死之士三千人，却秦軍。

○毛遂者，趙人也。秦困趙，平原君求合從於楚，約與食  
客。門下有勇力文武備具者二十人，偕不外索。平原君  
曰：使文能取勝，則善矣；文不能取勝，則歃血於華屋之  
下，必得定從而還。門下有毛遂者，前自贊於平原君，曰：  
遂聞君將合從於楚，約與食客門下二十人偕，不外索，  
今少一人，願卽以遂備員而行矣。平原君曰：先生處勝  
之門下幾年於此矣？毛遂曰：三年於此矣。平原君曰：夫  
賢士之處世也，譬若錐之處囊中，其末立見。今先生處  
勝之門下三年矣，左右未有所稱誦，勝未有所聞也。先  
生不能先生留，毛遂曰：臣乃今日請處囊中耳。使臣蚤  
得處囊中，乃穎脫而出，非特其未見而已。平原君乃與  
毛遂偕十九人相與日笑之。未發也，平原君與楚王言。

合從利害日出而言之日中不決毛遂按劍歷階而上謂平原君曰從之利害兩言而決耳今日出而言日中不決何也楚王曰客何爲者平原君曰是勝之舍人也楚王叱曰胡不下吾乃與而君言汝何爲者也毛遂按劍而前曰王之所以叱遂者以楚國之衆也今十步之內王不得恃楚國之衆也王之命懸於遂手吾君在前叱者何也且遂聞湯以七十里之地王天下文王以百里之壤臣諸侯豈其士卒衆多哉誠能據其勢而奮其威今楚地方千里持戟百萬此霸王之資也以楚之疆天下弗能當白起小豎子耳率數萬之衆興師以與楚戰一戰而舉鄢郢再戰而燒夷陵三戰而辱王之先人此百世之怨而趙之所羞而王弗知惡焉合從者爲楚非爲趙也吾君在前叱者何也楚王曰唯唯誠若先生之言謹奉社稷而以從毛遂曰從定乎楚王曰定矣毛遂謂楚王之左右曰取雞狗馬之血來毛遂奉銅盤而跪進之楚王曰王當歃血而定從次者吾君次者遂遂定從於殿上毛遂左手持盤血而右手招十九人曰公等相與歃此血於堂下公等碌碌所謂因人成事者也平原君已定從而歸歸至於趙曰勝不敢復相士勝相士者者千人寡者百數自以爲不失天下之士乃今於



毛先生而失之、毛先生一至楚、而使趙重於九鼎大呂、毛先生以三寸之舌、彊於百萬之師、勝不敢復相士、遂以爲上客、

○公孫龍能爲堅白同異之辯者、趙人也、虞卿欲以信陵君存邯鄲、爲平原君功、請封、公孫龍曰、不可、夫王舉君而相趙者、非以君智謀爲趙國無有也、割東武而封君、非以君爲有功也、爲親戚故也、君受相印不辭、無能割地、不言無功、亦自以親戚故也、今信陵君存邯鄲、而君受封、是親戚受城、而國人計功也、此甚不可、且虞卿操其兩權、事成、操右券以責、報不成、以虛名德君、君必勿聽、平原君曰、善、遂讓不受封、

○靖淳君田嬰者、齊威王少子、宣王庶弟也、相齊、封於薛、富不好士、其賤妾有子曰文、承間問其父曰、子之爲何、曰、爲孫、孫之孫爲何、曰、爲玄、孫、玄孫之孫爲何、曰、不能知也、文曰、君用事相齊、至今三王矣、齊不加廣、而君私家富累萬金、文聞將門必有將、相門必有相、今君後官蹈綺縠、而士不得短褐、僕妾餘粱肉、而士不厭糟糠、今又尚厚積餘藏、欲以遺所不知何人、而忿公家之事、日損、文竊怪之、於是嬰乃禮文、使主家、待賓客、賓客日進、聲聞於諸侯、於是嬰以諸侯請、立文爲後、號孟嘗

君孟嘗君好士士無貴賤賢不肖多歸之孟嘗亡擇  
食客常數千人孟嘗君畢善遇之每賓客坐語屏風後  
常有侍吏主記君所與客語問親戚居處客去則使使  
存問遺獻其親戚矣已見危於齊卒以客免聘於楚楚  
王遺之象牀遣登徒直送之登徒直不欲行獻寶劍請  
公孫戍說君止無行戍許諾八見曰小國所以致相印  
於君者悅君之義慕君之廉也今始至楚而受象牀則  
未至之國何以待君哉孟嘗君曰善遂謝不受戍趨出  
也我以實對孟嘗君乃書門成曰有能楊文之名止文  
之過私得寶於外者疾入諫  
○馮驩齊人家貧好書齠髫而見孟嘗君置之傳舍十  
日孟嘗君問傳舍長曰客何爲答曰馮先生甚貧猶有  
一劍耳又蒯緄彈其劍而謠曰長鋏歸來乎食無魚孟  
嘗君遷之幸舍食有魚矣五日又問傳舍長舍長答曰  
客復彈劍而歌曰長鋏歸來乎出無輿孟嘗君遷之代  
舍出入乘車輿矣五日復問傳舍長答曰客又彈劍而  
歌曰長鋏歸來乎無以爲家孟嘗君使人給其母食用  
無使乏於是驩不復歌居朞年驩無所言時孟嘗君相  
齊封於薛食客三千人邑入不足以奉客貸錢於薛歲



餘貸者不能與其息客奉將不給憂之問左右可使收  
債於薛者傳舍長曰代舍客焉公狀貌甚辯長者無伎  
能宜可使孟嘗君乃請驪往收債如舍長言至薛得息  
錢十萬乃多釀酒買肥牛爲期日召諸取錢能與息者  
來不能與息者亦來皆持取錢之券書來合之於是殺  
牛置酒酒酣合券能與息者與爲期貧不能與息者取  
其券燒之曰凡君所以貸錢者爲民之貧者爲本業也  
所以求息者爲無以奉客也今令富者以要期貧窮者  
燔券書捐之諸君強飲食有君如此豈可負哉坐者皆  
起再拜孟嘗君聞馮驩燒券書怒使召驪驪至望之馮  
驪曰君勿異也不多具牛酒卽不能畢會無以知其有  
餘不足有餘者爲要期不足者雖守而責之十年息愈  
多急且以逃亡終無以償上則爲君好利不愛民下則  
有離上抵負之名非所以屬士民彰君聲也今焚無用  
不可得之虛券令薛民親君而彰君之善聲君何疑焉  
孟嘗君曰善已齊王用譖廢孟嘗君諸客皆去後馮驩  
說王召復之遣驪逆之未到孟嘗君太息曰文好客遇  
客無所敢失食客三千有餘人先生所知也客見文一  
日廢皆背文而去莫顧文者今賴先生得復位客何面  
目復見文乎如復見者必唾之馮驩結轡下拜孟嘗君

下車接之曰先生爲客謝乎驪曰非爲客謝也爲君之言失也夫物有必至事有固然君知之乎孟嘗君曰不知也曰生必有死物之必至也富貴多士貧賤寡交事之固然也君獨不見朝趨市者乎旦明之市側肩爭門而入日暮過之掉臂而不顧非好朝而惡暮所期物忘其中今君失位賓客皆去不足以怨士而徒絕賓客之路願君遇客如故孟嘗君再拜曰敬受命

論曰自春秋以文告辭命御邦交至戰國益驚於說辭然訓典亡已獨氣縱橫能聳人聽聞高者漸漬不驟能令人自屈必從也亦間有昌詞今取其不詭事倫者附焉

○孫武者齊人也著兵法十三篇其始計篇曰兵者國之大事死生之地存亡之道不可不察也故經之以五



事較之以計而索其情。一曰道。二曰天。三曰地。四曰將。五曰法。道者令民與上同意。可與之死。可與之生。而不畏危也。天者陰陽寒暑時制也。地者遠近陰陽廣狹死生也。將者仁智信勇嚴也。法者曲制官道主用也。凡此五者將莫不聞。知之者勝。不知者不勝。故較之以計而索其情。曰主孰有道。將孰有能。天地孰得。法令孰行。兵衆孰彊。士卒孰練。賞罰孰明。吾以此知勝負矣。將聽吾計。用之必勝。留之將不聽。吾計用之必敗。去之計利以聽。乃爲之勢以佐其外。勢者因利以制權也。兵者詭道也。故能而示之不能。用而示之不用。近而示之遠。遠而

示之近利而誘之。亂而取之。實而備之。彊而避之。怒而撓之。卑而驕之。佚而勞之。親而離之。攻其無備。出其不意。此兵家之勝。不可先傳也。夫未戰而廟筭勝者。得筭多也。未戰而廟筭不勝者。得筭少也。多筭勝。少筭不勝。而况於無筭乎。吾以此觀之。勝負見矣。其作戰篇曰。凡兵之法。馳車千駟。革車千乘。帶甲十萬。千里饋糧。內外之費。賓客之用。膠漆之材。車甲之奉。日費千金。然後十萬之師舉矣。其用戰也。必勝。久則鈍兵挫銳。攻城則力屈。久暴師。則國用不足。夫鈍兵挫銳。屈力殫貨。則諸侯乘其弊而起。雖有智者。不能善其後矣。故兵聞拙速。未



觀巧之久也。夫兵久而國利者，未之有也。故不盡知用兵之害者，則不能盡知用兵之利也。善用兵者，役不再籍，糧不三載，取用於國，因糧於敵，故軍食可足也。國之貧於師者，遠輸遠輸，則百姓貧；近師者，貴賣，貴賣則百姓財竭，財竭則急於兵役，財力屈殫，中原內虛於家，百姓之費，十去其七，公家之費，破車罷馬，甲冑亏矢，戟楯矛櫓，兵牛大車，十去其六。故智將務食於敵，食敵一鍾，當吾二十鍾；芟秆一石，當吾二十石。故殺敵者怒也，取敵之利者貨也。車戰得車十乘以上，賞其先得者，而更其旌旗，車雜而乘之，卒善而養之，是謂勝敵而益疆。故

兵貴勝不貴久。故知兵之將。民之司命。國家安危之主也。其謀攻篇曰。夫用兵之法。全國爲上。破國次之。全軍爲上。破軍次之。全旅爲上。破旅次之。全卒爲上。破卒次之。全伍爲上。破伍次之。是故百戰百勝。非善之善者也。不戰而屈人之兵。善之善者也。故上兵伐謀。其次伐交。其次伐兵。其下攻城。攻城之法。爲不得已。脩櫓。繫輜。具器械。三月而後成。距堙。又三月而后已。將不勝其忿。而蟻附之。殺士卒三分之二。而城不拔者。此攻之災也。故善用兵者。屈人之兵。而非戰也。拔人之城。而非攻也。毀人之國。而非久也。必以全爭於天下。故兵不頓而利可



全。此謀攻之法也。故用兵之法。十則圍之。五則攻之。倍則分之。敵則能戰之。少則能逃之。不若則能避之。故小敵之堅。大敵之禽也。夫將者。國之輔也。輔周則國必強。輔隙則國必弱。故君之所以患於軍者三。不知三軍之不可以進而謂之進。不知三軍之不可以退而謂之退。是謂縻軍。不知三軍之事而同三軍之政。則軍士惑矣。不知三軍之權而同三軍之任。則軍士疑矣。三軍既惑且疑。則諸侯之難至矣。是謂亂軍。引勝。故知勝有五。知可以與戰。不可以與戰者。勝。識衆寡之用者。勝。上下同欲者。勝。以虞待不虞者。勝。將能而君不御者。勝。此五者。

知勝之道也。故曰：知彼知己，百戰不殆；不知彼而知己，一勝一負，不知彼，不知己，每戰必敗。其軍形篇曰：昔之善戰者，先爲不可勝，以待敵之可勝；不可勝在己，可勝在敵。故善戰者能爲不可勝，不能使敵之必可勝。故曰：勝可知而不可爲，不可勝者守也，可勝者攻也。守則不足，攻則有餘。善守者藏於九地之下，善攻者動於九天之上，故能自保而全勝也。見勝不過衆人之所知，非善之善者也；戰勝而天下曰善，非善之善者也。故舉秋毫，不爲多力；見日月，不爲明目；聞雷霆，不爲聰耳。古之所謂善戰者，勝於易勝者也。故善戰者之勝，無智名，無勇



功。故其戰勝不忒。不忒者。其所措勝。勝已敗者也。故善戰者。立於不敗之地。而不失敵之敗也。是故。勝兵先勝而後求戰。敗兵先戰而後求勝。善用兵者。脩道而保法。故能爲勝敗之政。兵灋。一曰度。二曰量。三曰數。四曰稱。五曰勝。地生度。度生量。量生數。數生稱。稱生勝。故勝兵若以鎰稱銖。敗兵若以銖稱鎰。勝者之戰。若決積水於千仞之谿者。形也。其兵勢篇曰。凡治衆如治寡。分數是也。鬪衆如鬪寡。形名是也。三軍之衆。可使必受敵而無敗者。奇正是也。兵之所加。如以礮投卵者。虛實是也。凡戰者。以正合。以奇勝。故善出奇者。無窮如天地。不竭如

江海終而復始。日月是也。死而更生。四時是也。聲不過五。五聲之變。不可勝聽也。色不過五。五色之變。不可勝觀也。味不過五。五味之變。不可勝嘗也。戰勢不過奇正。奇正之變。不可勝窮也。奇正相生。如循環無端。孰能窮之哉。激水之疾。至於漂石者。勢也。鷲鳥之疾。至於毀折者。節也。故善戰者。其勢險。其節短。勢如彍弩。節如發機。紛紛紜紜。闐亂而不可亂。渾渾沌沌。形圓而不可敗。亂生於治。怯生於勇。弱生於強。治亂數也。勇怯勢也。強弱形也。故善動敵者。形之。敵必從之。予之。敵必取之。以利動之。以本待之。故善戰者。求之於勢。不責於人。故能擇。



人而任勢。任勢者。其戰人也如轉木石。木石之性。安則靜。危則動。方則止。圓則行。故善戰人之勢。如轉圓石於千仞之山者。勢也。其虛實篇曰。凡先處戰地而待敵者。佚。後處戰地而趨戰者。勞。故善戰者。致人而不致於人。能使敵人自至者。利之也。能使敵人不得至者。害之也。故敵佚能勞之。飽能饑之。安能動之。出其所不趨。趨其所不意。行千里而不勞者。行於無人之地也。攻而必取者。攻其所不守也。守而必固者。守其所不攻也。故善攻者。敵不知其所守。善守者。敵不知其所攻。微乎微乎。至於無形。神乎神乎。至於無聲。故能爲敵之司命。進而不

可禦者。衝其虛也。退而不可追者。速而不可及也。夫我欲戰。敵雖高壘深溝。不得不與我戰者。攻其所必救也。我不欲戰。雖畫地而守之。敵不得與我戰者。乖其所之也。故形人而我無形。則我專而敵分。我專爲一。敵分爲十。是以十攻其一也。則我衆敵寡。能以衆擊寡。則吾之所與戰者。約矣。吾所與戰之地不可知。不可知則敵所備者多。敵所備者多。則吾所與戰者。寡矣。故備前則後寡。備後則前寡。備左則右寡。備右則左寡。無所不備。則無所不寡。寡者。備人者也。衆者。使人備已者也。故知戰之地。知戰之日。則可千里而會戰。不知戰地。不知戰日。



則左不能救右。右不能救左。前不能救後。後不能救前。而况遠者數十里。近者數里乎。以吾度之。越人之兵。雖多。亦奚益於勝哉。故曰。勝可爲也。敵雖衆。可使無關。故策之而知得失之計。作之而知動靜之理。形之而知死生之地。角之而知有餘不足之處。故形兵之極。至於無形。無形則深。間不能窺。智者不能謀。因形而措勝於衆。衆不能知。人皆知我所以勝之形。而莫知吾所以制勝之形。其戰勝不復。而應形於無窮。夫兵形象水。水之形避高而趨下。兵之形避實而擊虛。水因地而制流。兵因敵而制勝。故兵無常勢。水無常形。能因敵變化而取勝。

者謂之神。故五行無常勝。四時無常位。日有短長。月有  
死生。其軍爭篇曰。凡用兵之法。將受命於君。合軍聚衆。  
交和而舍。莫難於軍爭。軍爭之難者。以迂爲直。以患爲  
利。故迂其途而誘之以利。後人發。先人至此。知迂直之  
計者也。軍爭爲利。衆爭爲危。舉軍而爭利。則不及。委軍  
而爭利。輜重重。是故卷甲而趨。日夜不處。倍道兼行。  
百里而爭利。則擒三將軍。勁者先。疲者後。其法十一而  
至。五十里而爭利者。蹶上將軍。其法半至。三十里而爭  
利。則三分之二至。是故軍無輜重則亡。無糧食則亡。無  
委積則亡。故不知諸侯之謀者。不能豫交。不知山林險



阻沮澤之形者。不能行軍。不用鄉導者。不能得地利。故兵以詐立。以利動。以分合爲變者也。故其疾如風。其徐如林。侵掠如火。不動如山。難知如陰。動如雷震。掠鄉分衆。廓地分利。懸權而動。先知迂直之計者勝。此軍爭之法也。軍政曰。言不相聞。故爲之金鼓。視不相見。故爲之旌旗。夫金鼓旌旗者。所以一人之耳目也。人既專一。則勇者不得獨進。怯者不得獨退。此用衆之法也。故夜戰多火鼓。晝戰多旌旗。所以變人之耳目也。三軍可奪氣。將軍可奪心。是故朝氣銳。晝氣惰。暮氣歸。善用兵者。避其銳氣。擊其惰歸。此治氣者也。以治待亂。以靜待譁。此

治心者也。以近待遠。以佚待勞。以飽待饑。此治力者也。無邀正正之旗。勿擊堂堂之陣。此治變者也。故用兵之法。高陵勿向。背丘勿逆。佯北勿從。銳卒勿攻。餌兵勿食。歸師勿遏。圍師必闕。窮寇勿迫。此用兵之法也。其九變篇曰。凡用兵之法。將受命於君。合軍聚衆。圯地無舍。衢地合交。絕地無留。圍地則謀。死地則戰。途有所不繇。軍有所不擊。城有所不攻。地有所不爭。君命有所不受。故將通於九變之利者。知用兵矣。將不通九變之利。雖知地形。不能得地之利矣。治兵不知九變之術。雖知五利。不能得人之用矣。是故智者之慮。必雜於利害。雜於利



而務可信也。雖於害而患可解也。是故屈諸侯者以害。役諸侯者以業。趨諸侯者以利。故用兵之法。無恃其不來。恃吾有以待之。無恃其不攻。恃吾有所不可攻也。故將有五危。必死可殺。必生可虜。忿速可侮。廉絜可辱。愛民可煩。此五者將之過也。用兵之災也。覆軍殺將。必以五危。不可不察也。其行軍篇曰。凡處軍相敵。絕山依谷。視生處高。戰陷無登。此處山之軍也。絕水必遠水。客絕水而來。勿迎之於水內。令半渡而擊之。利。欲戰者。無附於水而迎客。視生處高。無迎水流。此處水上之軍也。絕斥澤。唯亟去。無留。若交軍於斥澤之中。必依水草而背。

衆樹。此處斥澤之軍也。平陸處易。右背高。前死後生。此處平陸之軍也。凡此四軍之利。黃帝之所以勝四帝也。凡軍好高而惡下。貴陽而賤陰。養生處實。軍無百疾。是謂必勝。丘陵隄防。必處其陽。而右背之。此兵之利。地之助也。上雨水洙至。欲涉者待其定也。凡地有絕澗。天井。天牢。天羅。天陷。天隙。必亟去之。勿近也。吾遠之。敵近之。吾迎之。敵背之。軍旁有險阻。潢井。蘘葭。林木。鬱蒼者。必謹覆索之。此伏姦之所也。近而靜者。恃其險也。遠而挑戰者。欲人之進也。其所居易者。利也。衆樹動者。來也。衆草多障者。疑也。鳥起者。伏也。獸駭者。覆也。塵高而銳者。



車來也。卑而廣者。徒來也。散而條達者。樵採也。少而往來者。營軍也。辭卑而益備者。進也。辭強而進驅者。退也。輕車先出居其側者。陳也。無約而請和者。謀也。奔走而陳兵者。期也。半進半退者。誘也。杖而立者。饑也。汲而先飲者。渴也。見利而不進者。勞也。鳥集者。虛也。夜呼者。恐也。軍擾者。將不重也。旌旗動者。亂也。吏怒者。倦也。殺馬肉食者。軍無糧也。懸鈇不返其舍者。窮寇也。諄諄諭諭徐與人言者。失衆也。數賞者。窘也。數罰者。困也。先暴而後畏其衆者。不精之至也。來委謝者。欲休息也。兵怒而相迎。久而不合。又不相去。必謹察之。兵非益多也。雖無

武進足以併力料敵取人而已。夫唯無慮而易敵者必  
擒於人。卒未親附而罰之則不服。不服則難用。卒已親  
附而罰不行則不可用。故令之以文。齊之以武。是謂必  
取。令素行以教其民則民服。令不素行以教其民則民  
不服。令素行者與衆相得也。其地形篇曰。地形有通者  
有掛者。有支者。有隘者。有險者。有遠者。我可以往。彼可  
以來。曰通通形者。先居高陽。利糧道。以戰則利。可以往。  
難以返。曰掛掛形者。敵無備。出而勝之。敵若有備。出而  
不勝。難以返。不利我出而不利。彼出而不利。曰支。支形  
者。敵雖利我。我無出也。引而去之。令敵半出而擊之。利。



隘形者我先居之必盈之以待敵。若敵先居之盈而勿從。不盈而從之。險形者我先居之必居高陽以待敵。若敵先居之引而去之勿從。遠形者勢均難以挑戰。戰而不利。凡此六者地之道也。將之至任不可不察也。故兵有走者有弛者有陷者有崩者有亂者有北者。凡此六者非天地之災將之過也。夫勢可以一擊十。曰走。卒強吏弱曰弛。吏強卒弱曰陷。大吏怒而不服遇敵懟而自戰。將不知其能曰崩。將弱不嚴教道不明吏卒無常陳兵縱橫曰亂。將不能料敵以少合衆弱擊強兵無選鋒曰北。凡此六者敗之道也將之至任不可不察也。夫地

形者兵之助也。料敵制勝計險阨遠近上將之道也。知此而用戰者必勝。不知此而用戰者必敗。故戰道必勝。主曰無戰必戰可也。戰道不勝。主曰必戰無戰可也。故進不求名退不避罪。唯民是保而利於主國之寶也。視卒如嬰兒。故可與之赴深谿。視卒如愛子。故可與之俱死。愛而不能令。厚而不能使。亂而不能治。譬如驕子。不可用也。知吾卒之可以擊而不知敵之不可擊。勝之半也。知敵之可擊而不知吾卒之不可以擊。勝之半也。知敵之可擊。知吾卒之可以擊。而不知地形之不可以戰。勝之半也。故知兵者動而不迷。舉而不窮。故曰知彼知



已勝乃不殆。知天知地勝乃可全。其九地篇曰。用兵之法。有散地。有輕地。有爭地。有交地。有衢地。有重地。有圯地。有圍地。有死地。諸侯自戰其地者爲散地。入人之地而不深者爲輕地。我得亦利。彼得亦利者爲爭地。我得亦利。彼可以來者爲交地。諸侯之地三屬。先至而得天下之衆者爲衢地。入人之地深。背城邑之多者爲重地。山林險阻。沮澤。凡難行之道者爲圯地。所繇入者隘。所從歸者迂。彼寡可以擊吾之衆者爲圍地。疾戰則存。不疾戰則亡者爲死地。是故散地則無戰。輕地則無止。爭地則無攻。交地則無絕。衢地則合交。重地則掠。圯地則

行。圍地則謀。死地則戰。古之善用兵者。能使敵人前後不相及。衆寡不相恃。貴賤不相救。上下不相收。卒雖而不集。兵合而不齊。合於利而動。不合於利而止。敢問。敵衆整而將來。待之若何。曰。先奪其所愛。則聽矣。兵之情。主速。乘人之不及。孫不虞之道。攻其所不戒也。凡爲客之道。深入則專。主人不克。掠於饒野。三軍足食。謹養而勿勞。并氣積力。運兵計謀。爲不可測。投之無所往。死且不北。死焉不得。士人盡力。兵士甚陷。則不懼。無所往則固。入深則拘。不得已則鬪。是故其兵不脩而戒。不求而得。不約而親。不令而信。禁祥去疑。至死無所之。吾士無



餘財。非惡貨也。無餘命。非惡壽也。令發之日。士卒坐者涕霑襟。偃卧者涕交頤。投之無所往。諸劒之勇也。故善用兵者。譬如率然。率然者。常山之蛇也。擊其首則尾至。擊其尾則首至。擊其中則首尾俱至。敢問。可使如率然乎。曰。可。夫吳人與越人相惡也。當其同舟濟而遇風。其相救也如左右手。是故方馬埋輪。未足恃也。齊勇若一。政之道也。剛柔皆得。地之理也。故善用兵者。携手若使一人。不得已也。將軍之事。靜以幽。正以治。能愚士卒之耳目。使之無知。易其事。革其謀。使人無識。易其居。迂其途。使人不得慮。帥與之期。如登高而去其梯。帥與之深。

入諸侯之地而發其機。若驅羣羊。驅而往。驅而來。莫知所之。聚三軍之衆。投之於險。此將軍之事也。九地之變。屈伸之利。人情之理。不可不察也。凡爲客之道。深則專。淺則散。去國越境而師者。絕地也。四通者。衢地也。入深者。重地也。入淺者。輕地也。背固則隘者。圍地也。無所往者。死地也。是故。散地。吾將一其志。輕地。吾將使之屬。爭地。吾將趨其後。交地。吾將謹其守。衢地。吾將固其結。重地。吾將繼其食。圯地。吾將進其途。圍地。吾將塞其闕。死地。吾將示之以不活。故。兵之情。圍則禦。不得已。則闔。過則從。是故。不知諸侯之謀者。不能豫交。不知山林險阻。



沮澤之形者。不能行軍。不用鄉導者。不能得地利。五者  
一不知。非霸王之兵也。夫霸王之兵。伐大國。則其衆不  
得聚。威加於敵。則其交不得合。是故。不爭天下之交。不  
養天下之權。信已之私。威加於敵。故其城可拔。其國可  
隳。施無法之賞。懸無政之令。犯三軍之衆。若使一人。犯  
之以事。勿告以言。犯之以利。勿告以害。投之亡地。然後  
存。陷之死地。然後生。夫衆陷於害。然後能爲勝敗。故爲  
兵之事。在順詳敵之意。并敵一向。千里殺將。是謂巧能  
成事。是故。政舉之日。夷關折符。無通其使。厲於廊廟之  
上。以誅其事。敵人開闔。必亟入之。先其所愛。微與之期。

踐墨隨敵。以決戰事。是故始如處女。敵人開戶。後如脫兔。敵不及拒。其火攻篇曰。凡火攻有五。一曰火人。二曰火積。三曰火庫。四曰火隊。行火必有因。烟火必素具。發火有時。起火有日。時者天之燥也。日者月在箕壁翼軫也。凡此四宿者。風起之日也。凡火攻必因五火之變而應之。火發於內。則早應之於外。火發而其兵靜者。待而勿攻。極其火力。可從而從之。不可從則止。火可發於外。無待於內。以時發之。火發上風。無攻下風。晝風久。夜風止。凡軍必知五火之變。以數守之。故以火佐攻者明。以水佐攻者強。水可以絕。不可以奪。夫戰勝攻



取而不脩其功者凶。命曰費留。故明主慮之。良將脩之。  
非利不動。非得不用。非危不戰。主不可以怒而興師。將  
不可以愠而致戰。合於和而動。不合於利而止。怒可以  
復喜。愠可以復悅。亡國不可以復存。死者不可以復生。  
故明君慎之。良將警之。此安國全軍之道也。其用間篇  
曰。興師十萬。出征千里。百姓之費。公家之奉。日費千金。  
內外騷動。怠於道路。不得操事者。七十萬家。相守數年。  
以爭一日之勝。而愛爵祿百金。不知敵之情者。不仁之  
至也。故明君賢將。所以動而勝人。成功出於衆者。先知  
也。先知者。不可取於鬼神。不可象於事。不可驗於度。少

取於人。知敵之情者也。故用間有五。有因間。有內間。有反間。有死間。有生間。五間俱起。莫知其道。是謂神紀。人君之寶也。因間者。因其鄉人而用之。內間者。因其官人而用之。反間者。因其敵間而用之。死間者。爲誑事於外。令吾間知之。而傳於敵間也。生間者。反報也。故三軍之事。莫親於間。事莫密於間。非聖智不能用間。非仁義不能使間。非微妙不能得間之實。微哉微哉。無所不用間也。間事未發而先聞者。間與所告者皆死。凡軍之所欲擊。城之所欲攻。人之所欲殺。必先知其守將。左右。謁者。門者。舍人之姓名。令吾間必索知之。必索敵間之來間。



我者。因而利之。導而舍之。故反間可得而用也。鄉間內  
間可得而使也。死間爲誑事。可使告敵。生間可使之如  
期也。五間之事。主必知之。知之必在於反間。故反間不  
可不厚也。昔殷之興也。伊摯在夏。周之興也。呂牙在殷。  
故明君賢將。能以上智爲間者。必成大功。此兵之至要。

三軍所恃而動也。

武以兵法見於吳王闔廬。闔廬曰。子之十三篇。吾盡觀之矣。可以小試。

兵乎。對曰。可。可試以婦人乎。曰。可。於是吳王出宮女百八十人。試勒兵。孫子分二隊令之。以王寵姬二人爲隊長。皆持戟。令曰。汝知而心與左右手乎。曰。知之。孫子曰。前則視心。左視左手。右視右手。後視背。皆應曰。諾。令旣布。乃設鉞鉞。三令五申之。於是鼓之。右婦人大笑。孫子曰。約束不明。申令不熟。將之罪也。復令之。而鼓之。左婦人復大笑。孫子曰。約束不明。申令不熟。將之罪也。令旣已明。而士不如。吏士之罪也。乃欲斬左右隊長。吳王

從臺上觀見。且斬愛姬。大駭。亟下令救之。孫子曰。臣旣已受命爲將。將在軍。君命有不受。遂斬隊長二人以徇。用其次二人爲隊長。於是復鼓之。而婦人左右前後斲起。皆中律。於是闔廬知孫子善用兵。卒以爲將。凡闔廬破楚入郢。北威齊晉。顯名諸侯。孫子有力焉。其後世有孫臏。孫臏與龐涓俱學兵。龐涓消事魏爲將軍。自以能不及孫臏。忌之。乃召至。則以澠刑斷其兩足而黥之。令終身廢棄。齊使者竊載以歸。田忌客之。進之威王。威王以爲師。其後魏伐趙。趙急請救。威王欲以臏爲將。臏辭謝曰。刑餘之人。不可。乃使田忌將。而孫子爲師。坐輜車中。爲計謀。忌欲引兵之趙。孫子曰。夫解雜亂糾紛者。不控拳。救閭者。不搏械。批亢擣虛。形格勢禁。則自爲解耳。今梁之輕兵。銳卒。竭於外。而老弱疲於內。若引兵疾走其都。彼必釋趙而自救。是我一舉解趙之圍。而收弊於魏也。忌從之。大敗梁軍。後魏與趙伐韓。韓請救。成侯鄒忌曰。勿救。田忌曰。不救韓。且折而入於魏。必蚤救之。孫子曰。夫韓魏之兵。未弊而救之。是吾代韓受魏之兵。顧反聽命於韓也。且魏有破國之志。韓見亡。必東面而嚮於齊。吾因深結韓之親。而晚承魏之弊。則可以受重利而得尊名也。王曰。善。陰許韓使而遣之。韓恃齊。五戰不勝。



而東委國於齊。齊起兵以救韓。直走魏都。龐涓聞之。去韓而歸齊。既過而西矣。魏人大發兵。使太子申將禦齊師。孫子曰。彼三晉之兵。素悍勇而輕齊。齊號爲怯。善戰者。因其勢而利導之。兵澶百里而趨利者。蹶上將。五十里趨利者。軍半至。乃使齊軍入魏地。爲十萬竈。明日爲五萬竈。又明日爲二萬竈。龐涓行三日。大喜曰。我固知齊軍怯。入吾地三日。士卒亡者過半矣。乃棄其步軍。率輕銳倍日并行逐之。孫子度其暮。當至馬陵。馬陵道陁。而旁多阻隘。可伏兵。乃斫大樹。白而書之曰。龐涓死此樹下。令萬弩夾道而伏。期日暮。見火舉而發。涓果夜至。見白書。乃鑽火燭之。讀未畢。萬弩俱發。魏師大亂。涓自刎死。齊乘勝大敗魏軍。虜太子申以歸。

趙奢者。趙之田部吏也。收租稅而平原君家不肯出。奢以澠治之。平原君以爲賢。言之王。秦伐韓。軍闕與。王召廉頗而問曰。可救不。對曰。道遠險狹難救。又召樂乘而問焉。乘對如頗言。又召問趙奢。奢對曰。道遠險狹。譬猶兩鼠鬪於穴中。將勇者勝矣。王乃令奢將救之。去邯鄲三十里而軍。令軍中曰。有以軍事諫者死。秦軍軍武安西。鼓譟勒兵。武安屋瓦盡振。軍中候有一人言急救武安。趙奢立斬之。堅壁留二十八日不行。復益增壘。秦間

來奢善飲食而遣之。間以報秦將。秦將大喜曰。夫去國三十里而軍不行。乃增壘。闕與非趙地也。趙奢既以遣秦問。則卷甲而趨之。二日一夜至去闕與五十里而軍。軍壘成。秦人悉甲而至。軍士許歷請諫。趙奢曰。內之。許歷曰。秦人卒不意趙師至此。其來氣盛。必厚集其陳以待之。趙奢曰。謹受令。許歷曰。請受缺質之誅。趙奢曰。胥後令。至邯鄲。許歷復請諫曰。先據北山上者勝。奢立發萬人趨之。秦兵後至。爭山不得上。奢縱擊大破之。秦軍走。解闕與之圍而歸。趙惠文王賜奢號爲馬服君。以許歷爲國尉。

論曰。春秋之師命。蓋先王之邊也。戰而猶有禮焉。逮戰國而師命亡。用民如草芥。不啻矣。彼善於此。其惟奢牧乎。蓋師猶之律也。乃起翦服上刑矣。牧事見戊狄志

○伯夷叔齊。孤竹君之二子也。父欲立叔齊。及父卒。叔齊讓伯夷。伯夷曰。父命也。遂逃去。叔齊亦不肯立而逃。



之。國人立其中子。於是伯夷叔齊聞西伯昌善養老歸  
焉。西伯卒。世子東伐紂。伯夷叔齊叩馬而諫。左右欲兵  
之。太公曰。此義人也。扶而去之。武王已平殷亂。天下宗  
周。伯夷叔齊耻之。義不食周粟。隱於首陽山。采薇而食  
之。作歌曰。登彼西山兮。采其薇矣。以暴易暴兮。不知其  
非矣。神農虞夏。忽焉沒兮。我安適歸矣。于嗟徂兮。命之  
衰矣。遂餓死於首陽山。孔子所謂求仁得仁者也。以下  
篤行  
延陵季子者。吳王壽夢季子扎也。王壽夢賢扎。欲立之。  
扎辭。乃立長子諸樊。諸樊既除喪。致國於季子。又辭。棄  
其室而耕。諸樊曰。今驟而予季子國。季子終不受也。請

無與子而與弟。弟兄迭爲君而致國。國必及季子。季子  
無容辭矣。於是餘祭餘昧立。欲以次及札。餘昧死而札  
竟辭立。以亂。君子曰。是有吳者之罪也。定于立長。則諸  
樊可也。定於立賢。則季子可也。欲兄弟相及而致國。是  
基亂之道也。季子嘗聘於諸侯。至魯。見叔孫穆子。說之。  
謂穆子曰。子好善而不能擇人。吾聞君子務在擇人。子  
爲魯宗卿。而任其大政。不慎舉。何以堪之。請觀於周樂。  
使工爲之歌。周南召南。曰美哉。始基之矣。猶未也。然勤  
而不怨矣。爲之歌。抑鄘衛。曰美哉。淵乎。憂而不困者也。  
吾聞衛康叔武公之德如是。是其衛風乎。爲之歌。王曰。



美哉思而不懼其周之東乎。爲歌鄭曰美哉其細已甚。  
民弗堪也。是其先亡乎。爲歌齊曰美哉泱泱乎大風也。  
哉表東海者其太公乎。國未可量也。爲歌豳曰美哉蕩  
乎樂而不淫。其周公之東乎。爲歌秦曰此謂夏聲夫能  
夏則大大之至也。其周之舊乎。爲歌魏曰美哉沝沝乎。  
大而婉儉而易行。以德輔之則明王也。爲歌唐曰思深  
哉其陶唐氏之遺民乎。何憂之遠也。爲歌陳曰國無主。  
其能久乎。自鄆以下無譏焉。爲歌小雅曰美哉思而不  
貳怨而不言。其周德之衰乎。猶有先王之遺民焉。爲歌  
大雅曰廣哉熙熙乎。曲而有直體。其文王之德乎。爲歌

頌曰。至矣哉。直而不倨。曲而不屈。邇而不倂。遠而不攜。遷而不淫。復而不厭。衰而不愁。樂而不荒。用而不匱。廣而不宣。施而不費。取而不貪。處而不底。行而不流。五聲和八風。平節有度。守有序。盛德之所同也。見舞象箚南籥者。曰美哉。猶有憾。見舞大武者。曰美哉。周之盛也。若此乎。見舞韶濩者。曰聖人之弘也。而猶有慙德。聖人之難也。見舞大夏者。曰美哉。勤而不德。非禹其誰能脩之。見舞韶箚者。曰德至矣哉。大矣。如天之無不幬也。如地之無不載也。雖甚盛德。蔑以加此矣。觀止矣。若有他樂。吾不敢請矣。聘于齊。說晏平仲。謂之曰。子速納邑。無邑。



與政。乃免於難。晏子因陳桓子以納邑與政。以免於樂。  
高之難。聘於鄭。見子產如舊相識。與之縞帶。子產獻紵。  
衣焉。謂子產曰。鄭執政侈。難將至矣。政必及子。子爲政。  
慎之以禮。不然。鄭國將敗。適衛。說蘧瑗。史鮒。公子荆。公。  
叔發。公叔文子曰。衛多君子。未有患也。自衛如晉。將宿於戚。  
聞鍾聲。孫林父在戚曰。異哉。夫子獲罪於君。以在此。懼猶不。  
足。而又何樂。夫子之在此也。猶燕之巢於幕上也。君又。  
在殯。可以樂乎。遂去之。適晉。說趙文子。韓宣子。魏獻子。  
曰。晉國其萃於三家乎。說叔向。謂之曰。子勉之。君侈而。  
國多。民大夫皆富。政將在家。吾子好直。必思自免於難。

季子初使北。過徐。徐君見季子劍。欲之。弗敢言。季子心知之。爲使上國。未獻也。還至徐。徐君已死。於是乃解其劍。繫徐君冢木而去。從者曰。徐君已死。子尚誰遺乎。季子曰。不然。始吾心已許之。豈以死而倍吾心哉。其喪子將葬之。羸博之間。孔子聞之。曰。延陵季子。吳之習於禮者也。往而觀其葬焉。其坎深不至於泉。其斂以時服。旣葬而封。廣輪揜坎。其高可隱也。旣封。左袒。右還。其封且號者三。曰。骨肉歸復於土。命也。若魂氣則無不之也。無不之也。而遂行。孔子曰。延陵季子之於禮也。合夫。先是魯宣公有弟曰叔聃。宣與弑而非之。或曰。胡不去也。曰。



兄弟也。何去如之。與之田。不受。與之財。曰。我足矣。織屨而食。終身不食宣公之食。君子以是爲通於恩也。以取貴於春秋。書公弟叔盼卒。贊之也。曹宣公有庶子曰欣。字子臧。宣公會晉伐秦。卒於師。公子負芻殺太子而自立。爲成公。子臧不義也。將亡之。畱焉。乃反而致其邑。明年。晉執成公。將見子臧於王而立之。子臧辭曰。前志有之。聖達節。次守節。下失節。爲君非吾節也。雖不能聖。敢忘守乎。亡之宋。及成公反國。盡致其邑與鄉。而終身不仕。

○鄭公孫黑肱者。鄭公子孔孫也。有疾。歸邑于公。召室

老宗人立段而黜官。薄祭祭以特羊。殷以少牢。曰。吾聞之。生於亂世。貴而能貧。民無求焉。可以後亡。敬共事君。與二三子。生在敬。戒不在富也。伯張卒。君子曰。善戒。以下

行義

○甯嬴。晉逆旅大夫也。晉陽處父聘于衛。反過甯。甯嬴悅陽子而從之。及溫而還。其妻問之。嬴曰。以剛。商書曰。沈潛剛克。高明柔克。夫子壹之。其不沒乎。天爲剛德。猶不干時。況在人乎。且莠而不實。怨之所聚也。犯而聚怨。不可以定身。予懼不獲其利而離其難。是以去之。明年晉殺其大夫陽處父。



○越石甫齊人也。壘於晉。披裘負芻。息於途。晏子之晉。見之。以爲君子也。使人問焉。對曰。齊人之壘也。晏子解左驂而贖之。載與俱歸。至舍。不辭而入。越石甫請絕。晏子攝衣冠謝之。曰。嬰未嘗得交也。免于於患。子何求絕之速也。越石甫曰。吾聞君子訓於不知已者。而信於知己者。方吾在縲紲之中。彼不我知也。夫子旣以贖我。是知我也。知我而無禮。固不如在縲紲之中。晏子起謝。過。遂禮以爲上客。

○介子推。晉人也。晉文公反國。賞從亡者。及功臣。大者封邑。小者尊爵。推不言祿。祿亦不及。推曰。獻公子九人。

唯君在矣。惠懷無親。內外棄之。天未絕晉。必將有主。主  
晉祀者。非君而誰。天實開之。二三子以爲已力。不亦誣  
乎。竊人之財。猶謂之盜。况貪天之功。以爲已力乎。下冒  
其罪。上賞其姦。上下相蒙。難與處矣。其母曰。盍亦求之。  
以死誰對。推曰。尤而效之。罪有甚焉。母曰。使知之若何。  
對曰。言身之文也。身欲隱矣。安用文之。文之。是求顯也。  
其母曰。能如此乎。與女偕隱。至死不復見。後文公圖其  
功。使召之。則亡矣。求所在。聞入綿上山中。於是環縣上  
山中而封之。以爲介推田。號曰介山。以記吾過。且旌善  
人。



○魯仲連齊人也。好奇偉倜儻之畫策。持高節而不肯仕。宦任職。游於趙。秦圍趙邯鄲。魏使新垣衍至趙。欲尊秦爲帝。冀緩兵。魯仲連聞之。往見平原君曰。梁客安在。吾請爲君責而歸之。平原君見之。新垣衍曰。吾視居此圍城之中者。皆有求平原君者也。今吾觀先生之玉貌。非有求於平原君者也。曷爲久居此圍城之中而不去。魯仲連曰。世以鮑焦爲無從容而死者。非也。衆人不知。則爲一身。彼秦棄禮義而上首功之國也。權使其士。虜使其民。彼即肆然而爲帝。爲政於天下。則連有蹈東海而死耳。不忍爲之民也。新垣衍曰。先生獨不觀夫僕乎。

十人而從一人者。寧力不勝而智不若耶。畏之也。今諸  
侯之於秦。畏之矣。魯仲連曰。嗚呼。子信以爲梁之比於  
秦若僕耶。齊湣王將之魯。夷維子執策而從。謂魯人曰。  
子安取禮而來吾君。吾君天子也。天子巡狩。諸侯避舍。  
納莞簟。納衽抱几。視膳於堂下。天子已食。乃退而聽朝。  
魯人投簟。不果納。將之薛。假途於鄒。鄒君死。湣王欲入  
弔。夷維子謂鄒人之孤曰。天子弔。主人必將倍殯棺。設  
北面位於南方。鄒羣臣曰。必若此。吾將伏劍而死。因不  
敢入於鄒。今秦萬乘之國也。梁亦萬乘之國也。俱據萬  
乘之國。各有稱王之名。賭其一戰而勝。欲遂從而帝之。



是三晉之大臣。不如鄒魯之僕妾也。且秦無已而帝。必且變易諸侯之大臣。奪其所不肖。而與其所賢。奪其所憎。而與其所愛。彼又將使其子女讒妾。爲諸侯妃姬。處梁之宮。梁王安得晏然而已乎。而將軍又何以得故寵矣。於是新垣衍起再拜謝曰。吾乃今日知先生爲天下之士也。吾請出。不敢復言帝秦。秦將聞之。爲却軍五十里。會魏公子無忌救趙。却秦軍。秦遂引去。於是平原君欲封魯連。魯連終不肯受。置酒。酒酣。起前。以千金爲魯連壽。魯連笑曰。所貴於天下之士者。爲人排患釋難。解紛亂而無取也。卽有取者。是商賈之事。連不忍爲也。遂

辭平原君而去之。終身不復見。

○欒共子。晉大夫欒成也。曲沃武公之入晉也。止欒共子無死。曰。吾以子見天子爲上卿。制晉國之政。辭曰。成聞之。民生於三事之如一。惟其所在。則致死焉。父生之。師教之。君食之。非父不生。非食不長。非教不知。生之族也。故壹事之。報生以死。報賜以力。人之道也。成敢以私利廢人之道。且君知成之從也。未知其待於曲沃也。從君而貳君焉。用之。遂死之。以下忠節。

○王蠋。齊畫邑人也。樂毅破齊。聞蠋賢。令軍中環畫三十里。無入。使人請蠋不往。燕人曰。不來。吾且屠畫。蠋曰。



吾聞忠臣不事二君。烈女不更二夫。齊王不用吾諫。吾退耕於野。國破君亡。吾不能存。而又欲劫之以兵。與其不義而生。不若死。遂自經死。

○狼瞫。晉人也。戰於殽。獲秦囚。晉襄公使右萊駒斬之。囚呼失戈。狼瞫奮戈遂斬囚。公以爲右。箕之役。先軫黜之。而立簡穀伯。狼瞫怒。其友曰。死。瞫曰。吾未獲死所。其友曰。吾爲汝發難。瞫曰。志有之。勇而害上。不登於明堂。共用之。謂勇。死而不義。非勇也。非勇而黜。乃宜知我矣。子姑待之。戰彭衙。旣陳。以其屬馳秦師。死焉。晉師從之。大敗秦師。君子謂狼瞫於是乎君子。怒不作亂。而以從師。可謂君子矣。獨行。

○先軫。晉大夫也。代卻縠將中軍。敗楚城濮。合盟踐土。文公薨。子墨與戎敗秦師于殽。皆軫本謀。殽之役。文嬴請秦二帥而免之。先軫怒曰。武夫力而拘諸原。婦人暫而免諸國。墮軍實。而長寇讎。亡無日矣。朝不顧而噍。旣而悔之。戰于箕。先軫曰。人臣逞志於君而無討。敢不自討乎。免胄入狄師。死焉。狄人歸其元。面如生。

○程嬰者，晉大夫趙朔之友。公孫杵臼者，其客也。晉屠岸賈有寵於靈公，景公時爲司寇，將作亂，乃追治靈公之賊，以致趙盾、獬諸將。盾爲賊首，以臣弑君，子孫在朝，何以爲後？韓厥曰：「靈公遇賊，盾實在外，吾先君以爲無罪，釋不誅。今諸君誅其後，非先君之意，是謂妄誅。」妄誅謂之亂臣。且舉大事而君不聞，是無君也。屠岸賈不聽，遂攻滅趙氏。趙朔妻成公姊也，有遺腹，走公宮而匿。於是公孫杵臼謂程嬰曰：「朔不死乎？」嬰曰：「朔之婦有遺腹，昔幸而男，吾奉之，即女也。吾徐死耳。」居無何而朔婦生男，屠岸賈索之宮中。夫人置兒絁中，祝曰：「趙宗滅乎？若號，即不滅；若無聲，反索兒。」竟無聲。程嬰謂杵臼曰：「一索不得，後且復，必復索。奈何？」杵臼謂嬰曰：「立孤與死孰難？」嬰曰：「死易，立孤難耳。」杵臼曰：「趙氏先君遇子厚，子勉爲其難者，吾爲其易者。」乃二人謀取他人嬰兒，杵臼負之，衣文祿，匿山中。程嬰出，謬謂諸將曰：「嬰不肖，不能立趙孤，能與我千金，吾告趙孤處。」諸將喜，許之，發師隨程嬰攻公孫杵臼。杵臼謬曰：「小人哉程嬰！若下宮之難，不能死，今又覆趙孤，抱兒呼曰：『天乎！天乎！』趙孤何罪？請活之。」獨殺杵臼。諸將不許，皆被殺。諸將以爲趙孤良死，皆喜。然趙真孤乃在程嬰與居匿山中，以居。後十五年，



韓厥言於公曰成季之勲宣孟之忠而無後爲善者懼矣請立趙後乃止武復田邑如故於是程嬰乃言曰昔下宮之難皆能死我非不能思立趙氏後今趙氏立我將下報宣孟與公孫杵臼遂自殺趙武爲之服齊衰三年

○諫讓晉人也故宣事范中行氏而無所知名去而事智伯智伯尊用之及趙襄子滅智氏怨智伯漆其頭以爲飲罷讓遁逃山中曰嗟乎士爲知己者死智伯知我我爲報讎而死則意魄不恨矣乃變姓名爲刑人挾匕首入襄子宮中塗廁欲以刺襄子襄子如廁心動索之則讓也徒服而裹持兵左右欲殺之襄子曰智伯死無後而此人欲爲之報讐真義士也吾謹避之耳釋之去居頃之讓漆身爲癩吞炭爲啞使形狀不可識行乞於市其妻不識也其友識之爲之泣日以子之才委質而臣趙孟趙孟必近幸子子乃爲所欲爲顧不易耶何乃自苦如此讓曰委質爲臣而求殺之是二心也凡吾所以爲此者將以愧天下後世之爲人臣而懷二心者也後又伏於橋下欲殺襄子襄子至橋馬驚曰必諫讓也問之果然於是襄子數之曰子不韋事范中行乎智伯滅之子不爲報讐反臣事之今智伯死獨何以爲報讐

之深也。豫讓曰：臣事范中行氏，范中行氏以衆人畜我，我故衆人報之。智伯以國士遇我，我故國士報之。襄子謂然，嘆息而泣，曰：嗟乎！豫子，子之爲智伯，名旣成矣，襄人赦子，亦足矣。子其自爲計。豫讓曰：臣聞明主不掩人之美，而忠臣有死君之義。前君已寬赦臣，天下莫不稱君之賢。今臣固伏誅，然願誦君之衣而擊之，致報讐之意，死不恨矣。非所敢望也。取布腹心，襄子解衣，乃使人持與豫讓。讓拔劍三躍擊之，曰：吾可以下報智伯矣。遂伏劍死。趙國志士聞之，皆爲涕泣焉。

○縮高，安陵人也。子仕秦，守管。信陵君攻之不下，使人召高，將以爲五大夫執節尉，而攻管。高對曰：父攻子守，人之所笑也。見臣而下，是倍主也。父教子倍，何以事君？敢辭。信陵君怒，謂安陵君必生束縮高而致之。不然，無忌將率十萬之師以造城下。安陵君曰：吾先君成侯受詔，襄王以守此城也。手受太府之憲，其上篇曰：子弑父，臣弑君，有常無赦。國雖大赦，降城亡子，不得與焉。今縮高辭大位，以全父子之義，而君曰必生致之，是使我負襄王之詔，而廢太府之憲也，不可。縮高聞之，曰：信陵爲人悍猛自用，此辭反必爲國禍。吾已全矣，無違人臣之義矣。豈可使吾君有魏患乎？乃之魏，使者舍，刎頸而死。



信陵君聞之、竊素辟舍、而遣使謝安陵君、

百史上編卷之八終













函史上編卷之九上

明肝江鄧元錫纂

周末諸子傳

老子。周人也。姓李。名耳。字伯陽。謚曰聃。周守藏史也。所貴道虛無。因應變化於無爲。孔子適周。從問禮焉。老子謂之曰。子所言者。其人與骨皆已朽矣。獨其言在耳。且君子得其時則駕。失其時則蓬累而行。吾聞之。良賈深藏若虛。君子盛德容貌若愚。去子之驕氣。與多慾態。色與淫志。是皆無益於子之身。吾所以告子。若是而已。孔子去。謂弟子曰。鳥吾知其能飛。魚吾知其能游。獸吾知



其能走。走者可以爲網。游者可以爲綸。飛者可以爲繒。至於龍。吾不知其乘風雲而上天。今見老子。其猶龍耶。蓋老子修道德。無爲自化。清靜自正。故聖人歎之。老聃之徒。有庚桑楚者。偏得老聃之道。以北居畏壘之山。語其徒南榮趺者。全形抱生之道而惑。庚桑子曰。辭盡矣。曰。奔蜚不能化。霍蠲越鷄不能伏。鵠卵魯鷄固能之矣。鷄與鷄。其德非不同也。有能與不能者。其才固有巨小也。今吾才小。不足以化。子子胡不南見老子。南榮趺羸糧七日七夜。至老子之所。老子曰。子自楚之所來乎。南榮趺曰。唯。老子曰。子何與人偕來之衆也。機語南榮趺矍

然顧其後。老子曰。子不知吾所謂乎。南榮趺俯而慙。仰而歎曰。今者吾忘吾答。因失吾問。老子曰。何謂也。南榮子曰。不知乎。人謂我朱愚。知乎。反愁我軀。不仁則害人。仁則反愁我身。不義則傷彼義。則反愁我已。我安逃此而可。老子曰。向吾見若於眉睫之間。吾因以得汝矣。今又因汝言而信之。若規規然若喪父母。揭竿而求諸海也。汝亡人哉。惘惘乎。汝欲反汝情性而無繇入。可憐哉。南榮子請入就舍。召其所好。去其所惡。十日自愁。復出見老子。老子曰。汝自灑濯。孰哉。鬱鬱乎。然而其中津津乎。猶有惡也。夫外韞者。不可繁而捉。將內捷。內韞者。不



可繆而捉將外捷。外內獲者。道德不能持。而况放道而  
行者乎。南榮子曰。越之聞大道。譬猶飲藥以加病也。越  
願聞衛生之經而已矣。老子曰。衛生之經。能抱一乎。能  
勿失乎。能無卜筮而知吉凶乎。能止乎。能已乎。能舍諸  
人而求諸已乎。能脩然乎。能侗然乎。能兒子乎。兒子終  
日嗥而嗑不啜。和之至也。終日握而手不掬。其其德也。  
終日視而目不矜。偏不在外也。行不知所之。居不知所  
爲。與物委蛇而同其波。是衛生之經已。南榮子曰。是至  
人之德已乎。曰。非也。是所謂冰解凍釋者。夫至人者。相  
與交食乎地。而交樂于天。不以入物利害相撓。不相與

爲怪不相與爲謀。不相與爲事。脩然而往。侗然而來。是  
衛生之經已。曰至乎。曰未也。知止乎。其所不能知至矣。  
有實而無乎處。有長而無乎本。剝有實而無乎處者。宇  
也。有長而無本。剝者。宙也。有乎生。有乎死。有乎出。有乎  
入。入出而無見其形。是謂天門。天門者。無有也。萬物出  
乎無有。物不能以有爲。有必出乎無有。而無有一無有。  
聖人藏乎是。楊朱南之沛。遇老子於梁郊。老子中道仰  
天而歎曰。吾始以汝爲可教。今不可教也。朱至舍。進盥  
櫛。脫屣戶外。膝行而前。以請過。老子曰。而睢睢而盱盱  
而誰與居。大白若辱。盛德若不足。楊朱曰。敬聞命矣。其



往也。家公執席。妻執巾櫛。舍者避席。煬者避竈。其反也。  
舍者與爭席焉。居久之。老子見周衰。乃遂去。至關關令。  
尹喜迎而請曰。子將隱矣。強爲我著書。於是老子著書。  
八十一篇。言道德之意。五千餘言。其書曰。道可道。非常  
道。名可名。非常名。無名。天地之始。篇有名。萬物之母。無常  
故常無欲。以觀其妙。常有欲。以觀其徼。此兩者同出而  
異名。同謂之玄。玄之又玄。衆妙之門。章第一天下皆知美  
之爲美。斯惡美。皆知善之爲善。斯不善已。故有無相生。  
雖易相成。長短相形。高下相傾。音聲相和。前後相隨。雖  
是以聖人處無爲之事。行不言之教。萬物作而不辭。生

而不有爲而不恃。功成而弗居。夫唯弗居。是以不去。

章不尚賢。使民不爭。不貴難得之貨。使民不爲盜。不見

可欲。使心不亂。是以聖人虛其心。實其腹。弱其志。強其

骨。常使民無知。無欲。使夫智者不敢爲。爲無爲。則無不

治。章第三道。冲而用之。或不盈。淵乎似萬物之宗。挫其銳。

解其紛。和其光。同其塵。湛兮其若存。吾不知誰之子。象

帝之先。章第四天地不仁。以萬物爲芻狗。聖人不仁。以百

姓爲芻狗。天地之間。其猶橐籥乎。章常化虛而不屈。動而

愈出。多言數窮。不如守中。章第五谷神不死。是謂玄牝。玄

牝之門。是謂天地根。綿綿若存。用之不勤。章第六天長地



久。天地所以能長且久者。以其不自生。故能長生。聖人  
後其身而身先。外其身而身存。非以其無私耶。故能成  
其私。執上善。若水。水善利萬物而不爭。處衆人之所惡。  
故幾於道。居善地。心善淵。與善仁。言善信。政善治。事善  
能。動善時。夫唯不爭。故無尤。人持而盈之。不如其已。揣  
而銳之。不可長保。金玉滿堂。莫之能守。富貴而驕。自遺  
其咎。功成名遂。身退。天之道。執載營魄。抱一。神能無離。  
專氣致柔。能嬰兒。滌除玄覽。能無疵。愛民治國。能無爲。  
天門開闔。能無雌。明白四達。能無知。生之畜之。生而不  
有爲。而不恃長而不宰。是謂玄德。計三十幅。共一轂。

其無有車之用。埏埴以爲器。當其無有器之用。鑿戶牖以爲室。當其無有室之用。故有之以爲利。無之以爲用。  
○五色令人目盲。五音令人耳聾。五味令人口爽。馳騁田獵。令人心發狂。難得之貨。令人行妨。是以聖人爲腹不爲目。實腹故去彼取此。○寵辱若驚。貴大患若身。若汝身此寵辱爲患何謂寵辱？寵爲上。辱爲下。得之若驚。失之若驚。何謂貴大患？若身。吾所以有大患者。爲吾有身。及吾無身。吾有何患？何寵辱故貴以身爲天下。則可寄天下。愛以身爲天下。乃可託天下。公其身於天下。視天下爲寄託。則得失僮來。何驚何  
○視之不見。曰夷。聽之不聞。曰希。搏之不得。曰微。此



三者不可致詰。故混而爲一。在上不皦。在下不昧。繩繩不可名。復歸於無物。是謂無狀之狀。無象之象。是謂忽恍。迎之不見其首。隨之不見其後。執古之道。以御今之有。以知古始。是謂道紀。○古之善爲士者。微妙玄通。善深不可識。夫唯不可識。故強爲之容。豫兮若冬涉川。猶兮若畏四鄰。敬儼若客。無事渙若冰將釋。化敦兮其若樸。誠曠兮其若谷。虛渾兮其若濁。混同孰能濁以定。靜之徐清。孰能安以久。動之徐生。係此道者。不欲盈。夫唯不盈。故能不敝。不新成。○致虛極。守靜篤。萬物並作。吾以觀其復。夫物芸芸。各歸其根。歸根曰靜。靜曰復命。復命曰

常知常曰明。不知常。妄作凶。知常容。容乃公。公乃王。王  
乃天。天乃道。道乃久。沒身不殆。○太上不知有之。忘其  
次親之譽之。其次畏之。其下侮之。信不足。有不信。猶兮  
其貴言。功成事遂。百姓皆曰。我自然。帝力何有。○大道廢。有  
仁義。智慧出。有大僞。六親不和。有孝子。國家昏亂。有忠  
臣。絕聖棄智。民利百倍。絕仁棄義。民復孝慈。絕巧棄利。  
盜賊無有。此三者。以爲文不足。故令有所屬。見素抱樸。  
少私寡欲。○絕學無憂。唯之與阿。相去幾何。善之與惡。  
相去何若。人之所畏。不可不畏。荒兮其未央哉。衆人熙  
熙。如享大牢。如登春臺。醴我獨泊兮其未央。澹若嬰兒。



之未孩。乘乘兮若無所歸。衆人皆有餘。我獨若遺。我愚人之心也哉。沌沌兮。俗人昭昭。我獨若昏。俗人察察。我獨悶悶。忽兮若海。漂兮若無所止。衆人皆有以也。爲我獨頑且鄙。我獨異於人而貴食母。不離於宗○孔德之容。唯道是從。道之爲物。唯恍唯忽。忽兮恍兮。其中有象。恍兮忽兮。其中有物。窈兮冥兮。其中有精。其精甚真。其中有信。自古及今。其名不去。以閱衆甫。吾何以知衆甫之然哉。以此。○曲則全。枉則直。窪則盈。敝則新。少則得。多則惑。是以聖人抱一以爲天下式。不自見。故明。不自是。故彰。不自伐。故有功。不自矜。故長。夫唯不爭。故天下莫與之

乎。古之所謂曲則全者。言虛言哉。誠全而歸之。○希言

自然。

理本無言。

飄風不終朝。驟雨不終日。孰爲此者。天地天

地尚不能久。而況人乎。故從事於道者。同於道德者。同

於德。失者同於失。同於道者。道亦樂得之。同於德者。德

亦樂得之。同於失者。失亦樂得之。

獵較同曾人。

信不足焉。有

不信焉。○跛者不立。跨者不行。自見者不明。自是者不

彰。自伐者無功。自矜者不長。其於道也。曰。餘食贅行。物

或惡之。故有道者不處。○有物混成。先天地生。寂兮寥

兮。獨立而不改。周行而不殆。可以爲天下母。吾不知其

名字之曰道。強爲之名曰大。大曰逝。逝曰遠。遠曰返。故



道大。天大。地大。王亦入域中有四大。而王居其一焉。王  
法地。地法天。天法道。道法自然。○重爲輕根。靜爲躁君。  
是以聖人終日行。不離輜重。雖有榮觀。燕處超然。柰  
何萬乘之主。而以身輕天下。輕則失臣。躁則失君。○善  
行無轍迹。善言無瑕謫。善計不用籌策。善閉無關鍵。而  
不可開。善結無繩約。而不可解。是以聖人常善救人。故  
無棄人。常善救物。故無棄物。是謂襲明。故善人者不善  
人之師。不善人者善人之資。不貴其師。不愛其資。雖智  
大迷。是謂要妙。○知其雄。勸守其雌。爲天下谿。爲天  
下谿。常德不離。復歸於嬰兒。知其白。顯其黑。微爲天

下式爲天下式。常德不忒。復歸於無極。知其榮。其守其辱。其爲天下谷。爲天下谷。常德乃足。復歸於樸。樸散則爲器。聖人用之以爲官長。器故大智不割。○將欲取天下而爲之。吾見其不得已。天下神器。不可爲也。爲者敗之。執者失之。故物或行或隨。或呬或吹。或強或羸。或戴或隳。是以聖人去甚去奢去泰。○以道佐人主者。不以兵強天下。其事好還。師之所處。荆棘生焉。大軍之後。必有凶年。善者果而已。不敢以取強。果而勿矜。果而勿伐。果而勿驕。果而不得已。物壯則老。是謂不道。不道早已。○夫佳兵者。不祥之器。物或惡之。故有道者不處。君子



居則貴左。用兵則貴右。兵者不祥之器。不得已而用之。恬澹爲上。勝而不美。而美之者。是樂殺人也。夫樂殺人者。則不可以得志於天下。吉事尚左。凶事尚右。偏將軍居左。上將軍居右。以喪禮處之。殺人衆者。悲哀泣之。戰勝以喪禮處之。○道常無名。樸雖小。天下不敢臣。侯王若能守。萬物將自賓。天地相合。以降甘露。民莫之令而自均。始制有名。名亦既有。夫亦將知止。知止所以不殆。譬道之在天下。猶川谷之於江海。○知人者智。自知者明。勝人者有力。自勝者強。知足者富。強行者有志。不失其所者久。死而不亡者壽。○大道汜兮。其可左右。萬物

恃之而生而不辭。功成不名有。愛養萬物而不為主。常  
無欲。可名於小。萬物歸焉而不為主。可名爲大。是以聖  
人終不爲大。故能成其大。○執大象。天不往往而不害。  
安太平。樂與餌。過客止。道之出口。淡乎其無味。視之不  
足見。聽之不足聞。用之不可既。○將欲喻之。必固張之。  
將欲弱之。必固強之。將欲廢之。必固興之。將欲奪之。必  
固與之。是謂微明。柔弱勝剛強。魚不可脫於淵。國之利  
器。不可以示人。○道常無爲而無不爲。侯王若能守。萬  
物將自化。化而欲作。吾將鎮之以無名之樸。無名之樸。  
亦將不欲。不欲以靜。天下將自定。○上德不德。是以有



德下德不失德。是以無德。上德無爲而無以爲。下德爲之而有以爲。上仁爲之而無以爲。上義爲之而有以爲。上禮爲之而莫之應。則攘臂而仍之。故失道而後德。失德而後仁。失仁而後義。失義而後禮。禮者忠信之薄。而亂之首也。前識者。道之華。而愚之始也。是以大丈夫處其厚。不處其薄。居其實。不居其華。故去彼而取此。無爲○昔之得一者。天得一以清。地得一以寧。神得一以靈。谷得一以盈。萬物得一以生。侯王得一以爲天下貞。天無以清。將恐裂。地無以寧。將恐發。神無以靈。將恐歇。谷無以盈。將恐竭。萬物無以生。將恐滅。侯王無以貞。將恐蹙。

故貴以賤爲本。高以下爲基。是以侯王自謂孤寡不穀。此其以賤爲本也。非乎。故致譽無譽。數車無車。閱器之人非主韜不欲碌碌如石。珞珞如玉。○反者道之動。弱者道之用。天下萬物生於有。有生於無。○上士聞道。勤而行之。中士聞道。若存若亡。下士聞道。大笑之。不笑不足以爲道。明道若昧。進道若退。夷道若類。上德若谷。大白若辱。廣德若不足。建德若偷。質真若渝。大方無隅。大器晚成。大音希聲。大象無形。道隱無名。夫唯道。善貸且成。○道生一。一生二。二生三。三生萬物。萬物負陰而抱陽。坤氣以爲和。人之所惡。唯孤寡不穀。而王公以爲稱。故物或



損之而益。或益之而損。強梁者不得其死。吾將以爲教。  
父。○天下之至柔。馳騁天下之至堅。無有入無間。吾是  
以知無爲之有益。不言之教。無爲之益。天下希及之。○  
名與身孰親。身與貨孰多。得與亡孰病。甚愛必大費。多  
藏必厚亡。知足不辱。知止不殆。可以長久。○大成若缺。  
其用不敝。大盈若冲。其用不窮。大直若屈。大巧若拙。大  
辯若訥。躁勝寒。靜勝熱。○天下有道。却走馬以糞。天下  
無道。戎馬生於郊。罪莫大於可咎。欲莫大於欲得。禍莫  
大於不知足。故知足常足。○不出戶。知天下。不窺牖。見  
天道。其出彌遠。其知彌少。是以聖人不行而至。不見而

名不爲而成。○爲學日益。爲道日損。損之又損。以至於  
無爲。無爲而無不爲矣。故取天下者。常以無事。及其有  
事。不足以取天下。○聖人無常心。以百姓心爲心。善者  
吾善之。不善者吾亦善之。德善。信者吾信之。不信者吾  
亦信之。德信。聖人之在天下。怵怵爲天下。渾其心。百姓  
注其耳目。聖人皆孩之。○出生入死。生之徒十有三。死  
之徒十有三。民之生動而之死地。亦十有三。夫何故。以  
其生生之厚。蓋聞善攝生者。陸行不遇虎兇。入軍不被  
甲兵。兇無所投其角。虎無所措其爪。兵無所容其刃。夫  
何故。以其無死地。○道生之。德畜之。物形之。勢成之。是



以萬物莫不尊道而貴德。道之尊。德之貴。莫之命而常自然。故道生之。畜之。長之。育之。成之。熟之。養之。覆之。生而不有。爲而不恃。長而不宰。是謂玄德。○天下有始。以爲天下母。既得其母。以知其子。既知其子。復守其母。沒身不死。塞其兌。閉其門。終身不勤。開其兌。濟其事。終身不救。見小曰明。守柔曰強。用其光。復歸其明。無遺身殃。是謂襲常。○使我介然有知。行於大道。唯施是畏。大道甚夷。而民好徑。朝甚除。田甚蕪。倉甚虛。服文采。帶利劍。厭飲食。資財有餘。是謂盜誇。非道哉。○善建者不拔。善抱者不脫。子孫祭祀不輟。修之於身。其德乃真。修之於

家其德乃餘。修之於鄉。其德乃長。修之於邦。其德乃豐。  
 修之於天下。其德乃普。故以身觀身。以家觀家。以鄉觀  
 鄉。以邦觀邦。以天下觀天下。吾何以知天下之然哉。以  
 此。○含德之厚。比於赤子。毒蟲不螫。猛獸不攫。鸞鳥不  
 搏。骨弱筋柔而握固。未知牝牡之合而駿作。精之至也。  
 終日號而嗷不嗟。和之至也。知和曰常。知常曰明。○以  
 正治國。以奇用兵。以無事取天下。天下多忌諱而民彌  
 貧。人多利器。國家滋昏。民多技巧。奇物滋起。法令滋章。  
 盜賊多有。故聖人云。我無爲而民自化。我好靜而民自  
 正。我無事而民自富。我無欲而民自樸。○其政悶悶。其



民醇醇。其政察察。其民缺缺。禍兮福所倚。福兮禍所伏。孰知其極。正復爲奇。善復爲妖。民之迷。其日固久。是以聖人方而不割。廉而不剝。直而不肆。光而不耀。○治人事天莫如嗇。夫唯嗇。是謂早服。早服謂之重積德。重積德則無不克。無不克莫知其極。此謂深根固抵。長生久視之道。○治大國若烹小鮮。以道蒞天下。其鬼不神。非其鬼不神。其神不傷人。非神不傷人。聖人亦不傷神。夫兩不相傷。故德交歸焉。○大國者下流。天下之牝。常以靜勝牡。以靜爲下。故大國以下小國。則取小國。小國以下大國。則取大國。故或下以取。或下而取。大國不過欲

兼畜人。小國不過欲入事人。夫兩者各得其所欲。故大者宜爲下。○道者萬物之奧。善人之寶。不善人之所保。故立天子。置三公。雖有拱壁以先駟馬。不如坐進此道。古之所以貴此道者何也。不曰求以得。有罪以免耶。故爲天下貴。○爲無爲。事無事。味無味。圖難於其易。爲大於其細。天下難事必作於易。大事必作於細。是以聖人終不爲大。故能成其大。夫輕諾必寡信。多易必多難。是以聖人猶難之。故終無難。○其安易持。其未兆易謀。其脆易破。其微易散。爲之於未有。治之於未亂。合抱之木。生於毫末。九層之臺。起於累土。千里之行。起於足下。爲



者敗之。執者失之。聖人無爲。故無敗。無執。故無失。民之從事。常於幾成而敗。慎終如始。則無敗事。是以聖人欲不欲。不貴難得之貨。學不學。復衆人之所過。輔萬物之自然。而不敢爲。○古之善爲道者。非以明民。將以愚之。民之難治。以其智多。以智治國。國之賊。不以智治國。國之福。能知楷式。是謂玄德。玄德深矣。遠矣。與物反矣。乃至於大順。○江海所以能爲百谷王者。以其善下之。聖人欲上民。必以言下之。欲先民。必以身後之。是以聖人處上而民不重。處前而民不害。天下樂推而不厭。以其不爭。天下莫能與之爭。○我有三寶。保而持之。一曰慈。

二曰儉。三曰不敢爲天下先。慈故能勇。儉故能廣。不敢爲天下先。故能成器長。今舍慈且勇。舍儉且廣。舍後且先。死矣。夫慈以戰則勝。以守則固。天將救之。以慈衛之。○善爲士者不武。善戰者不怒。善勝者不爭。善用人者爲下。用兵有言。吾不敢爲主而爲客。不敢進寸而退尺。是謂行無行。攘無臂。仍無敵。執無兵。禍莫大於輕敵。輕敵幾喪吾寶。故抗兵相加。哀者勝。○吾言甚易知。甚易行。天下莫能知。莫能行。言有宗。事有君。夫唯無知。是以不我知。知我者希。則我貴矣。是以聖人被褐懷玉。○知不知上。不知知病。夫唯病病。是以不病。聖人不病。以其



病病。民不畏威，大威至矣。無挾其所居，無厭其所生。夫唯不挾，是以不厭。是以聖人自知不自見，自愛不自貴，故去彼取此。勇於敢則殺，勇於不敢則活。天之道，不爭而善勝，不言而善應，不召而自來，繹然而善謀。天網恢恢，疎而不失。民不畏死，奈何以死懼之？常有司殺者，代司殺者殺，是謂代大匠斲。夫代大匠斲者，希不傷手矣。民之饑，以其上食稅之多；民之難治，以其上之有爲；民之輕死，以其求生之厚。夫唯無以生爲者，賢於貴生。人之生也柔弱，其死也堅強；草木之生也柔脆，其死也枯槁。堅強者死之徒，柔弱者生之徒。是以兵

強則不勝。木強則其堅。強處下。柔弱處上。○天之道其  
猶張弓乎。高者抑之下。者舉之。有餘者損之。不足者與  
之。天之道損有餘而補不足。人之道則不然。損不足以  
奉有餘。孰能以有餘奉天下。唯有道者。○天下柔弱莫  
過於水。而攻堅強。莫之能先。弱之勝強。柔之勝剛。天下  
莫不知。莫能行。故聖人云。受國之垢。是謂社稷。王受國  
之不祥。是謂天下王。正言若反。○和大怨。必有餘怨。安  
可以爲善。是以聖人執左契。而不責於人。故有德司契。  
無德司轍。天道無親。常與善人。○小國寡民。使有什百  
之器。而不用。使重死而不遠徙。雖有舟車。無所乘之。雖



有甲兵無所陳之使復結繩而用之。甘其食美其服安其居樂其俗鄰國相望鷄犬之聲相聞民至老死不相往來。○信言不美美言不信善者不辯辯者不善知者不博博者不知聖人不積既以爲人已愈有既以與人已愈多天之道利而無害聖人之道爲而不爭蓋著論深質如此當是時偏得老聃之道曰楊朱取爲我蓋依於心腹志骨以無知無欲而民自正自定以化無所事人爲也曰墨翟美兼愛以後身外身以其身爲天下而身先身存朱之言曰人知生之暫來知死之暫往從心而動不違自然從性而游不逆萬物故不爲名所勸不

爲形所役。古之人損一毫而利天下。不與也。悉天下以奉一身。不取也。專愛嗇以自務。禽子問之曰。去子體之一毛以濟一世也。願之乎。楊子曰。世固非一毛之所得濟也。禽子曰。假濟爲之乎。楊子笑弗應。禽子曰。審弗濟。當如天下何。楊子曰。人人不損一毫。人人不利天下。天下治矣。其要言曰。信命者無壽夭。信理者無是非。信心者無逆順。信性者無安危。太古之事滅矣。沒矣。無與爲志之矣。三王之事。若存若亡。五帝之事。若覺若夢。三王之事。或隱或顯。繇古至於今日。賢愚好醜。成敗是非。無不消滅。獨遲速有間耳。矜一時之毀譽。焦苦其形神。要



數百年中之餘名。豈足潤枯骨哉。翟之言曰。昔者禹。湮  
洪水。決江河。而通九州也。名山三百。支山三千。親自操  
橐耜。而糾雜天下之川。腓無胈。脛無毛。沐甚風。櫛疾雨。  
而置萬國焉。禹大聖也。而形勞天下如此。不能如此。非  
禹之道也。於是以罍禍爲衣。以跋躄爲服。日夜不休。以  
自苦爲極。兼利而非鬪。其道不怒。不侈於後世。不靡於  
萬物。不暉於度數。以繩墨自矯。而備世之急。生不歌。死  
無服。桐棺三寸。而無槨。以爲法式。南方之墨者。苦獲已。  
齒鄧陵子之屬。俱誦墨經。而倍譎不同。天下嚮焉。乃楊  
子泣岐。墨子悲絲。則皆以仁義爲多端。而反素抱一爲

其道孟子所謂充塞仁義者也。語具孟子書。而宗聃諸  
益漫衍。其言盡博大真一之變。有列禦寇莊周之倫。楊子  
之鄰人亡羊。既率其黨。又請楊子之豎追之。楊子曰。嘻。  
亡一羊。何追者之衆也。鄰人曰。多岐路。既反。問獲羊乎。  
曰。亡之。曰。奚亡之也。曰。岐路之中。又有岐焉。以不知所  
之。楊子戚然變容。不言。不笑者竟日。弟子孟孫陽曰。羊  
賤畜。又非夫子之有。而煩言笑者何。楊子不答。孟孫陽  
出。以告心都子。心都子入。問曰。昔有昆弟三人。游齊魯  
之間。同師而學。仁義之道。歸而其父問曰。仁義之道。若  
何。伯曰。仁義使我愛身而後名。仲曰。仁義使我殺身以  
成名。叔曰。仁義使我身名並全。彼三術相反。而同出於  
儒。孰是孰非耶。楊子曰。人有濱河而居者。習於水勇於  
羽。操舟鬻渡。利供百口。裹糧就學者成徒。而溺死者幾  
半。本學泗。不學溺。而利害如此。若以爲孰是孰非。心都  
子默然出。孟孫陽讓之曰。何吾子問之迂。夫子答之僻  
也。吾惑滋甚。心都子曰。大道以多岐亡羊。學者以多方  
喪生。學非本不同。而未異若是。唯歸同反一。爲無得喪。  
子遊夫子之門。習其道而不達其况也。哀哉。墨子見



素絲者。愀然歎曰。染於蒼則蒼。染於黃則黃。所人者。變其色亦變。五入而爲五色。故染不可不慎也。

列子者。鄭人也。與鄭穆公同時。始學於壺丘子林。壺丘子林曰。子知持後。則可言持身矣。列子曰。願聞持後。曰。顧若影。則知之。列子顧而觀影。形枉則影曲。形直則影正。然則枉直隨形。而不在影。屈伸在物。而不在我。此之謂持後。列子好游。壺丘子曰。禦寇好游。游何所好。列子曰。游之樂。所玩無故。人之游也。觀其所見。我之游也。觀其所變。壺丘子曰。禦寇之游。固與人同。而曰固與人異。與凡人所玩。亦恆玩其變。玩彼物之無故。不知我亦無故。務外游。不務內觀。外游者。求備於物。內觀者。取足於

身取足於身。游之至也。於是列子自以爲不知游。居久之。有神巫自齊來。曰季咸。知人之死生存亡。禍福壽夭。期以歲月旬日。若神。列子見之而心醉。歸以告壺丘子。曰。始吾以夫子之道爲至矣。則又有至者焉。壺子曰。吾與汝旣其文。未旣其實。衆雌無雄。而又奚卵焉。且而固得道與。而以道與世抗。故使人得而相汝。嘗試與來。以予示之。明日列子與之見壺子。出謂列子曰。諱子之先生死矣。弗活矣。不可以旬數矣。吾見怪焉。見淫灰焉。列子入。涕泣沾衾。以告壺子。壺子曰。向吾示之以地文。萌乎不震不止。是見吾杜德幾也。德之幾亦明不發嘗又與來。明



日又與之見壺子。出謂列子曰：幸矣。子之先生遇我也。  
有瘳矣。吾見善者矣。列子入告壺子。壺子曰：向吾示之。  
以天壤。名實不入。而機發於踵。是見吾杜權幾也。嘗又  
與來。明日又與見壺子。出謂列子曰：子之先生不齊。吾  
無得而相焉。試齊將復相之。列子入告壺子。壺子曰：向  
吾示之以太冲莫朕。是見吾衡氣幾也。鯢旋之潘爲淵。  
止水之潘爲淵。流水之潘爲淵。濫水之潘爲淵。沃水之  
潘爲淵。洳水之潘爲淵。雍水之潘爲淵。汙水之潘爲淵。  
肥水之潘爲淵。是爲九淵焉。嘗又與來。明日又與之見  
壺子。立未定。自失而走。壺子曰：追之。列子追之不及。反

以報壺子。曰：向吾示之以未始出吾宗，不知其誰何，因以爲茅靡，因以爲波流，故逃也。然後列子自以爲未始學而歸，三年不出，爲其妻爨，食糲如食人，於事無所親。雕瑑復樸，塊然獨以其形立，紛然封哉。壺以是終。列子師老商氏友伯高子進二子之道，乘風而歸，始其學之也，三年之後，心不敢念是非，口不敢言利害，老商氏始一解頰而笑。七年之後，從心之所念，庚無是非，從口之所言，庚無利害，老商氏始一引與並席而坐。九年之後，橫心之所念，橫口之所言，亦不知我之是非，利害與亦不知彼之是非，利害與亦不知老商之爲之師。伯高之爲之友，與而後眼如耳，耳如鼻，鼻如口，無不同也。心凝形釋，骨肉都融，不覺形之所倚，足之所履，隨風東西，猶其木葉榦，殼竟不知風乘我邪，我乘風乎？所謂乘風，其言曰：有生不生，有化不化。不生者能生生，不化者能化。



化生者不能不生。化者不能不化。故常生常化。常生常  
化者。無時不生。無時不化。陰陽爾。四時爾。不生者疑獨。  
不化者往復。其際不可終。其道不可窮。故有生者。有生  
生者。有形者。有形形者。有聲者。有聲聲者。有色者。有色  
色者。有味者。有味味者。生之所生者死矣。而生生者未  
嘗終。形之所形者實矣。而形形者未嘗有。聲之所聲者  
聞矣。而聲聲者未嘗發。色之所色者彰矣。而色色者未  
嘗顯。味之所味者嘗矣。而味味者未嘗呈。皆無爲之職  
也。能陰能陽。能柔能剛。能短能長。能圓能方。能生能死。  
能暑能涼。能浮能沉。能宮能商。能出能沒。能玄能黃。能

耳能苦。能羶能香。無知也。無能也。而無不知也。無不能也。其設言湯之問夏革也。

湯革夏命託以爲名

曰古初有物乎。夏

革曰古初無物。今惡得物。後之人將謂今之無物可乎。殷湯曰然則物無先後乎。夏革曰物之終始。初無極已。始或爲終。終或爲始。惡知其紀。然自物之外。自事之先。朕所不知也。殷湯曰然則上下八方有極盡乎。革曰不知也。湯固問。革曰無則無極。有則有盡。朕何以知之。然無極之外。復無無極。無盡之中。復無無盡。無極復無無極。無盡復無無盡。朕以是知其無極無盡也。而不知其有極有盡也。湯又問曰四海之外。奚有。革曰猶齊州也。



湯曰。汝奚以實之。革曰。朕東行至營。人民猶是也。問營之東。復猶營也。西行至幽。人民猶是也。問幽之西。復猶幽也。朕以是知四海四荒四極之不異是也。故大小相含。無窮極也。含萬物者亦含天地。含萬物也。故不窮。含天地也。故無極。朕亦焉知天地之表。不有大天地者乎。亦所不知也。然則天地亦物也。物有不足。禦寇操術與莊周同。莊頗摭摭其語以著書。加恢奇文焉。

莊周者。蒙人也。常爲蒙漆園吏。其學無所不闢。然要歸本老子之言。楚威王聞其賢。使厚幣往迎之。使二大夫先焉。周笑謂使者曰。吾聞楚有神龜。死者三千歲矣。王

巾笥而藏之。廟有諸曰有之。周曰嘗試言此龜寧其死而留骨於廟乎。寧其生而曳尾塗中乎。二大夫曰寧曳尾於塗中。周笑曰公往矣。吾將曳尾於塗中。竟終身不仕。著書十餘萬言。寓言十九。重言十七。大抵率卮言也。皆空語無事實。以天下爲沉濁。不可與莊正語。故以卮言爲曼衍。以重言爲真。以寓言爲廣。獨與天地精神相往來。而不傲睨於萬物。不譴是非。其於本也弘大而闊。深窈而肆。於宗也可謂調適而直遂矣。其著書離辭指事類情。用剽剝儒墨。雖當世宿學不能難。亦不能自解免也。其言洗滌自恣以適已。故自王公大人不能器之。



其書內篇七篇。篇各以篇首一章爲宗。後卮言寓言暢之。獨內篇神奇活變。爲莊文無疑。其外篇時有昌辭。餘於雜篇論者。謂多後人所附會。非盡莊所論著。殆其然乎。蓋世遠久矣。內篇首逍遙遊。觀性命於大化之原。不以有已小知爲知。而與遊乎無窮。其書曰。北冥有魚。其名爲鯢。鯢之大。不知其幾千里也。化而爲鳥。其名爲鵬。鵬之背。不知其幾千里也。怒而飛。其翼若垂天之雲。是鳥也。海運則將徙於南冥。南冥者。天池也。漢齊諧者志怪者也。諸之言曰。鵬之徙於南冥也。水擊三千里。搏扶搖而上者九萬里。去以六月息者也。象天地於一息。鳥象六月於一息。

野馬也塵埃也生物之以息相吹也

萬微一息通天之  
大化一息

蒼蒼其正色耶其遠而無所至極耶其視下也亦若是

而已矣

無極

且夫水之積也不厚則負大舟也無力覆杯

水於坳堂之上則芥爲之舟置杯焉則膠水淺而舟大

也風之積也不厚則其負大翼也無力故九萬里則風

斯在下矣而後乃今培風

培風以載

皆負青天而莫之夭闕

音

而後乃今將圖南

達天

蜩與鷦鷯笑之曰我決起而飛

搶榆枋時則不至則控於地而已矣奚以之九萬里而

南爲適莽蒼者三餐而反腹猶果然適百里者宿舂糧

適千里者三月聚糧之二蟲又何知

小小知不及大知



小年不及大年。奚以知其然也。朝菌不知晦朔。蟪蛄不知春秋。此小年也。楚之南有冥靈者。以五百歲爲春。五百歲爲秋。上古有大椿者。以八千歲爲春。八千歲爲秋。而彭祖乃今以久特聞。衆人匹之。不亦悲乎。大小長短其化無窮各不相知。湯之問棘也是已。故夫知效一官。行比一鄉。德合一

一君。而徵一國者。其自視也亦若此矣。而宋榮子猶然笑之。舉世而譽之而不加勸。舉世而非之而不加沮。定乎內外之分。辯乎榮辱之竟。斯已矣。彼其於世未數數然也。雖然。猶有未樹也。夫列子御風而行。泠然善也。旬有五日而後反。彼於致福者未數數然也。此雖免乎行。

猶有所待者也。若夫乘天地之正。而御六氣之辯。以遊  
無窮者。彼且惡乎待哉。故曰。至人無已。神人無功。聖人  
無名。次二齊物論。謂無已。以觀衆妙。齊死生。是非。物我。  
而一之於天。其書曰。南郭子綦。隱几而坐。仰天而噓。嗒  
焉似罍。其耦。顏成子游。立乎前。曰。何居乎。形固可使如  
槁木。心固可使如死灰乎。今之隱几者。非昔之隱几者  
也。子綦曰。偃。不亦善乎。而問之也。今者吾喪我。汝知之  
乎。無已之盡汝聞人籟。而未聞地籟。汝聞地籟。而未聞天籟。  
乎。子游曰。敢問其方。子綦曰。夫大塊噫氣。其名爲風。是  
唯無作。作則萬竅怒呿。而獨不聞之。參。參乎。山林之畏。



備佳。音華大木百圍之竅穴。似鼻。似口。似耳。似枅。音鷄似圈。

似臼。似洼者。似汚者。山木衆竅激者。謫。音哮者。叱者。吸者。叫者。

謔者。突。音杳者。咬者。前者唱于。而隨者唱喁。音聲泠風則小。

和。飄風則大。和厲風濟則衆竅為虛。形聲相軋而獨不見之。

調。調之刁刁乎。子游曰。地籟則衆竅是已。括人籟則比

竹是已。笙簧之類人籟不言問者自舉敢問天籟。子綦曰。夫吹萬不同。

而使其自已也。咸其自取。怒者其誰耶。一天大知閒閒。小

知閒閒。大言炎炎。小言詹詹。其寐也魂交。其覺也形開。

與接為構。日以心鬪。縵者窖者密者。小恐惴惴。大恐縵

縵。其發若機括。其司是非之謂也。其留如詛盟。其守勝

之謂也。其殺如秋冬。以言其日消也。其溺之所爲之

可使復之也。其厭也如緘。以言其老洫也。近死之心。莫

使復陽也。喜怒哀樂。慮嘆變熱。姚佚啓態。樂出虛。烝成

菌。譬言日夜相代乎前。而莫知其所萌。已乎已乎。能止乎。能已乎。

旦暮得此。其所繇以生乎。極狀性術萬變。即人即天。非彼無我。非我

無所取。是亦近矣。目而不知其所爲使。芒然若有真宰而

特不得其朕。可行已信。而不見其形。有情而無形。所繇以生。

有情實無形聲。百骸九竅六藏。該音而存焉。吾誰與爲親。汝皆

說之乎。其有私焉。如是皆有爲臣妾乎。其臣妾不足以

相治乎。其遞相爲君臣乎。時爲君焉。而誰爲獨親乎。其有真君存焉。



直如求得其情與不得無益損乎其真一受其成形不

亡以待盡與物相刃相靡其行盡如馳而莫之能止不

亦悲乎終身役役而不見其成功爾然疲役而不知其

所歸可不哀耶人謂之不死奚益其形化其心與之然

可不謂大哀乎

雖真者無得喪而以已日闕雖生既死

人之生也固若是

芒乎其我獨芒而人亦有不芒者乎

天

夫隨其成心而

師之誰獨且無師乎

成心非心因形成心隨而師之此有已之根

奚必知代

而心自取者有之愚者與有焉未成乎心而有是非是

今日適越而昔至也是以無有爲有無有爲有雖有

禹且不能知吾獨且柰何哉

惟無已即無成心齊是非

夫言非吹也

此言者有言其所言者特未定也。果有言耶。其未嘗有

言耶。其以爲異於

音

音亦有辯乎其無辯乎。道惡乎

隱而有真偽。言惡乎隱而有是非。道惡乎往而不存。言

惡乎存而不可道。隱於小成。言隱於榮華。

重

故有儒墨

之是非。以是其所非而非其所是。欲是其所非而非其所是。則莫若以明。物無非彼。物無非是。自彼則不見。自  
知則知之。故曰。彼出於是。是亦因彼。彼是方生之說也。  
方生方死。方死方生。方可方不可。方不可方可。因是因  
非。因非因是。是以聖人不錄而照之于天。因是已。是亦  
彼也。彼亦是也。彼亦一是非。此亦一是非。果且有彼是



乎哉。果且無彼。是乎哉。彼是莫得其偶。謂之道樞。樞始  
得其環中。以應無窮。是亦一無窮。非亦一無窮也。故曰。  
莫若以明。以指諭指之非指。不若以非指諭指之非指  
也。以馬喻馬之非馬。不若以非馬喻馬之非馬也。不住  
自彼  
以彼明自。以自明彼。易  
地皆然。日照之以天。天地一指也。萬物一馬也。可乎。

可。不可乎。不可。道行之而成。物謂之而然。惡乎然。然於  
然。惡乎不然。不然於不然。物固有所然。物固有所可。無  
物不然。無物不可。故爲是舉莛與楹。厲與西施。恢嵬譎  
怪。道通爲一。其分也成也。其成也毀也。凡物無成與毀。  
復通爲一。唯達者知通爲一。爲是。不用而寓諸庸。庸也。

者用也。用也者通也。通也者得也。適得而幾矣。因是已。  
古之人其知有所至矣。惡乎至有以爲未始有物者至  
矣。盡矣。不可以加矣。其次以爲有物矣。而未始有對也。  
其次以爲有對焉。而未始有是非也。是非之彰也。道之  
所以虧也。道之所虧。愛之所成果。且有成與虧乎哉。果  
且無成與虧乎哉。有成與虧。故昭氏之鼓琴也。無成與  
虧。故昭氏之不鼓琴也。天下莫大於秋毫之末。而泰山  
爲小。莫壽乎殤子。而彭祖爲夭。天地與我並生。萬物與  
我爲一。既已爲一矣。且得有言乎。既已謂之一矣。且得  
無言乎。一與言爲二。二與一爲三。自此以往。巧歷不能



得而况其片乎。故自無適有。以至於三。而况自有適有乎。無適焉。因是已。夫道未始有對。言未始有常。爲是而有畛也。請言其畛。有左有右。有倫有義。有分有辯。有競有爭。此之謂八德。六合之外。聖人存而不論。六合之內。聖人論而不議。春秋經世先王之志也。聖人議而不辯。故聖人懷之。衆人辯之。辯也者。有不見也。夫大道不稱。大辯不言。大仁不仁。大廉不噪。大勇不忮。知不言之辯。不道之道。之謂天府。注焉而不滿。酌焉而不竭。而不知其所繇來。此之謂葆光。罔兩問景曰。曩子行。今子止。曩子坐。今子起。何其無特操與。景曰。吾有待而然者耶。吾

所待又有待而然者耶。吾待蛇蚺蜩翼耶。惡識所以然。  
惡識所以不然。昔者莊周夢爲蝴蝶。栩栩然蝴蝶也。自  
喻適志。與不知周也。俄然覺。則蘧蘧然周也。不知周之  
夢爲蝴蝶。與蝴蝶之夢爲周。與周與蝴蝶。則必有分矣。  
此之謂物化。次三養生主。言養所受之生。虛以遊世。依  
大理以應物。不以無涯之智。勤其生。其書曰。吾生也有  
涯。而知也無涯。以有涯隨無涯。殆已。已而爲知者。殆而  
已矣。格言爲善無近名。爲惡無近刑。緣督以爲經。督者人  
身之中  
脉起於尾間。循至斷交。上貫泥丸。故督訓中。可以保身。可以全生。可以養親。  
可以盡年。庖丁爲文惠君解牛。手之所觸。肩之所倚。



足之所履。膝之所踣。

音畫

然嚮然。奏刀騞然。莫不中

音。合於桑林之舞。乃中經首之會。文惠君曰。嘻。善哉。技

蓋至此乎。庖丁釋刀對曰。臣之所好者道也。進乎技矣。

始臣解牛之時。所見無非牛者。三年之後。未嘗見全牛

也。方今之時。臣以神遇而不以目視。官知止而神欲行。

依乎天理。批大郤。導大窾。因其固然。技經肯綮之未嘗。

而况大軼

音孤

乎。良庖歲更刀。割也。族庖月更刀。折也。今

臣之刀十九年矣。所解數千牛矣。而刀刃若新。發於剛。

彼節者有間。而刀刃者無厚。以無厚入有間。恢恢乎其

於遊刃。必有餘地矣。是以十九年而刀刃若新。發於剛。

雖然每至於族。吾見其難爲。怵然爲戒。視爲止。行爲遲。  
動刀甚微。謦然已解。如土委地。提刀而立。爲之四顧。爲  
之躊躇滿志。善刀而藏之。文惠君曰。善哉。吾聞庖丁之  
言。得養生焉。唯然。以其出世者。涉世無嬰於世患。則仲  
尼其極也。次人間世第四。其書曰。顏回將之衛。見仲  
請行。曰。回聞衛君其年壯。其行獨輕。用其國而不見其  
過。輕用民死。死者以國量。子澤若蕉。民其無如矣。量國中前  
後死者無筭。若澤中之蕉。與史谷量牛馬句同。回聞之。夫子曰。治國去之。亂國  
就之。醫門多疾。願以所聞。思其則。庶其國有瘳乎。仲尼  
曰。謫若殆往而刑耳。夫道不欲雜。雜則多多。多則擾。擾則



憂憂而不救。且若亦知夫德之所蕩而知之所爲出乎  
德蕩乎名。知出乎爭。名也者相軋也。知也者爭之器也。  
二者凶器。非所以盡行也。且德厚信<sub>音</sub>。未達人氣。名  
聞不爭。未達人心。而彊以仁義繩墨之言術暴人之前  
者。命之曰菑人。菑人者。人必反菑之。若殆爲人菑夫。若  
唯無詔。王公必將乘人而鬪其捷。而日將熒之。而色將  
平之。口將營之。容將形之。心且成之。是以火救火。以水  
救水。名之曰益多。而獨不聞之乎。名實者。聖人之所不  
能勝也。而况若乎。雖然。若必有以也。嘗以語我來。顏回  
曰。端而虛。勉而一。其可乎。曰。惡惡可。夫以陽爲充。孔揚。

采色不定。因案人之所惑。以求容與其心。名之曰日漸之德不成。而况大德乎。將執而不化。外合而內不訾。其庸詎可乎。彼實不德。欲以德感也。實難。曰。然則我內直而外曲。成而

上比。內直者。與天爲徒。與天爲徒者。知天子之與己。皆天之所子。而獨以己言。蘄乎。而人善之。蘄乎。而人不善之耶。若然者。人謂之童子。無知。無思。是之謂與天爲徒。外曲

者。與人爲徒也。擎蹠曲拳。人臣之禮也。人皆爲之。吾敢不爲耶。爲人之所爲者。人亦無疵焉。是之謂與人爲徒。成而上比者。與古爲徒。其言雖教。謫之。句。實也。古之有也。非吾有也。若然者。雖直不爲病。是之謂與古爲徒。若



是則可乎。仲尼曰：惡惡可。太多雖固無罪，然止是爾矣。胡可以及化？猶師心者也。心有顏回曰：吾無以進矣。敢問其方。仲尼曰：齊。吾將語若。顏回曰：回之家貧，唯不飲酒，不茹葷，數月矣，則可以爲齊乎？曰：是祭祀之齊，非心齊也。回曰：敢問心齊。仲尼曰：若一志，無聽之以耳而聽之以心，無聽之以心而聽之以氣。聽止於耳，心止於符，氣也者，虛而待物者也。唯道集虛，虛者心齊也。顏回曰：回之未始得使，實自回也，得使之也。言得備使令未始有回也。無已，可謂虛乎？夫子曰：盡矣。吾語若：若能入遊其樊，世而無感其名，入則鳴，不人則止，無門無毒，一宅而寓於不

得已則幾矣。絕迹易。無行地難。爲人使易。以僞爲天使。難以僞聞。以有翼飛者矣。未聞以無翼飛者也。聞以有知知者矣。未聞以無知知者也。瞻彼闕者。虛室生白。吉祥止止。夫且不止。是之謂坐馳。夫徇耳目內通而外於心知。邵子云。以物觀物。不以我觀物。鬼神將來舍而見人乎。是萬物之化也。禹舜之所紐也。伏羲几蘧之所行終。而見散焉者乎。○葉公子高將使於齊。問於仲尼曰。王使諸梁也甚重。齊之待使者。蓋將甚敬而不急。匹夫猶未可動也。况諸侯乎。吾甚慄之。子嘗語諸梁曰。凡事小若大。寡不道以權成。事若不成。則必有人道之患。事若成。則必有陰



陽之患。若成若不成。而無後患者。惟有德者能之。今吾朝受命而夕飲冰。我其內熱與。吾未至乎事之情。而既有陰陽之患矣。事若不成。必且有人道之患。是兩也。爲人臣者。不足以任之。子其有以語我來。仲尼曰。天下有大戒二。其一命也。其一義也。子之愛親。命也。不可解於心。臣之事君。義也。無適而非君也。無所逃於天地之間。事其親者。不擇地而安之。孝之至也。事其君者。不擇事而安之。忠之盛也。事其心者。哀樂不易施乎前。知其不可奈何而安之。若命。德之至也。

人間世之大順

爲人臣子者固

有所不得已而忘其身何暇至於悅生而惡死

何憂子內熱

夫子行矣。丘請復以所聞。凡交近必相靡以信。遠必忠之以言。言必或傳之。夫傳兩喜兩怒之言。天下之難者也。夫兩喜必多溢美之言。兩怒必多溢惡之言。凡溢之類妄。妄則其信之也莫莫。則傳言者殃。故法言曰。傳其常情。無傳其溢言。則幾乎全。且以巧鬪力者。始乎陽。常卒乎陰。泰至則多奇巧。以禮飲酒者。始乎治。常卒乎亂。泰至則多奇樂。凡事亦然。始乎諒。常卒乎鄙。其作始也簡。其將畢也必巨。言者風波也。行者實喪也。風波易以動。實喪易以危。故忿設無繇。因也巧言偏辭。獸死不擇音。氣息惛然。於是竝生心厲。尅核太至。則必有不肖之心。



應之。苟爲不知其然。就知其所終。故法言曰。無遷令。無勸成。過度。溢也。遷令。勸成。殆事美成在久。惡成不及改。可不慎與。且夫乘物以遊心。託不得已以養中。至矣。何

作爲報。莫若爲致命。

顏闔將傳衛靈公太子問於蘧伯玉曰。有人於此。其德天殺。與之爲

無方。則危吾國。與之爲有方。則危吾身。其知適足以知人之過。而不知其所以過。若然者。吾柰之何。蘧伯玉曰。善哉。問乎戒之慎之。正汝身哉。形莫若就。心莫若和。雖然。就不欲入。和不欲出。形就而入。且爲蘧爲戚。爲崩。爲蹶。心和而出。且爲聲爲名。爲妖爲孽。彼且爲嬰兒。亦與之爲嬰兒。彼且爲無町畦。亦與之爲無町畦。彼且爲無崖。亦與之爲無崖。達之入於無疵。汝不知夫螳螂乎。怒其臂以當車轍。不知其不勝任也。恃其才之美者也。戒之慎之。積伐而美以犯之。幾矣。汝不知夫養虎者乎。不敢以生物與之。爲其殺之之怒也。不敢以全物與之。爲其決之之怒也。時其饑飽。達其怒心。虎之與人異類。而

相養已者。順也。其殺者逆也。夫養馬者。以筐盛矢。以

盛弱適有蚤蚤。僕緣而拊之不時。則缺銜毀首。碎骨。意有所至而愛有所忘。可不慎耶。南伯子綦遊乎商之丘。見大木焉。有異。結駟千乘。隱將芘其所。籟子綦曰。此何木也哉。此必有異材。仰而視其大根。則軸解而不可為棟。梁俯而視其大根。則軸解而不可為棺。櫟啗其葉。則日爛而為傷。嗅之。使人狂醒。三日而不已。子綦曰。此果不材之木也。以至於此。其大也。嗟乎。神人以此不材。唯然。德充美於委化。心止

於符。外形骸。忘得喪。以保始而守宗。次德充符第五。其

書曰。魯有兀者。兀則通王駘從之遊者。與仲尼相若。常季

問於仲尼曰。彼兀者也。而王先生。人師尊之立不教。坐不議。

虛而往。實而歸。固有不言之教。無形而心成者耶。是何

人也。仲尼曰。夫子聖人也。死生亦大矣。而不得與之變。

雖天地覆墜。將不與之遷。命物之化而守其宗。若然者。



且不知耳目之所宜。而心遊乎德之和。物視其所一。不見其所喪。視喪其足。猶遺土也。是聖人也。常季曰。彼以其知得其心。以其心得其常心。物何爲畀之哉。仲尼曰。人莫鑑於流水。而鑑於止水。唯止能止衆止。而况官天地。府萬物。直寓六骸。象耳目。一知之所知。而心未嘗死者乎。人則從是。彼且何肯以物爲事。唯然。則知天知人之盡。一死生。法自然。而登假於道。次大宗師第六。其書曰。知天之所爲。知人之所爲者。至矣。知天之所爲者。天而生也。知人之所爲者。以其知之所知。以養其知之所不知。終其天年。而不中道夭者。是知之盛也。雖然。庸詎

知吾所謂天之非人乎。所謂人之非天乎。且有真人而

後有真知。何謂真人。古之真人。不逆寡。不雄成。不暮士。

謀事古字通用。若然者。過而弗悔。當而不自得也。其寢不夢。其

覺無憂。其食不甘。其息深深。真人之息以踵。衆人之息

以喉。屈服者。其嗌言若哇。心屈即言吞吐嗌咽。其耆欲深者。其天

機淺。古之真人。不知說生。不知惡死。其出不訢。其入不

距。脩然而往。脩然而來而已矣。若然者。登高不慄。入水

不濡。入火不熱。是知之能登假於道也。若然者。其心忘。

其容寂。其顙顙。音仇無慘蹙貌。淒然似秋。煖然似春。喜怒通四

時。與物有宜。而莫知其極。其狀義而不朋。不黨。若不足而



不承

無頭外

與乎其觚而不堅也

方必稜廉易剗

張乎其虛而不

華也

虛必浮華鮮實

邴邴乎其似喜乎崔乎其不得已乎

似喜利濟

而闕然

溜乎進

句

我色也

色日充睟

與乎止

句

我德也厲乎

其似世乎

不犯可

警乎其未可制也

二句一意

連乎其似好閉

也。愧乎忘其言也。以形爲體。綽乎其殺也。

日損

以禮爲翼。

所以行於世也。以知爲時。不得已於事也。以德爲循。言

與有足者。至於丘

土高

而人真以爲勤行也。

行無行

故其好

之也。一其弗好之也。一其也。一其不一也。一其一。與

天爲徒。其不一。與人爲徒。是之謂真人。死生命也。其有

夜旦之常。天也。人之所不得與也。人特以父爲天。而身

猶愛之。而况其卓乎。特以君爲愈乎。已而身猶死之。而

况其真乎。

卓於父真於君白大宗師

泉涸魚相與處於陸。相响以溼。

相濡以沫。不如相忘於江湖。與其譽堯而非桀也。不如

兩忘而化其道。

化於道曰登假

大塊載我以形。勞我以生。佚我

以老。息我以死。故善吾生者。乃所以善吾死也。特犯人

之形。而猶喜之。若人之形者。萬化而未始有極也。其爲

樂可勝計耶。故聖人將遊於物之所不得遯。而皆存夫

道。有情有信。無爲無形。可傳而不可受。可得而不可見。

吾師乎。吾師乎。生天生地。神鬼神帝。在太極之先。而不

爲高。在六極之下。而不爲深。先天地生。而不爲久。長於



上古而不爲老。整萬物而不爲義。澤及萬世而不爲仁。

覆載天地。刻雕衆形。而不爲巧。此所遊已。

子祀子輿子

相與語曰。孰能以無爲首。以生爲脊。以死爲尻。孰知死生存亡之一體者。吾與之友矣。四人相視而笑。莫逆於心。遂相與爲友。俄而子輿有病。子祀往問之。曰。偉哉。夫造物者。將以余爲此拘拘也。曲僂發背。上有五管。願隱於臍。肩高於頂。句贅指天。陰陽之氣。有沴其心。間而無事。踰躅躅而鑑於井。曰。嗟乎。夫造物者。又將以余爲此拘拘也。子祀曰。汝惡之乎。曰。亡。余何惡。浸假而化。余之左臂以爲鷄。余因以求時夜。浸假而化。余之右臂以爲彈。余因以求鷄炙。浸假而化。余之尻以爲輪。神以爲馬。余因而乘之。豈更駕哉。且夫得者時也。失者順也。安時處順。哀樂不能入也。此古之所謂縣解。縣解而不自解。物有結之。俄而子來有病。喘喘然將死。其妻子環而哭之。子犁往問曰。叱。避。無怛化。倚其戶。久之。語曰。偉哉。造化又將以汝奚爲。將以汝奚適。以汝爲鼠肝乎。以汝爲蟲臂乎。子來曰。父母於子。東西南北。唯命之從。陰陽於人。不翅於父母。彼近吾死。而我不聽。我則悍矣。彼何罪焉。今

大冶鑄金。金踴躍曰。我且必爲鏐錡。大冶必以爲不祥之金。今一犯人之形。而曰人耳。人耳。造化者必以爲不祥之人。今一以天地爲大鑪。以造化爲大冶。惡乎往而不可哉。成然寐。遽然覺。其應帝王篇第七。說者曰。言聖人之道合如是也。其書似有缺有間。而重言有之。曰。游心於澹。合氣於漠。順物自然。而無容私。天下治矣。曰。無爲名尸。無爲謀府。無爲事任。無爲知主。曰。至人之用心若鏡。不將不逆。應而不藏。故能勝物而不傷。其外篇曰。天道運而無所積。故萬物成。帝道運而無所積。故天下歸。聖道運而無所積。故海內服。明於天。通於聖。六通四辟。於帝王之德者。其自爲也。昧然無不靜者矣。聖人之靜也。非曰靜也。善故靜也。萬物無足鑄。



其心者故靜也。水靜則明燭鬚眉。平中準。大匠取法焉。水靜猶明。而况精神。聖人之心靜乎。天地之鑒也。萬物之鏡也。夫虛靜恬澹寂漠無爲者。天地之平。而道德之至。故帝王聖人休焉。休則虛。虛則實。實者倫矣。虛則靜。靜則動。動則得矣。靜則無爲。無爲也。則任事者責矣。無爲則僉僉。僉僉者憂患不能處。年壽長矣。靜而聖。動而王。無爲也。而尊樸素。而天下莫能與之爭美。夫明於天地之德。大本大宗。與天和者也。均調天下。與人和者也。與人和者。謂之人樂。與天和者。謂之天樂。知天樂者。其生也天行。其死也物化。靜而與陰同德。動而與陽同波。

不爲福。先不爲禍。始感而後應。迫而後動。不得已而後起。去知與故。循天之理。故無天災。無物累。無人非。無鬼責。其生若浮。其死若休。不思慮。不豫謀。光矣而不耀。信矣而不期。其寢不夢。其覺無憂。其神純粹。其魂不罷。此之謂天樂。故心不憂樂。德之至也。一而不變。靜之至也。無所於忤。虛之至也。不與物交。澹之至也。無所於逆。粹之至也。水之性不雜則清。莫動則平。鬱閉而不流。亦不能清。天德之象也。上無爲也。下亦無爲也。是下與上同德。下與上同德。則不臣。下有爲也。上亦有爲也。是上與下同道。上與下同道。則不主。上必無爲而用天下。下必



有爲爲天下用。此不易之道也。古之王天下者。知雖落  
天地不自慮也。辯雖雕萬物。不自說也。能雖窮海內。不  
自爲也。天不產而萬物化。地不長而萬物育。帝王無爲  
而天下功。故曰莫神於天。莫富於地。莫大於帝王。本在  
於上。末在於下。要在於主。詳在於臣。三軍五兵。德之末  
也。賞罰利害。五刑之辟。教之末也。禮法度數。刑名比詳。  
治之末也。鐘鼓之音。羽毛之容。樂之末也。哭泣衰經。隆  
殺之服。哀之末也。此五末者。古人有之。而非所先也。天  
尊地卑。神明之位也。春夏先。秋冬後。四時之序也。萬物  
化作。萌區有狀。盛衰之殺。變化之流也。夫天地至神而

有尊卑先後之序。而况人道乎。語道而非其序者。非其道也。語道而非其道者。安取道。是故古之明大道者。先明天而道德次之。道德已明而仁義次之。仁義已明而分守次之。分守已明而刑名次之。刑名已明而因任次之。因任已明而原省次之。原省已明而是非次之。是非已明而賞罰次之。賞罰已明而愚知處宜。貴賤履位。仁賢不肖襲情。必分其能。必繇其名。語大道者。五變而後刑名可舉。九變而後賞罰可言。驟而語刑名。不知其本也。驟而語賞罰。不知其始也。倒道而言。迂道而說。人之所治也。安能治人。可用於天下。不足以用天下。此應帝



王之說也。其秋水篇曰。秋水時至。百川灌河。涇流之大。兩涘渚崖之間。不辯牛馬。於是馬河伯欣然自喜。以天下之美。爲盡在已。順流而東行。至於北海。東面而視。不見水端。於是馬河伯始旋其面目。望洋向若而歎曰。野語有之曰。聞道百。以爲莫已若者。我之謂也。我嘗聞少仲尼之聞。而輕伯夷之義者。始吾弗信。今我睹子之難窮也。吾非至於子之門。則殆矣。吾長見笑於大方之家。北海若曰。井鼃不可以語海者。拘於虛也。夏蟲不可以語冰者。篤於時也。曲士不可語於道者。束於教也。今爾出於崖涘。觀於大海。乃知爾醜。爾將可與語大理矣。天

下之水莫大於海。萬川歸之。不知何時止而不盈。尾閭泄之。不知何時已而不虛。春秋不變。水旱不知。此其過江河之流。不可爲量數。而吾未嘗以此自多者。自以比形於天地。受氣於陰陽。吾在天地之間。猶小石小木之在大山也。方存乎見少。又奚以自多。計四海之在天地之間也。不似壘空之在大澤乎。計中國之在海內。不似稊米之在太倉乎。號物之數。謂之萬人。處一馬。人率九州穀食之所生。舟車之所通。人處一馬。此其比萬物也。不似毫末之在馬體乎。五帝之所連。三王之所爭。仁人之所憂。任士之所勞。盡此矣。伯夷辭之以爲名。仲尼語



之以爲博。此其自多也。不似爾向之自多於水乎。河伯曰。然則吾大天地而小毫末。可乎。北海若曰。否。夫物量無窮。時無正。分無常。終始無故。是故大知觀於遠近。故小而不寡。大而不多。知量無窮。證曠今故。故遙而不悶。掇而不跂。知時無止。察乎盈虛。故得而不喜。失而不憂。知分之無常也。明乎坦途。故生而不說。死而不禍。知終始之不可故也。計人之所知。不若其所不知。其生之時。不若未生之時。以其至小。求窮其至大之域。是故迷亂而不能自得也。繇此觀之。又何以知毫末之足以定至細之倪。又何以知天地之足以窮至大之域。河伯曰。世

之議者。皆曰。至精無形。至大不可圖。是信情乎。北海若  
曰。夫自細視大者不盡。自大視細者不明。夫精小之微  
也。埤大之殷也。故異便。此勢之有也。夫精麤者。期於有  
形者也。無形者。數之所不能分也。不可圖者。數之所不  
能窮也。可以言論者。物之粗也。可以意致者。物之精也。  
言之所不能論。意之所不能致者。不期精粗焉。是故大  
人之行。不出乎害人。不多仁恩。動不爲利。不賤門隸。貨  
財弗爭。不多辭讓。事焉不借人。不多食乎力。不賤貪汙。  
行殊乎俗。不多辟異。爲在從衆。不賤佞諂。世之爵祿。不  
足以爲勸。戮恥不足以爲辱。知是非之不可爲分。細大



之不可爲倪。聞曰。道人不聞。至德不得。大人無已。約分之至也。河伯曰。若物之外。若物之內。惡至而倪貴賤。惡至而倪大小。北海若曰。以道觀之。物無貴賤。以物觀之。自貴而相賤。以俗觀之。貴賤不在已。以差觀之。因其所大而大之。則萬物莫不大。因其所小而小之。則萬物莫不小。知天地之爲稊米也。毫末之爲丘山也。則差數觀矣。以功觀之。因其所有而有之。則萬物莫不有。因其所無而無之。則萬物莫不無。知東西之相反而不可以相無。則功分定矣。以趣觀之。因其所然而然之。則萬物莫不然。因其所非而非之。則萬物莫不非。知堯桀之自賢。

而相非。則趣操覩矣。音者堯舜讓而帝之。噲讓而絕。湯武爭而王。白公爭而滅。繇此觀之。爭讓之禮。堯桀之行。貴賤有時。未可爲常也。梁麗可以衝城。而不可以窒穴。言殊器也。騏驥驂騑。一日而馳千里。以捕鼠不如狸狌。言殊技也。鷗鵠夜撮蚤。察毫末。晝出矚目。而不見丘山。言殊性也。故曰。蓋師是而無非。師治而無亂乎。是未明天地之理。萬物之情者也。是猶師天而無地。師陰而無陽。其不可行亦明矣。然且語而不舍。非愚則誣也。帝皇殊禪。二代殊繼。差其時。逆其俗者。謂之篡。夫當其時。順其俗。謂之義之徒。默默乎河伯。汝惡知貴賤之門。大小



之家。河伯曰。然則我何爲乎。何不爲乎。吾辭受趣舍。吾  
終且柰何。北海若曰。以道觀之。何貴何賤。是謂反衍。無  
拘而志。與道大蹇。何少何多。是謂謝施。無一而行。與道  
參差。嚴乎若國之有君。其無私德。繇繇乎若祭之有社。  
其無私福。泛泛乎若四方之無窮。其無所畛域。兼懷萬  
物。其孰承翼。是謂無方。萬物一齊。孰短孰長。道無終始。  
物有死生。不恃其成。一虛一滿。不位乎其形。年不可舉。  
時不可止。消息盈虛。終則有始。是所以語大義之方。論  
萬物之理也。物之生也。若騖若馳。無動而不變。無時而  
不移。何爲乎。何不爲乎。夫固將自化。河伯曰。然則何貴。

於道耶。北海若曰。知道者必達於理。達於理者必明於權。明於權者不以物害己。至德者火弗能熱。水弗能溺。寒暑弗能害。禽獸弗能賊。非謂其薄之也。察乎安危。寧於禍福。謹於去就。莫之能害也。故曰。天在內。人在外。德在乎天。知夫人之行本乎天。位乎得。蹢躅而屈伸。反要而語極。曰。何謂天。何謂人。北海若曰。牛馬四足。是謂天。落馬首。穿牛鼻。是謂人。故曰。無以人滅天。無以故滅命。無以得殉名。謹守而勿失。是謂反其真。當周之時。天下爭於戰攻。孫臏吳起之流。淫於兵。日極。宋鉏尹文之倫。傷世之急。禁攻寢兵。上說下教。而終不能已。而時之盜。



儒言堯舜而身桀跖。以六藝文奸。而無所用恥。周著論。欲移其意。而窮其情。令可一笑而悟。汗背面赤。斷舌而自廢也。其書曰。魏瑩與田侯牟約。田侯牟背之。魏瑩怒。將使人刺之。犀首聞而恥之。曰。君萬乘之君也。而以匹夫從讎。衍請受甲二十萬。爲君攻之。虜其人民。係其牛馬。使其君內熱發於背。然後拔其國。忌也。出走。然後扶其背。析其脊。季子聞而恥之。曰。築十仞之城。城者旣十仞矣。則又壞之。此胥靡之所苦也。今兵不起七年矣。王之基也。衍亂人。不可聽也。華子聞而醜之。曰。善言伐齊者。亂人也。善言勿伐者。亦亂人也。謂伐與不伐。亂人也。

者。又亂人也。君曰。然則若何。曰。君求其道而已矣。惠子明之。而見戴晉人。戴晉人曰。有所謂蝸者。君知之乎。曰。然。有國於蝸之左角者。曰觸氏。有國於蝸之右角者。曰蠻氏。時相與爭地而戰。伏尸數萬。逐北旬有五日而後反。君曰。噫。其虛言與。曰。臣請實之。君以意在。察四方上下有窮乎。君曰。無窮。曰。知遊心於無窮。而反在通達之國。若存若亡乎。君曰。然。曰。通達之中有魏。於魏中有梁。於梁中有王。王與蠻氏有辯乎。曰。無辯。客出而君惝然若有亡也。惠子入。君曰。客大人也。聖人不足以當之。惠子曰。夫吹管猶有嗃也。吹劒首者映而已矣。堯舜人之



所譽也。道堯舜於戴晉人之前。譬猶一呖也。其刺儒曰。儒以詩禮

發冢。大儒臚傳曰。東方作矣。事之何若。小儒曰。未解裾。

儒口中有珠。詩圖有之曰。青青之麥。生於陵陂。生不布

施。死何含珠。爲接其鬢。壓其喙。儒以

金椎挫其頤。徐別其頰。無傷口中珠。蓋莊生以其無方

無盡無端。產之見應於化。解於物。而其嫻於辭。故其書

深閎浩肆。加恢奇如此。○其後有騶子之屬。騶子名衍。

賭有國者益淫侈。不能尚德。若大雅整之於身。施及黎

庶矣。乃深觀陰陽消息。而作怪迂之變。終始大聖之篇。

十餘萬言。其語閎大不經。必先驗小物。推而大之。至於

無垠。先序今以上至黃帝。學者所其術。並世盛衰。因載

其機祥度制。推而遠之。至天地未生。窈冥不可考。而原

也。先列中國名山大川。通谷禽獸。水土所殖。物類所珍。因而推之。及海外。人之所不能睹。稱引天地剖判以來。五德轉移。治各有宜。而符應若茲。以爲儒者所謂中國者。於天下乃八十一分居其一分耳。中國名曰赤縣神州。赤縣神州內自有九州。禹所序九州是也。不得爲州數。中國外如赤縣神州者九。乃所謂九州也。於是有裨海環之。人民禽獸莫能相通。如一區中者。乃爲一州。如此者九。乃有夫瀛海環其外。天地之際焉。其術皆此類也。然要其歸。必止乎仁義節儉。君臣上下六親之施。始也濫耳。王公大人。初見其術。懼然顧化。其後乃不能行。



之。是以騶子重於齊。適梁。惠王郊迎。執賓主之禮。適趙。平原君側行。敝席。如燕。昭王擁彗先驅。請列弟子之座。受業焉。築碣石宮。身往師事之。其遊諸侯。見尊禮如此。自騶衍與齊之稷下先生。如淳于髡。慎到。環淵。接子。田駢。騶奭之徒。各著書於世。主言治亂之事者。不可勝數也。衍之術。迂大而閎辯。奭也文具難施。淳于髡。久與處時。有得善言。故齊人爲之語曰。談天衍。雕龍奭。炙轂過髡。而趙有公孫龍。爲堅白同異之辯。有劇子之言。魏有李悝。盡地力之教。楚有尸子。齊阿有吁子焉。申不害者。京人也。故爲鄭賤臣。學術以干韓昭侯。昭侯

用爲相。內修政教。外應諸侯。十五年。終申子之身。國治  
其疆。無侵韓者。著書二篇。曰申子。

韓非者。韓之諸公子也。申韓之學。歸本於黃老。而主刑  
名。自莊生來。緣道德。絕聖棄智。絕學無憂之旨。益荒唐  
其辭。以媿快自適。繙儒學。摭仁義禮法。詆訾孔子之徒。  
以明老子之術。非聞其風。而說之。游其心於虛靜無事。  
意謦然無所制。而以刑爲體。其言曰。制在己。曰重。不離  
位。曰靜。重能使輕。靜能使躁。此道之宗也。乃物有常容。  
因乘而導之。凡誅廢舉用。大小輕重。一因名繫實。專事  
責功。破朋黨。而裁之於法。以爲是萬物者。芻狗。而無事。



煦煦然仁爲也。非疾世之儒者。好稱先王之仁義。藉以飾說。而時異事變。不可遵而行也。治國者不務明修其法制。執勢以御其臣下。求人任賢。以富國彊兵。反舉浮淫之蠹。而加之功實之上。悲知能廉直之士。不容於邪枉之臣。故作孤憤。五蠹。內外儲。說林。說難。十餘萬言。其書曰。上古之世。人民不勝禽獸蟲蛇之害。有聖人者。作。構木爲巢。以避害。而民悅之。以王天下。曰。有巢氏。民食果蓏。蚌蛤。腥臊惡臭。而傷腹胃。民多疾病。聖人者。作。鑊鑊燧。取火。化腥臊爲甘脆。而民悅之。以王天下。曰。燧人氏。中古之世。天下苦於洪水。而禹決川瀆。近古之世。桀紂。

爲暴亂而湯武事征伐。今有構木鑽燧於夏后氏之世者。必爲鯀禹笑矣。有排川決瀆於殷周之世者。必爲湯武笑矣。然則今有美堯舜湯武之道。欲行於當世者。必且爲新聖笑矣。宋人有耕田者。田中有株。兔走觸株。折頸死。因釋其耒而守株。冀復得兔。兔不可復得。而遺宋國笑。今欲以先王之政治當世之民。是守株也。儒墨者之言曰。司寇行刑。君爲之不舉。聞死刑之報。君爲之流涕。以爲君民如父子。然則國治信斯言也。是世無亂父子也。夫人情性莫親於父子。父母雖厚愛。其何遽不亂。不才之子。父母怒之。鄉人譙之。師長教之。弗爲動。州部



之吏操官兵。推公法求索之。則恐懼變節而易其行矣。  
故父母之愛不足以教子。而必待州部之吏。民固驕於  
愛而聽於威也。且垂泣不欲刑者。仁也。然而不可不刑  
者。法也。先王聽其法。不聽其泣。則仁之不可以爲治亦  
明矣。是以賞莫若厚而信。罰莫若重而必。法莫如一而  
固。語曰。慈母有敗子。而嚴家無格虜。何也。能罰之加焉  
必也。故布帛尋常。庸人不釋。鑠金百鎰。盜跖不搏。非庸  
人之心重。尋常之利深。而盜跖之欲淺也。又不以盜跖  
之行爲輕。百鎰之重也。搏必隨手刑。則盜跖不搏。百鎰  
罰不必行。則庸人不釋。尋常是故。城高五丈。而樓季不

輕徭也。泰山之高百仞。而跛牂牧其上。夫樓季也。而難  
五丈之限。豈跛牂也。而易百仞之高哉。隋漸之勢異也。  
今不務所以不犯。而事慈母之所以敗子也。則亦不察  
於聖人之術矣。又曰。境內之士皆言治。管商之法家有  
之。而國愈貧。士皆言兵。孫吳之書家有之。而兵愈弱。何  
者。言耕者衆。而執耒者寡也。言戰者多。而被甲者少也。  
百人事智。一人用力。事智者衆。而用力者寡也。此世之  
大蠹也。世之所謂賢者。貞信之行。所謂智者。微妙之言  
也。微妙之言。上智之所難知。貞信之行。必行其志。信其  
勇。而不可懾以法者也。今釋民間之事。夫婦所明知者。



不用而慕上智之所不知不明信賞罰而高其輕世多  
其有勇是使民勇犯上法而吏不能勝也離法者罪犯  
禁者誅儒以文亂法俠以武犯禁而人主禮之是法之  
所非君之所取吏之所誅上之所養也雖十黃帝不能  
治已又曰羣臣之言外事者不從則衡矣從者合衆強  
以攻一弱而衡者事一強以攻衆弱皆非所以持國也  
言衡者曰不事大則遇敵受禍事大而舉圖委地效璽  
請兵則國安夫獻圖則地削效璽則名卑地削國弱名  
卑政亂事大爲衡未見其利也言從者曰救小而抗大  
則得天下心得天下心則國存夫救小未必能存小而

國敵矣。抗大未必能敵大。而國折矣。救小爲從。未見其利也。事強則說者藉外權。而市官於內。救小則說者因內重。求利於外。國利未立。私家富矣。主上雖卑。人臣尊矣。事成則以權長重。事敗則以富退處。此國之大蠹也。人主誠緩其從衡之計。而嚴境內之治。明其法禁。必其賞罰盡地力。以多其積蓄。致人民以堅其城守。天下得其地則利少。攻其國則傷大。萬乘之國皆恐懼息心。而不敢謀。豈有亡哉。舍內政之修。而道必滅之事。不可振矣。其孤憤書曰。智能之士。必遠見而明察。法理之士。必強毅而勁直。明察用。必燭重人之陰情。勁直用。必矯重



人之奸行。智能法理之士用。貴重之臣。必在繩之外矣。此不可兩立之讐也。夫重人之擅事要也。諸侯不因。則事不應。故敵國爲之訟。百官不因。則業不進。故羣臣爲之用。左右不因。則不得近幸。故左右爲之匿。學士不因。則祿薄而禮卑。故學士爲之談。此四助者。邪臣之所以自飾也。重人不能忠主而進其讐。人主不能越四助而燭其臣。故人主愈輕而大臣愈重。當塗者之於人主。必其所信愛也。不然。必習故也。若夫阿主意與同好惡。固其所自進也。官爵貴重。朋黨又衆。而一國爲之訟。法術之士。欲干上者。非有信愛之親。習故之澤也。處勢卑賤。

無黨孤特。又將以法術之言。矯人主阿辟之心。此其數  
必不勝也。操五不勝之勢。又數歲而不得見。當塗之人。  
乘五勝之資。而旦暮得關說於前。法術之士。焉得不危。  
可以罪過誣者。公法而誅之。不可被以罪過者。私劔而  
窮之。爾豈有幸哉。齊晉之亡。非地與城亡也。呂氏弗制  
而田氏用之。姬氏不制而六卿專之也。與死人同病者  
不可生。與亡國同事者不可存。今襲迹於齊晉。欲國安  
存。不可得也。其說難篇曰。凡說之難。非吾知有以說之  
難也。又非吾辯之難。能明吾意之難也。又非吾敢橫失  
佚。能盡之難也。凡說之難。在知所說之心。可以吾說當



之所說出於爲名高者也。而說之以厚利。則見下節而遇卑賤。必棄遠矣。所說出於厚利者也。而說之以名高。則見無心而遠事情。必不收矣。所說實爲厚利而顯爲名高者也。而說之以名高。則陽收其身而實疏之。若說之以厚利。則陰用其言而顯棄其身。此說之不可不知也。夫事以密成。語以泄敗。未必其身泄之也。語及其所匿之事。如是者身危。貴人有過端。而說者明言善議。以推其惡者。則身危。周澤未渥也。而語極知。說行而有功。則德亡。說不行而有敗。則見疑。如是者身危。夫貴人得計而欲自以爲功。說者與知焉。則身危。彼顯有所出事。

乃自以爲也。說者與知焉。則身危。彊之以其所必不爲。止之以其所不能已者。身危。故曰。與之論大人。則以爲間已。與之論細人。則以爲鬻權。論其所愛。則以爲借資。論其所憎。則以爲寧已。徑省其辭。則不知而屈之。汎濫博文。則多而久之。順事陳意。則曰怯懦而不盡。慮事廣肆。則曰草野而倨侮。此說之難。不可不知也。凡說之務。在知飾所說之所敬。而滅其所醜。彼自知其計。則無以其失窮之。自勇其斷。則無以其敵怒之。自多其力。則無以其難概之。規異事與同計。譽異人與同行者。則以飾之。無傷也。有與同失者。則明飾其無失也。大忠無所拂。



辭。悟言無所擊排。得曠日彌久。周澤旣渥。乃後申其辯。知焉。深計而不疑。交爭而不罪。乃明計利害。以致其功。直指是非。以飾其身。此說之成也。宋有富人。天雨墻壞。其子曰。不築且有盜。其鄰人之父亦云。暮而果大亡其財。其家甚智其子。而疑鄰人之父。昔者鄭武公欲伐胡。以其子妻之。問羣臣曰。吾欲用兵。誰可伐者。關其思曰。胡可伐。乃戮關其思曰。胡兄弟之國也。子言伐之何也。胡君聞之。以鄭爲親已而不備。鄭人襲胡。取之。此二說者。其知皆當矣。然而甚者爲戮。薄者見疑。非知之難也。處知則難矣。昔者彌子瑕見愛於衛君。衛國之法。竊駕

君車者罪至刑。旣而彌子之母病人。聞往夜告之。彌子矯駕君車而出。君聞而賢之。曰孝哉。爲母之故而犯刑罪。與君游果園。彌子食桃而甘。不盡而奉君。君曰愛我哉。忘其口而怨我。及彌子色衰而愛弛。得罪於君。君曰是嘗矯駕吾車。又嘗食我以其餘桃。故彌子之行未變於初也。前見賢而後獲罪者。愛憎之至變也。故有愛於主。則知當而加親。見憎於主。則罪當而加疏。諫說之士不可不察愛憎之主。而後說之矣。夫龍之爲蟲也。可擾狎而騎也。然其喉下有逆鱗。徑尺。人有嬰之。則必殺人。人主亦有逆鱗。說之者能無嬰人主之逆鱗。則幾矣。非



爲人口吃。不能道說。而善著書。與李斯俱事荀卿。斯自以爲不如。非見韓削弱。數以書諫韓王。韓王不能用。於是憤發著書。人或傳其書至秦。秦王見孤憤五蠹之書。歎曰。嗟乎。寡人得見此人。與之游。死不恨矣。李斯曰。此韓非之所著書也。秦因急攻韓。韓王遣非使秦。秦王悅之。未信用。李斯姚萇害之。曰。非韓之諸公子也。今王欲并諸侯。非終爲韓。不爲秦。此人之情也。今王不用。久留而歸之。此自遺患。不如以過法誅之。秦王以爲然。下吏治非。李斯使人遺非藥。使自殺。韓非欲自陳。不得見。遂自殺。秦王後悔。使赦之。非死矣。













論曰周衰先王之四教四術廢而諸子之文倡則文窮而變變極而窮大失其歸也。乃孔子見老子。喟然稱猶龍焉。非以其得易之體於常無常有之本洞然耶。莊縱觀於大化。爲沈洋無端倪之言。以盡易之變。欲學者調適直遂。以無束於教。其弊也傷教。其究也爲申韓。彼其初詎不謂空虛不毀萬物也與哉。而激肆加之。則孟子之闢楊墨。推極於無父無君。無遺力餘勇。有以爾。聖者言之曰。潔淨精微。易教也。潔淨精微而不賊。深於易者也。教之至也。

○子華子。名本。程氏晉人也。與孔子同時。孔子行於郟



之野。與傾蓋而語者終日有間。孔子顧子路曰。由。束帛  
十匹。贈先生矣。子路不應。有間。又謂之。子路對曰。昔者  
由也聞諸夫子曰。嘉禮不野合。今有贈。是野合也。野合  
何也。孔子曰。由。詩不云乎。野有蔓草。零露漙兮。有美一  
人。清楊婉兮。邂逅相見。適我願兮。夫子之謂也。於是而  
不贈。懼不繼見也。故世稱程孔。傾蓋而定交焉。子華子  
居於荅塞。趙簡子使使者幣聘焉。子華子沒階而趨。再  
拜曰。主君之民。本未有職業於朝也。有惡疾。不堪君之  
命。拜送使者於門。反其室。聚帑而行。北宮子曰。主國之  
宗卿也。政所自出。以禮交而弗答。無乃不可乎。子華子

曰噫吾以爾爲可以忘言也。而猶有萌焉。夫萌於中。必  
情於外矣。夫召我者而豈徒哉。必有以處我矣。爲人所  
處者。不得安其所自處矣。日者主之召孔子也。孔子轍  
環於河。濟而弗濟。援瑟而寫志。命之曰臨河之操。其辭  
曰。河之水洋洋夫。丘之不濟此命也夫。仲尼之所弗至。  
是我之所以行也。明日入見趙簡子。簡子迎禮之。請致  
邑。子華子曰。臣不武。年運而往矣。懼不任君之事。以爲  
司敗憂。君有四圍以杆四方。臣弗堪也。又明日子華子  
行。趙簡子怒。燭過口。必兵之。遣燭過。子華子去苓塞五  
日矣。簡子悔。寓書招焉。子華子拜肅使者於庭曰。主君



之亡臣本不能束脩。越在諸侯。以爲君憂。臣聞之物局於所茸。士局於所守。主君之亡臣不佞。而有四方之志。其敢爲執事者之辱。夫丘陵崇而穴成於上。狐狸藏矣。谿谷深而淵成於中。魚鱉安矣。松柏茂而陰成於林。途之人蔭矣。主君之亡臣不佞。實有隱衷。唯執事昭明其所存。如日月之升。以光燭於晉國。將四海之士。重欵仰至。以承主君之令聞。豈惟亡臣。亡臣雖野死。以填溝壑。其敢忘主君之惠。簡子召無恤而戒之曰。燭過。小人也。使我得罪於程子。吾死。汝必黜之。子華子旣去。趙適齊。善晏平仲。景公問爲國。子華子曰。國至大物也。人主者。

自智而愚人。自巧而拙人。則愚拙者請矣。愚拙者請則巧智者退矣。退多則請者多。請者加多。則無不請矣。王雖巧智。未能無不知也。以未能無不知而應無不請。其道固窮。爲人上而類窮於下。何以君人。窮不知其窮。又自以爲多。上有諛言之心。下有苟且之俗。賓客左右。僵夫豎隸。曉然知公上之有愾心也。爭爲諛頌以壘君心。君心泰矣。是之謂重塞之國。夫以君之明。疏淪底滯。而開之於道。夫誰能禦之。公曰善。晏子問政。子華子曰。天下有隱戮而人莫之知。大夫聞之乎。晏子曰。未也。願聞之於子矣。子華子曰。天之生才也實難。其有所生也必。



有所用也。如將壅之蔽之。使不得以植立。此天地之所  
大忌也。雖大必折。雖炎必撲。荒落而類。圯敗而族。是之  
謂隱戮。晏子怛然變乎色曰。嬰也。願遂聞之。子華子曰。  
人之情。爲惡其毀也。成惡其敗也。於其所愛焉者。則必  
有恪固之心焉。天之生才也。實難。甚愛之。甚惜之。其亦  
有恪固之心。世人莫之知也。恃其胃腹之私。與狡譎變  
詐之數。翕翕訛訛。巧詆而深排。規以幸人之不已勝也。  
夫人之勝人也。何有。天地之鑑也。神明之照也。甚可畏  
也。使氣沮志奪。拂然而怒。以充塞乎兩間。通厄歷而爲  
陰陽之罰。其中於人也。必慘矣。夫築垣墉者。務其高而

不務其實。高不隱。仰而基爲已傾。以兩手揜人之聰明。而自以爲得也。悲夫。晏子曰。善微吾子。嬰無所聞之。子嬰問於子華子曰。聞之曰。聖人上儉也。有諸。子華子曰。然是聖人之所寶也。晏子曰。嬰聞堯茅茨土階而舜器戒塗髹其尚儉乎。子華子曰。儉在內。不在外也。心居中虛以治五官。精氣動薄。神化回濇。寄其所以出而謹節其所受。然後神定而精不樞。其格物也明。其遇事也剛。此之謂儉。夫視入以爲出。庾氏之職業也。操盈而制餘。商賈子之所治也。申人之家計。口然後食。閭里之志也。天子者大官也。有天下大器也。奈何以閭里之量哉。晏子曰。子之所治。庾氏之職業。仰而議夫堯舜之量哉。晏子曰。善微吾子。嬰無所聞之。○郊子曰。達禮聞諸侯。子華子從間禮焉。既見而退。曰。異乎。吾所聞夫禮先王所以定之也。非以樞之也。所以開之也。非以暴之也。青黃黼黻文章之觀。盡而五色淪宮徵旋激。相生之聲竅而八音汨。陸有羅罍。水有網罟。而飛羽伏鱗無所幸其生。今郊子非徒樞之。又從而暴之。亦異乎。孔子之弟子曰季沈吾之所聞矣。肅駕而起。遵途而歸。



問於子華子曰。自吾之從夫子也。轍迹不遺於四國。亦  
勤且病矣。哀也。鄙不通於夫子之量。夫子駕其說將安  
之子。華子曰。仲尼天也。其可違物而莫處乎。其可絕物  
而自營乎。日月不運。宇宙四方必迷所向矣。季荅曰。然  
則吾子之不試。何也。曰。本也。何足以望仲尼。仲尼軫方  
而輟圓者也。將無乎不可。我則有所不可也。北宮子將  
仕於衛。辭於子華子曰。噫。未得以卒業也。惟是樵蘇之  
不繼。糊其頤頰於人。謹志其欲於善。而違於惡。敢問庶  
幾於完乎。子華子愀然變乎容。有間曰。噫。是何言與。吾  
語若。天下欲以有之於已。而卒於喪已。欲以達之於人。

而卒以失人。凡以欲違者衆故也。而又奚欲焉。又奚遺焉。北宮子曰。願畢其說。子華子曰。人心中虛圓不踰寸。神明舍焉。事理交滑。如理亂棼。如涉驚浸。一則以之怵惕。一則以之思諦。一則以之懲創。是一日之間。一時之頃。而徑寸之地。如火如水矣。所謂神明者。若之何而堪之。今子之言曰。謹志於爲善。則不善者將誰與耶。違子之所惡。則惡將誰歸耶。與而弗受。歸而弗納。則必有忿恚之心起。而與我敵矣。以矜愿之意。而接忿恚之心。何爲而不鬪。鬪且不止。小則囂凌詬誶。大則辟首穴胸。殆矣。天下之所以平者。政平也。政之所以平者。心平也。夫



平猶權衡然。加銖兩則移。天下而皆載其所欲違。其爲銖兩者倍矣。是兩實也。兩實則烏得平。平不施焉。則烏得直。子謹志於堯舜。又奚以欲違爲哉。留務滋從子華。子游者十有二年。目相屬而言不接也。業成而辭歸。將隱居於五源之溪。子華子曰。天下之物。有甚滑稽而難持者。汝知之乎。疾之則脫。緩之則悠。馬以逝。而所謂善持者。能爲之於疾徐之間。今汝之所治。吾無間然矣。然子廣取而汎與者也。吾恐汝之後。夫擇也。其將有剽汝之外邪。而自築其宮廷者矣。登汝之車。而乘之以馳騁於四郊者矣。取汝之所以爲璧者。毀裂而五分之矣。天

道固惡於不傳也不傳則妨道又惡於不得其所以傳  
也不得其所以傳則病道汝往矣而思所以慎厥與也  
則於吾無間然矣留務源築室於五源之溪居焉有間  
生之役子雷子使賓胥也敬以有請夫五源之溪天下  
之窮處也鼯吟而鼯啼旦曉昏而日映也蒼蒼踟躕四  
顧而無有人聲雖然其土脉膏以發其植物也兌說以  
澤其清流四注無乏於濯漑其蘋藻之芼足以供祭也  
流光馳景却顧於斷蹊絕壑之上雲雨之所出也其石  
皴栗爛如燭霞藹草之芬從風以揚塋塋耕溪飲爲力也  
佚而坐嘯行歌可以卒歲今先生之年運而往矣而所  
以蘊藏者無期惟是河汾之間不吾容也而寄食於海  
瀕歲又弗稔其何以供億今之諸侯地相埒而德相若  
也先生之車軫其將誰氏之之乎子雷子使賓胥也敬  
以有請無寧先生而肯照臨於山溪之中將使斯人月  
晶而日明先生豈無意乎子華子曰爾歸而語於而夫  
子矣而所屬於我者渠渠不忘我之心鼎鼎如也吾聞  
太上遠世其次遠地其次遠人而之所志其遠地矣乎



曩者吾有緒言於會矣。曰我卽死爾必以吾骨反而涉河。以從吾先人於荅塞之下。不得而從於爾之求矣。夫志之所在。雖逝而覩。雖缺而成。疆裂壤斷。不吾間也。今而後吾之神爽。坐馳於五原之間。何必往也。嘻來賓。得來也。其去就有度如此。子華子通於道之大宗。而

切磋於至聖。言平粹閎深。其言曰。惟虛爲能集道。惟平爲能載道。無所於闕。無所於忤。虛之至也。無有作好。無有作惡。如縣衡然。平之至也。故曰一虛一平。而道自生。一平一虛。而道自居。又曰渾淪鴻濛。道之所以爲宗也。包含徧覆。天之所以爲大也。明昭顯融。帝之所以爲則也。人之心莫隱乎慈。莫便乎恕。赤子匍匐。使我心惻。隱於慈。故也。陵波而先濟。跂而望乎後之人。便於恕。故也。

此心之弗失。可以事帝。可以格天。可以入道。此心之弗存。道之所去也。天之所遺也。帝之所誅也。古之制字者。茲心爲慈。如心爲恕。非其心也。則失類而悲。善夫。又曰。火氣之喜明也。木氣之喜達也。金氣之喜辯也。水氣之喜藏也。土氣之喜發生也。是故事心者。宜以孝。事肝者。宜以仁。事肺者。宜以義。事腎者。宜以智。事脾者。宜誠實而不欺。五物各宿於其所喜。五事各施於其所宜。外邪之不入。內寃之不洩。夫是之謂善完。曰朱明長羸。不能盡所以爲溫也。隨之以拏斂之氣。而爲秋。玄武涸陰。不能盡所以爲寒也。隨之以敷榮之氣。而爲春。孰爲此者。



天也。然且不可盡。况於人乎。好盡物之情而執其極。其受禍必酷矣。曰。撞鈞石之鐘。六樂合奏於庭。所以爲樂也。隱憂者。臨之而愈悲。鬱誣行歌。促絃急彈。所以寫憂也。安恬者。得之而逾歡。憂樂不主於音。故也。內之所感。赭蒼互色。東西貿區。而昧者不之知也。其觀諸水乎。觀水者。與水俱流。目運而心逝矣。

屈原。名平。楚之同姓也。爲楚懷王左徒。傳聞彊志。明於治亂。嫻於辭令。入則與王圖議國事。以出號令。出則接遇賓客。應對諸侯。王甚任之。上官大夫與之同列。爭寵。而心害其能。深讒之。王怒而疏屈平。屈平疾王聽之不

賤也。讒諂之蔽明也。邪曲之害公也。方正之不容也。故  
憂愁幽思。而作離騷。離騷者。猶離憂也。夫天者。人之始  
也。父母者。人之本也。人窮則反本。故勞苦倦極。未嘗不  
呼天也。疾病慘怛。未嘗不呼父母也。屈平正道直行。竭  
忠盡智。以事其君。讒人間之。可謂窮矣。信而見疑。忠而  
被謗。能無怨乎。屈平之作離騷。蓋自怨生也。國風好色  
而不淫。小雅怨誹而不亂。若離騷者。可謂兼之矣。上稱  
帝嚳。下道齊桓。中述湯武。以刺世事。明道德之廣崇。治  
亂之條貫。靡不畢見。其文約。其辭微。其志潔。其行廉。其  
稱文小。而其指極大。舉類迺而見義遠。其志潔。故其稱



物芳其行潔。故死而不谷。自疎濯淖污泥之中。蟬蛻於  
濁穢。以浮游塵埃之外。不獲世之滋垢。皜然泥而不滓  
者也。推此志也。雖與日月爭光可也。其後懷王聽秦昭  
王請爲好。會武關。屈子諫母行。王竟行。客死於秦。頃襄  
王立。聽令尹子蘭譖愬。放流之。湘沅事具楚志中。平既  
放流。睠顧楚國。繫心不忘。欲冀幸君之一悟。俗之一改  
也。南郢沅湘之間。俗信鬼而好祠。其祀祠必使巫覡作  
樂歌舞以娛神。原爲定著其辭曰。九歌。觸事成聲。作惜  
往日。悲回風等九章。其存君興國而欲反復之。一篇之  
中。三致意焉。然終無可奈何。卒不可以反。而王終不悟。

也。人君無愚智賢不肖，莫不欲求忠以自爲，舉賢以自佐。然亡國破家相隨屬，而聖君治國累世而不見者，其所謂忠者不忠，而所謂賢者不賢也。懷王以不知忠邪之分，故內惑於鄭袖，外欺於張儀，疏屈平而信上官大夫。令尹子蘭，其剋地削亡其六郡，身客死於秦，爲天下笑。此不知人之旤也。易曰：井泄不食，爲戒。心惻可用。汲王明，而受其福。王之不明，豈足福哉？原離騷經一篇九歌九章各九篇，與遠遊天問卜居漁父凡七題二十五篇，爲詞賦者祖焉。其離騷經曰：帝高陽之苗裔兮，朕皇考曰伯庸。攝提貞于孟陬兮，惟庚寅。寅吾以降。皇覽揆余于初度兮，肇錫余以嘉名。名余曰正則兮，字余曰靈均。紛吾既有此內美兮，又重之以修能。



扈江離與辟芷兮，紉秋蘭以爲佩。汨余若將不及兮，恐  
 年歲之不吾與。朝搴阰之木蘭兮，夕攬洲之宿莽。日月  
 忽其不淹兮，春與秋其代序。惟草木之零落兮，恐美人  
 之遲暮。不撫壯而棄穢兮，何不改乎此度？乘騏驎以馳  
 騁兮，來吾道夫先路。昔三后之純粹兮，固衆芳之所在。  
 雜申椒與菌桂兮，豈維紉夫蕙蒞？彼堯舜之耿介兮，既  
 遵道而得路。何桀紂之昌被兮，夫唯捷徑以窘步。惟黨  
 人之偷樂兮，路幽昧以險隘。豈余身之憚歟？恐皇輿  
 之敗績，忽奔走以先後兮，及前王之踵武。荃不揆余之  
 中情兮，反信讒而齎怒。余固知謇謇之爲患兮，忍而不  
 辭。舍也，指九天以爲正兮，夫唯靈脩之故也。初旣與余  
 成言兮，後悔遁而有他。余旣不難夫離別兮，傷靈脩之  
 數化。余旣滋蘭之九畹兮，又樹蕙之百畝。畦畹夷與揭  
 車兮，雜杜衡與芳芷。冀枝葉之峻茂兮，願俟時乎吾將  
 刈。雖萎絕其亦何傷兮，哀衆芳之蕪穢。衆皆競進以貪  
 婪兮，憑不厭乎求索。羌內恕已以量人兮，各興心而嫉  
 妬。忽馳騫以追逐兮，非余心之所急。老冉冉其將至兮，  
 恐修名之不立。朝飲木蘭之墜露兮，夕餐秋菊之落英。  
 苟余情其信姱以練要兮，長顙領亦何傷。擘木根以結  
 直兮，貫薜荔之落葉。矯菌桂以紉蕙兮，索胡繩之纆纆。

願吾法夫前修兮、非世俗之所服、雖不周於今之人兮、  
謇依彭咸之遺則、長太息以掩涕兮、哀民生之多艱、余  
雖好修姱以鞿羈兮、謇朝諝而夕替、既替余以蕙纁兮、  
又申之以攬茝、亦余心之所善兮、雖九死其猶未悔、怨  
靈修之浩蕩兮、終不察夫民心、衆女嫉余之蛾眉兮、謠  
詠謂余以善淫、固時俗之工巧兮、偃規矩而改錯、背繩  
墨以追曲兮、競周容以爲度、忼鬱邑余侘傺兮、吾獨窮  
困乎此時也、寧溘死以流亡兮、余不忍爲此態也、鸞鳥  
之不羣兮、自前世而固然、何方圜之能周兮、夫孰異道  
而相安、屈心而抑志兮、忍尤而攘詢、伏清白以死直兮、  
固前聖之所厚、悔相道之不察兮、延佇乎吾將反、回朕  
車以復路兮、及行迷之未遠、步余馬於蘭皋兮、馳椒丘  
且焉止息、馳道不入以離尤兮、退將復修吾初服、製芰荷  
以爲衣兮、集芙蓉以爲裳、不吾知其亦已兮、苟余情其  
信芳、高余冠之及屐兮、長余佩之陸離、芳與澤其雜糅  
兮、唯昭質其猶未虧、忽反顧以游目兮、將往觀乎四荒、  
佩纁紛其繁飾兮、芳菲菲其彌章、民生各有所樂兮、余  
獨好修以爲常、雖體解吾猶未變兮、豈余心之可懲、女  
嬃之嬋媛兮、申申其詈予、曰：「鮀婞直以亡身兮、終然妖  
乎羽之野、汝何博謔而好修兮、紛獨有此姱節、」薺蒙施



以盈室兮判獨離而不服。衆不可戶說兮孰云察余之中情。世固舉而好朋兮夫何冀獨而不予聽。依前聖以節中兮喟憑心而歷茲濟沅湘以南征兮就重華而陳詞。啓九辯與九歌兮夏康娛以自縱。不顧難以圖後兮五子用失乎家。衡羿淫遊以佚畋兮又好射夫封狐。固亂流其鮮終兮泥又貪夫厥家。澆身被服強圉兮縱欲而不忍。日康娛而自忘兮厥首用夫顛隕。夏桀之常違兮乃遂焉而逢殃。后辛之流離兮殷宗用之不長。湯禹儼而祗敬兮周論道而莫差。舉賢才而授能兮循繩墨而不頗。皇天無私阿兮覽民德焉錯輔。夫維聖哲之茂行兮苟得用此下土。瞻前而顧後兮相觀民之計極。夫孰非義而可用兮孰非善而可服。陪余身而危死兮覽余初其猶未悔。不量鑿而正衲兮固前修以菹醢。曾歔歔余鬱邑兮哀朕時之不當。攬茹蕙以掩涕兮霑余襟之浪浪。跪敷衽以陳辭兮耿吾既得此中正。馳王虬以乘鷖兮濫埃風余上征。朝發軔於蒼梧兮夕余至乎縣圃。欲少畱此靈瑣兮日忽忽其將暮。吾令羲和弭節兮望崦嵫而勿迫。路曼曼其修遠兮吾將上下而求索。飲余馬於咸池兮馳余轡乎扶桑。折若木以拂日兮聊逍遙以相羊。前望舒使先驅兮後飛廉使奔屬。鸞皇爲余

先戒兮雷師告余以未具吾令鳳鳥飛騰兮繼之以口  
夜飄風屯其相離兮帥雲霓而來御紛總總其離兮  
斑陸離其上下吾令帝閭開關兮倚閭闔而望子時暖  
暖其將罷兮結幽蘭而延佇世溷濁而不分兮好蔽美  
而嫉妬朝吾將濟於白水兮登閬風而縹馬忽反顧以  
流涕兮哀高丘之無女溘吾遊此春宮兮折瓊枝以繼  
佩及榮華之未落兮相下女之可詒吾令豐隆乘雲兮  
東虞妃之所在解佩纓以結言兮吾令謇修以爲理紛  
總總其離兮忽綿繡其難遷夕歸次於窮石兮朝濯  
髮乎洧盤休厥美以驕傲兮日康娛以淫遊雖信美而  
無禮兮來違棄而改求覽相觀於四極兮周流乎天余  
乃下望瑤臺之偃蹇兮見有娥之佚女吾令鳩爲媒兮  
鳩告余以不好雉鳩之鳴逝兮余猶惡其佻巧心猶豫  
而狐疑兮欲自適而不可鳳皇既受詒兮恐高辛之先  
我欲遠集而無所止兮聊浮游以逍遙及少康之末家  
兮留自虞之二姚理弱而媒拙兮恐導言之不固世溷  
濁而嫉賢兮好蔽美而稱惡閨中旣以邃遠兮哲王又  
不寤懷朕情而不發兮余焉能忍而與此終古索薏苡  
以筵簞兮命靈氛爲余占之曰兩美其必合兮孰信修  
而慕之思九州之博大兮豈惟是其有女曰勉遠逝而



無孤疑兮孰求美而釋女何所獨無芳草兮爾何懷乎  
故宇世幽昧以眩曜兮孰云察余之善惡民好惡其不  
同兮惟此黨人其獨異戶服艾以盈要兮謂幽蘭其不  
可佩覽察草木其猶未得兮豈理美之能當蕝蕝壤以  
充帟兮謂申椒其不芳欲從靈氛之吉古兮心猶豫而  
狐疑巫咸將兮降兮懷椒糈而要之百神翳其徧降兮  
九疑續其並迎皇郅剋其揚靈兮告余以吉故曰勉陞  
降以上下兮求矩矱之所同湯禹儼而求合兮摯咎繇  
而能調苟中情其好修兮又何必用夫行媒說操築於  
傅巖兮武丁用而不疑呂望之鼓刀兮遭周文而得舉  
甯戚之謳歌兮齊桓聞以該輔及年歲之未晏兮時亦  
猶其未央恐鵲鳩之先鳴兮使夫百草爲之不芳何瓊  
佩之偃蹇兮衆夢然而蔽之惟此黨人之不諒兮悲嫉  
妬而折之時續紛以變易兮又何可以淹留蘭芷變而不  
芳兮荃蕙化而爲茅何昔日之芳草兮今直爲此蕭  
艾也豈其有他故兮莫好修之害也今以蘭爲可恃兮  
羌無實而容長委厥美以從俗兮苟得列乎衆芳椒專  
佞以慢愒兮撥又欲充夫佩帟既干進而務入兮又何  
芳之能祗固時俗之流從兮又孰能無變化覽椒蘭其  
若茲兮又見揭車與江離惟茲佩之可貴兮委厥美而

歷茲芳菲而難虧兮芬至今猶未沫和調度以自娛  
兮聊浮游而求女及余飾之方壯兮周流觀乎上下靈  
氛既告余以吉占兮歷吉日乎吾將行折瓊枝以爲羞  
兮精瓊靡以爲糧爲余駕飛龍兮雜瑤象以爲車何離  
心之可同兮吾將遠逝以自疏遭吾道夫崑崙兮路修  
遠以周流揚雲霓之晻藹兮鳴玉鸞之啾啾朝發軔於  
天津兮夕余至乎西極鳳皇翼其承旂兮高翱翔之翼  
翼忽吾行此流沙兮遵赤水而容與麾蛟龍以梁津兮  
詔西皇使涉予路修遠以多艱兮騰衆車使徑待路不  
周以左轉兮指西海以爲期屯余車其千乘兮齊王軼  
而並馳駕八龍之晼晼兮載雲旗之委蛇抑志而弭節  
兮神高馳之逸逸奏九歌而舞韶兮聊假日以愉樂陟  
陞皇之赫戲兮忽臨睨夫舊鄉僕夫悲余馬懷兮蹇局  
顛而不行亂曰已矣哉國無人兮莫我知兮又何懷乎  
故都既莫足與爲美政兮吾將從彭咸之所居其九歌  
祀東皇太一辭曰吉日兮辰良穆將愉兮上皇撫長劍  
兮王珥璆鏘鳴兮琳琅瑤席兮玉璵蓋將把兮瓊芳蕙  
肴蒸兮蘭藉奠桂酒兮椒漿揚抱兮拊鼓疏緩節兮安  
歌陳竽瑟兮浩倡靈偃蹇兮姣服芳菲菲兮滿堂五音  
紛兮繁會若欣欣兮樂康雲中君曰浴蘭湯兮沐芳華



采衣兮若英靈連璫兮既留爛昭昭兮未央  
壽宮與日月兮齊光龍駕兮帝服聊翱翔兮周章  
皇兮既降焱遠舉兮雲中覽冀州兮有餘橫四海兮焉  
窮思夫君兮太息極勞心兮慄慄湘君辭曰君不行兮  
夷猶蹇誰留兮中洲美要眇兮宜修沛吾乘兮桂舟兮  
沅湘兮無波使江水兮安流望夫君兮未來吹參差兮  
誰思駕飛龍兮比征邇吾道兮洞庭薛荔柏兮蕙綢蓀  
橈兮蘭旌至涔陽兮極浦橫大江兮揚靈揚靈兮未極  
女嬃媛兮爲余太息橫流涕兮潺湲隱思君兮惝惓惝  
權兮蘭櫓斷水兮積雪采薜荔兮水中搴芙蓉兮木末  
心不同兮媒勞恩不甚兮輕絕石瀨兮淺淺飛龍兮  
翩交不忠兮怨長期不信兮告余以不間鼉騶驚兮江  
皋夕阻節兮北渚鳥次兮屋上水周兮堂下捐余玦兮  
江中遺余佩兮澧浦采芳洲兮杜若將以遺兮下女時  
不可兮再得聊逍遙兮容與湘夫人辭曰帝子降兮  
渚目眇眇兮愁予嫋嫋兮秋風洞庭波兮木葉下登白  
蘋兮騁望與佳期兮夕張鳥何萃兮蘋中曷何爲兮不  
上沅有芷兮澧有蘭思公子兮未敢言荒忽兮遠望觀  
流水兮潺湲麋何爲兮庭中蛟何爲兮水裔朝馳余馬  
兮九皋夕濟兮西澨聞佳人兮召予將騰駕兮借遊樂

室兮水中葺之兮荷蓋蓀壁兮紫壇菊芳椒兮成堂桂  
棟兮蘭橈辛夷楣兮葯房閭薜荔兮爲幃擗蕙陽兮說  
張曰玉兮爲鎮疏石蘭兮爲芳芷葺兮荷屋繚之兮杜  
衡合百草兮實庭建芳馨兮廡門九疑續兮匪迎靈之  
來兮如雲捐余帙兮江中遺余襍兮豐浦牽汀洲兮杜  
若將以遺兮遠者時不可兮驟得聊逍遙兮容與大司  
命辭曰廣開兮天門紛吾乘兮玄雲令飄風兮先驅使  
凍雨兮灑塵君迴飭兮以下踰空桑兮從女紛總總兮  
九州何壽夭兮在予高飛兮安翔乘清氣兮御陰陽吾  
與君兮齊速導帝之兮九坑靈衣兮被被玉佩兮陸離  
一陰兮一陽畏莫知兮余所爲折疏麻兮璫華將以遺  
兮離居冉冉兮既極不寢近兮愈疏乘龍兮麟麟高  
駢兮沖天結桂枝兮延晷羌愈思兮愁人愁人兮柰何  
願若令兮無屬同人命兮有當孰離合兮可爲少司命  
辭曰秋蘭兮麝蕪羅生兮堂下綠葉兮素枝芳菲菲兮  
襲予夫人兮自有美子蓀何以兮愁苦秋蘭兮青青綠  
葉兮紫莖滿堂兮美人忽獨與余兮日戚人不言兮出  
不辭乘回風兮載雲旗悲莫悲兮生別離樂莫樂兮新  
相知荷衣兮蕙帶儵而來兮忽而逝夕宿兮帝郊君誰  
須兮雲之際與女遊兮九河衝風至今水揚波與女沐



兮咸池晞女髮兮陽之阿望斂人兮未徠臨風悅兮浩  
歌孔蓋兮翠旂登九天兮撫彗星愆長劒兮擁幼艾蓀  
獨宜兮爲民正東君辭曰噉將出兮東方照吾檻兮扶  
桑撫余馬兮安驅夜皎皎兮既明駕龍輶兮乘雷載雲  
旗兮委蛇長太息兮將上心低徊兮顧懷羌聲色兮娛  
人觀者憺兮忘歸絙瑟兮交鼓蕭鍾兮瑤簾鳴鱗兮吹  
竽思靈保兮賢姱翺飛兮翠曾展詩兮會舞應律兮合  
節靈之來兮蔽日青雲衣兮白霓裳舉長矢兮射天狼  
操余弧兮反淪降援北斗兮酌桂漿撰余轡兮高馳閉  
青冥兮以東行河伯辭曰與女遊兮九河衝風起兮橫  
波乘水車兮荷蓋駕兩龍兮驂螭登崑崙兮四望心飛  
揚兮浩蕩日將暮兮悵忘歸惟極浦兮寤懷魚鱗屋兮  
龍堂紫貝闕兮朱宮靈何爲兮水中乘白鼉兮逐文魚  
與女遊兮河之渚流澌紛兮將來下子交手兮東行送  
美人兮南浦波滔滔兮來迎魚隣隣兮發予山鬼辭曰  
若有人兮山之阿被薜荔兮帶女羅既合睇兮又宜笑  
子慕予兮善窈窕乘赤豹兮從文狸辛夷車兮結桂旗  
被石蘭兮帶杜衡折芳馨兮遺所思余處幽篁兮終不  
見天路險難兮獨後來表獨立兮山之上雲容容兮而  
在下杳冥冥兮羌晝晦東風飄兮神靈雨雷靈修兮儺

志歸歲既晏兮孰華予采三秀兮山間石磊磊兮葛蔓  
蔓想公子兮悵志歸君思我兮不得聞山中人兮芳杜  
若飲石泉兮蔭松栢君思我兮然疑作靈壙與兮雨冥  
冥復啾啾兮又夜鳴風颯颯兮木蕭蕭思公子兮徒離  
憂國殤辭曰操吳戈兮被犀甲車錯轂兮短兵接旌蔽  
日兮蔽若雲矢交墜兮士爭先凌余陣兮躐余行左驂  
殪兮右刃傷霾兩輪兮繫四馬援玉枹兮擊鳴鼓天時  
懟兮威靈怒嚴殺盡兮棄原野出不入兮往不反平原  
忽兮路超遠帶長劍兮挾秦弓首雖離兮心不懲誠既  
勇兮又以武終剛強兮不可凌身既死兮神以靈魂魄  
毅兮爲鬼雄禮魂辭曰成禮兮會鼓傳芭兮代舞姱女  
倡兮容與春蘭兮秋鞠長無絕兮終古三百篇後入春  
秋飯牛歌采葛婦及孺子滄浪歌漸變爲楚聲至離騷  
而大昌而統於騷經九歌九章皆本騷經爲辭九歌則  
楚調曲之所始也惟天問橘頌依於古詩卜居漁父馳  
騁於古文云宋景文公曰離騷爲詞賦之祖後人爲之  
如至方不能加矩其卜居篇曰屈原既放三年不得復  
至圓不能過規矣



太卜鄭詹尹曰。余有所疑。願因先生決之。詹尹乃端策  
拂龜曰。君將何以教之。屈原曰。吾寧悵悵欸欸。朴以忠  
乎。將送往迎來。斯無窮乎。寧銖鋤草茅。以力耕乎。將遊  
大人。以成名乎。寧正言不諱。以危身乎。將從俗富貴。以  
媮生乎。寧超然高舉。以保真乎。將呶訾栗斯。喔咿嚅兒。  
以事婦人乎。寧廉潔正直。以自清乎。寧突梯滑稽。如脂  
如膏。以挈楹乎。寧昂昂若千里之駒乎。將汜汜若水中  
之鳧。與波上下。偷以全吾軀乎。寧與騏驥亢軛乎。將隨  
騶馬之迹乎。寧與黃鵠比翼乎。將與雞鶩爭食乎。此孰  
吉孰凶。何去何從。世溷濁而不清。蟬翼爲重。千鈞爲輕。

黃鍾毀棄瓦釜雷鳴。讒人高張。賢士無名。吁嗟默默兮。  
誰知吾之廉貞。詹尹乃釋策而謝曰。尺有所短。寸有所  
長。物有所不足。智有所不明。數有所不逮。神有所不通。  
用君之心。行君之意。龜策誠不能知此事。其漁父篇曰。  
屈原至於江濱。行吟澤畔。顏色憔悴。形容枯槁。漁父見  
而問之曰。子非三閭大夫與。何故至於斯。屈原曰。舉世  
混濁。我獨清。衆人皆醉。我獨醒。是以見放。漁父曰。夫聖  
人者。不凝滯於物。而能與世推移。舉世混濁。何不隨其  
流。而揚其波。衆人皆醉。何不餽其糟。而啜其醪。何故深  
思高舉。自令放爲。屈原曰。吾聞之。新沐者必彈冠。新浴



者必振衣。安能以身之察察，受物之汶汶者乎？寧赴湘  
流，葬於江魚之腹中。又安能以皓皓之白，而蒙世之塵  
埃乎？乃作懷沙之賦。其辭曰：浩浩沅湘，分流汨兮。修路  
幽拂，道遠忽兮。曾嗟恒悲，永歎慨兮。世既莫吾知兮，人  
心不可謂兮。懷情抱質，獨無匹兮。伯樂既歿，驥將焉程  
兮。人生有命，各有所錯兮。定心廣志，余何畏懼兮。曾傷  
爰哀，永嘆喟兮。世溷不吾知，心不可謂兮。知死不可讓  
願，勿愛兮。明告君子，將以爲類兮。於是懷石自投汨羅  
江而死。楚人聞之，莫不流涕悲哀傷焉。原內潔修有遠  
志，能放言極論，嘗覃思於憑翼罔象，推冥昭曹閭之故。

及於天地山川神靈物怪之事。以爲莫可得而原也。作  
天問以自廣。眇觀宇宙。陋世俗之卑狹。欲浮游八極。後  
天而終。以閱反復無窮之世變。賦遠遊以見意。其辭突  
梯滑稽。矐莽漫衍。光怪忽恍。未可以情測也。而遠遊殆  
於有所聞者。其辭曰。悲時俗之迫阨兮。願輕舉而遠遊。  
質菲薄而無因兮。馬託乘而上浮。遭沉濁而汙穢兮。獨  
鬱結其誰語。夜耿耿而不寐兮。魂營營而至曙。惟天地  
之無窮兮。哀人生之長勤。往者余弗及兮。來者吾不聞。  
步徙倚而遙思兮。怊惝恍而永懷。意荒忽而流蕩兮。心  
愁悽而增悲。神儵忽而不反兮。形枯槁而獨留。內省惟



以端操兮。求正氣之所繇。漠虛靜以恬愉兮。澹無爲而自得。聞赤松之清塵兮。願承風乎遺則。貴真人之休德兮。美往世之登仙。羽化去而不見兮。名聲著而日延。奇傳說之託辰星兮。羨韓衆之得一。形穆穆以淩遠兮。離人羣而遁逸。因氣變而遂曾舉兮。忽神奔而鬼怪時。髣髴以遙見兮。精皎皎以往來。恐天時之代序兮。耀靈畢而西征。微霜降而下淪兮。悼芳草之先薈。春秋忽其不淹兮。奚久畱此故居。軒轅不可攀援兮。吾將從王喬而娛戲。淩六氣而飲沆瀣兮。漱正陽而含朝霞。保神明之清澄兮。精氣入而羸穢除。順凱風以從遊兮。至南巢而

壹息見王子而宿之兮。審壹氣之和德。曰道可受而不  
可傳。其小無內兮。其大無垠。毋滑而魂兮。彼將自然。壹  
氣孔神兮。於中夜存。虛以待之兮。無爲之先。庶類以成  
兮。此德之門。間至貴而遂徂兮。忽乎吾將行。仍羽人於  
丹丘兮。畱不死之舊鄉。朝濯髮於湯谷兮。夕晞余身乎  
九陽。吸飛泉之微液兮。懷琬琰之華英。玉色頽以腕顙  
兮。精醇粹而始壯。質銷鑠以汨約兮。神要眇以淫放。嘉  
南州之炎德兮。麗桂樹之冬榮。山蕭條而無獸兮。野寂  
漠其無人。載營晷而登霞兮。掩浮雲而上征。命天閭其  
開關兮。排閭闔而望予。召豐隆使先導兮。問太微之所



若集重陽入帝宮兮。造旬始而觀清都。朝發軔於太儀  
兮。夕始臨乎微閭。屯余車之萬乘兮。紛容與而竝馳。駕  
八龍之婉婉兮。載雲旗之逶蛇。建雄虹之采旄兮。五色  
雜而炫耀。服偃蹇以低昂兮。驂連蜷以驕驚。騎膠葛以  
雜亂兮。斑漫衍而方行。涉青雲以汎濫遊兮。忽臨睨夫  
舊鄉。僕夫懷余心悲兮。邊馬顧而不行。思舊故以想像  
兮。長太息而掩涕。汜容與而遐舉兮。聊抑志而自弭。指  
炎神而直馳兮。吾將往乎南疑。覽方外之荒忽兮。沛潤  
漭而自浮。舒并節以馳騖兮。遶絕垠乎寒門。軼迅風於  
清源兮。從顓頊乎增冰。經營四方兮。周流六漠。上至列

缺兮降望大壑。下崢嶸而無地兮。上寥廓而無天。視修  
忽而無見兮。聽惝怳而無聞。超無爲以至清兮。與泰初  
而爲鄰。屈原旣死。其弟子宋玉。傷其師以忠放逐。而卒  
以死也。託於帝命。命巫陽以下招。作招魂。原初見放時。  
託於悲秋。氣凜烈以傷之。作九辨。而楚人唐勒。景差之  
徒。皆好辭。咸祖原以賦稱。其後荀卿。雜陳古今治亂興  
亡之効。託聲詩以風。若將爲工師之誦。旅賁之規者。作  
成相三章。及偉詩詞。亦放於楚。後數十年。楚竟爲秦所  
滅。後百十餘年。漢有賈生。爲長沙王太傅。過湘水。投書  
以弔屈原。

忠節  
文學



荀卿。趙人也。名況。學於孔氏門人。馯臂子弓。見孝成王。而論兵。王曰。請問其要。對曰。要在附民。夫仁人之兵。上下一心。三軍同力。臣之於君也。下之於上也。若子弟之事父兄。若手臂之扞頭目。而覆胷腹也。故其要在附民而已。齊人隆枝擊。得一首者。賜贖鎰金。無本賞矣。事小敵毳。則偷可用也。事大敵堅。則渙然離耳。是亡國之兵也。其去貨市傭而戰之幾矣。魏氏之武卒。以度取之衣。三屬之甲。操十二石之弩。負矢五十。置戈其上。冠胄帶劍。贏三日糧。日中而趨百里。中試則復其戶。利其田宅。氣力數年而衰。而復利未可奪也。改造則不易周也。故

地雖大。其稅必寡。是危國之兵也。秦人其生民也。陘隘。其使民也。酷烈。狃之以慶賞。鯁之以刑罰。使民所以要利於上者。非闔無繇也。使以功賞相長。五甲首而隸五家。是最爲衆彊長久之道。然皆干賞蹈利之兵。未有安制綦節之理也。故齊之技擊。不可以遇魏之武卒。魏之武卒。不可以遇秦之銳士。秦之銳士。不可以當桓文之節制。桓文之節制。不可以敵湯武之仁義。故招延募選。隆勢詐。尚功利。是漸之也。禮義教化。是齊之也。故兵大齊。則制天下。小齊。則制隣國。若招延募。隆勢詐。尚功利之兵。則勝不勝無常。相爲雌雄耳。夫是之謂盜兵。君



子不繇也。王曰：善。請問爲將。卿曰：號令欲嚴，以威賞罰欲必，以信。處舍欲周，以固。徙舉進退欲安，以重。欲疾，以速。窺敵觀變，欲潛以深。欲伍以參。遇敵決戰，必行吾所明。毋行吾所疑。夫是之謂六術。無欲將而惡廢，無怠勝而忘敗。無威內而輕外，無見利而不顧其害。凡慮事，欲熟。而用財，欲泰。夫是之謂五權。可殺而不可使擊，不勝。可殺而不可使欺，百姓。夫是之謂三至。凡百事之成也，必在敬之。其敗也，必在慢之。故敬勝怠則吉，怠勝敬則滅。計勝欲則從，欲勝計則凶。戰如守，行如戰。有功如幸。慎行此六術，五權三至而處之。

以恭敬無曠。夫是之謂天下之將臨武君曰善。請問王者之軍制。卿曰。將死鼓。御死轡。百吏死職。士大夫死行列。聞鼓聲而進。金聲而退。順命爲上。有功次之。不殺老弱。不獵田稼。服者不禽。格者不赦。犇命者不獲。凡誅非誅百姓也。誅其亂百姓者也。故順命者生。徠刃者死。犇命者貢。有誅而無戰。不屠城。不潛軍。不畱衆。師不越時。故亂者樂其政。不安其上者欲其至也。臨武君曰善。陳轅問曰。先生議兵。常以仁義爲本。仁義又何以兵爲哉。荀卿曰。仁者愛人。故惡人之害之也。義者循理。故惡人之亂之也。故兵者所以禁暴除害也。非爭奪也。古者之



其戈矛弓矢而已。然而敵國不待誅而誅。城郭不集。溝池不掘。固塞不樹。機變不張。然而國晏然不畏外而固者。無他故焉。明道而均分之。時使而誠愛之。下應之如影響。有不繇命者。然後俟之以刑。則民知罪矣。故刑一人而天下服。皋人不尤其上。知皋之在已也。是故刑罰省而威行如流。無他故焉。繇其道故也。故繇其道則行。不繇其道則廢。古者帝堯之治天下也。蓋殺一人。刑二人。而天下治。荀卿子既五十。去趙游於齊。齊稷下之列大夫多死。而荀卿爲老師。三列祭酒。後去之楚。爲楚蘭陵令。因遂家蘭陵。荀卿嫉世混濁。亡國亂君相屬而爭。

於戰攻鄙儒小拘而莊周等放言又滑稽亂俗於是推  
儒墨道德之行事興壞序列之爲書其論學曰學不可  
以已矣青出於藍而青於藍冰水爲之而寒於水木直  
中繩輶以爲輪其曲中規雖有稿暴不復挺者輶使之  
然也故木受繩則直金就礪則利君子博學而日三省  
乎已則知明而行無過矣故不登高山不知天之高也  
不臨深谿不知地之厚也不聞先王之遺言不知學問  
之大也於越夷貊之子生而同聲長而異俗教使之然  
也南方有鳥焉名曰蒙鳩以羽爲巢而編之以髮繫之  
苧苕風至苕折卵破子死巢非不完也所繫者然也西



力有木焉。名曰射干。莖長四寸。生於高山之上。而臨百仞之淵。莖非能長也。所立者然也。蓬生麻中。不扶而直。蘭槐之根。是名爲芷。其漸之滌。君子不近。庶人不服。其質非不美也。所漸者然也。故君子居必擇鄉。遊必就士。所以防邪僻。而近中正也。積土成山。風雨興焉。積水成淵。蛟龍生焉。積善成德。神明自得。聖心循焉。故不積跬步。無以至千里。不積小流。無以成江河。蟻無爪牙之利。筋骨之強。上食埃土。下飲黃泉。用心一也。蟹八跪而二螯。非蛇鱈之穴。無所託其身。用心躁也。是故。無冥冥之志者。無昭昭之明。無惛惛之事者。無赫赫之功。行衢道。

者不至。事兩君者不容。目不兩視而明耳。不兩聽而聰。騰蛇無足而飛。鼯鼠五技而窮。詩曰。淑人君子。其儀一兮。其儀一兮。心如結兮。言君子之結於一也。又曰。君子大心則天而道。小心則畏義而節。智則明通而顓。愚則端慤而法。見繇則恭而止。見閉則敬而齊。喜則和而理。憂則靜而理。通則文而明。窮則約而詳。見善脩然。必以自存也。見不善愀然。必以自省也。善在身。介然必以自好也。不善在身。菑然必以自惡也。小人則不然。大心則慢而暴。小心則傾而僻。知則攫盜而斬。愚則毒賊而亂。見繇則悅而倨。見閉則險而怨。喜則輕詭。憂則挫懾。通



則驕而偏。窮則棄而塞。致亂而惡人之非已也。致不肖而欲人之賢已也。心如虎狼。行如禽獸。而怨人之賊已也。傳曰。君子兩通。小人兩廢。此之謂也。血氣剛強。則柔之以調和。知慮漸深。則一之以易良。勇膽猛戾。則輔之以道順。齊給便利。則節之以動止。狹隘褊小。則廓之以廣大。重遲貪利。則抗之以高志。庸衆騖散。則刳之以師友。怠慢僇棄。則炤之以禍患。愚欵端慤。則合之以禮樂。通之以思索。凡治氣養身之術。莫經繇禮。莫要得師。莫神一好。是治氣養心之術也。其論教曰。問楮者。勿告也。同。楮苦。告苦者。勿問也。說苦者。勿聽也。有爭氣者。勿與辯。

也。故必繇其道至。然後接之。非其道則避之。故禮恭而後可與言道之方。辭順而後可與言道之理。色從而後可與言道之致。故未可與言而言謂之躁。可與言而不言謂之隱。不觀顏色而言謂之瞽。君子不躁不隱不瞽。謹順其身。君子能爲可貴。不能使人必貴已。能爲可信。不能使人必信已。能爲可用。不能使人必用已。故君子恥不修。不恥或見汙。恥不信。不恥不見信。恥不能。不恥不見用。是以不誘於譽。不恐於毀。率道而行。端然正已。不爲物傾側。夫是之謂誠。君子弓調而後求勁焉。馬服而後求良焉。士信慤而後求知能焉。士不信慤而多知。



能譬之豺狼不可通。其論政曰。馬駭輿。則君子不安輿。人駭政。則君子不安政。馬駭輿。則莫若靜之人。駭政。則莫若惠之。選賢良。舉篤敬。興孝誼。收孤寡。補貧窮。則庶人安政矣。庶人安政。然後君子安位。故君人者欲安。則莫若平政愛民矣。欲榮。則莫若隆禮敬士矣。欲立功名。則莫若尚賢使能矣。是三者。君人大節也。三節者當。則其餘靡不當矣。三節者不當。其餘雖曲當。繇將無益也。有亂君。無亂國。有治人。無治法。法者治之端。君子者法之原也。合符節。別契券。所以爲信也。上好權謀。則臣下百吏誣詐之人。乘是而後欺。採籌投鈎。所以爲公也。上

好曲私則臣下百吏乘是而後偏衡石稱縣所以爲平也。上好傾覆則臣下百吏乘是而後險斗斛敦量所以爲責也。上好貪利則臣下百吏乘是而後鄙豐取刻與以無度取於人故械數者治之流也。非治之源也。君子者治之源也。官人守數君子養源源清則流清源濁則流濁故上好禮義尚賢使能無貪利之心則下亦將基辭讓致忠信而謹於臣子雖在小民不待符節別契而信不待探籌投鈞而公不待衡石稱懸而平不事斗斛敦量而責故賞不用而人勸罰不用而人服有司不勞而事理政令不煩而俗美百姓莫敢不順上之法象上



之事而安樂之矣。故籍歛忘費事。役忘勞。寇讎忘死。城郭不待飾而固。兵刃不待陵而勁。敵國不待服而誦。四海之人不待令而一。夫是之謂至平。人主有大患。使賢者爲之。與不肖者規之。使智者慮之。與愚者論之。使修士行之。與汙邪之人疑之。夫貞靜之女。色惡者之孽也。公正之士。衆人之怨也。修道之人。汙邪之賊也。今使汙邪之人。論其怨賊。而求其無偏。得乎哉。亂莫大焉。古之人不然。其取人有道。其用人有法。行義動靜。度之以禮。智慮取舍。稽之以成。日月積久。較之以功。故卑不得以臨尊。輕不得以縣重。愚不得以謀智。是以萬舉而萬不

過也。故效之以禮。而觀其能安敬也。與之舉措遷移。而觀其能應變也。與之安燕。而觀其能無陷也。接之以聲色權利。忿怒患險。而觀其能無離守也。使誠有之者。與誠無之者。若白黑然。孰得而誣之哉。故伯樂不可欺以馬。君子不可欺以人。此明主之道也。積微月不勝日。時不勝月。歲不勝時。凡人好敖慢小事。大事至。然後興之。務之。惑矣。夫小事之至也數。其縣日也博。其爲積也大。大事之至也希。其縣日也淺。其爲積也小。故善日者王。善時者霸。補漏者危。大荒者亡。故王者敬日。霸者敬時。僅存之國。危而後戚之。國之禍敗。不可勝悔也。能積微。



者速成。詩曰：德輶如毛，民鮮克舉之。此之謂也。其論事君曰：事聖君，有聽從，無諫爭；事中君，有諫爭，無諂諛。事暴君，有補削，無矯拂；迫脅於時，窮居於暴國，而無所避之，則崇其美，揚其善，違其惡，隱其敗，言其所長，不稱其所短，以爲成俗。詩曰：我聞有命，不敢以告人。是故恭敬而遜，聽從而敏，不敢有私決擇也，不敢有私取與也，以順上爲志，是事聖君之義也。忠信而不諛，諫爭而不諂，矯然剛折，端志而無傾側之心，是事中君之義也。調而不流，柔而不屈，寬容而不亂，曉然以至道而無不調和，是事暴君之義也。若馭樸馬，若養赤子，若食餒人，故因

其懼也而改其過。因其憂也而辨其故。因其喜也而入其道。繇將得所謂焉。書曰。從命而不拂。微諫而不倦。爲上則明。爲下則遜。此之謂也。其論禮曰。人生而有欲。欲不能無求。求而無度量。則爭。爭則亂。亂則窮。先王惡其亂也。故制禮義以養人之欲。給人之求。使欲不窮乎物。物不屈於欲。是禮之所起也。故禮者養也。芻豢稻粱。五味調香。所以養口也。椒蘭芬苾。所以養鼻也。雕琢刻鏤。黼黻文章。所以養目也。鍾鼓管磬。琴瑟竿笙。所以養耳也。疏房牀第几筵。所以養體也。君子既得其養。又好其辯也。易謂辯貴賤有等。長幼有差。貧富輕重。皆有稱者。



也。故天子大路越席。所以養體也。側載臭茝。所以養鼻也。前有錯衡。所以養目也。和鸞之聲。步中武象。趨中韶濩。所以養耳也。龍旗九旂。所以養信也。寢兕持麈。彌龍。所以養威也。故大路之馬。必信至教。順然後乘之。所以養安也。孰知夫士出死要節。之所以養生也。孰知夫輕費用。之所以養財也。孰知夫恭敬辭讓。之所以養安也。孰知夫禮義文理。之所以養情也。人苟生之爲見。若者必死。苟利之爲見。若者必害。苟怠惰偷懦之爲安。若者必危。苟情說之爲樂。若者必戚。故聖人一之於禮義。則兩得之矣。一之於情性。則兩失之矣。儒者將使人兩得。

之者也。墨者將使人兩失之者也是。儒墨之分也。禮有三本。天地者。生之本也。先祖者。類之本也。君師者。治之本也。無天地。惡生。無先祖。惡出。無君師。惡治。三者偏亡。則無安人。故禮上事天。下事地。尊先祖而隆君師。是禮之三本也。王者天太祖。諸侯不敢懷。大夫士有常宗。所以別貴始。貴始得之本也。郊止乎天子。社至於諸侯。函及士大夫。所以別尊者。事尊。卑者。事卑。宜大者。巨。宜小者。小。故有天下者。事十世。有一國者。事五世。有五乘之地者。事三世。有三乘之地者。事二世。待年而食者。不得立宗廟。所以表積厚者。流澤廣。積薄者。流澤狹也。大饗。



尚玄尊。俎生魚。先大羹。貴食飲之本也。饗尚玄尊而用酒醴。先黍稷而飯稻粱。祭齊大羹而飽庶羞。貴本而親用也。貴本之謂文。親用之謂理。兩者合而成文。以歸大。一。夫是之謂大隆。故尊之尚玄酒也。俎之尚生魚也。豆之先大羹也。一也。利爵之不醺也。成事之俎不嘗也。三。角之不食也。大昏之未廢齊也。大廟之未入尸也。始卒之未小斂也。一也。大路之素幘也。郊之麻紼。喪服之先散麻也。一也。三年哭之不反也。清廟之歌。一倡而三歎。縣一鍾拊之。隔朱絃而通越。一也。凡禮始乎脫。成乎文。終乎稅。故至備情文俱盡。其次情文代勝。其下復情以

歸大一也。天地以合。日月以明。四時以序。星辰以行。江河以流。萬物以昌。好惡以節。喜怒以當。以爲下則順。以爲上則明。其要言有之。曰。眞積力久則入。曰。君子貧窮而志廣。富貴而體恭。安燕而血氣不惰。勞勸而容貌不枯。怒不過奪。喜不過予。曰。君子行不貴苟難。說不貴苟察。名不貴苟傳。唯其當之爲貴。荀卿患世主欲富強而不知其本也。爲言曰。觀國家之強弱。貧富有徵。上不隆禮則兵弱。下不愛民則兵弱。已諾不信則兵弱。慶賞不必則兵弱。將卒不能則兵弱。上好功則國貧。上好利則國貧。士大夫衆則國貧。無制數度量則國貧。下貧則上



貧下富則上富。故田野縣鄙者。財之本也。垣窳倉廩者。財之末也。百姓時和。事業得叙者。財之源也。等賦府庫者。財之流也。故明主必謹養其和。開其源。節其流。而時斟酌焉。潢然使天下必有餘。而上不憂不足。如是則上下俱富。交無所藏。是知國計之極也。故禹十年水。湯十年旱。而天下無菜色。十年之後。年穀復熟。而陳積有餘。無他故焉。知本末源流之謂也。卿患世主務計數小察。而不知其要。爲言曰。主道治近不治遠。治明不治幽。治一不治百。主能治近。則遠者治。主能治明。則幽者治。主能當一。則百事正。故兼聽天下。日有餘而治不足者。是。

治之極也。既能治近。又務治遠。既能察明。又務見幽。既能當一。又務正百。過也。不能治近而務治遠。不能察明而務見幽。不能當一而務正百。悖也。過猶悖也。故明主好要。闇主好詳。主好要則百事詳。主好詳則百事荒。君者。論一相。陳一法。明一指。以兼覆。竝炤而觀其成者也。相者。列百官之長。聽百事之要。以飭朝廷。臣下百吏之分度其功勞。論其慶賞。歲終奉其成。以效於君。當則可不當則廢。故君人勞於索之。佚於使之。荀卿悼戰國之主。不務自強於政治。爭割地事秦。皆折而入於秦。不繇其本也。爲言曰。事彊暴之國難。使彊暴之國事我易。事



之以貨寶則貨寶殫而交不結。約信盟誓則約定而畔  
無日。割地賂之則割定而欲無厭。事之彌煩其侵人愈  
甚。必至於資單國舉然後已。故明君不道也。必將修禮  
以齊官。平政以齊民。然後節奏齊於朝。百事齊於官。衆  
庶齊於下。如是則近者競親。遠方致願。上下一心。三軍  
同力。名聲足以暴炙之。威彊足以捶笞之。拱揖指麾而  
彊暴之國莫不趨使。譬之是猶烏獲與焦僥搏也。故曰  
使彊暴之國事我易。此之謂也。卿見世之人不能虛已  
格物。苟以其知計決事也。爲言曰。冥冥而行。見寢石以  
爲伏虎也。見植林以爲後人也。冥冥蔽其明也。醉者越

百步之溝。以爲跬步之澮。俯而出城門。以爲小之閨也。酒亂其神也。厭目而視者。視一以爲兩。掩耳而聽者。聽漠漠以爲啍啍。勢亂其官也。故從山下望牛。若羊而求羊者。不下牽也。遠蔽其大也。從山上望木者。十仞之木若箸。而求箸者。不上折也。高蔽其長也。水動而影搖。人不以定美惡。水勢眩也。瞽者仰視而不見月星。人不以定有無。用精惑也。有人焉。以此時定物。則世之愚者也。彼愚者之定物。以疑決。疑決不必當。安能無過乎。病世以其智自足。而不說學也。曰。吾嘗終日思矣。不如須臾之所學也。吾嘗跂而望矣。不如登高之博見也。登高而



招臂非加長也。而見者遠。順風而呼。聲非加疾也。而聞者彰。假輿馬者。非利足也。而致千里。假舟楫者。非能水也。而絕江河。君子生非異也。善假於物也。其非諸子曰。天下無二道。聖人無兩心。今諸侯異政。百家異說。則必或是或非。或理或亂。墨子蔽於用而不知文。宋子蔽於欲而不知得。慎子蔽於法而不知賢。申子蔽於勢而不知智。惠子蔽於辭而不知實。莊子蔽於天而不知人。此數者皆道之一隅也。夫道者。體常而盡變。一隅不足以舉之。曲知之人。觀於道之一隅。猶未之能識也。故以爲足而飾之。內以自亂。外以惑人。上以蔽下。下以蔽上。此

較塞之禍也。聖人知心術之患。見蔽塞之禍。故無欲無惡。無始無終。無近無遠。無博無淺。無古無今。兼陳萬物而中懸衡焉。是故衆異不得相蔽。以亂其倫也。故治之之要在於知道。人何以知道。曰心。心何以知道。曰虛。一而靜。人生而有知。知而有志。志也者。臧也。不以已臧害所將受。謂之虛心。生而有知。知而有異。不以不一害夫一。謂之一心。卧則夢。偷則自行。使之則謀。故心未嘗不動也。然而不以夢劇亂知。謂之靜。虛一而靜。謂之清明。萬物莫形而不見。莫見而不論。莫論而失位。坐於室而見四海。處於今而論久遠。疏觀萬物而知其情。參稽治



亂而通其度。經緯天地材官萬物。制割大理。而宇宙理矣。明參日月。大滿八極。夫是之謂大人。夫惡有所蔽哉。心者形之君。神明之主也。出令而無所受令。自禁自使。自奪自予。自行自止。故口可刼而使語默。形可刼而使屈伸。心不可刼而使易意。是之則受。非之則辭。其精之至也。不貳。故曰心枝則無知。傾則不精。貳則疑惑。故知者擇一而一焉。其非闕曰恭敬禮也。調和樂也。謹慎利也。闕怒害也。故君子安禮樂利。謹慎而無闕怒。是以百舉不過也。小人反是。闕也者忘其身忘其親忘其君者也。行少頃之怒而喪終身之軀。然且爲之。是忘其身也。室家立殘。親戚刑戮。然且爲之。是忘其親也。君上之所惡。刑法之所大禁。然且爲之。是忘其君也。

其君也。自忘其身。內忘其親。上忘其君。是刑法之所不赦也。聖王之所不畜也。乳彘不觸虎。乳狗不遠遊。不忘其親也。則是人也。曾狗彘之不若。豈不哀哉。凡鬪者。必自以爲是。以人爲非也。已誠是也。人誠非也。則是已君。子而人。小人也。以君子與小人相賊害。忿以忘身。內以忘親。上以忘君。所謂以狐父之戈。斲牛矢也。以爲智耶。愚莫大焉。以爲利耶。害莫大焉。以爲榮耶。辱莫大焉。以爲安耶。危莫大焉。豈不過甚矣哉。

論曰。子華子於道論至深。而動適事會。言中幾中倫。而氣優游不怒也。調之至也。屈子傷宗國之亡。至抱石沉淵。忠成性矣。而遠遊天間。窮化原而冥道宗。明之盡也。孫卿明王道禮樂之大體。當於事倫。於儒也醇矣。適不免小疵。以時有激言。至命性爲惡。又歷詆子思孟軻。以自是。殆其膚書哉。何言之不類也。



我中華

函史上編卷之九下

明盱郡鄧元錫纂

後秦志

秦始皇帝政。莊襄王子也。莊襄爲秦質子於趙。見趙賈人呂不韋姬。悅而取之。生始皇。邯鄲年十三。莊襄王死。

政立爲秦王。

初秦昭王太子死。次子安國君爲太子。有子二十餘人。有甚愛姬。曰華陽夫人。無子。

安國君中男。子楚母夏姬。無愛。爲秦質子於趙。車乘進。用不饒。不韋賈邯鄲。見之。曰。此奇貨可居。乃往見子楚。以五百金爲進用。結賓客。復以五百金買奇物玩好。自奉而西游秦。求見華陽夫人姊。而悉以其物獻華陽夫人。言子楚賢智。結賓客。徧天下。常曰。楚也。以夫人爲天。日夜泣。思。及夫人。因使其姊說夫人立以爲適嗣。子楚定爲嗣。不韋取邯鄲姬。絕好者與居。知有身。子楚從與。不韋飲見說之。起爲壽。請之。不韋陽怒不聽。已乃獻。



之至期生子政。昭王薨，安國君立為孝文王。華陽夫人為王后。子楚為太子。王薨，子楚立為莊襄王。尊王后為華陽太后。母夏姬為夏太后。不常相封文信侯。莊襄王政立，是時秦地已南并巴蜀。

漢中。越宛有郢。置南郡矣。北收上郡以東。有河東太原。

上黨郡。東至滎陽。城二周。置三川郡。王年少初立。呂不

常相稱仲父。招致賓客游士。欲以并天下。元年。晉陽反。

蒙驁擊定之。二年。庶公將卒攻卷。斬首三萬。三年。蒙驁

韓。取十二城。四年。拔魏。陽有詭。是歲。蝗蔽天。五年。蒙驁

魏。酸棗二十城。置東郡。七年春。彗星見東方。又見北方。

五月。見西方。冬。復見西方。八年。河魚大上。

民輕車重馬。就魚食。

毒封長信侯。九年春。彗星見。竟天。夏四月。寒。民有凍死。

者於是王冠帶劔益雄猜習事矣長信侯毒作亂覺誅

族坐誅死廢徙者四千餘家每階不常進得私於太后燕生二子不常免

就國遷太后雍貧陽宮十年齊趙來置酒齊人茅焦說

王曰秦方以天下爲事而大王有遷母太后之名恐諸

侯聞之倍秦也秦王乃迎太后於雍復居其泉宮大索

逐客楚人李斯上書諫說之拜客卿罷逐客令說魏人

尉繚畫以爲國尉斯楚上蔡人少爲郡小吏見吏舍廁中鼠食積粟居大廡下不見人犬之憂乃歎曰人之賢

不肖譬如鼠矣在所自處耳乃從荀卿學帝王之術學

成度六國弱不足事將西入秦辭於荀卿曰斯聞得時

無怠今萬乘方爭秦王欲吞天下而帝此布衣馳驚之

時而游說者之秋也久處卑賤之位困苦之地非世而

惡利自託於無爲此非士之情也其志願如此惜心見



矣。至秦爲文信侯舍人得說秦王，因瑕釁而遂忍之，用  
升天下，拜客卿，會韓人鄭國來間秦，作渠已而覺，秦宗  
室大臣言諸侯人來事秦者，大抵爲其主游間耳。請一  
切逐客，斯亦在逐中。乃上書言曰：臣聞吏議逐客，竊以  
爲過矣。昔者穆公求士，西取繇余於戎，東得百里奚於  
宛，迎蹇叔於宋，來邛豹公繇交於晉。此五子者，不產於  
秦，而穆公用之，并國三十，遂霸西戎。孝公用商鞅之禮，  
移風易俗，民以殷盛，國以富彊，百姓樂用，諸侯親服，獲  
楚魏之師，舉地千里。至今治彊，惠王用張儀之計，拔三  
川之地，西併巴蜀，北收上郡，南取漢中，包九夷，制鄢郢，  
東據成臯之險，割膏腴之壤，遂散六國之從，使之西面  
事秦，功施到今。昭王得范雎，廢穰侯，逐華陽，疆公室，杜  
私門，蠶食諸侯，使秦成帝業。四君皆以客之功，繇此觀  
之，客何負於秦哉？向使四君却客而不納，踈士而不與，  
是使國無富利之實，而秦無彊大之名也。今陛下致崑  
山之玉，有隨和之寶，垂明月之珠，服太阿之劍，乘纖離  
之馬，建翠鳳之旗，樹靈鼉之鼓，此數寶者，秦不生一焉，  
而陛下悅之，何也？必秦國之所生，然後可，則桓光之璧，  
不飾朝廷；犀象之器，不爲玩好；趙衛之女，不充後庭；  
駿馬，不實外廐；江南金錫，不爲用；西蜀丹青，不爲采。

可以飾後宮、充陳娛心、悅耳目者，必出於秦。然後可，則是宛珠之簪、傅璣之珥、阿縞之衣、繡錦之飾，不遊於前，而隨俗雅化，佳冶窈窕，趙女不立於側也。夫擊箏、扣缶、彈箏搏髀，而歌呼鳴鳴，真秦之聲也。鄭衛桑間，韶虞象武，異國之樂也。今棄擊箏扣缶，而就鄭衛，退彈箏而取韶虞，若是者，何也？快意當前，適觀而已矣。今取人則不然，不問可否，不論曲直，非秦者去，為客者逐。則是所重者，在乎色樂珠玉，而所輕者，在乎人民也。此非所以跨海內、制諸侯之術也。臣聞之，地廣者粟多，國大者人衆，兵彊則士勇，是以泰山不讓土壤，故能成其大；河海不擇細流，故能就其深；王者不却衆庶，故能明其德。是以地無四方，人無異國，四時充美，鬼神降福。此五帝三王之所以無敵也。今乃棄黔首，以資敵國，却賓客，以綦諸侯，使天下之士退而不敢西向，裹足不入秦，此所謂藉寇兵而齎盜糧者也。夫物不產於秦，可寶者多；士不產於秦，願忠者衆。今逐客以資敵國，損民以益讐，內自虛，而外樹怨，於諸侯，求國無危，不可得也。王說止逐客令，尉繚說秦王曰：以秦之彊，視諸侯，譬郡縣之君，臣但恐諸侯合從，翕而出不意，此乃智伯夫差閔王之所以亡也。願大王母愛財物，賂其豪臣，以亂其謀，不過亡



三十萬金而諸侯可盡也。王說見尉繚與亢禮衣服食飲與繚同。繚曰：王爲人瑋準長目，鶩鳥膺豺聲而虎狼心，居約易出，人下得志，亦輕食人，不可與久游。乃亡去。秦王覺，固止之，卒用其計策而李斯用事。十一

年，王翦桓齮、楊端和攻鄴，取趙九城，已并爲一軍。攻閼與、掠楊，翦將軍歸。十八日，斗食以下什推二人從軍，取

鄴、安陽。齮將十二年。文信侯不韋徙蜀死，竊葬其舍人

臨者。晉人也，逐出之。秦人六百石以上奪爵遷。自今以

來，操國事不道如嫪毐。呂不韋者，籍其門視此。是歲天

下大旱，六月至八月不雨。

初，秦王殺太后所生兩子，遷太后於雍，諸嫪毐舍人皆沒。

其家遷之蜀。王欲誅不韋，爲其奉先王功大，及賓客辯士爲游說者衆，不致法，獨免相歸。食邑河南，下令以太后事諫者戮，諫而死者二十七人矣。齊客茅焦請諫秦，王使使者問焦曰：若不見闕下積死人耶？焦曰：見之。願

臣願見陛下盡一言死不恨。王召見，置鼎俎，其前胾之。焦人入言曰：「陛下車裂假父，囊撲兩弟，遷母咸陽，族殺諫士，有桀紂之行，天下聞之，盡瓦解，無向秦者。」將何以立人上乎？語畢，脫衣就烹。王乃悟，自迎太后歸咸陽，立茅焦爲傅，爵之上卿。歲餘，諸侯賓客使者爲文信侯請者，相望於道。秦王恐其爲變，賜文信侯書曰：「君何功於秦，封河南食十萬戶？君何親於秦，號稱仲父，其與家屬從處蜀，不帶自度，稍侵，恐見誅，乃飲酖而死？」十三年，齕攻趙平陽，殺將，斬首十萬。春正月，彗星見東方。十四年，齕取趙宜安、平陽、武城。韓使非使秦，殺之。雲陽十五年，大興兵，一軍至鄴，一軍至太原，取狼孟，地動。十六年，魏獻地，置麗邑。十七年，騰攻韓，得韓王安，盡其地爲郡，曰潁川。地動，民大饑。十八年，大興兵攻趙，翦將上地。卒下井陘，端和將河內，卒圍邯鄲。十九年，滅趙，得趙王。



遷秦王之邯鄲。諸甞與王生趙時有怨者盡阬之母太  
后崩。趙公子嘉自立爲代王。與燕合兵軍上谷。民大饑。  
二十年。破燕易水西。二十一年。得燕太子丹首。大雨雪。  
二十二年。滅魏。二十三年。翦擊荊。虜荊王。荊將項燕立  
昌平君爲王。二十四年。翦武擊破之。昌平君敗死。項燕  
自殺。二十五年。大興兵滅燕。得燕王喜。還攻代。虜代王  
嘉。二十六年。賁從燕南攻齊。得齊王建。於是秦盡并天  
下。令丞相御史曰。寡人興兵誅暴亂。賴宗廟之靈。六王  
咸伏其辜。天下大定。今名號不更。無以稱成功。其議帝  
號。丞相綰。御史大夫劫。馮廷尉斯等言。古昔帝王。地方

千里。其外侯服夷服諸侯。或朝或否。天子不能制。今陛下興義兵。誅殘賊。平定天下。海內爲郡縣。法令繇一統。自上古以來所未有。五帝所不及。臣等謹與博士議。古有天皇地皇。有泰皇。泰皇最貴。臣等昧死上尊號爲泰皇。命爲制。令爲詔。王曰。去泰著皇。采上古帝位號。曰皇帝。他如議。制曰。朕聞太古有號。無諡。中古有號。死而以行爲諡。如此。則子議父。臣議君也。甚無謂。自今以來。除諡法。朕爲始皇帝。後世以數計。二世三世。至於萬世。傳之無窮。始皇推終始五德之傳。以爲周得火德。秦代周。從所不勝。爲水德。改歲首。朝賀。自十月朔。衣服旌旄節。



旗皆上里。數以六爲紀。更名河曰德水。以爲水德之始。剛毅戾深。事專決於法。刻削無仁恩義和。然後合水德之數。丞相綰<sup>王</sup>等言。諸侯新破。燕齊荆地遠。不置王。無以填之。請立諸子。惟上幸許。始皇下其議。羣臣皆以爲便。廷尉斯議曰。周文武所封子弟甚衆。然後屬疏遠。相攻擊如仇讎。周天子不能禦。今海內賴陛下神靈一統。皆爲郡縣。諸子功臣。以公賦稅重賞賜之。甚足易制。天下無異意。安寧之術也。置諸侯不便。始皇曰。天下其苦戰鬪不休。以有侯王。賴宗廟。天下初定。又復立國。是樹兵也。而求其寧息。豈不難哉。廷尉議是。分天下爲三。

十六郡郡置守尉監收天下兵聚咸陽銷以爲鍾鐻。金人十二重各千石置宮廷中。當是時秦地東至海暨朝鮮西至臨洮。中南至北嚮戶北據河爲塞並陰山至遼東。於是始皇自以功過五帝地廣三王而羞與之侔。欲夸宮室苑囿廵觀明得意。徙天下豪富於咸陽十二萬戶。秦每破諸侯寫放其宮室作咸陽北阪上南臨渭自雍門以東至涇渭殿屋複道周閣相屬。所得諸侯美人鍾鼓充入之。二十七年始皇廵隴西北地出鷄頭山過回中歸作信宮渭南已更命爲極廟。自極廟通驪山作甘泉前殿築甬道自咸陽屬之。已治馳道於天下。



二十八年。始皇東行郡縣。上鄒嶧山。立石。乃遂上泰山。  
禪梁父。竝渤海而東。過黃腫。窮成山。登之罘。立石焉而  
去。南登琅琊。刻石。所爲刻石者。命從臣頌秦功德也。石  
各有辭。始皇旣并天下。意大得。念獨在長生。惑方士言。  
真人者。入水不濡。入火不焚。陵雲氣。與天地久長。大悅  
之。遣齊人徐市。發童男女數千人。從市入海。采藥求神  
仙。乃西南渡淮。之南郡。浮江至湘山祠。逢大風。不得渡。  
始皇問博士言。湘君何神也。對曰。堯女舜妻。於是始皇  
大怒。伐湘山樹。赭其山而還。二十九年。登之罘。刻石。三  
十二年。燕人盧生以鬼神事使入海還。因奏錄圖書曰。

十秦者胡也。始皇乃使將軍恬發兵三十萬人北擊胡。三十三年發諸甞逋亡人及贅壻賈人畧取陸梁地爲桂林南海象郡。以邇遣戍西北。斥逐匈奴。自榆中並河以東屬之陰山。爲三十四縣。城河上爲塞。又使蒙恬渡河取高闕陶山北假中。築亭障。徧逐之。謫徙實之。三十四年始皇置酒咸陽宮。博士七十人前爲壽。頌始皇威德。齊人淳于越進曰。臣聞殷周之王千餘歲。封子弟功臣。自爲枝輔。今陛下有四海。而子弟爲匹夫。卒有田常六卿之臣。無輔拂。何以相救。事不師古。而能長久。非所聞也。始皇以問羣臣。丞相斯曰。五帝不相復。三王不相



襲各以治。非其相反。時變異也。今陛下創大業。建萬世之功。固非愚儒所知。且越言乃三代之事。何足法也。異時諸侯並爭。厚招游學。飾虛言以亂實。人善其私學。以非上所建立。今天下已定。法令出一。百姓當家。則力農工。士則學習法令。避禁。今諸生不師今而學古。聞令下。則各以其學議之。入則心非。出則卷議。夸主以爲名異。趣以爲高。如此而不禁。則主勢降乎上。黨與成乎下。禁之便。臣請吏官非秦記。雜燒之。非博士官所職。天下敢有藏詩書百家語者。悉詣守尉雜燒之。有敢偶語詩書者。棄市。以古非今者。族。吏見知不舉者。與同罪。令下三

十日不燒。黥爲城旦。所不去者。醫藥。卜筮種樹之書。有欲學法令。以吏爲師。制曰可。三十三年。除道。道九原。抵雲陽。塹山湮谷。直通之。於是始皇以爲咸陽人多。先王之宮廷小。周文王都豐。武王都鎬。豐鎬間。皆帝王都也。乃營作朝宮。渭南上林苑中。先作前殿。阿房。東西五百步。南北五十丈。上可坐萬人。下可建五丈旗。周馳爲閣道。自殿下直抵南山。表南山巔以爲闕。作複道。自阿房渡渭。屬之咸陽。以象天極閣道。絕漢抵營室也。隱宮徒刑者七十餘萬人。分作阿房。或作驪山關中。計宮五百。關外四百餘。侯生。盧生相與謀曰。始皇爲人。天性剛戾。



自用已弁天下。意得欲縱。以爲自古莫及已。專任獄吏。  
獄吏得親幸。樂以刑殺爲威。天下畏罪持祿。莫敢盡忠。  
上不聞過而日驕。自丞相諸大臣皆受成。事事倚辦於  
上。上至以衡石量書。日有程。不中程。不得息。貪於權  
勢至如此。未可爲求仙藥。於是乃亡去。始皇聞大怒曰。  
吾所招文學士甚衆。欲以興太平。方術士欲練以求奇  
藥。今韓衆去不報。徐市等費以巨萬。終不能得藥。徒效  
利相。告日聞。盧生等。吾尊賜之甚厚。今乃誹謗我。諸生  
在咸陽者。吾使人廉問。或爲妖言以亂黔首。於是御史  
悉案問諸生。諸生傳相告引。乃自除犯禁者四百六十

餘人皆坑之。咸陽使天下知之以懲後。始皇長子扶蘇諫曰。諸生皆誦法孔子。今上皆重法繩之。恐天下不安。始皇怒。斥扶蘇北監蒙恬兵於上郡。三十六年。熒惑守心。有星隕於東郡。化爲石。或刻其石曰。始皇帝死而地分。遣御史逐問。石旁居人莫肯服。盡誅之。因燔銷其石。始皇不樂。使博士爲仙真人詩。所行游。令樂人弦誦之。以遣意。三十七年冬。始皇出游。行雲夢。浮江下丹陽。至會稽。望于南海。立石並海上。北至琅瑯。西至平原津而疾。疾甚。乃爲璽書賜公子扶蘇。令與器會咸陽而葬。七月。至沙丘。崩。丞相斯爲上崩在外。恐天下有變。乃秘之。



不發喪

棺載輜輶車中所至  
上食百官奏事如故

趙高與丞相斯謀留始皇

賜扶蘇璽書詐為書賜扶蘇及蒙恬死而矯詔立少子

胡亥為太子

趙高者諸趙疏遠屬也生隱宮母被刑世  
卑賤始皇愛其彊力舉為中車府令而蒙

恬大父驁父武世為秦將恬將三十萬衆逐北狄有功

威振匈奴始皇甚尊寵之而弟毅親近為謀臣始皇病

遣毅禱山川未反而賜扶蘇書在高所未授使者而崩

高謂公子胡亥曰上崩無詔封王諸子而獨賜長子書

長子至為帝而子無尺寸之地且奈何夫臣人與見臣

於人制人與見制於人豈可同日道哉請為子與丞相

謀之高乃見丞相斯曰今上崩未有知者而所賜長子

書及符璽皆在胡亥所定太子在君侯與高之口耳事

將何如斯曰安得此亡國之言此非人臣所當議也高

曰君侯自料能孰與蒙恬功高孰與蒙恬謀遠不失孰

與蒙恬無怨於天下孰與蒙恬長子舊而信之孰與蒙

恬斯曰此五者皆不及恬而君何責之深也高曰高固

內宦之厮役也幸得以力筆進入秦宮管事二十餘年

未嘗見秦罷免丞相功臣有封及二世者也卒皆以誅

亡長子剛毅而武勇信人而奮士卽位必用蒙恬爲丞相君侯終不懷通侯之卑歸鄉里明矣高受詔教習卽亥學法事數年矣未嘗見過失慈仁篤厚輕財重士辯於心而諳於口秦之諸子未有及此者可以爲嗣願君計而定之斯曰斯奉主之詔聽天之命何慮之可定高曰安可危也危可安也安危不定何以貴聖斯曰斯上秦閭巷布衣也上幸擢爲丞相封通侯子孫皆至尊位者固將以仁安危屬臣也豈可負哉忠臣不避死而庶幾孝子不勤勞而見危臣各守職而已君其勿復言高曰蓋聞聖人遷徙無常就變而從時見未而知本觀指而覩歸物固有之安得常滯哉方今天下之權命懸於胡亥高能得志焉夫從外制中謂之惑從下制上謂之賊故秋霜降者草花落水搖動者萬物作此必然之效也君何見之晚斯曰吾聞晉易太子三世不安齊桓兄弟爭位身死爲戮紂殺親戚國爲丘墟三者逆天宗廟不血食斯其猶人哉安足爲謀高曰上下合同可以長久君聽臣計卽長有封侯喬松之壽孔墨之智釋此不從禍及子孫足爲寒心善者因禍爲福君何慮焉斯乃仰天垂淚太息曰嗟乎獨遭亂世旣已不能死安託命哉於是斯乃聽高詳爲丞相受始皇詔立子胡亥爲



太子更爲書賜長子曰扶蘇與將軍恬將師數十萬以屯邊十餘年矣無尺寸之功乃反數上書誹謗我爲人子不孝其賜劒自殺恬與扶蘇居外不匡正爲人臣不忠其賜死以皇帝璽封其書賜扶蘇於上郡而遣御史後蒙毅蒙恬止扶蘇曰陛下居外未立太子使臣將三於代

十萬衆守邊公子爲監此天下重任今使者來卽自殺安知其非詐必復請請而後死未暮也使者的數趣之扶蘇爲人仁謂蒙恬曰父而賜子死尚安復請卽自殺蒙恬不肯死使者以屬吏繫陽周竟死而胡亥至咸陽殺立爲二世皇帝以趙高爲郎中令常侍中用事初始皇治驪山穿三泉下錮而致梓宮觀百官奇藏珍怪咸具令匠作機弩矢有穿過者輒射之以水銀爲百川江

河大海機相灌輸。上具天文。下具地理。以人魚油爲燭。燭之。至是葬。令先帝後宮非有子者皆從死。死者甚衆。葬已下。卽盡閉工匠其中。於是二世與趙高謀曰。朕年少。卽位。黔首未集附。先帝廵行郡縣。以示彊威服海內。今晏然不廵行。卽見弱。無以臣畜天下。元年春。東行郡縣。盡爲始皇帝所爲。至遼東而還。已召高謂曰。人生居世間。譬猶騁六驥過決隙也。吾欲悉耳目之所好。窮心志之所樂。長有天下。以終吾年。可乎。趙高曰。此賢主之所能行。而昏亂主之所禁也。然臣竊有慮。請言之。不敢避斧鉞之誅。夫沙丘之謀。諸公子及大臣皆疑焉。而



諸公子皆帝兄。大臣皆天下累世名貴人也。今陛下初立。此其屬皆怏怏不服。恐且爲變。臣戰戰栗栗。懼於不終。陛下安得高枕而爲樂乎。臣愚以爲宜嚴法而刻刑。令有罪者連坐誅。至收族滅大臣而遠骨肉。然後收舉遺民。貧者富之。賤者貴之。遠者近之。則德歸陛下。害除而姦謀塞。陛下高枕肆意寵樂矣。二世曰善。於是以罪過相連坐。始皇皇子六人。僂死咸陽市。十公主。砒死於社。獨公子將閭昆弟三人賢。囚內宮議罪。獨後已。二世使使令之曰。公子不臣。罪當死。將閭曰。闕廷之禮。吾未嘗敢不從賓贊也。廊廟之位。吾未嘗敢失節也。受命應

對吾未嘗敢失辭也。何謂不臣。願聞罪而死。使者曰。吏致法。他不得與謀。將問乃仰天大呼者三。曰。天乎。吾無罪。是第三人皆流涕拔劍自殺。公子高欲奔。恐收族。乃上書曰。先帝無恙時。臣入則賜食。出則乘輿御府之衣。中廐之寶馬。皆得賜之。當從死而不能。爲人子不孝。爲人臣不忠。不忠孝者。無名以立於世。臣請從死。願葬驪山之足。唯上幸哀憐之。二世得書。大說。召趙高示之。高曰。今人臣憂死不暇。何變之得謀。二世可其書。賜錢十萬以葬。法令誅罰日益刻深。又作阿房宮。治直馳道。賦歛愈益重。秋七月。楚戍卒陳勝吳廣並天下憤怒。競起。



兵亡秦。自置爲侯王。勝爲張楚。楚王。廣爲假王。勝、陽城人、廣、陽

夏人也。時謫間左戌漁陽。勝、廣爲屯長。行至蘄。天大雨。道不通。度失期。失期法皆斬。勝、廣乃謀曰。今亡亦死。舉大名亦死。等死。死國可乎。吾聞二世少子不當立。當立乃公子扶蘇。今或聞無罪二世殺之。百姓多聞其賢。未知其死也。項燕爲楚將。數有功。愛士。楚人憐之。或以爲死。或以爲亡。今誠以吾衆。詐自稱公子扶蘇。楚、項燕。爲天下倡。宜多應者。於是殺所監者。尉召徒屬。令曰。公等遇雨。皆失期。失期當斬。藉第令無斬。而戍死者固十六七。且壯士不死即已。死即舉大名耳。王侯將相寧有種乎。徒屬皆聽。乃袒右。稱大楚。爲壇而盟。勝自立爲將軍。吳廣爲副。徇斬以東郡縣。皆下之。入據陳。陳中豪傑父老。說陳涉宜爲王。陳涉問魏人張耳。陳餘。兩人對曰。秦爲無道。破人國家。城絕人社稷。罷百姓之力。盡百姓之財。將軍瞋目張膽。出萬死而不顧一生之計。爲天下除殘賊。今始至陳而王之。示天下私。願將軍毋王。急引兵而西。遣人立六國後。自樹黨。爲秦益敵。敵多則力分。與衆則兵彊。如此。野無交兵。縣無守城。誅暴秦。據咸陽。以令諸侯。帝業成矣。今獨王陳。恐天下解體。陳涉不能聽。自

立爲王、號張楚。當此時、諸郡縣苦秦法者、皆刑其吏、殺之、以應涉。立吳廣爲假王、監周張等諸將。西擊秦。楚遣陳人武臣、狗趙。臣自立爲趙王。陳餘說陳王曰、大王舉梁楚而西、務在入關、未及收河北也。臣嘗游趙、知其豪傑及地形、願請奇兵北畧趙。於是陳王以故所善陳人武臣爲將軍、以張耳、陳餘爲左右尉、予卒三千人、行畧趙。令汝陰人鄧宗、狗九江、令魏人周市、北狗魏。武臣等從白馬渡河、說諸縣豪傑、得兵數萬人、東北擊范陽。范陽人蒯通說武信君曰、足下必將戰、然後畧地、攻、然後下城、過矣。今范陽令怯而畏死、貪而重富貴、欲先下、畏君以爲秦所置吏、誅殺之。君何不齎臣侯印、拜范陽令、而令令乘朱輪華轂、驅馳燕趙之郊。燕趙見之、皆毋戰而降也。所謂傳檄而定千里也。武臣從其計、遂下趙三十餘城。張耳、陳餘聞周章軍入至、戲而却。又聞諸將爲陳王狗地、多以讒毀得罪誅。怨陳王不用其策、不以爲將、而以爲較尉。說武臣自立爲趙王、西使人報楚。陳王怒、欲誅武臣等家室。在國房君曰、秦未亡而誅趙王將相家屬、此生一秦也。不如因而立之。陳王乃遣使者賀趙。已、沛公起沛、項而徙繫其家屬於宮中。趙趙兵亟入關。已、沛公起沛、項



梁起吳田儋王齊。

儋狄人。後狄令自立。

趙將韓廣行畧燕。遂王燕。

趙王將相相與謀曰。王。王趙。非楚意。楚誅秦。必加兵於趙。計莫如毋西兵。使使北徇燕趙。南據大河。北有燕代。楚雖勝秦。不敢制趙。若不勝秦。必重趙。可以得志於天下。趙王以爲然。因不西兵。而遣故上谷卒史韓廣將兵北徇燕。廣至燕。自立爲燕王。楚將周市立魏公子咎爲魏王而相之。

周市定魏地。諸侯欲立之。市曰。天下昏亂。忠臣乃見。二必立魏王。後乃可。乃迎魏公子寧陵君於陳而立之。二

年。秦嘉起郟。已張楚。假王敗。而武信君項梁立楚懷王。

孫心爲楚王。韓公子成爲韓王。

陳涉遣周章等西至轍。少府章邯請赦驪山徒。

授兵。使擊盜。破周章軍。殺之。楚將田臧等矯陳王令。殺假王廣。而章邯擊殺臧。進軍擊陳。大破之。陳王死。城父項梁者。楚將項燕子也。方陳王發難時。起兵會稽。以應楚。陳王敗。梁召諸別將會薛。計事。居鄆人范增。年七十。好奇計。說項梁曰。陳勝敗。固當。夫秦滅六國。楚最無罪。自懷王入秦。不反。楚人憐之。至今。故楚南公曰。楚雖三

戶亡。秦必楚。勝首事。不立楚後而自立。敗固當。今君起  
山東。楚蠡起之將。爭附君者。以君世楚將。爲能復立楚  
後也。於是項梁求楚懷王孫心。民間爲人牧羊。立以爲  
楚懷王。都盱眙。而梁自號爲武信君。張良從沛公之薛。  
說梁曰。君已立楚後。而韓諸公子橫陽君成賢可立。齊  
益樹黨。梁使良求韓成。立以爲韓王。以良爲韓中徒。齊  
王儋。魏相市。魏王咎敗死。而儋弟榮逐田假。立儋子市  
爲齊王。相之。始二世聞陳楚亂。諱言反。謂者使從東方  
來。以反聞。輒怒。下之吏。劾妄言。諸博士儒生言反者。皆  
捕論。非所宜言。於是後使者至。問東方事。輒曰。羣盜鼠  
竊狗偷。郡守尉今逐捕。行盡得。無足憂。乃喜。及亂益急。  
不可諱。二世乃誚讓丞相斯。居三公位。柰何令盜如此。  
李斯恐懼。重爵祿。不知所出。乃阿二世意。稱引申韓。勸



二世以天下恣睢而必督責以求容。書畧言夫賢主獨制於天下而無所

制行督責之術者也。申子曰：有天下而不以恣睢顧以其身勞天下如堯禹然，命之曰：以天下為桎梏。夫以人狗已，則已貴而人賤；以已狗人，則已賤而人貴。狗人者，賤為人所狗者，貴而堯禹以身狗天下也，可謂桎梏矣。足以明君獨斷，滅仁義之塗，掩馳說之口，外不可傾以仁義烈士之行，內不可奪以諫說忿爭之辯，然後能明術修法而必督責，必督責則主嚴尊，則天下安。天下安則所求得，所求得則國家富，國家富則君樂豐。故督責之術設，則欲無不得，羣臣百姓收過不給，何變之敢圖。二世悅，於是行督責益

嚴。稅民深者為良吏，殺人眾者為忠臣。刑者相半於道，死人日積於市。二世喜曰：此可謂能督責矣。而趙高愈益親，高恐大臣之毀惡之也，乃說二世曰：天子所以貴者，以但聞聲。羣臣莫得而見其面也，故自號曰朕，先帝

臨制天下久。故廷見羣臣。而羣臣不敢爲非進邪說。今陛下富於春秋。初卽位。何渠能盡天下事乎。而日坐朝廷。見羣臣。譴舉一不當。則見短。非所以示神明於天下也。故莫若深拱禁中。與臣等及侍中習法者。居以待事。事來有以揆之。如此。則大臣不敢奏疑事。天下稱聖主矣。於是二臣常居禁中。不坐朝廷。於大臣闊疏。丞相斯頗以爲言。趙高欲因遂傾之。乃好兄丞相曰。關東羣盜多。今上益急發繇治阿房宮。聚狗馬無用之物。臣欲諫。爲位賤。此真大臣宰相之事。君何不強諫。李斯曰。固也。吾欲諫久矣。今上不坐朝廷。居深宮中。今有所言者。不



可書傳也。欲見無間。且奈何。趙高曰。今請爲君侯上間語。君於是趙高待二世。方燕樂。婦女居側。則使人告丞相。上方間可奏事。丞相詣宮門上謁。如此者三。二世怒曰。吾嘗多間日。丞相不來。方燕私。輒來。豈少我哉。亦固我哉。趙高因曰。如此殆矣。夫沙丘之事。丞相與焉。今陛下已立爲帝。而丞相貴不益。此其意亦欲製地而王矣。且陛下不問臣。臣不敢言。丞相長男李繇爲三川守。楚盜陳勝等皆丞相傍縣之子。以故楚盜公行。過三川。守不肯擊。乃聞其文書相往來。未得其審。故未敢以聞。且丞相居外。權重於陛下。二世以爲然。欲案丞相。恐不審。

乃使人案驗三川守與盜通狀。李斯乃自恨爲趙高所賣。因發憤上書條高罪。且曰。臣聞之。臣疑其君。無不危國。妾疑其夫。無不危家。田常淖齒是也。今高以內臣居中。擅利擅害。與陛下無異。此甚不可。二世曰。何哉。夫高故宦人也。不爲安肆志。不爲危易心。潔行修善。自使至此。以忠得進。以信守位。朕實賢之。而君顧深危之。何也。李斯曰。不然。夫高故賤人也。無識於理。而列勢次上。貪欲無厭。求利不止。臣故曰。殆二世已前信高。恐李斯殺之。以謂高。趙高曰。丞相所患者。獨高。高已死。丞相卽欲爲田常所爲。會斯與右丞相去疾將軍劫。並進諫。言關



東盜大起。發兵誅擊。所殺亡甚衆。然猶不止。皆以戍漕。轉作煩苦。賦稅大故也。請且止阿房宮作者。減四邊戍。轉以耕難。二世乃大怒曰。先帝起諸侯。兼天下。天下已定。外攘四夷。以安邊。君觀先帝功業有緒。羣盜並起。不能禁。又欲罷先帝之所爲。是上無以報先帝。次不爲朕盡忠也。下斯去疾。劫吏去疾。劫以將相。不辱。皆自殺。斯請囚。二世屬高治。於是高案丞相斯與子三川守孫謀反狀。榜掠千餘。不勝痛。自誣服。然自負其辯。有功無反心。幸得上書自陳。乃從獄中上書。書辭甚哀。辯趙高使吏棄去。不奏。曰。囚安得上書已。趙高使其客十餘輩。詐

爲御史謁者更往覆訊斯。斯更以實對。輒使人痛榜之。後二世更使人驗斯。斯以爲如前。終不敢更言辭服。奏當上。二世喜曰。微趙君。幾爲丞相所賣。而高前遣案三川守者比至。則項梁已擊殺之高。乃令妾爲反辭。聞二年秋具斯五刑。論夷三族。斯出獄。與其中子俱執。顧謂其中子曰。吾欲與若復牽黃犬俱出上蔡東門。逐狡兔。豈可得乎。遂父子相哭。腰斬咸陽市。趙高爲中丞相。事無小大決於高。高自知權重。恐羣臣有貳於已也者。試甞之。乃持鹿獻於二世。曰。馬也。二世笑曰。丞相誤耶。謂鹿爲馬。問左右。左右皆言馬。阿順高。二世大驚。以爲惑。



召太卜卦之。太卜曰：春秋郊祀奉宗廟，齋戒不明，故至此。可依盛德而齋。於是二世入上林齋，然日游弋獵，有行入入上林中射殺之。高乃曰：天子無故殺不辜，此上帝所禁，且降殃，當遠避宮以禳之。二世乃出居望夷宮。方獻鹿時，間有言鹿者，默不言者。高畢中以危法。自後羣臣咸畏懼，屏息莫敢言。三年，楚將項籍破秦軍鉅鹿下，虜秦將王離章邯軍數却，而燕趙齊楚韓魏皆從楚西擊秦。

項梁起東阿至定陶，再破秦軍，益輕秦有驕色。宋義諫曰：「戰勝而將驕，卒惰者敗。」今卒少惰矣。秦兵日益，臣爲君畏之。」梁弗聽。使宋義使於齊道，遇齊使者高陵君轅曰：「公將見武信君乎？」曰：「然。」曰：「臣論武信君軍必敗。」公徐行，卽免。疾行則及禍。」秦果悉起兵益章邯擊楚，大破之。項梁死，懷王恐，從盱眙之彭城，并項羽。

呂臣軍自將之。而高陵君至。見楚王曰：「前宋義爲臣言。武信君必敗。居數日。軍果敗。夫兵未戰而先見敗徵。此可謂知兵矣。」王必用之。時章邯已破項梁軍。則以爲楚地兵不足憂。北伐趙。趙遣使求救於楚。楚懷王召宋義與語。而大說。以爲上將軍。以項羽爲次將。范增爲末將。北救趙。宋義至安陽。留四十六日不進。項羽曰：「秦圍趙。王鉅鹿急。疾引兵渡河。楚擊其外。趙應其內。破秦軍必矣。」宋義曰：「不然。夫搏牛之蝱。不可以破蝨蟻。今秦攻趙。戰勝則兵罷。我承其敝。不勝則我鼓行而西。必舉秦矣。故不如先關秦趙。夫被堅執銳。義不如公。坐而運策。公不如義。」因下令軍中曰：「猛如虎。狠如羊。貪如狼。強不可使者。皆斬之。」乃遣其子宋襄相齊。身送之。無鹽飲酒高會。天寒大雨。士卒凍餓。項羽曰：「將戮力而攻秦。久留不行。今歲饑民貧。士卒食芋菽。軍無見糧。乃飲酒高會。不引兵渡河。因趙食。與趙并力。乃曰承其敝。夫以秦之強。攻新造之趙。其勢必無趙矣。趙舉而秦強。何敝之乘。且國兵新破。王坐不安席。掃境內而專霸於將軍。國家安危在此一舉。今不恤士卒。而徇其私。非社稷之臣。於是羽晨朝上將軍。卽帳中。斬宋義頭。令軍中曰：「宋義與齊謀反。楚楚王陰令羽誅之。」諸將皆懽服。莫敢支吾。相與



共立羽爲上將軍。使人追殺義子。使桓楚報命懷王。北救趙。項羽悉引兵渡河。旣渡。乃沈船破釜。燒廬舍。持三日糧。示士卒必死。無還心。於是大破秦軍鉅鹿下。虜秦甯將王離。當是時。諸侯軍救鉅鹿者十餘壁。憚秦強莫敢鬪。及楚擊秦。諸侯將皆從壁上觀。楚戰無不一當百。呼聲動天。諸侯軍無不人人惴恐。項羽已破秦軍。召見諸侯將。諸侯將入轅門。無不膝行而前。莫敢仰視。二項羽繇是爲諸侯上將軍。與章邯軍相持於漳南。二世數使人讓章邯。將重軍。何令盜如此。章邯恐。使長史欣司馬請事至咸陽。留司馬門。趙高不見。又弗信。長史欣恐。問道亡走其軍。報曰。趙高用事於中。下無可爲者。今戰能勝。高疾吾功。必誅。不能勝。亦誅。於是邯乃使人約項羽求成。羽亦以食盡。遂聽約。邯乃以秦軍降諸侯。陳餘遺邯書曰。白起爲秦將。南征鄢郢。北坑馬服。攻城掠地。不可計。而竟賜死。蒙恬爲秦將。北逐胡。開榆中地。數

千里、竟斬陽周。今將軍爲秦將三歲矣，所亡失以十萬數，而諸侯並起，滋益多。彼趙高用事日久，今事急，恐誅欲以法誅將軍，以塞責，更使人代將軍，以脫禍。夫將軍居外久，多內郗，有功亦誅，無功亦誅，且天之亡秦，無智愚皆知之。今將軍內不能直諫，外爲亡國將，獨特孤立，而無黨，豈不哀哉！將軍何不還兵，與諸侯爲從，約共攻秦，分王其地，南面稱孤，孰與身伏斧鑕，妻子爲僇乎？邯鄲得書，狐疑未有定，而項羽疾擊秦軍，汙水上大破之。於是邯鄲與諸侯盟，洹水南殷墟上，已盟。邯鄲見項羽而流涕，爲言趙高、項羽乃立邯鄲爲雍王，置楚軍中，使長史欣爲上將，將秦軍爲前行，至新安。諸侯吏卒異時故繇使屯戍，過秦中，秦吏卒遇之多無狀。及秦軍降諸侯，諸侯吏卒多乘勝，奴虜使之。秦吏卒竊言曰：「章將軍等，詐吾屬降諸侯，能入關破秦，大善，卽不能，諸侯必虜吾屬而東。」秦必盡誅吾父母妻子，當奈何？諸將微聞其語，以告羽。羽恚爲變，乃召黥布、蒲將軍，夜擊坑秦卒二十餘萬人於新安城南，而獨與章邯、司馬欣、都尉董翳西入秦。於是高恐二世誅之，乃稱病不朝見，而二世使使讓高。高懼，乃質其壻咸陽，令閭樂



母於家詐爲有大賊。令樂召吏發卒千餘人。至望夷宮。縛斬衛尉。令衛士皆却走。遂入宮。前卽二世數之曰。足下驕恣誅殺無道。天下其畔足下。足下其自爲計。二世曰。丞相可得見否。樂曰。丞相何可得復見。二世曰。吾願得一郡爲王。弗許。又曰。願得萬戶侯。弗許。又曰。願與妻子爲黔首。比諸公子。閻樂曰。臣受命丞相。爲天下誅足下。麾其兵進。二世乃自殺。閻樂歸報。趙高乃召將相大臣。告以殺二世狀。皆懼伏立。二世兄子公子嬰。爲秦王。令子嬰齊廟。兄受玉璽。齊五日。高使人請子嬰數輩。不行。乃自往。請子嬰。子嬰遂刺殺高於齊宮。族高家。子嬰

爲王四十六日降沛公霸上居月餘項籍入殺子嬰。秦諸公族屠咸陽分天下王諸侯而秦竟滅矣。後五年天下定於漢。善哉乎賈生推言之也。曰秦孝公據殽函之固擁雍州之地君臣固守而窺周室有席卷天下包舉宇內囊括四海之意并吞八荒之心。當是時商君佐之內立法度務耕織脩守戰之備外連衡而闘諸侯於是秦人拱手而取西河之外。孝公既沒惠王武王蒙故業因遺冊南兼漢中。西舉巴蜀東割膏腴之地收要害之郡諸侯恐懼會盟而謀弱秦不愛珍器重寶肥美之地以致天下之士合從締交相與爲一。當是時齊有孟



嘗趙有平原。楚有春申。魏有信陵。此四君者。皆明知而  
忠信。寬厚而愛人。尊賢重士。約從離衡。并韓魏。燕楚。齊  
趙。宋衛。中山之衆。於是六國之士。有寧越。徐尚。蘇秦。杜  
赫之屬。爲之謀。齊明。周最。陳軫。昭滑。樓緩。翟景。蘇厲。樂  
毅之徒。通其意。吳起。孫臏。帶佗。兒良。王廖。田忌。廉頗。趙  
奢之朋。制其兵。常以十倍之地。百萬之衆。叩關而攻秦。  
秦人開關延敵。九國之師。遂廼遁逃。而不敢進。秦無亡  
矢。邊鏃之費。而天下諸侯已困矣。於是從散約解。爭割  
地而奉秦。秦有餘力而制其敝。追亡逐北。伏尸百萬。流  
血漂鹵。因利乘便。宰割天下。分裂山河。彊國請服。弱國

入朝。延及孝文王莊襄王享國之淺。國家無事。及至始皇。奮六世之餘烈。振長策而御宇內。吞二周而亡諸侯。履至尊而制六合。執槁朴以鞭笞天下。威振四海。南取百粵之地。以爲桂林象郡。百粵之君。俛首繫頸。委命下吏。乃使蒙恬北築長城而守藩籬。却匈奴七百餘里。胡人不敢南下而牧馬。士不敢彎弓而報怨。於是廢先王之道。焚百家之言。以愚黔首。墮名城。殺豪俊。收天下之兵。聚之咸陽。銷鋒鑕鏃。以爲金人十二。以弱黔首之民。然後斬華爲城。因河爲池。據億丈之城。臨不測之谿。以爲固。良將勁弩守要害之處。信臣精卒陳利兵而誰何。



天下已定。始皇之心。自以爲關中之固。金城千里。子孫  
帝王萬世之業也。始皇旣沒。餘威振於殊俗。陳涉甕牖  
繩樞之子。甿隸之人。而遷徙之徒。才能不及中人。非有  
仲尼墨翟之賢。陶朱猗頓之富。躡足行伍之間。而倔起  
阡陌之中。率罷散之卒。將數百之衆。而轉攻秦。斬木爲  
兵。揭竿爲旗。天下雲集響應。贏糧而景從。山東豪俊。遂  
並起而亡秦族矣。且夫天下非小弱也。雍州之地。殽函  
之固。自若也。陳涉之位。非尊於齊楚。燕趙韓魏宋衛中  
山之君。鉏耰棘矜。非鏃於句戟長鎗也。適戍之衆。非抗  
於九國之師。深謀遠慮。行軍用兵之道。非及鄉時之士。

也。然而成敗異變。功業相反也。試使山東一國與陳涉  
度長絜大。比權量力。則不可同年而語矣。然秦以區區  
之地。千乘之權。招八州而朝同列。百有餘年。然後六合  
爲家。敝函爲宮。一夫作難。而七廟墮。身死人手。爲天下  
笑者。何也。仁義不施。而攻守之勢異也。

論曰。予讀秦紀。歎之曰。嗟。伯翳之功大矣。佐禹漸九州。  
奏庶鮮食。竟秦成帝。祭也。而悲其過亡。讀詩晨風。權輿。  
黃鳥。爲掩卷而興哀曰。微乎。斯陰始凝。履霜哉。讀斯諫  
逐客書曰。佞人入矣。猶之似義也。至請燔書。請必督責  
書。則利口截截善譎言。而秦坑儒咸陽。閉工驪山。公子




女盡砒死。而冰澤腹堅。易有之曰。龍戰于野。其血玄黃。語兩敗其傷也。六國亡而秦竟與之俱斃。豈不哀哉。或曰。天有殺幾焉。伯翳烈山澤。焚鳥獸。而造父非子。以善御蕃馬。封國于秦趙。旣兆之矣。













國史上編卷之十

明肝郝鄧元錫纂

漢高皇帝帝紀

將相諸侯謨關  
天下興亡者附

漢高祖皇帝沛人也劉氏諱邦字季秦帝天下多暴民莫

必其命天用厭棄豪傑竝起乃眷南顧而帝自布衣起

沛屬張楚

帝沛豐邑中陽里人父太公母劉媪媪嘗息  
大澤之陂大雷電夢與神遇而娠產高祖隆

準而龍顏美須髯左股有七十二黑子仁而愛人有大  
度喜施意豁如也不事家人生產以亭長為縣送徒酈  
山徒多道亡自度比至皆亡之到豐西澤中夜止飲乃  
解縱所送徒曰公等皆去吾亦從此逝矣徒中壯士願  
從者十餘人嘗夜徑澤中前行者還報曰有大蛇當徑  
願且還高祖被酒曰壯士行何畏乃前拔劍擊斬蛇蛇  
分為兩徑開行數里醉因卧後人從蛇所來有老嫗夜  
哭人問何哭嫗曰人殺吾子故哭之人曰嫗子何為見



殺。姬曰：吾子，白帝子也，化爲蛇當道，今爲赤帝子斬之，故哭。因忽不見。秦始皇常曰：東南有天子氣，因東游廐之。高祖卽自疑，亡匿隱芒碭山澤間。呂后與人俱求常得之。高祖怪問之，后曰：季所居上常有雲氣，故從往常得季。高祖心喜，沛中子弟或聞之，多欲附者矣。秦二世元年，陳涉等起，斬郡縣響應。沛令欲以沛應之，主吏掾蕭何、曹參說令遣樊噲召劉季於外，以威衆。季至，令中變。蕭曹恐，踰城保劉季。季帛書射城上，與沛父老曰：天下同苦秦久矣，今父老雖爲沛令守，諸侯且至，今屠沛，沛令其誅令，擇子弟可立者立之，應諸侯，卽家室完，不然，父子俱屠，無爲也。父老乃率子弟殺沛令，開門迎請立季。季讓不能，而蕭曹等聞季平生有異徵，當貴，卜筮之吉，於是高祖祠黃帝，已。秦破張楚，楚懷王心從盱眙之帝，蚡尤于沛，爲沛公。已。秦破張楚，楚懷王心從盱眙之

彭城，并項羽呂臣軍，自將之，而議遣將西擊秦。當是時，秦兵強，常乘勝，諸將莫利先入關。獨項羽怨秦，破殺其季父梁，奮願西入關，楚諸老將皆曰：項羽爲人，僇悍猾。

賊攻襄城。襄城無遺顙。阬之。諸所過無不殘滅。且楚  
進取前陳。王項梁皆敗。不如更遣長者。扶義而西。告諭  
秦父兄。秦父兄苦其主久矣。今誠得長者往。無侵暴。宜  
可下。羽慄悍不可遣。獨沛公素寬大。長者可遣。於是楚  
王以宋義爲上將軍。項羽爲次將。北救趙。而遣沛公專  
將西伐秦。約先入關者王之。當是時。沛公業已得沛人  
蕭何。沛豐人曹參爲股肱。得韓人張良。用之爲腹心。謨  
議矣。張良者。留侯子房也。大父開地。相韓昭侯。宣惠王。  
襄哀王。父平。相釐王。惠王。平卒。卒二十歲。秦滅韓。  
良年少。未宦事韓。韓破。良弟死。不葬。悉家財求客刺秦。  
王。爲韓報仇。以大父父五世相韓故。良嘗學禮淮陽。東  
見倉海君。得力士。爲鐵椎重百二十斤。秦皇帝東游。良  
與客狙擊秦皇。帝博浪沙中。誤中副車。時六國烹滅。天



下甫定于一尊、而良首發難、秦皇帝大驚、令天下大索十日、急求賊必得、然竟莫得也、良乃更名姓、匿下邳、以居、間從容遊下邳地上、有一老父衣褐至、良所、直墮其履、圯下、顧謂良曰、孺子下取履、良愕然、欲訟之、爲其老、強忍、下取履、父曰、履我、良業爲取履、因長跪履之、父以足受、笑而去、良殊大驚、隨目之、父去里所、復還曰、孺子可教矣、後五日、平明與我會此、良怪之、跪曰、諾、五日平明往、父已先在、怒曰、與老人期、後何也、去、後五日早會、五日良鷄鳴往、父又先在、復怒曰、後何也、去、後五日早來、五日夜未半往、有頃、父亦來、喜曰、當如是、出一編書曰、讀此則爲王者師矣、後十年興、十三年孺子見我濟北穀城山下黃石、卽我矣、遂去不見、旦日視其書、乃太公兵機也、常習誦讀焉、其後景駒自立爲楚王、在留、良欲往、謂道遇沛公、與語、大說之、遂屬焉、良以太公兵機爲他人言、皆不省、說沛公、沛公常善之、沛公軍旣西、戢用其策、良曰、沛公殆天授、遂從之、不去。

士毋鹵掠、聽高陽人酈生計、下陳留、聽宛人陳恢請、下南陽、宛皆不殺、所過城邑、畢開門迎沛公、沛公拊循之。

已趙高弑二世使人來約分王關中不許子嬰疑誅滅  
高遣將將兵距曉關沛公用子房畫擊破秦曉關軍得  
遂先諸侯軍西入關酈食其陳留高陽人好讀書家貧  
役皆謂之狂生及陳勝等起諸將徇地過高陽者數十  
人酈生問其將皆握酈好苛禮自用不能聽大度之言  
生深自藏匿沛公畧地陳留郊麾下騎士適酈生里中  
子也沛公時時問邑中賢士豪俊騎士歸酈生見之曰  
吾聞沛公慢而易人多畧真吾所願從游若見沛公  
謂曰臣里中有酈生年六十餘長八尺人皆謂之狂生  
生自謂非狂若爲我先騎士曰沛公不好儒諸客冠儒  
冠來者沛公輒解其冠溲溺其中與人言常大罵未可  
以儒生說也酈生曰第言之騎士從容言如酈生所誠  
者公使人召酈生酈生至入謁沛公方踞牀使兩女子  
洗足而見酈生酈生入長揖不拜曰足下欲助秦攻諸  
侯乎且欲率諸侯破秦也沛公罵曰豎儒天下同苦秦  
久矣故諸侯相率而攻秦何謂助秦攻諸侯乎酈生曰  
必聚徒合義兵誅無道秦不宜倨見長者於是沛公輟



洗起、攝衣、延酈生上坐謝之。酈生因言六國從橫時，沛公喜，賜食，問曰：「計將安出？」酈生日：「天下起烏合之衆，收散亂之兵，不滿萬人，欲徑入彊秦，此所謂探虎口者也。夫陳留，天下之衝，四通五達之郊也。今其城又多積粟，臣善其令，請得使之，令下足下，卽不聽，足下舉兵攻之，臣爲內應。」於是遣酈生行，引兵隨之，遂下陳留。號酈生爲「廣野君」。酈生言其弟商使將數千人從畧地。酈生常爲說客，馳使於諸侯。當是時，張良、秦已說項梁立韓公，子成爲韓王，以良爲韓申徒矣。沛公令韓王成留守陽翟，與秦將戰白馬，又戰曲遇東，大破之。屠潁陽、南陽，守關，斷走保宛。沛公欲引兵過而西，張良曰：「沛公雖急入關，秦兵尚衆，距險，今不下宛，宛從後擊彊秦，在前，此危道也。」於是沛公夜引兵從他道還，更旗幟，黎明圍宛城。三匝，南陽守驚，欲自剄，舍人陳恢止之，踰城見沛公。曰：「臣聞足下約先入咸陽者王之，今足下留守宛，宛，大郡之都會也，連城數十，人民衆，積畜多，吏民自以爲降必死，故堅守乘城，足下盡日止攻，士死傷者必多，引兵去，宛必隨足下後，足下前則失咸陽之約，而後有強宛之患，此危道也。」爲足下計，莫若約降，封其守，使止守而引其甲卒與俱西，諸城未下者，爭開門而待足下，足下通行無

所望。於是沛公封守齕殷侯封帳千戶。因遂入武關。欲擊秦。曉下軍。張良曰。秦尚強。未可輕。臣聞其將屠者子賈豎。易動以利。願且留壁。使入先行。爲五萬人具食。益張旗幟。諸山上爲疑兵。使辯士持重寶。啗秦將。將果畔。欲連和。沛公欲聽之。良曰。此獨其將欲畔耳。恐士之不從。不如因其隙擊之。沛公乃引兵擊秦。大破之。遂北至藍田。再戰。秦再敗。遂至咸陽。

漢元年冬十月。五星聚東井。沛公兵入

秦。至霸上。秦王子嬰素車白馬。係頸以組。封皇帝璽符節。降軹道旁。沛公釋不殺。曰。始懷王遣我。固以能寬容。

且人已服降。而殺之不祥。以秦王屬吏至咸陽。欲止宮。

休舍。

人心危。

樊噲諫曰。沛公欲有天下耶。欲爲富家翁耶。

今臣從秦宮所。觀宮室帷帳珠玉重寶。鐘鼓之飾而美人婦女以千數。此皆秦之所以亡也。願沛公急還霸上。



無畱中。沛公意猶豫。張良從容曰。秦爲無道。故沛公得至此。夫爲天下除殘賊。宜編素爲資。今始入秦。卽安其樂。此所謂助桀爲虐也。忠言逆耳。利於行。良藥苦口。利於病。願沛公聽。增言。沛公曰。善。乃還軍霸上。召諸縣父老豪傑。諭之曰。父老苦秦苛法久矣。誹謗者族。偶語者棄市。吾與諸侯約。先入關者王之。吾當王關中。與父老約法三章耳。殺人者死。傷人及盜抵罪。餘悉除去秦法。諸吏民皆按堵如故。凡吾所以來。爲父老除害。非有所侵暴。無恐。且吾所以還軍霸上。待諸侯至。而定約束耳。乃使人與秦吏行縣鄉邑。告諭之。秦民大喜。爭持牛羊。

酒饗軍。沛公讓不受。曰：「倉粟多，非乏，不欲費民。」民又益喜。唯恐沛公不爲秦王。蓋戰國生德盡，至是始怛然有顧。帝恤民之心焉。已。項羽既破秦河北軍，率諸侯兵西入關。聞沛公則已先入關定秦，毋納諸侯兵，則大恚。攻破關，欲因擊沛公軍。沛公聽張良謝羽鴻門下。將軍噲噲羽事得解。羽使黥布等攻破函谷關，遂陳兵戲下，大軍新豐鴻門，沛公兵十萬，號二十萬，軍霸上，力不敵會羽季父項伯善張良，夜馳入沛公軍，私見良，具告之。欲呼與俱去，曰：「毋從俱死也。」良曰：「臣爲韓王送沛公，沛公今有急，亡去不義，不可以不告。」良乃入，具告沛公。沛公大驚，良曰：「誰爲畫此計者？」曰：「鯀生說我。」曰：「距關毋內諸侯，秦地可盡王也。」故聽之。良曰：「王自料士卒足當項王乎？」沛公默然曰：「固不如也。」今爲之奈何？張良曰：「請往。」謂項伯言。沛公不敢背王也。沛公曰：「君安與項伯有故？」良



曰秦時與臣游項伯殺人臣活之今事有急故幸來告臣沛公曰孰與君少長良曰長於臣沛公曰君爲我呼入吾得兄事之張良出要伯伯入沛公奉卮酒爲壽約爲婚姻曰吾入關秋毫不敢有所近籍吏民封府庫而待將軍所以遣將守關者備他盜出入與非常也固日夜望將軍至豈敢反乎願伯具爲言臣之不敢背德也項伯許諾戒沛公旦日不可不蚤自來謝於是項伯復夜去至軍具以沛公語報項王且曰沛公不先破關公豈能遽入乎今人有大功而擊之不祥不如因善遇之項羽許諾旦日沛公從百餘騎來見至鴻門謝曰臣與將軍戮力而攻秦將軍戰河北臣戰河南不自意能入關破秦得復見將軍於此今者聞小人之言令將軍乃督過臣項王曰此沛公左司馬曹無傷言之不然籍何以至此因卽留沛公與飲項王項伯東嚮坐亞父南嚮坐亞父者范增也沛公北嚮坐張良西嚮侍范增數目項王舉所佩玉玦以示之者三項王默然不應范增起出召項莊謂曰君王爲人不忍若入前爲壽壽畢請以劍舞因擊沛公於坐殺之不者若屬皆且爲所虜莊入爲壽壽畢曰君王與沛公飲軍中無以爲樂請以劍舞項王曰諾項莊拔劍起舞項伯亦拔劍起舞常以身翼蔽

沛公莊不得擊，於是張良至軍門見樊噲。樊噲曰：「今日之事何如？」良曰：「甚急，今者項莊拔劍舞，其意常在沛公也。」噲曰：「此迫矣，臣請入，與之同命。」噲卽帶劍擁盾入軍門，交戟之衛士欲止不內，樊噲側其盾以撞衛士，仆地。噲遂入，披帷西嚮立，瞋目視項王，頭髮上指，目眦盡張。項王按劍而跽曰：「客何爲者？」張良曰：「沛公之參乘樊噲者也。」項王曰：「壯士，賜之卮酒。」則與。樊噲拜謝，起，立而飲之。項王曰：「賜之彘肩，則與。」一生彘肩。樊噲覆其盾於地，加彘肩其上，拔劍切而啗之。項王曰：「壯士，能復飲乎？」樊噲曰：「臣死且不避，卮酒安足辭。夫秦王有狼虎之心，殺人如不能舉，刑人如恐不勝，天下皆叛之。懷王與諸將約曰：『先破秦入咸陽，皆王之。』今沛公先破秦入咸陽，毫毛不敢有所近，封閉宮室，暴師霸上，以待大王。遣將守關者，備他盜出入，與非常也。勞苦而功高，未有封爵之賞，而聽細說，欲誅有功之人，臣恐天下解心，疑大王也。」項王未有以應，曰：「坐。」樊噲從良坐，坐須臾，沛公起如廁，樊噲出從，曰：「大行不顧細謹，大禮不辭小讓，今人方爲刀俎，我爲魚肉，何辭爲？」於是遂去。令張良留謝。良問曰：「大王安何操？」曰：「我持白璧一雙，欲獻項王；王斗一雙，欲與亞父，會其怒，不敢獻。」公爲我獻之。良曰：「諾。」



當是時項王軍去沛公軍四十里沛公則置車騎脫身獨騎樊噲夏侯嬰靳彊紀信等四人持劍盾步走從從酈山下道芷陽間行還其軍謂良曰度我至軍中公乃入沛公已云至軍張良入謝曰沛公不勝枵枵不能辭使臣良奉白璧一雙再拜獻大王足下王斗一雙再拜奉大將軍足下項王曰沛公安在良曰聞大王有意督過之脫身獨去至軍矣項王則受璧置之坐上亞父受玉斗置之地拔劍撞破之曰唉豎子不足與謀奪項王天下者必沛公也吾屬今爲之虜矣沛公歸至軍立誅曹無傷是日微噲奔入營譙讓羽事幾殆噲沛人微時屠狗娶呂后女弟爲婦又與帝俱隱芒碭山中故最親居數日羽西屠咸陽殺秦降王子嬰燒秦宮室

火三月不滅

掘秦始皇冢取貨寶女婦

而東使人致命於懷王王報曰如約項羽怨懷王不肯令已與沛公西入關而北救趙後天下約乃怒曰懷王者吾家所自立耳何得專主約召諸將相謂曰本披堅

執銳暴露於野。三年滅秦定天下。皆將相諸君與籍之

力也。懷王雖無功。固當分其地。而王之。古王者地方千

里。必居上游。徙王王長沙。都郴。羽終疑沛公。然業已講

解。又惡負約。乃曰。巴蜀亦漢中地也。立沛公為漢王。王

巴蜀漢中。都南鄭。而三分關中。王秦降將章邯司馬欣

董翳。實以距塞漢。徙魏王豹為西魏王。王河東。申陽河

南王王雒陽。陽張耳嬖臣先趙將司馬卬為殷王。定關內數

有徙趙王歇王代立張耳為常山王。王趙。耳趙相秦賢又從入關

布九江王。當陽君英布為芮衡山王。都君吳芮率敖臨

江王。義帝柱國共敖將徙燕王韓廣遼東王立荼為燕



王燕將臧荼從

徙齊王田市爲膠東王立田都齊王

從

救趙入關

趙入

齊王建孫安爲濟北王

以濟北數城降

而田榮數負項梁

又不肯將兵從擊秦故不封成安君陳餘棄將印去不

從入關然羽素聞其賢有功在南戍因環封以三縣而

羽自立爲西楚霸王王九郡都彭城夏四月諸侯王各

罷戲下兵就國當是時羽大制天下政繇羽巴蜀道險

遠秦遷人實居之而沛公王巴蜀意怏怏欲攻羽蕭何

諫曰雖王漢中之惡不猶愈於死乎今衆寡不敵而戰

卽百戰百敗此死道也夫能誦於一人之下而信於萬

乘之上湯武是也願大王王漢中養其民以致賢人收

用巴蜀還定三秦天下可圖也王曰善乃就國以何爲

丞相

項王使卒三萬人從漢楚興諸侯王人慕從者又數萬人從柱南入蜀中

張良辭歸韓

漢王送良至褒中因說王諸所過棧道輒燒絕之備諸

候盜兵且示羽無東意漢王至南鄭諸將卒皆謳歌思

歸道亡者數十人都尉韓信亦亡丞相何素奇信聞信

亡不及聞帝自追之或言相何亡王大悸如失左右手

居一二日來謁王且喜且罵曰若亡何也何曰臣不敢

亡臣追亡者耳王曰所追者誰曰韓信也王復罵曰諸

將亡者以十數公無所追追信詐也何曰諸將易得耳

王如信國士無雙王必欲長王漢中無所事信必欲爭



天下非信無可與計者。王曰：吾亦欲東耳，安能鬱鬱久居此乎？何日？王計必欲東，能用信，信留，不能用，信終亡耳。王曰：吾爲公以爲將。何日？雖爲將，信不畱。王曰：以爲大將，何日？幸甚。於是王欲召信拜之。何日？王素慢無禮。今拜大將，如呼小兒，此信所以去也。王必欲拜之，擇良日齋戒，設壇場具禮，乃可耳。王聽之，擇日齋，設壇場具禮。如何言？諸將聞且拜，將人人喜，各自以爲得大將至。拜乃信也。一軍皆驚。禮畢，延上坐。漢王曰：丞相數言將，將軍何以幸教寡人計策？信謝讓。因問王曰：今東鄉與王爭權天下，非項王耶？漢王曰：然。曰：大王自料勇悍

仁彊孰與項王。漢王默然良久曰：「不如也。」信再拜賀曰：「惟信亦以爲大王不如也。」然臣嘗事項王，請言其爲人也。項王暗啞叱咤，千人皆廢然，不能任屬賢將。此特匹夫之勇耳。項王見人恭敬慈愛，言語嘔嘔，人有疾病，涕泣分食飲，至使人有功，當封爵者，印刓弊，忍不能予。此所謂婦人之仁也。項王雖霸天下而臣諸侯，不居關中，而都彭城，又背義帝之約，而以親愛王諸侯不平。諸侯見項王遷逐義帝，置江南，亦歸逐其王，而自立王善地。項王所過殘滅，天下多怨，百姓不親附，特劫於威彊服耳。名雖爲霸，實失天下心。故曰：「其彊易弱。」今大王誠能反



其道任天下武勇。何所不誅。以天下城邑封功臣。何所不服。以義兵從思東歸之士。何所不散。且三秦王爲秦將。將秦子弟數歲矣。所殺亡不可勝計。又欺其衆降諸侯。至新安。項王詐坑秦降卒二十餘萬。唯獨邯欣翳得脫。秦父兄怨此三人。痛入骨髓。今楚疆以威王此三人。秦民莫愛也。大王之入武關。秋毫無所害。除秦苛法。與秦民約法三章耳。秦民無不欲得大王。王秦者。於諸侯約。大王當王關中。關中民咸知之。今失職入漢中。秦民無不恨者。今舉而東。三秦可傳檄而定也。不及今因其鋒用之。天下已定。人自安。難動矣。於是漢王大喜。自以

爲得信晚遂聽信計部署諸將留丞相何按蜀牧巴蜀

租給軍

信淮陰人始爲布衣時貧無行不得推擇爲吏又不能治生商賈常從人寄食飲人多厭之者

釣於城下諸母漂有一母見信饑餒信竟漂數十日信喜謂母曰吾必有以重報母母怒曰大丈夫不能自食吾哀王孫而進食豈望報乎淮陰屠中少年有侮信者曰若雖長大好帶刀劍然中情怯耳衆辱之曰信能死刺我不能死出我袴下於是信熟視之俛出袴下蒲伏一市人皆笑信以爲怯反項梁渡淮信杖劍從之居戲下無所知名梁敗屬羽羽以爲郎中數以策干之不用乃亡歸漢爲連敖坐濫當斬居曹輩十三人皆已斬次至信信仰視適見滕公呼曰王不欲就天下乎何爲斬壯士滕公壯其言釋不斬言之上以爲治粟都尉而見知於五月漢引兵從故道還襲雍擊雍王軍陳倉破之相何

遂定雍東至咸陽圖雍王廢丘二年冬十月漢東畧地

塞王欣翟王翳河南王陽皆降而韓信擊虜韓王昌王



如陝鎮無關外父老。當是時。漢故有蜀漢。已旋定三秦。隴西北地上郡。業盡有異時。彊秦所稱雍州之地。示天下形制之勢矣。而諸侯王多望。楚宰天下不平。齊田榮并二齊地。自立為齊王。陳餘請齊擊常山王耳。破走之。迎趙王歇於代。復立為趙王。餘為代王。臧荼弑燕王。廣并其地。以故項羽不得西距漢。而出北擊齊。

羽欲西距漢而張良

至韓王成已為羽所殺。因遂亡歸漢。且遺項王書曰。漢王失職。欲得關中。如約即止。不敢東。則以齊反。書遺項羽。楚以故無西意。而擊齊。遂破齊。殺齊王榮。盡燒夷城郭室屋。皆阬其降卒。係虜其老弱婦女。而田榮弟橫收齊亡卒。得數萬人。據城陽。十一月。漢徙都櫟陽。更立韓太尉信為

王。令諸侯將有能以萬人若一郡降者。封萬戶。結治

河上塞故秦苑囿池皆令民得入田。二月，令除秦社稷，立漢社稷，賜民爵。蜀漢民給軍士勞苦，復勿租稅二歲。關中卒從軍者，復家二歲。舉民年五十以上，脩行能，率衆爲善者，置以爲三老。鄉一人，擇鄉三老一人爲縣三老，與縣令丞尉以事相教，復勿繇戍，以歲十月賜酒肉。三月，漢王自臨晉渡河，下河內，虜殷王卬，置河內郡。得楚亡將陳平，使參乘監諸將兵。平，武陽人，少家貧，好讀書，有田三十畝，兄伯耕，縱平使游學。及平長，富人莫妻也。戶牖富人張負有女孫，五嫁而大輒死，人莫敢娶。平欲得之，邑有喪，以先往，後罷爲助，負見之，器所備視之，平亦故後去，負隨平至其家，家乃負郭窮巷，以弊席爲門，然門外多長者車轍。張負歸，謂子仲曰：「吾欲以女孫妻陳平，仲曰：『平貧不事事，一縣中盡笑其所爲。』獨柰何？」予女乎？負曰：「人固



有美好如陳平、而長貧賤者乎？卒與女，誠之曰：母以貧故，事人不謹，事兄伯如事父，事嫂如母。平既娶張氏女，齋用益饒。游道日廣，里中社，平爲宰，分肉食甚均。父老曰：善。陳孺子之爲幸。平曰：嗟乎！使平得宰天下，亦如是肉矣。及張楚發難，平乃前謝其兄伯，往事魏王咎，或讒之，亡去，歸項王。將軍有功，拜都尉，賜金，居無何，間行，亡渡河，歸漢。船人見其美丈夫，獨行，知其亡將也，意腰中當有金玉寶器，日之平乃解衣裸而佐刺船，乃免。至脩武，因魏無知求見帝，與語說之，曰：子居楚，何官？曰：爲都尉。是日，即拜平都尉，使參乘典護軍，諸將盡譴，或讒陳平日，平雖美丈夫，如冠玉耳，其中未必有也。臣聞平家居盜嫂，事魏不容，亡歸楚，歸楚不中，又亡歸漢，今大王尊官之，令護軍，平受諸將金，金多者得善處，金少者得惡處，殆反覆臣也。願王察之。王召讓魏，魏無知，無知曰：臣所言者，能也。陛下所問者，行也。今有尾生孝已之行，而無益勝負之數，主何暇用之乎？楚漢相距，臣進奇謀之上，顧其計，誠足利國家否耳？盜嫂受金，何疑乎？王以諸將語召讓平，平日臣事魏王，魏王不用臣說，故去事項王。項王任愛，非諸項郎妻昆弟，雖有奇士，不能用，聞大王能用人，乃歸大王。臣裸身來，不受金，無以爲資，誠臣

計畫有可采。采之使無可用。金具在。請封驗官。請賜骸骨歸。王乃謝厚賜之。拜護軍中尉。盡護諸將。諸將乃不敢復言。當是時。項羽遷義帝江南。弑之江中矣。籍使人趣義帝行。赴

鄒、大臣稍稍叛籍。乃密使吳芮黥布共放擊殺之江中。漢王行至洛新城。三老董

公遮道說王曰。臣聞順德者昌。逆德者亡。兵出無名。事

故不成。名其為賊。敵乃可服。項羽為無道。放弑其主。此

天下之賊也。夫仁不以勇。義不以力。大王因三軍之衆。

為素服發喪。告諸侯。以東伐此三王之舉也。漢王聞遂

為義帝發喪。袒而大哭。臨三日。發使者告諸侯曰。天下

其立義帝。北面事之。今項羽放弑義帝于江南。大逆無

道。寡人親為發喪。諸侯皆縞素。悉發關中兵。收三河士。



浮江漢而下。願從諸侯王。擊楚之殺義帝者。時項王北  
擊齊。荼與齊連兵。欲遂破之。而距漢。以故王得從五諸  
侯兵。破楚入彭城。當是時。天下幾定。會王意少懈。收其  
貨寶美人。日置酒高會。項王還軍。擊漢軍。睢水上大敗  
之王。幾殆。會大風從西北來。揚沙石。發屋折木。逢迎楚  
軍。天竊笑之。聯楚軍亂。漢王乃得間亡去之下邑。收軍。  
審食其御太公呂后。間行求漢王。反遇楚軍。項王乃得  
之。常置之軍中。以爲質。當是時。諸侯見楚彊。漢敗。皆去。  
漢復爲楚塞。王欣翟王翳皆亡入楚。五月。漢王至滎陽。  
諸敗軍皆會。蕭何亦發關中老弱未傅者。悉詣滎陽。漢

軍復大振。楚與漢戰滎陽。南京索間。漢王擊楚騎滎陽東。大破之。楚以故不能過滎陽。而西漢遂築甬道屬之。河以取倉敖粟。六月。王還櫟陽。立子盈爲王。太子引水灌廢丘。廢丘降。章邯自殺。置河上渭南中。地隴西上郡。下令言。吾甚重祠而敬祭上帝。及山川之神。當祠者。令祠官各以時禮祠之。關中饑。令民就蜀漢食。八月。漢王如滎陽。令丞相何侍太子守櫟陽。諸侯子在關中者。令皆集櫟陽。爲衛方。漢王敗彭越而西也。至下邳。憇乃下馬。踞鞍而問曰。吾欲捐關以東等棄之。誰可與其功者。  
時關西盡屬漢張良曰。九江王黥布。楚梟將。今與項王郤。彭越



與齊王田榮反梁地。此兩人可急使。而漢王之將獨韓  
信可屬大事。當一面。卽捐之。捐之此三人。楚可破也。漢  
王喜。立遣使使越。令下濟陰以擊楚。念欲致九江。謁者  
隨何侍王。顧左右而歎。欲以激使何。隨何進曰。敢問何  
歎。王曰。無能爲我使淮南。令發兵倍楚者。誠且留項王  
數月。我取天下。可以百全。隨何曰。臣能使之。乃遣何至  
九江。說王布。令背楚歸漢。何至九江。說布曰。漢王使臣  
敬進書大王。御者竊怪大王  
與楚何親也。布曰。寡人北鄉而臣事之。隨何曰。大王與  
項王俱列爲諸侯。北鄉而臣事之。必以楚之強爲可以  
託國也。項王伐齊。身負版築。爲士卒先。大王宜悉淮南  
之衆。身自將爲楚軍前鋒。乃發四千人以助楚。北面而  
臣事人者。固若是乎。漢王戰彭城。項王未出齊也。大王  
立騷淮南之兵渡淮。日夜會戰彭城下。而無萬人之衆。

無一人渡淮者。善其而觀其孰勝。夫託國於人者。固若是乎。大王提空名以鄉楚。而欲厚自託。臣竊不取也。然而大王不倍楚者。以漢爲弱也。夫楚兵雖強。天下負之不義之名。以其背盟約而殺義帝也。漢王收諸侯。還守成。皐、滎、陽、下、蜀、漢之粟。深溝壁壘。分卒守徼。乘塞。楚人還兵。間以梁地深入敵國八九百里。欲戰則不得。攻城力不能。老弱轉糧千里之外。兵至滎陽。成皐。漢堅守而不動。進不能攻。退不能解。故楚兵之強不足恃也。楚不知漢其勢易見也。今大王不與萬全之漢。而自託於危亡之楚。竊爲大王惑之。臣非以淮南之兵足以亡楚也。大王發兵而倍楚。項王必留。留數月。漢取天下可以萬全。臣請與大王提劍而歸漢。漢王必裂地而封大王。又况淮南。淮南故大王有也。故漢敬使使臣進愚計。願大王留意也。淮南王曰。請奉命。然未敢宣言。叛楚也。楚使者有傳合。急青布發兵。何直入日。九江王已歸漢。楚何得發兵。因說布殺楚使。而攻楚楚擊破之。布乃間行。與何歸漢。十二月至漢。漢王方踞牀洗足。召布入見。布海怒欲自殺。及出就舍。帳御食飲從官皆如漢王。居又大喜。過望。漢益其兵。與俱屯成皐。

王在滎陽。魏王豹謁歸。視親疾。至即絕。



河津反。爲楚王遣酈生往說令下漢。不聽。遣左丞相信將曹參灌嬰兵俱擊魏。王問酈生。魏大將誰也。對曰。栢直。王曰。是口尚乳臭。安能當韓信。騎將誰也。曰。馮敬。曰。是秦將馮無擇之子也。雖賢。不能當灌嬰。步卒將誰也。曰。頃它。曰。不能當參。吾無患矣。知彼知己時魏盛兵蒲坂塞。

臨晉。信陳船示渡臨晉。而奇兵從夏陽以木罌渡。軍襲安邑。擊虜魏王豹。定魏地。置河東太原上黨郡。於是韓信使人白請帝。願得精兵三萬人。北舉燕趙。東擊齊。南絕楚糧道。與王會破楚。漢王壯而許之。遂聽信。以張耳怨趙。又故王趙。盡熟其地形。遣耳與信俱北擊代。破代。

兵禽夏說闕與信之下魏破代。漢輒收其精兵詣滎陽。以距楚而令信耳行收軍擊趙。三年冬十月左丞相信將兵下井陘。設奇大破趙。禽王歇。斬代王餘。遂定趙。遣使還報漢。請立張耳爲趙王。填趙。移軍燕。遣使北徇燕。遂定燕。成安君餘聞漢且襲趙。聚兵井陘口。號二十萬。廣武君李左軍說之曰。聞漢將韓信涉西河。虜魏王。喋血闕與。今乃輔以張耳。此乘勝而去國遠闔其鋒。不可當。臣聞千里餽糧。士有饑色。樵蘇後爨。師不宿飽。今井陘之道。車不得方軌。騎不得成列。行數百里。其勢糧食必在其後。願足下假臣奇兵三萬人。從間路絕其輜重。足下深溝高壘。勿與戰。彼前不得闔。退不得還。吾奇兵絕其後。使野無所掠。不至十日。兩將之頭可致於戲下。否。必爲二子禽矣。成安君儒者。常自稱義兵。不用詐謀奇計。曰。吾聞兵瀆十則圖之。倍則戰之。今韓信兵號數萬。實不過數千。又千里而襲我。已罷極。今避而不擊。後有大者。何以待之。將諸侯謂我怯而輕伐我。不



聽韓信使人間視知之則大喜乃敢引兵遂下未至井陘口三十里止舍夜半傳發選輕騎二千持赤幟從間道草山而望起軍誠曰趙見我走必空壁逐我若疾入趙壁拔趙幟立漢赤幟令裨將傳飭曰今日破趙舍食諸將皆莫信佯應曰諾信乃使萬人先行出背水陣趙軍望見大笑平旦信建大將旗鼓鼓行出井陘口趙開壁擊之大戰良久於是信耳佯棄旗鼓走水上軍水上軍開入之復疾戰趙果空壁爭漢旗鼓逐信耳信耳已入水上軍軍皆殊死戰不可敗而信所出奇兵二千騎候趙壁空則疾馳入壁拔趙旗立漢赤幟趙軍已不能得信等還歸壁見壁皆赤幟而大驚以爲漢皆以得趙矣兵遂亂遁走於是漢兵夾擊大破之斬成安君泚水上禽趙王歇信乃令軍中能生得廣武君者予千金得之信乃解其縛東鄉坐西鄉對師事之諸將効首虜休畢賀因問信曰兵瀆右倍山陵前左水澤今者將軍令臣等反背水陣臣等不服然竟以勝何也信曰此在兵法顧諸君不察耳兵瀆不曰陷之死地而後生置之亡地而後存乎且信非得素招徠士大夫也此所謂驅市人而戰之其勢非置之死地使人自爲戰令予之生地皆走寧得而用之乎諸將皆服曰善於是信問廣武君

曰：侯欲北攻燕，東伐齊，何若而有功？廣武君辭謝曰：臣聞敗軍之將，不可以言勇；亡國之大夫，不可以圖存。今臣敗虜也，何足以權大事？信曰：僕聞之，百里奚居虞而虞亡，在秦而秦霸，非愚於虞而智於秦也。用與不用，聽與不聽也，令成安君聽足下，勿辭。廣武君曰：臣聞智者十慮，必有一失；愚者千慮，必有一得。故曰：狂夫之言，聖人擇焉。顧恐臣計未必足用，願效愚忠。夫成安君有百戰百勝之計，一旦失之，軍敗師下，身死泚上。今將軍涉西河，虜魏王，一舉而下井陘，不終日，破趙二十萬衆，誅成安君，名聞海內，威震天下，農夫莫不輟耕，釋耒，褰衣耳食。傾耳以待命，此將軍之所長也。然而衆勞卒罷，其實難用。今將軍欲蹙倦弊之兵，頓之燕堅城之下，欲戰，恐久力不能拔；情見勢屈，曠日糧竭，而弱燕不服，齊必距境以自強。燕齊相持而不下，則劉項之權未有所分。此將軍所短也。善用兵者，不以短擊長，而以長擊短。今爲將軍計，莫如按甲休兵，鎮趙撫其孤，百里之內，牛酒日至，以饗士大夫驛兵，比首燕路，而後遣辯士奉咫尺之書，暴所長於燕，燕必不敢不聽。燕聽而東臨齊，雖有智者，不知爲齊計矣。兵固有先聲而後實者，此之謂也。韓信



口善從其策發使

當是時漢有全秦又捐趙魏燕以與

信既舉之而天下畧定矣獨患羽剽賊善戰於是收關

中卒從諸侯軍滎陽成皐間按據羽令毋西楚與戰常

入保羽數侵奪漢甬道漢軍乏食王與酈食其謀撓楚

權食其欲立六國後以樹黨王趨刻印將遣食其行立

之間張良良發八難漢王輟飯吐哺曰豎儒幾敗乃公

事令趨銷印又問陳平從平計與平黃金四萬斤以間

䟽楚君臣

酈生言湯伐桀封其後於杞武王伐紂封其

復立六國後畢受印其君臣戴德皆願為臣妾陛下南

鄉稱霸楚必歟衽而朝王曰善趨刻印先生行佩之矣

未行張良從外來謂王方食具以酈生語告曰如何良

曰誰為陛下畫此計者陛下事去矣臣請借前箸為大

王壽之、因以箸指畫天下大勢、曰、昔者湯伐桀而封其  
後於杞、度能制桀之死命也、今大王能制項籍之死命  
乎、武王伐紂、封其後於宋、度能得紂之頭也、今大王能  
得項籍之頭乎、武王入殷、武商各間、釋箕子、拘、封比干  
墓、發距橋之栗、散鹿臺之財、以賜貧窮、殷事已畢、偃革  
爲軒、倒置干戈、覆以虎皮、示天下不復用、休馬放牛、示  
不復輪犢、今大王度皆能乎、如不能、今柰何效之、且大  
王游士、雖親戚棄墳墓、去故舊、從陛下游者、徒欲日夜  
望咫尺之地爲分也、今復六國立韓、魏、燕、趙、齊、楚之後  
天下游士各歸寧其主、從其親戚、反其故舊墳墓、陛下  
誰與取天下乎、且夫楚唯無強、六國立者、復撓而從之、  
陛下焉得而臣之、誠用客謀、事去矣、乃罷行、已、漢大困  
成、皇聞遣使約割滎陽以西爲漢、東爲楚、范增勸楚王  
必毋聽漢約、王患之、問陳平、平曰、項王骨鯁臣、獨亞父  
鍾離昧能且問殷之屬數人耳、大王誠能出捐數萬斤  
金、行反間、間疏其君臣、項王爲人、意思信、讒必內相誅  
如此、而楚因可破也、王立出金與平、恣所爲、不問其出  
入、楚使者來、爲太牢具、舉進之、見使者、佯驚愕曰、吾以  
爲亞父使者、乃項王使、更持去、以惡草食、項王使、使者  
歸報、項王乃疑范增與漢私、稍奪之權、增大怒曰、天下



事大定。君王自爲之。願賜骸骨歸卒伍。  
項王許之。行未至彭城。疽發背而死。

夏五月。漢將軍紀信死難。脫王出滎陽。至成皐。  
楚圍益急。信奮曰。事急矣。臣請以死誑楚。王可

間出也。於是夜出女子東門三千人。信乘王車出。曰。食盡。漢王降楚。軍喜呼萬歲。之。城東觀。漢王得與數十騎從西門跳身遁。楚烹信。  
自成皐入關。收兵。欲復東。袁生說王曰。漢

與楚相距滎陽間數歲。漢常困。願君王出武關。項羽必引兵南走。王深壁。令滎陽成皐間得少休。如此。則楚備多而力分。使韓信等得輯河北。連燕齊而來。君王乃復走滎陽。合而與之戰。破楚必矣。漢王從其計。出軍宛。葉間。項羽果引兵南。漢王堅壁不與戰。是月彭越度睢水。與項聲薛公戰下邳。破楚軍。項羽使終公守成皐。而自

引兵東擊越。漢王因得間擊終公，破之，得復軍。成皇引

已破走越，則引兵西還，拔滎陽烹周苛，殺樞公，虜韓王。

信遂復圖成皇。當是時，韓信、張耳北破趙軍，脩武矣。漢

王急跳獨與滕公載北渡河，馳韓信、脩武壁，將其軍。時

耳尚未起，即卧內操其印符，易置諸將。使張耳守趙地，使信收趙兵，未發。

者，行擊齊。漢王得韓信軍，則復振臨小洛武南，高壘不

戰，而遣將將軍佐彭越，燒楚積聚，以破壞其業。越因下

梁地二十餘城。捐之越。項羽復引兵東擊越，使海春侯守

成皇。四年冬十月，漢王破海春侯兵汜水上，鍾離昧、滎

陽東羽聞，引軍還。漢即走廣武，壁不戰。羽聞彭越下睢陽，謂海春侯曹



咎曰謹守成臯。即漢欲與戰。慎勿與戰。我十五日必定  
梁地。復從將軍。羽既東。漢數挑戰。楚軍不出。使人辱之  
數日。咎怒。渡汜水。擊漢。半渡。漢擊大破之。咎自剄。復取  
成臯。軍廣武。就敖倉食。羽還。盡走阻險。時楚漢久相持  
未決。丁壯皆軍。老弱罷轉餉。項羽不勝忿速。願身獨與  
漢王挑戰。漢王曰。吾寧關智不關力。因數羽曰。始吾與  
羽俱受命懷王曰。先入定關中者王之。項王負約。王我  
於蜀。漢罪一。矯殺卿子冠軍而自尊。罪二。收趙當還報  
而擅却諸侯兵入關。罪三。懷王約入秦無暴掠。羽燒秦  
宮室。掘秦始皇冢。盡取其財物。罪四。殺降王子嬰。罪五。  
詐坑秦子弟新安二十萬。罪六。王諸將善地而徙逐故  
王。令臣下爭叛。罪七。出逐義帝彭越。自立都之。奪韓王  
地。并王梁楚。多自予。罪八。弑義帝江南。罪九。夫為人臣  
而弑其主。殺已降。爲政不平。主約不信。天下所不容。大  
逆無道。罪十也。吾以義兵從諸侯。誅殘賊。獨使刑餘罪  
人相擊殺。何者。乃與公戰。羽大怒。伏弩射漢王。王傷胸  
乃急。捫足曰。虜中吾指。張良強請王起行軍。安士卒。毋  
令楚得乘勝於漢。於是漢王出行軍。病甚。因馳入成臯。  
以其間西入關。至櫟陽存問父老。置酒。令軍士不幸死。

者吏爲衣衾棺歛轉送其家瘞之留四日復郊軍當是

時大將軍信北擊齊襲歷下睢水軍破之定齊地矣

漢數

困榮陽成皐間計欲指成皐以東屯鞏洛以拒楚酈食其說曰臣聞知天之天者王事可成不知天之天者王事不可成王者以民人爲天民以食爲天夫敖倉天下轉輸久矣其下乃有藏粟甚多楚人拔榮陽不堅守敖倉迺引而東令適卒分守成皐此天所以資漢也方今楚卽破而漢反却自奪其便臣竊以爲過矣且兩雄不俱立漢楚久相持不決百姓騷動海內搖蕩農夫釋耒工女下機天下之心未有所定也願足下急復進兵收榮陽據敖倉之粟塞成皐之險杜大行之道距蜚狐之口守白馬之津示誼侯效實形制之勢則天下知所歸矣方今燕趙已定唯齊未下今田廣據千里之齊田間將二十萬之衆軍於歷城諸田宗強負海阻河濟南近楚人多變詐足下雖遣數十萬師未可以歲月破也臣請得秦明詔說齊王使爲漢而稱東藩王曰善乃復取成皐軍廣武就敖倉粟而酈生使齊說齊王廣曰王知天下之所歸乎齊王曰不知也曰王知天下之所歸



則齊可得而有也。若不知天下之所歸，卽齊國未可保也。齊王曰：「天下何歸？」曰：「歸漢。」曰：「先生何以言之？」曰：「漢王與項王戮力西面擊秦，約先入咸陽者王之。漢王先入咸陽，項王負約不與，而王之漢中。項王遷殺義帝，漢王聞之，起蜀漢之兵，擊三秦，出關而責義帝之處，收天下之兵，立諸侯之後，降城卽以侯其將，得賂卽以分其土。與天下同其利，豪英賢才皆樂爲之用。諸侯之兵四面而至，蜀漢之粟方船而下。項王有倍約之名，殺義帝之負，於人之功無所記，於人之罪無所忘。戰勝而不得其賞，拔城而不得其封，非項氏莫得用事，爲人刻卬，而而不能授，攻城得賂，積而不能賞。天下畔之，賢才怨之，而莫爲之用。故天下之事歸於漢王，可坐而策也。夫漢王發蜀漢，定三秦，涉西河之外，援上黨，下井陘，誅成安君，北破魏，舉三十二城，此蚩尤之兵，非人之力也。天之福也。今已據敖倉之粟，塞成臯之險，守白馬之津，杜太行之阪，距蜚狐之口，天下後服者先亡矣。王疾先下，漢齊國社稷可得而保也。不下漢，危亡可立而待也。田廣以爲然，聽酈生罷歷下兵，守戰備，而韓信渡平原，東擊齊。聞齊爲漢欲止軍，時蒯士蒯通欲信背漢，乃因激信曰：「將軍受命擊齊，漢獨發問使下之，寧有詔止將軍乎？何

爲輒母行且酈生一士伏軾掉三寸舌下齊七十餘城將軍將數萬衆歲餘乃下趙五十餘城爲將數歲顧不如一豎儒之功乎於是信顧渡河襲破齊歷下軍遂薄臨淄齊王以酈生賣已怒罵之曰若能止漢軍吾治汝不者烹酈生度信欲就功不能止漢軍乃復罵曰舉大事者不細謹盛德不辭讓而公終不爲若更言齊王乃烹酈生走高密而使使之楚請救楚使龍且將號二十萬以救齊或說龍且曰漢兵遠鬪窮戰其鋒不可當齊楚自居其地戰勢易敗散不如深壁令齊王使其信臣招所亡城亡城聞其王乃在楚來救必反漢漢兵二十里客居齊城外叛勢無從得食可無戰而降也龍且曰吾平生知韓信爲人易與耳且夫救齊不戰而降之吾何功今戰而勝齊之半可得也何爲止乎遂戰與信夾濰水而陳信乃夜令人爲萬餘囊盛沙壅水上流引軍半渡擊龍且佯不勝還走龍且果喜曰固知信果怯也遂追信渡水信使人決壅囊水大至龍且軍大半不得渡卽急擊殺之水東軍散走齊王廣亡去因遂破平齊乃遣使還報漢且自請曰大齊多變詐反覆之國也南邊楚請得爲假王以填之



時楚漢爭權於滎陽方急。王聞怒罵欲無許。張良陳平伏後躡王足，因附耳語曰：「以今日之勢，寧能禁信之自王乎？不如因而立之，使各爲守。不然，變生。」王悟，乃復罵曰：「大丈夫定諸侯，卽爲真王耳，何以假爲？」卽遣良操印綬往立信爲齊王，徵其兵擊楚。因遂立黥布爲淮南王。於是梁往來苦楚兵，絕其糧食，而齊王信旣定齊，又進兵擊楚軍，四合而北。黥布遣使致梟騎助師。漢關中兵益出，食多。羽兵罷，食絕，大患之。漢乃遣陸賈侯公相繼說項王求成，請太公項王乃與漢約中分天下，割鴻溝以西者爲漢，鴻溝而東者爲楚，歸漢王父母妻子。軍中

皆呼萬歲。

項王嘗爲高祖置太公其上告漢王曰今不急下吾烹太公漢王曰吾與項羽俱北面受

命懷王約爲兄弟吾翁卽若翁必欲烹而翁幸分我一  
杯羹項王怒欲殺之項伯曰天下事不可知且爲天下  
者不顧家雖殺之無益祇  
益怨耳項王從之以得全約成項羽引兵東歸王欲引

而西張良陳平諫曰今漢有天下大半而諸侯皆附楚

兵罷食盡此天亡之時也今釋不擊所謂養虎自遺患

也漢王聽之乃還兵五年冬十月追羽陽夏南止軍與

齊王信魏相國越期會擊楚至固陵信越兵不會楚擊

漢軍大破之漢王復入壁謂張良曰諸侯不從奈何良

從容對曰楚兵且破諸侯未有分地其不至固宜夫齊

信立非君王意信亦不自堅彭越本定梁地始君王



以魏豹故獨拜越相國。今魏王死，越亦望王而不以時定。此信越所以不至也。君王能自陳以東，傳海以界信。睢陽以北至穀城，以界越。信故家楚，意欲復得其故邑。誠出捐以與此兩人，使各自為戰，則楚可立破也。王曰：善。立發使使齊、魏，如張良策。而信越兵皆會戰垓下。羽大敗，自殺。而楚亡。本所為破楚者，上用張良畫。捐天下信，又越布之力也。規字內以為咎，措勝於無形。齊王信將三十萬當羽，孔將軍居左，費將軍居中。漢王後，絳侯、柴將軍在漢王後。項羽卒可十萬。齊王信先合，不利。鄧、孔將軍費將軍縱楚敗齊王。信復乘之，遂大敗。圍四合。羽困垓下。中夜卒聞漢軍四面皆楚歌，乃大驚曰：漢皆已得楚乎？是何楚人之多也！則夜起飲帳中，枕慷慨數。楚地悉行下，從騎數百人潰圍走。漢兵追及，乃自殺。楚地悉

定。獨魯不下。漢王怒，欲引兵屠之。行城下，猶聞絃歌聲。乃太息謂其守節死禮義之國，因持項籍頭示之，乃降。以懷王封項籍爲魯公，及死，魯又爲堅守，以魯公禮葬羽穀城。親發哀哭之而去。封項伯等四人爲列侯，還至定陶，馳入齊王信壁，罷其軍。令曰：「楚地已定，義帝無後，欲存恤楚衆，定其地。」齊王信習楚風俗，更立爲楚王。王淮北都下邳，魏相國越勤勞，魏民卑下士卒，常以少擊衆，其以魏故地王之，爲梁地。都定陶，詔曰：「兵不得休八千萬民與苦甚，今天下事畢，其赦天下殊死以下。」於是諸侯王公卿百官表固請帝卽尊，乃卽皇帝位，而天下



大服

楚王信、韓王信、淮南王布、梁王越、衡山王芮、趙王敖、燕王茶、昧死再拜言、秦為亡道、天下誅之、大王

先得秦、定關中、安萬民、功盛德厚、又加惠於諸侯、王有功者、使得立社稷、地分已定、而位號比擬、亡上下之分

大王功得之著於後世、不宣、昧死再拜、上皇帝尊號、王謝讓、不敢當、諸侯王群臣皆曰、大王起微細、滅秦、誅不

義、立有功、平定海內、居帝位、甚實宜、於是太尉綰等與博士稷卨、呂叔孫通擇良日、二月甲午、王即皇帝位、于

汜水之陽、更王后、呂氏曰皇后、王太子、盈曰皇太子、追尊先姬

曰昭靈夫人、立故衡山王芮為長沙王

王長沙、豫章、林象郡、南海

立粵王亡諸為閩粵王

王閩中地

夏五月、罷遣兵歸家、詔曰

諸侯子在關中者、復十二歲、歸者半之、民前或相聚保

出澤、不書名數、今天下已定、令各歸其縣、復故爵田宅

吏以文法教訓、辯告、勿笞辱民、以饑餓自賣為奴婢者

皆免為庶人。賜吏民爵有差。軍吏卒無罪而亡爵及不

大夫以上，賜爵各一級。士大夫以上，皆蒲大夫者，皆賜爵大夫。故

命海中，召入朝。橫自殺，其客皆自殺。田橫者，齊諸田宗

韓信破齊，烹酈，食其廣，死。橫自立為王，及楚滅，橫懼

誅，與其徒五百人，亡居海島中。帝以為橫兄，弟奉定齊

齊賢士多附，在海中不收，恐後為亂，乃使使赦橫罪，召

之。橫謝曰：臣烹陛下之使，酈生，今其弟商為漢賢將，臣

恐懼，不敢奉詔，願為庶人，守海島中，使還報上。詔衛尉

商橫即至，人馬從者，敢動搖者族。乃復持節召橫曰：橫

來，大者王，小者乃侯耳。不來，且舉兵加誅。橫乃與其客

二人乘傳詣維陽，未至三十里，謝去。使者曰：人臣見天

子，當洗沐，乃止留，謂其客曰：橫始與漢王俱南面稱孤，

今漢王為天子，而橫乃為亡虜，而北面事之，其耻固已

甚矣。且吾烹人之兄，與其弟並肩而事主，縱彼畏天子

之命無動，我獨不愧於心乎？且陛下所為欲見我者，不

過欲一見吾貌耳。今陛下在洛陽，斬吾頭，馳三十里，形

容尚未能敗，猶可觀也。遂自剄。今客奉其頭，馳奏之。帝



曰嗟乎有以也夫起自布衣而兄弟二人更王豈不賢哉爲之流涕因拜其客爲都尉發卒二千人以王禮葬橫既葬二客穿其家旁孔皆自剄下從之帝聞大驚以爲橫客皆賢遣使召其餘五百人來至則聞田橫死皆自殺於是乃知橫召楚將季布爲郎斬楚將丁公爲項兄弟能得士也

氏將數窘高祖購求布千金敢舍匿者族布匿漢陽周氏周氏乃說布令自髡跣衣褐衣爲奴置柳車中并與其家僮數十人之魯朱家所賣之朱家心知爲布也買而置之田誠其子與同食飲而自乘輶車之洛陽見汝陰侯言季布何大罪而上求之急也滕公曰布數爲項羽將嘗上上怨之故必欲得之朱家曰君視布何如人滕公曰賢者也朱家曰臣各爲其主季布爲項籍用職耳項氏臣可盡誅耶今上始得天下獨以已之私怨求一人何示天下之不廣也且以季布之賢而漢求之急此不非走胡即南走越耳夫忌壯士以資敵國此伍子胥所以鞭荆王之墓也君何不從容爲上言滕公心知朱家大俠意布匿其所乃許諾待間果言如朱家指帝乃赦布召見得拜爲郎中有弟丁公亦爲項羽將案帝彭城西短兵接帝急顧曰兩賢可相厄哉丁公還至

是來謁帝以徇軍中日丁公爲項王臣不忠使詔曰七  
項王失天下斬之曰使後爲人臣無倣丁公也  
大夫公乘以上皆高爵諸侯子及從軍歸者甚多高爵  
吾數詔吏先與田宅及所當求於吏者亟與爵或人君  
上所尊禮久立吏前曾不爲決甚亡謂也異日奏民爵  
公大夫以上令丞與亢禮今吾於爵非輕也吏獨安取  
此且法以有功勞行田宅今小吏未嘗從軍者多滿而  
有功者顧不得背公立私守尉長吏教訓甚不善其令  
諸吏善遇高爵稱吾意且廉問有不如吾詔者重論之  
六月定都長安幸長安封婁敬奉春君婁敬齊人成龍  
西肱輓輅衣羊  
裘見齊人虞將軍願見上言便事虞將軍欲與之鮮衣  
婁敬曰臣衣帛衣帛見衣褐衣褐見不敢易衣帝召見



賜食已而問婁敬婁敬請曰陛下都洛陽豈欲與周室  
比隆哉帝曰然婁敬曰陛下取天下與周室異周之先  
自后稷堯封之郤積德累善十餘世公劉避紂居豳太  
王以狄伐故去豳杖馬箠居岐國人爭隨之及文王爲  
西伯斷虞芮之訟始受命呂望伯夷自海濱來歸之武  
王伐紂不期而會孟津八百諸侯皆曰紂可伐矣遂滅  
殷成王卽位周公之屬輔相焉乃營成周洛邑以爲此  
天下之中也四方諸侯納貢職道里均有德則易以王  
無德則易以亡凡居此者欲令周務以德致人不欲依  
險阻今後世驕奢以虐民也方周盛時天下和洽四夷  
卿風慕義懷德附離以金事天子不屯一卒不戰一士  
八夷大國莫不賓服效其貢職及周之衰分而爲兩天  
下莫朝周不能制非其德薄也而形勢弱也陛下起豐  
沛收卒三千人以之徑往而卷蜀漢定三秦與項羽戰  
滎陽爭成臯之口大戰七十小戰四十使天下之民用  
腦塗地暴骨中野不可勝數哭泣之聲未絕傷痍者未  
起而欲比隆於成康之時臣竊以爲不侔也且夫秦地  
披山帶河四塞以爲固卒然有急百萬之衆可具因秦  
之故資其美膏腴之地此所謂天府也陛下入關而都  
之山東雖亂秦之故地可全而有也夫與人鬪不揣其

航拊其背。未能全其勝也。今入關而都案秦之故地。此亦隘天下之航而拊其背也。帝問群臣。群臣多山東人。爭言周王數百年。秦二世即亡。不如都洛陽。洛陽東有城皋。西有殽澠。倍河向伊。維其固亦足恃。留侯從容曰。維陽雖有此固。其中小不過數百里。田地薄。四面受敵。非用武之國也。關中左殽函。右隴蜀。沃野千里。南有巴蜀之饒。北有胡宛之利。阻三面而守。獨一面。東制諸侯。諸侯安定。河渭漕輓天下西給京師。諸侯有變。順流而下。足以委輸。此所謂金城千里。天府之國。婁敬說是也。於是即日帝西都關中。秋。燕王臧荼反。帝自將擊虜之。立盧綰爲燕王。六年冬十月。令天下縣邑城。十二月。會諸侯于陳。執楚王信。是日詔曰。天下既安。豪傑有功者當侯。吾新立。未能盡圖其功。身居軍九年。或未習法令。以故犯法。大者至死刑。吾甚憐之。其赦天下。信至楚。行縣。多陳兵出入。人有上書告信反者。帝問諸將。諸將曰。亟發兵坑堅子耳。帝默然。問陳平。



平辭謝。因問帝曰：「人上書言信反，有知之者乎？」曰：「未有信知之乎？」曰：「不知也。」平乃言曰：「陛下精兵孰與楚？」帝曰：「不能過平。」曰：「陛下將用兵，有過信者乎？」帝曰：「莫及也。」平曰：「今兵不如楚精，將能不及信，而舉兵攻之，是趣之戰也。」帝曰：「為之奈何？」平曰：「古者天子巡狩會諸侯，南方有雲夢，陛下第出偽遊雲夢，令諸侯會陳、陳、楚之西界，信聞天子以好出遊，其勢必無事而郊迎謁，而陛下因禽之，此特一力士之事耳。」帝用其計，果得信，定楚地。於是齊人田肯入謁，帝賀曰：「甚善。」陛下得韓信，又治秦中，秦形勝之國，帶河山之險，縣隔千里，持戟百萬，秦得百二焉。地勢便利，以下兵於諸侯，猶高屋之上建瓴水也。夫齊東有琅瑯，即墨之饒，南有泰山之固，西有濁河之限，北有渤海之利，地方二千里，持戟百萬，縣隔千里之外，齊得十二焉。此東西秦也，非親子弟，莫可使王齊矣。」帝曰：「善。」賜金五百斤。

春正月，分楚地為三國，立從兄賈為荊王，弟

交楚王，子肥齊王。  
王七十餘城，民能齊言者皆屬齊。  
 帝還雒，赦韓信，封

淮陰侯，始剖符，封功臣為列侯，定元功位次。  
首示相何且何議也。

帝已封功臣。主者論功等未決。未行封。功臣頗人自疑。帝在雒陽南宮。從複道望見諸將。往往坐。涉中。黜語。問留侯曰。此何語。留侯曰。陛下不知乎。此謀反耳。帝曰。天下屬安定。何故反。留侯曰。陛下起布衣。以此屬取天下。今為天子。所封皆蕭曹故人所親愛。所誅皆平生所仇怨。此屬以軍吏計功。天下不足偏。對畏陛下。見疑平生。過失及誅。故相聚謀反耳。帝驚曰。為之奈何。留侯曰。上平生所憎。群臣所共知。誰最甚者。帝曰。雍齒與我故。數示群臣。群臣見雍齒封。則人人自堅矣。於是帝置酒封雍齒為什方侯。而趣丞相御史定功行封。夏五月。詔曰。罷酒。群臣皆苦曰。雍齒尚侯。我屬無患矣。夏五月。詔曰。人之至親。莫親於父子。故父有天下。傳歸於子。子有天下。尊歸於父。此人道之極也。前天下大亂。兵革並起。萬民苦殃。朕親帥士卒犯危難。平暴亂。立諸侯。偃兵息民。天下大安。此皆太公之教訓也。諸王通侯將軍卿大夫。



已尊朕為皇帝而太公未有號。今上尊號曰太上皇。時帝

以五日一朝太公如家人。禮顧未有號名太公家令說

太公曰天無二日土無二王今上雖子人主也太公雖

父人臣也奈何令人主拜人臣使威重不行後帝朝太

公擁篲迎門却行帝大驚不扶太公太公曰帝人主也

奈何以我亂天下法帝乃上尊起朝儀。具禮儀志韓王信反

號而心善家令言賜金五百斤

降匈奴七年冬帝自將討信。信及匈奴陽師困於平城。

七日解。具戎狄志留樊噲定代還長安。帝至長安見丞相何

怒罵曰天下匈匈者戰數歲成敗未可知是何治宮室

過度也何曰天下方定故可因就宮室且夫天子以四

海為家非壯麗無以示威且無令後令郎中有罪嗣以

世有以加也帝諾自櫟陽徙都長安

上請之民產子復勿事二歲置宗正官八年冬帝擊信

餘寇於東垣十二月還京師。令士卒從軍死者為櫬歸其縣縣給衣衾棺槨具葬

之春令吏卒從軍至平城及

勿事賈人毋得衣錦繡綺縠

百終身九年

冬徙故六國宗後及豪桀名家實關中

時匈奴強若邊用婁敬說結和

親敬還自匈奴為帝言匈奴河南地去長安近者七百里輕騎一日夜可至也秦中新破民少地肥饒可益實

前諸侯初起時非齊諸田楚昭屈景莫能與今陛下都關中而東有六國之族言強一日有變陛下亦未得高

枕而卧也臣願徙齊諸田楚昭屈景燕趙韓魏後及豪

傑名家居關中無事可以備胡諸侯有變亦足率以東

伐此強本弱支之術也帝曰善於

是徙徙者十餘萬口與利便田宅

春正月廢趙王敖為

宜平侯更代王如意為趙王

帝討陳豨過趙趙王敖尚

上食執子胥禮甚卑帝箕踞嫚罵之趙相貫高趙午等

年六十餘皆蒯王耳客生平為氣皆怒請殺之敖嚙其

指出血曰君何言之誤先人亡國賴帝得復德流子孫

秋毫皆帝力也願君無復出口高午等相謂曰乃吾等

非也吾王長者不倍德獨吾等義不辱何乃汙王為乎

今事成歸王事敗獨身坐之耳乃壁人相人要之置帝



過欲留宿。心動問縣爲何。曰：栢人者，迫於人也，不宿而去。貫高怨家知其謀，上變告。於是逮捕趙王及諸反者。趙午等十餘人皆爭自剄。貫高獨怒罵曰：「誰令公等爲之？」今王實無謀而并捕王，公等皆死，誰白王不反者？乃轎車勝至諸長安時，有詔趙群臣賓客敢從王者罪三族。客田叔、孟舒等十餘人皆自髡，跣爲王家奴。從王來，高對獄曰：「獨吾屬爲之。」王實不知。吏治榜笞數千，刺剝身無可擊者，終不復言。廷尉以高事辭聞，帝曰：「壯士，誰知者？」以其私問之。中大夫泄公曰：「臣邑中子素知之，此固趙國立名義，不侵爲然。諸君也。」帝使泄公持節問之。復與前仰視曰：「泄公耶？」泄公與勞苦如平生，與語問趙王果有謀不。高曰：「人情寧不各愛其父母家族乎？今吾三族皆以論死，豈以王易吾親哉？願爲王實不反。其道本指所以爲者，王不知也。」泄公以報，帝爲赦趙王。賢高能立然，諸赦之，使泄公具以告曰：「張王已出，高喜曰：『吾王審出乎？』」泄公曰：「然。」上多足下義，并赦足下。貫高曰：「所以不死一身無餘者，自王不反也。今王已出，吾責已塞，死不恨矣。夫人臣有篡弑之名，何面目復事上哉？」繼上不殺我，我不愧於心乎？乃仰天絕吭，遂死。帝大驚，賢趙王諸客召叔等與語，漢廷臣無能出其右者。上

詔盡拜為郡守諸侯相  
是年夏六月晦日蠲十年秋七月太上皇崩葬萬年

令諸侯王  
國皆立廟代相國陳豨反赦  
詔曰豨當為吾使有信代地吾所急也故封豨列侯

以相國守代今乃反劫掠代地  
冬帝親征求樂毅後得

其孫叔封樂鄉號華成君  
帝至邯鄲喜曰豨不南據邯鄲而阻漳水吾知其無能為

矣趙相周昌奏常山亡二十城請誅其守尉  
帝曰守尉反乎對曰否帝曰是力不足無罪盡赦之令昌選趙壯

士可將者自見四人帝慢罵曰豎子乃可將乎  
四人慙皆伏地不敢起已各封千戶以為將左右諫止之帝曰

非汝所知今趙代地皆豨有吾徵天下兵未至今獨邯  
鄲中兵耳吾何愛四千戶不以慰趙子弟之心乎又聞

豨將皆賈人帝曰吾知所以與  
之矣多以金購豨將豨將多降十一年冬帝在趙呂后

殺淮陰侯信帝自趙還雒陽  
方楚漢爭時信平齊威震天下項王使盱眙人武涉

說信令背漢信謝曰臣得事項王數年官不過郎中位  
不過執戟言不聽畫不用故倍楚而歸漢漢王授我上



將軍印與我數萬衆，鮮衣衣我，推食食我，言聽計用，故  
吾得至於此。夫人深信我而背之，不祥。幸爲信謝項王。  
武涉已去，齊人蒯通以相人術說信，令背漢，乃先微感  
信曰：「僕嘗受相人之術，貴賤在於骨瀉，憂喜在於容色，  
成敗在於決斷。蓋萬不失一也。」信曰：「先生相寡人，何如？」  
通曰：「相君之面，不過封侯，相君之背，貴不可言。」乃請間  
屏左右，誅語，勸令背漢自立。毋後時。且曰：「勇畧震主者  
身危，功蓋天下者不賞，今足下欲持是安歸乎？」信猶豫  
不忍倍漢，又自以功多，漢終不奪我齊，遂謝通曰：「吾聞  
之，乘人之車者載人之患，衣人之衣者懷人之憂，食人  
之食者死人之事。漢王遇我厚，吾豈可見利而背義乎？」  
通謝去，不復見。及天下定，徙王楚。信既至國，召所從食  
漂母，賜千金。召辱已少年，令出胯下者，以爲楚中尉，告  
諸將相曰：「此壯士也。」方辱我時，寧不能殺之耶？殺之無  
名，故忍而就此項王將鍾離昧、家伊廬，素與信善。楚滅  
亡，歸信，詔信捕昧，會有上書告信反者。天子用陳平計，  
稱游雲夢，告諸侯會陳，實襲信。信弗知，斬昧首謁帝。帝  
令武士縛信，載後車。信曰：「果若人言，狡鹿死，走狗烹，高  
鳥盡，良弓藏。敵國破，謀臣亡。天下已定，我固當烹。帝曰：「  
人告公反，遂誅繫信至洛陽，赦以爲淮陰侯。信當稱病。

不朝居常鞅鞅羞與絳灌等言常過樊將軍樊將軍跪拜迎送言稱臣曰大王乃肯臨臣信出門土車自矣曰生乃與噲等伍言繇此日怨望也噲從容與信論諸將能將兵多少因問曰如我能將幾何信曰陛下不過能將十萬帝曰於君何如曰臣多及益善耳帝矣曰多多益善何爲爲我禽信曰陛下不若將兵而善將將此信之所以爲陛下禽也且陛下乃工授非人力也後陳豨爲代相監邊行辭信信挈其手曰言唯將軍命信曰公所日子可與言乎吾欲與子言言豨曰唯將軍命信曰公所居天下精兵處也而公陛下之信幸臣人言公反陛下必不信再至乃疑三至必怒而目將吾爲公從中起天下可圖也陳豨曰謹奉教而言豨反信陰使人之豨所而與家臣謀詐赦諸官徒奴欲龍呂后太子其舍人上變告呂后與蕭相國謀詐令人縱帝所來稱豨已破辟臣皆賀相國給信曰雖病強入如信入武士縛信斬之長樂鍾室夷三族已帝從豨軍來至見信死且喜且憐之問信死亦何言呂后曰信言恨不用蒯通之計高祖曰是齊辯士也詔捕通通至帝曰若教淮陰侯反乎對曰然臣固教之豎子不用臣策令自夷於此如用臣計陛下安得而夷之乎帝怒曰烹之通曰秦失其鹿天下其



逐高材疾足者先得焉。跡之狗吠堯堯非不仁。狗固吠  
非其主。當是時。臣獨知瑞信。非陛下也。且天下銳精  
持鋒。欲爲陛下所爲者甚衆。願力不。詔曰。代地居常山  
能。又得盡烹之邪。帝曰。置之。乃釋通。詔曰。代地居常山  
之北。與夷狄邊。趙乃從山南有之。遠數有胡寇。難爲國  
頗取山南太原地益屬代。代云中以西爲雲中郡。寇宜  
少。擇可王者。燕王綰相國何坐。以帝子恒請。詔立爲代  
王。詔曰。欲省賦甚。今獻未有程吏或多賦以爲獻。而諸  
侯王尤多。民疾之。令諸王通使。常以十月朝獻。及郡各  
以口數。率人歲六十三錢給饗。實。詔曰。蓋聞王者莫高  
於周文。霸者莫高於齊桓。皆待賢人而成名。今天下賢  
者智能。豈特古之人乎。患在人主不交故也。上賢不

今吾以天之靈。賢士大夫定有天下。以爲一家。欲其長  
久。世世奉宗廟亡絕也。賢人已與我其平之矣。而不與  
吾共安利之。可乎。賢士大夫有肯從我游者。吾能尊顯  
之。布告天下。使明知朕意。御史大夫昌下相國。相國鄧  
侯下諸侯王。御史中執法下郡守。其有意稱明德者。必  
身勸爲之。駕遣詣相國府。署行義年。有而弗言。覺免年  
老癯病。弗遣。梁王彭越廢徙蜀役之。夷三族。帝擊陳豨。徵兵梁。梁  
王越稱疾。使將兵詣邯鄲。帝怒。讓之。梁王恐。欲自往。謝其將。卮輒曰。往則爲禽。不如反。越不聽。梁太後得罪。亡走漢。告之。帝使使掩梁王。囚之洛陽。赦爲庶人。傳處蜀。至南鄭。逢呂后。從長安來。越爲呂后涕泣。自言無罪。后與俱至洛。謂帝曰。彭王壯士。今徙之蜀。此目遺患。不如遂誅之。妾謹與俱來。乃令人告越復謀反。夷三族。梟



頭雒陽下詔敢收視者輒捕之梁大夫樂布從使齊還奏事越頭下祠而哭之吏捕以聞帝召布怒罵趣烹之方提趣湯布顧曰願一言而死帝曰何言布曰方上之困於彭城敗滎陽成臯間項王所以不能遂西者徒以彭王居梁地與漢合從苦楚也當是之時彭王一顧與楚則漢破與漢而楚破且垓下之會徵彭王項氏不亡天下已定彭王剖符受封亦當傳之萬世今陛下下一徵兵於梁彭王病不能行而陛下疑以爲反反形未見以苛小案誅滅之臣恐功臣人人自危也今彭王已死臣生不如死請就烹於是上釋布拜爲都尉季文持爲燕相至將軍吳軍反時以軍功封俞侯後復爲燕相有恩燕齊之間皆爲布立社號曰樂公社立子恢

爲梁王友爲淮陽王夏五月詔曰粵人俗好相攻擊前時秦徙中縣民實南方三郡與百粵雜處南海尉佗居南方長治之甚有文理中縣人以故不耗滅粵人相攻擊之俗益止俱賴其力今立佗爲南粵王使陸賈卽授

聖綬佗稽服稱臣

事具戎狄志中

秋七月淮南王黥布反帝親

征立子長淮南王

上問諸將滕公嬰言故楚令尹薛公

往年殺彭越前年殺韓信此三人者同功一體之人也

自疑禍及身故反爾帝曰今當何如薛公曰使布出士

計山東非漢有也出中計勝敗之數未可知也出下計

陛下高枕而卧無事矣帝曰何謂也對曰東取吳西取

楚并齊取魯傳檄燕趙固守其所上計也東取吳西取

楚并韓取魏據敖倉之粟塞成臯之口中計也東取吳

西取下蔡歸重於越身歸長沙下計也帝曰是計將安

出對曰布以驪山之徒自致萬乘所謂為身不慮後者

也必出下計帝曰善封

十二年冬十月帝破布軍於蘄

薛公千戶已而果然

西布亡走誅死帝還過沛留置酒沛宮燕故人父老子

弟復沛豐民世世無所與

高祖遂歸沛悉召沛故人父老子弟縱酒發沛中皇得百

二十人教之歌酒酣上擊筑自為歌詩曰大風起兮雲

飛揚威加海內今歸故鄉安得猛士兮守四方令兒皆



和習之帝乃自起舞慷慨傷懷泣數行下謂沛父兄曰  
游予悲故鄉吾雖都關中萬歲後吾竟竟猶樂思沛且  
朕自沛公以誅暴逆遂有天下其以沛爲朕湯沐邑復  
其民世世無有所與沛父兄諸母故人日樂飲極驩道  
舊故爲笑樂十餘日帝欲去沛父兄固請留帝曰吾人  
衆多父兄不能給乃去沛中空縣皆之邑西獻帝復留  
止張飲三日沛父兄皆頓首曰沛幸得復豐來復唯陛  
下哀憐之高祖曰豐吾所生長極不忘耳吾特爲其以  
雍齒故反我爲魏沛父兄固請乃并復豐比沛○劉會  
孟云自韓信彭越死黥布反同時諸將皆盡於是四顧  
寂寥傷心語雖壯而意悲自是亦道病矣○楊慎曰看  
他發沛中兒教歌至酒酣擊筑歌呼起舞展轉泣下縷  
縷不絕俯仰真至直到空縣出獻已去復留諸母故人  
道舊故又佳對父老說豐恨事又佳古今文字淋漓盡  
興言笑有情少可及此太尉勃誅陳豨定代地十一月行自淮南

還過魯以大牢祀孔子十二月詔曰秦始皇帝楚隱王

陳涉魏安釐王齊湣王趙悼襄王皆絕無後予秦皇帝守

冢二十家。楚魏齊各十家。趙及魏公十無忌。各五家。還

宮。

帝擊黥布時，爲流矢所中，道病甚。呂后迎良醫入請治。帝嫚罵之曰：「吾以布衣提三尺劍，取天下，此非天

命乎？」命乃在天，雖扁鵲何益？不治病，

禁中詔戶者無得入。群臣、大臣絳灌

樊噲乃排闥直入。大臣隨入。帝獨枕

流涕曰：「始陛下與臣等起豐沛，定天下，何忙也？今天下

已定，又何憊也？今陛下病甚，大臣震恐，乃不見臣等計

事，顧獨與一宦者絕乎？且陛下獨不見趙高之事耶？」帝

笑而

起。

徵燕王綰，不至。使侯噲以相國將攻燕，赦燕吏民。

已，命絳侯勃代將，行定燕。

有告燕王盧綰反者，帝徵綰。

相國將兵攻之，赦燕吏民。旣行，有諸噲惡戚氏者，帝大

怒，召絳侯受詔牀下。曰：「陳平亟馳傳召勃氏。」噲將平至

軍，卽斬噲頭以來。二人馳傳未至，軍計之曰：「噲帝故人

功多，又乃呂后女弟呂須之夫，有親且貴，士以忿怒故

欲斬之。後恐悔，寧囚而致之上，上自誅可也。」未至，軍爲

噲以資召樊噲。噲至，卽反，拔載檻車，傳詣長安。絳侯勃



代夏四月帝崩于長樂宮。平還聞帝崩恐呂類以執曾改議之馳傳先歸逢使者詔

平出屯平受詔立馳至宮哭甚哀因奏事喪前故久呂

后哀之日君勞出休矣平畏讒之就因請得宿衛中太

后乃以為郎中令日傳五月葬長陵  
年六十三高祖寬仁愛

帝親昵讒乃不得行

人知人善任使性明達好謀能聽見善如不及用人如

繇已從諫如轉圜自監門廝卒見之如舊識事投幾輒

斷沛無留行無慮顧即不說學有聖者之度性諸天也

以能盡群雄之力群策畢舉而天下康初順民心作三

章之約而天下順流遂與之更始始半項時置酒雒陽

南宮帝曰列侯諸將無或隱朕皆言其情吾所以有天下

者何項氏所以失天下者何高起王陵前對曰陛下

優而傷人。項羽仁而愛人。然陛下使人攻城畧地。所降下者。因以予之。與天下同利也。項羽妬賢嫉能。有功者害之。賢者疑之。戰勝而不與人功。得地而不與人利。此所以失天下也。帝曰。公知其一。未知其二。夫運籌策。帷幄之中。決勝於千里之外。吾不如子房。鎮國家。撫百姓。給餽饗。不絕糧道。吾不如蕭何。連百萬之軍。戰必勝。攻必取。吾不如韓信。三者皆人傑。吾能用之。此吾所以取天下也。項羽有一范增而不能用。此所以爲我禽。群臣說服。天下旣平。命蕭何次律令。韓信申軍法。張蒼定章程。叔孫通制禮儀。陸賈造新語。又與功臣剖符誓丹書。



鐵契金匱石室藏之宗廟。雖日不暇給。而規模弘遠矣。  
論曰。易天地之解。以雷雨。其繇曰。解利西南。无所往。其  
來復吉。有攸往。夙吉。秦項之際。蹇難至矣。高祖滎陽成  
臯間。身險中。而拍闔以東。與信布越三人者。共焉動險  
外也哉。約法弛禁。與天下休息乎。無爲利西南來復矣。  
乃五日櫟陽。七日長安。三入淮陰侯壁。奪其軍。又何夙  
也。若漢祖可謂善用解矣。

孝惠呂后紀

惠帝。呂太后子也。太后。高祖故微時妃。高祖爲漢王。后  
在楚軍中。及即位爲皇后。希見上。益疏而定陶戚姬大。

愛幸。生趙隱王如意。孝惠雖得立爲太子。然爲人仁高。帝以爲不類我。欲廢之。立如意。如意類我。戚姬幸。常從。日夜啼泣。欲立其子代太子位。數矣。御史大夫周昌爭之強。帝問其說。昌爲人吃。又盛怒曰。臣口不能言。然臣期期知其不可。陛下雖欲廢太子。臣期期不奉詔。帝笑而罷。呂后聞。遣人謝曰。微君太子幾廢。太子傳叔孫通爭之曰。昔晉獻公以驪姬故。廢太子。立奚齊。晉國亂者數十年。秦以不早定扶蘇。令趙高得詐立胡亥。自使滅祀。自陛下所親見。今太子仁孝。天下莫不聞。呂后與陛下攻苦食淡。何可背哉。陛下必欲廢嫡而立少。臣願先



伏誅。以頸血汚地。帝曰。公罷矣。吾直戲耳。叔孫通曰。太子天下本。本一搖。天下振動。奈何以天下爲戲。帝佯許之曰。吾聽公言。然中未能得堅決者也。呂后使呂澤劫留侯曰。公爲上謀臣。上欲易太子。君安得高枕而卧乎。留侯曰。始上數在困急之申。幸用臣計。今天下安定。以愛欲易太子。骨肉之間。雖臣等百餘人。何益。呂澤强要曰。爲我畫計。留侯曰。此難以口舌爭也。顧上生平所不能致者。天下四人。四人者。年老矣。皆以爲上慢侮人。故逃匿山中。義不爲漢臣。然上常高此四人。今公誠能無愛金璧玉帛。令太子爲書。卑辭安車。使辯士固請。宜來。

來以爲客時從入朝。令上見之。則必異而問之。問之知爲此四人。則一助也。於是后令呂澤使人奉太子書。卑辭厚禮。迎此四人。四人至。客建成侯所。及黥布反。帝病。欲使太子將。往擊之。四人相謂曰。凡來者。將以存太子。太子將兵。事危矣。乃說建成侯曰。太子將兵有功。則位不益。無功。還受禍矣。且太子所與俱諸將。皆嘗與上定天下。梟將也。今使太子將之。此無異使羊將狼。皆不肯爲盡力。其無功必矣。臣聞母愛者子抱。今戚夫人日夜侍御。趙王如意嘗抱居前。帝曰。終不使不肖子居愛子之上。明乎其代太子位必矣。君何不急請呂后。承間爲



帝泣言黥布天下猛將也善用兵今諸將皆陛下故等  
夷乃令太子將此屬無異使羊將狼莫肯爲用且使布  
聞之則鼓行而西耳帝雖病強載輜車中卧而護之諸  
將不敢不盡力帝雖苦爲妻子自彊於是呂澤立夜見  
呂后呂后承間爲帝涕泣言如四人意帝曰吾惟豎子  
固不足遣而公自行耳於是帝自將兵而東群臣居守  
皆送至霸上留侯病自彊起至曲邳見帝曰臣宜從病  
甚楚人剽疾願帝無與楚爭鋒因說帝令太子爲居守  
監關中兵帝曰子房雖病彊卧而傳太子是時叔孫通  
已爲太傅留侯行少傳事已帝旣擊破布軍歸疾益甚

愈欲易太子。留侯諫不聽。因疾不視事。及燕。置酒。太子侍。四人從年皆八十有餘。鬚眉皓白。衣冠甚偉。帝怪之。問曰。彼何人者。四人前對。各言姓名。曰。東園公。用里生。綺里季。夏黃公。帝乃大驚曰。吾求公數歲。公避逃我。今公何自從吾兒游乎。四人曰。陛下輕士善罵。臣等義不辱。故恐而亡匿。竊聞太子仁孝恭敬愛士。天下莫不延頸願爲太子死者。故臣等來耳。帝曰。煩公幸卒調護太子。四人爲壽畢。趨去。帝目送之。召戚夫人指示之曰。我欲易之。彼四人者爲輔。羽翼已成。難動矣。呂氏真而主矣。戚夫人泣。帝曰。爲我楚舞。吾爲若楚歌。歌曰。鴻鵠高



飛一舉千里。羽翮已就。橫絕四海。橫絕四海。當可奈何。雖有燭繳。尚安所施。歌數闕。戚夫人嗷啼流涕。帝起去。罷酒。竟不易太子者。本留侯招此四人之力也。太子旣定立。帝時時獨心不樂。悲歌。侍臣莫測也。符璽御史趙堯侍請問曰。陛下所爲不樂者。非以趙王少。而戚夫人与皇后有卻耶。備萬歲後。趙王不自全耶。帝曰。然。我私憂誠不知所出。堯曰。陛下獨宜爲趙王置貴強相。爲皇后太子及群臣素所敬憚者可矣。帝曰。然。念如是。群臣誰可者。堯曰。御史大夫昌。堅忍伉直。自皇后太子及大臣皆素敬憚之。獨昌可。帝曰。善。於是召周昌謂曰。吾欲

固煩公。公強爲我相趙王。昌泣曰。臣初起從陛下。陛下獨奈何中道而棄之諸侯王乎。高祖曰。吾極知左遷。然吾私憂趙王。念非公無可者。公不得已強行。於是徙御史大夫昌爲趙相。旣行。帝持御史大夫印弄之。曰。誰可者。熟視趙。堯曰。無以易堯。遂拜堯御史大夫。高祖崩。呂后與審食其謀。諸將故與帝爲編戶氓。今北面爲臣。心常鞅鞅。今乃事少主。非盡族是天下不安。或以語酈將軍。商往見食其。曰。吾聞帝已崩。不發喪。欲盡誅諸將。如此者殆矣。陳平灌嬰將十萬守滎陽。樊噲周勃將二十萬定燕代。聞帝崩。諸將皆誅。必連兵還嚮攻關中。大



臣內畔諸侯外反亡可翹足待也食其入言之乃發

太子即位尊呂后曰皇太后赦天下賜中郎郎中郎外郎及宦官武士御驂

乘爵有差賜給器事者視作斥上者減田租復十五稅

一爵五大夫吏六百石以上及宦而帝知名者有罪皆

為鬼薪白粲民年七十以上若不滿十歲有罪當刑者皆完之詔曰吏所以治民也吏

能盡治則民賴之故重吏祿所以為民也今六百石以

上及故吏嘗佩將軍都尉印將兵及佩二千石官印者

家唯給軍賦他無有所與令郡國各立高廟群臣言先帝起微細

撥亂世反之正平定天下為漢太祖功最高上尊元年

冬太后殺趙王如意春城長安二年冬齊悼惠王來朝

春正月癸酉有西龍見蘭陵家人井中乙亥夕不見隴西地震夏旱秋七月相國何薨葬

蕭文終侯平陽侯參為相國四年冬十月立皇后張氏

春舉民孝弟力田者復其身三月帝冠赦天下省法令

妨吏民者除挾書律長樂宮鴻臺災宣陽雨血秋七月未央宮凌室災丙子織室災五

年冬十月雷桃李華棗實夏大旱秋八月相國參薨葬曹懿侯九月長

安城成六年冬王陵為右丞相陳平為左丞相周勃為

太尉從高祖遺命也夏留侯良薨葬張文成侯良常在帝帷幄畫策為謀臣常

沉默不先事言言當幾時發發心中故能轉帝心如戶樞帝常師友遇之不名也與高帝從容言天下事甚衆皆天下所以興亡故故列之紀中及天下大定封功臣良未嘗有戰鬪功高祖曰運籌策帷幄中決勝千里外子房功也自擇齊三萬戶良曰臣始起下邳與上會雷此天以臣授陛下陛下用臣計幸而時中願封留足矣



不敢當三萬戶。乃封良留侯。留侯性多病。從入關。即遁引不食穀。及從高帝擊代還。乃稱曰。良家世相韓。及韓滅。不愛萬金之資。結客爲韓報讐。彊秦天下振動。今以三寸舌爲帝者師。封萬戶侯。此布衣之極。於良足矣。願棄人間事。從赤松子遊耳。及惠帝立。呂后德留侯爲定太子。畫慰藉彊食之。留侯不得已。乃復食。及是薨。哀榮始終焉。  
七年。春正月。日蝕。夏五月。日蝕。既。秋八月。帝崩。年二十四。九月。葬安

陵。帝內修親親。外禮宰相。優寵齊悼趙隱。恩敬篤矣。聞

叔孫通之諫。則懼然。納曹相國之對。而心說。可謂寬仁

之主。遭呂太后虧損至德。悲夫。太后立所名子曰少帝。

太后臨朝稱制。元年冬十一月。徙右丞相陵爲帝太傅。

左丞相平爲右丞相。審食其爲左丞相。食其故得幸太

事如郎中太后追尊父呂公爲宣王。兄澤悼武王。立兄

子台產祿台子通並王封諸呂六人爲列侯立張敖子

儼爲魯王二年

春正月羌道地震武都山崩夏六月晦日蝕

三年

夏江漢水溢漂民舍

四千餘家秋星晝見

四年夏太后廢帝立常山王義爲帝

更名弘以太后

稱制不改元

六年

春星晝見夏城長陵匈奴寇狄道

七年冬趙王友幽虎徙

梁王恢爲趙王呂王產爲梁王恢自殺八年

春封中謁者爲列侯

諸宦者令丞賜爵關內侯江漢水溢漂萬餘家

秋七月太后崩太后性驚恐高

帝時誅鋤淮陰彭越之倫各其力惠帝立欲甘心趙王

使使召趙王趙相昌令王稱疾必無行使者三反固不

遣於是高后先遣使召昌昌至怒罵曰公顧不知我銜

戚氏耶汝何能全王於是復召王王果來惠帝知太后



之怒之也。自迎王霸上與入宮。挾與同卧。起飲食。太后不得間會。帝晨出射。王少不能起。太后即使人酖殺之。帝還。王炮矣。太后乃斷戚夫人手足。去眼。燻耳。飲瘖藥。居廁中。命曰人彘。召帝觀。帝問知爲戚夫人也。則大哭。因病歲餘不能起。使人請太后曰。此非人所爲。臣爲太后子。終不能治天下。以此日飲爲淫樂。不聽政。齊王來朝。帝燕飲以爲王兄也。置上坐如家人禮。太后怒。令酌兩卮酖置前。令齊王起爲壽。王起。帝亦起。取卮俱爲壽。太后恐。乃自起。泛孝惠卮。罷酒。齊王覺。乃大恐。獻城陽郡爲魯元公主。湯沐邑。乃得罷解歸。張后魯元公主女。

也。無子。太后以重親故。萬方爲求子。終無子。乃取他人子。名爲子。帝崩。所名子立爲帝。而太后哭不哀。留侯子辟彊年十五。侍中。謂相平曰。太后獨有帝。哭不哀。君知其解乎。平曰。不知也。辟彊曰。帝無壯子。太后畏君等。今請拜呂台產爲將。將南北軍。則太后心安。君等幸脫禍矣。丞相如辟彊計。太后哭乃哀。已。太后欲封諸呂。王問相陵。陵曰。高帝刑白馬盟曰。非劉氏而王。非功臣若上所置而侯。天下共擊之。今王呂氏。非約也。太后不說。問相平。太尉勃平勃曰。高帝定天下。王子弟。今太后稱制。王諸呂。無不可者。太后喜。罷朝。王陵讓平勃曰。始與高



祖。噠。血。盟。諸。君。不。在。耶。今。高。祖。崩。太。后。今。欲。王。呂。氏。諸。君。縱。阿。意。背。約。異。時。何。面。目。見。高。帝。地。下。乎。平。勃。曰。於。今。面。折。廷。爭。臣。不。如。君。後。全。社。稷。定。劉。氏。君。亦。不。如。臣。於。是。徙。陵。爲。帝。太。傅。奪。之。權。陵。病。免。而。諸。呂。竝。王。少。帝。稍。長。聞。母。死。非。命。奮。言。曰。后。安。能。殺。吾。母。而。名。我。我。未。壯。壯。卽。爲。變。太。后。聞。廢。帝。幽。死。之。復。連。殺。二。趙。王。及。燕。王。建。丞。相。平。常。燕。居。深。念。陸。賈。時。往。請。丞。相。不。時。見。直。入。坐。請。見。見。之。陸。生。曰。君。何。念。之。深。也。平。曰。生。揣。我。何。念。陸。生。曰。足。下。位。上。相。食。三。萬。戶。侯。可。謂。極。富。貴。無。欲。矣。念。不。過。患。諸。呂。少。主。耳。陳。平。曰。然。爲。之。奈。何。陸。生。曰。

天下安。注意相。天下危。注意將。將相和調。則土豫附。土  
豫附。則天下有變。權不分。臣常欲謂太尉。太尉與我戲。  
易吾言。君何不深交驩。太尉將社稷計。在兩君掌握耳。  
兩人深相結。而呂氏謀益衰。已。高后被霸上還。過枳道。  
見物如倉狗。戰后掖忽不見。卜之。趙王爲祟。遂病掖。不  
能興。命趙王祿爲上將。將北軍。呂王產居中將南軍。誠  
之日。我即死。帝少謹。據兵衛宮。毋逆喪。爲人所制。后崩。  
遺詔產相國。立呂祿女爲少帝后。於是諸呂擅軍國。爲  
亂。朱虛侯章以呂祿女爲婦。知其謀。乃陰令人告其兄  
齊王襄。令發兵西。於是齊王遺諸侯書。言高后春秋高。



聽諸呂擅廢帝更立。又比殺三趙王。滅梁趙燕。以王諸  
呂。分齊爲四。忠臣進諫。或亂弗聽。今高后崩。帝春秋富。  
未能治天下。固恃大臣諸侯。而諸呂擅自尊官。聚兵嚴  
威。劫列侯忠臣。矯制以令天下。宗廟所以危。寡人率兵  
入誅。不當爲王者。呂產聞。遣賴陰侯灌嬰將兵出擊齊。  
賴陰侯至滎陽。與諸將謀曰。諸呂擅兵。欲危劉氏而自  
立。今破齊還報。此獨爲益呂氏之資也。乃留屯滎陽。使  
使諭齊王及諸侯。與連和。待呂氏變。共誅之。齊王報如  
約。嚴兵待時。濟川王太淮陽王武。常山王朝。皆名少帝  
弟。及魯王元王。呂后外孫。皆年少。未之國。祿產握重軍。

列侯群臣莫自堅其命。絳侯勃名太尉，不得入軍中。王  
兵曲，周侯酈商老病，其子寄與呂祿善。絳侯乃與丞相  
謀，使人劫酈商，令子寄往，給說呂祿曰：「高帝與呂后共  
定天下，劉氏所立九王，呂氏立三王，皆大臣之議事。已  
告布諸侯，諸侯皆以爲宜。今太后崩，帝少而足下佩趙  
王印，不急之國，守藩乃爲上將，將兵留中，故爲大臣諸  
侯所疑。足下何不歸將印，以兵屬太尉，請趙王歸相國  
印，與大臣盟而之國，齊兵必罷，大臣得安，足下高枕而  
王千里，此萬世之利也。」呂祿信然其計，使人報呂產，猶  
豫未有決。平陽侯窋行御史大夫事，旦人見相國產計  
事，即中令賈壽使從齊來，數產曰：「王不蚤之



國今雖欲行尚可得耶。具以灌嬰與齊楚合從欲誅諸呂事告產。且趣產急入宮。平陽侯頗聞其語。乃馳告太尉。時襄平侯通尚符節。乃令通持節矯內太尉北軍而復令酈寄與典客劉揭說呂祿趣之。國歸將印。不然。既且起祿以爲酈兄不欺已。遂解印屬典客。而太尉得入將北軍。太尉既至軍。令軍中曰。爲呂氏右袒。爲劉氏左袒。軍中皆左袒。然尚有南軍丞相平乃召朱虛侯左太尉。太尉令朱虛侯監軍門。令平陽侯告衛尉毋入相國產殿門。呂產不知呂祿已去軍。乃入未央宮欲爲亂。至殿門弗得入。徘徊往來。平陽侯馳語太尉。太尉恐不勝。尚未敢訟言誅之也。獨遣朱虛侯曰。急入宮衛帝。朱虛

侯請卒。予卒千餘人。日晡入未央宮門。擊產格殺之。郎中吏廁中。帝命謁者持節勞朱虛侯。朱虛侯欲奪節謁者不肯從。與載因節馳走。斬長樂衛尉呂更始。馳還北軍。報太尉。太尉起拜賀曰。所患獨呂產。今已誅。天下定矣。遂遣人分部捕諸呂。祿通等無男女少長皆斬之。而廢魯王偃。遣朱虛侯告齊王。令罷兵。賴陰侯亦罷滎陽軍而歸。於是諸大臣相與謀所立曰。少帝及梁陽常山王皆非真孝惠子。皆詐名他人子。不當立。齊王高帝適長孫。當立。然毋家駟鈞。駟鈞惡。立齊王。則復爲呂氏淮南王少毋家。又惡。乃曰。代王方今高帝見子。最長。仁孝。



聞天下太后家薄氏。謹良立長順。以仁孝聞。賢當立。乃相與陰使人召代王。王問左右郎中令張武等。皆疑之。勸代王稱疾毋往。以觀變。中尉宋昌進曰。群臣之議皆非也。夫秦失其政。諸侯豪傑並起。人人自以爲得之者。以萬數。然卒踐天子之位者。劉氏也。天下絕望一矣。高帝封王子弟。地犬牙相制。此所謂磐石之宗也。天下服其強。二矣。漢興除秦苛政。約法令。施德惠。人人自安。難動搖三矣。夫以呂太后之嚴立。諸呂爲王。擅權專制。然而太尉以一節入北軍。一呼士皆左袒爲劉。叛諸呂。卒以滅之。此天授非人力也。今大臣雖欲爲變。百姓弗爲。

使其黨寧能專一耶。方今內有朱虛東牟之親，外畏吳楚、淮南、琅瑯、齊代之彊。方今高帝子獨淮南王與大王、大王又長賢聖仁孝，聞於天下。故大臣因天下之心而迎立大王，大王勿疑也。代王報太后計之，猶與未有定卜之兆。得大橫，占曰：「大橫庚庚，余爲天王。」夏啓以光，代王日寡人固已爲王矣。又何王卜人曰：「所謂天王，天子也。」代王乃遣太后弟薄昭往見絳侯、絳侯等，具爲昭言迎立王意。昭還報，無可疑者。於是代王命中尉昌參乘，乘六乘，傳詣長安，至高陵，休止，使昌先馳之。長安觀變。昌至渭橋，丞相以下皆出迎昌。還報王至渭橋，群臣拜皆稱臣。王下車答拜。太尉勃進曰：「願請間。」宋昌曰：「所言公，公言之；所言



私。王者不受私。太尉乃跪上天子璽符。王謝曰：「至代邸議之。」遂行至代邸。群臣從至丞相平。太尉勃、大將軍武、御史大夫蒼、宗正郢、朱虛侯章、東牟侯興居、典客揭皆再拜請王即天子位。爲高帝嗣。代王謝讓，不佞，不足稱宗廟。願請楚王計宜者。群臣皆伏固請曰：「臣等伏計大王奉高帝宗廟，最宜稱。」雖天下諸侯萬民皆以爲宜。臣等爲宗廟社稷計，不敢忽願。大王幸聽。謹奉天子璽符，再拜上。王西鄉讓者三，南嚮讓者再。於是入未央宮，即天子位。夜拜宋昌爲衛將軍，鎮撫南北軍。張武爲郎中令，行殿中詔赦天下。而漢祚復安。方高祖疾病時，呂后

聞陛下百歲後蕭相國即死。誰令代之。帝曰。曹參可。問其次。曰。王陵可。陵少戇。陳平智有餘。然難獨任。可令陵助之。周勃重厚少文。然安劉氏者必勃也。可令爲太尉。呂后復問其次。帝曰。此後亦非而所知也。故孝惠時蕭曹相繼爲政。王陵守正。平勃深計謀。卒誅諸呂。立孝文。本高皇帝置相之力也。論同下

漢孝惠帝紀

呂后稱制八年附

孝惠皇帝。諱盈。高帝太子也。卽位。尊皇后呂曰皇太后。赦天下。賜中郎卽中外郎及宦官武士御駟乘爵有差。賜給喪事。視作斥土者。將軍二千石六百石至佐史金。減田租。復十五稅一。爵五大夫。吏六百石以上有差。及宦而帝知名者。有罪皆



頌繫上造以上及内外公孫耳孫有罪當刑者皆耐為鬼薪白粲民年七十以上若不滿十歲有罪當刑者皆先詔曰吏所以治民也吏能盡治則民賴之故重吏祿

所以為民也。今六百石以上及故吏嘗佩將軍都尉印

將兵及佩二千石官印者家唯給軍賦他無有所與。令

郡國各立高廟。群臣言先帝起微細撥亂世反之正平定天下為漢太祖功最高上尊號高皇帝

帝令郡國各立高祖廟歲時祀制曰可元年冬太后殺趙王如意徙淮陽

王友王趙春城長安二年冬齊王來朝。春正月癸酉有雨龍見蘭陵家

人井中乙亥夕不見隴西地震夏旱秋七月相國何薨。葬蕭文終侯平陽

侯參為相國三年。和親匈奴四年冬十月立皇后張氏春正

月舉民孝弟力田者復其身三月帝冠赦天下省法令

妨民者除挾書律立原廟

長樂宮鴻臺災宜陽雨血秋七月未央宮凌室火丙子

室五年

冬十月雷桃李華棗實夏大旱

秋八月相國參薨葬曹懿侯

月長安城成六年冬王陵為右丞相陳平為左丞相周

勃為大尉夏留侯良薨葬張文成侯

良常在帝帷幄晝災為謀臣常沉默

不先事言言當幾時發發必中故能轉帝心如戶樞帝常師友過之不名也與高帝從容言天下事甚衆皆天下所以興亡故故列之紀中及天下大定封功臣良未嘗有戰鬪功高祖曰運籌策帷幄中決勝千里外子房功也自擇齊三萬戶良曰臣始起下邳與上會留此天以臣授陛下陛下用臣計幸而時中願封留足矣不敢當三萬戶乃封良留侯留侯性多病從入關即道引不食穀及從高帝擊代還乃稱曰良家世相韓及韓滅不愛萬金之資結客為韓報讐彊秦天下振動今以三寸舌為帝者師封萬戶侯此布衣之極於良足矣願棄人間事從赤松子遊耳及惠帝立呂后德留侯為定太子晝慰藉彊食之留侯不得已乃復食及是薨哀榮始終



焉

七年

春正月日蠲夏五月日蠲既

秋八月帝崩

年二十四太后名他子為太子

太后稱制立所名子為帝使呂台呂帝居南北軍九月

葬安陵時海內甫離戰爭之苦適帝恭已而天下晏然

內修親親外禮宰相優寵齊悼趙隱恩敬篤矣聞叔孫

通之諫則懼然納曹枯國之對而心說可謂寬仁之主

遭呂太后虧損至德悲夫元年冬十一月太后徙右丞

相陵為帝太傅左丞相平為右丞相審食其為左丞相

食其故得幸太后為左相不治事如郎中令監中宮追尊父呂公為宣王兄澤悼

武王立兄子台產台子嘉並王封諸呂六人為列侯立

故廢趙王宣平侯張敖子偃為魯王二年

春正月月寇道地震武都道

山崩夏六月晦日。封齊王弟章為朱虛侯。入宿衛。三年。夏江漢水溢。漂

民舍四千餘家。秋。星書見。四年。廢帝。帝稍長。聞母死。非命。奮言曰。后

即為變。太后聞。立常山王。義為帝。先是常山王不疑薨。以襄城侯山為常山

王。更名義。至是立為帝。復更名弘。以太后稱制。不改元。六年。春。星書見。夏。城長七

年冬。趙王友幽死。徙梁王恢王趙。呂王產王梁。趙王恢

自殺。進封武信侯。祿為趙王。春。封中謁者為列侯。諸官

水溢。漂萬餘家。秋七月。太后崩。太后。高祖故微時妃。后父單父

人。善沛令。避讐家。沛沛豪吏。聞令重客。皆往賀。高祖與

謁入。呂公大驚。起迎之。門引入坐。因獨留高祖。曰。臣少

知相人。無如季相。臣有息女。願為箕帚妾。女即呂后也。生惠帝。及魯元公主。高帝為亭

長時。嘗告歸之田。呂后與兩子居田中。耨。有老父過。請

飲。曰。夫人天下貴人。見孝惠。日。夫人所以貴者。乃此男



也。老父去。高祖從旁舍來。呂后具言。老父高祖追及老父。問之。老父曰。鄉者夫人嬰兒。皆以君君。君相貴不可言。高祖乃謝。每喜自負。秦始皇帝嘗稱東南有天子氣。因東游以厭之。高祖即自疑。亡匿芒碭山澤。岩石間。后與人俱求。常得之。高祖怪問之。后曰。季所居上常有雲氣。故從往。常得耳。高祖心益喜。秦二世元年。陳涉兵起。斬沛吏蕭何。曹參等。問季平生有異徵。遂因父老殺沛令。迎季起兵。屬張楚。已與楚項俱。而高祖先入關。高祖爲漢王。后在楚軍中。及卽位。爲皇后。希見帝。益疏。而定陶戚姬大愛幸。生趙隱王如意。孝惠雖得立。爲太子。然爲人仁。高帝以爲不類我。欲廢之。而立如意。如意類我。戚姬幸。常從。日夜啼泣。欲立其子。代太子位。數矣。御史大夫周昌爭之強。帝問其說。昌爲人吃。又盛怒。曰。臣口不能言。然臣期期知其不可。陛下雖欲廢太子。臣期

期不奉詔。帝笑而罷。呂后聞遣人謝曰。微君。太子幾廢。太子傳叔孫通亦爭之曰。昔晉獻公以驪姬故廢太子。立奚齊。晉國亂者數十年。秦以不早定扶蘇。令趙高得詐立胡亥。自使滅祀。自陛下所親見。今太子仁孝。天下莫不聞。皇后與陛下攻苦食淡。何可背哉。陛下必欲廢嫡而立少。臣願先伏誅。以頸血汚地。帝曰。公罷矣。吾直戲耳。叔孫通曰。太子天下本。本一搖。天下振動。柰何以天下爲戲。帝佯許之曰。吾聽公言。然中未能得堅決者也。呂后使呂澤劫留侯曰。公爲上謀臣。上欲易太子。君安得高枕而卧乎。留侯曰。始上數在困急之中。幸用臣



計。今天下安定。以愛欲易太子。骨肉之間。雖臣等百餘人。何益。呂澤強要曰。爲我畫計。留侯曰。此難以口舌爭也。顧上生平所不能致者。天下四人。四人者。年老矣。皆以爲上慢侮人。故逃匿山中。義不爲漢臣。然上常高此四人。今公誠能無愛金璧玉帛。令太子爲書。卑辭安車。使辯士固請。宜來。來以爲客。時從入朝。令上見之。則必異而問之。問之。知爲此四人。則一助也。於是后令呂澤使人奉太子書。卑辭厚禮。迎此四人。四人至。客建成侯所。及黥布反。帝病。欲使太子將往擊之。四人相謂曰。凡來者。將以存太子。太子將兵。事危矣。乃說建成侯曰。太

子將兵有功則位不益無功還受禍矣。且太子所與俱諸將皆嘗與上定天下。梟將也。今使太子將之。此無異使羊將狼。皆不肯爲盡力。其無功必矣。臣聞母愛者子抱。今戚夫人日夜侍御。趙王如意常抱居前。帝曰終不使不肖子居愛子之上。明乎代太子位必矣。君何不急請呂后承間爲上泣言。黥布天下猛將也。善用兵。今諸將皆陛下故等夷。乃令太子將此屬。無異使羊將狼。豈肯爲用。且使布聞之。則鼓行而西耳。帝雖病強載輜車中卧而護之。諸將不敢不盡力。帝雖苦爲妻子自彊。於是呂澤立夜見呂后。呂后承間爲帝涕泣言如四人意。



帝曰。吾惟豎子。固不足遣。而公自行耳。於是帝自將兵而東。群臣居守。皆送至霸上。留侯病。自彊起。至曲鄆。見帝曰。臣宜從。病甚。楚人剽疾。願上無與爭鋒。因說帝令太子爲居守。監關中兵。帝曰。子房雖病。彊卧而傳太子。是時。叔孫通已爲太傅。留侯行少傅事。已。帝旣擊破布。軍歸。疾益甚。愈欲易太子。留侯諫不聽。因疾不視事。及燕置酒。太子侍。四人從。年皆八十有餘。鬚眉皓白。衣冠甚偉。帝怪之。問曰。彼何人。有四人前對。各言姓名。曰。東園公。角里生。綺里季。夏黃公。帝乃大驚。曰。吾求公數歲。公避逃我。今公何自從吾兒游乎。四人曰。陛下輕士。善

呂等義不辱。故恐而亡匿。竊聞太子仁孝。恭敬愛士。天下莫不延頸。願爲太子死者。故臣等來耳。帝曰。煩公幸卒調護太子。四人爲壽畢。趨去。帝目送之。召戚夫人指示之曰。我欲易之。彼四人者爲輔。羽翼已成。難動矣。呂氏真而主矣。戚夫人泣。帝曰。爲我楚舞。吾爲若楚歌。歌曰。鴻鵠高飛。一舉千里。羽翮已就。橫絕四海。橫絕四海。當可奈何。雖有矰繳。尚安所施。歌數闕。戚夫人嘔唏流涕。帝起去。罷酒。竟不易太子者。本留侯招此四人之力也。太子既定立。帝時時獨心不樂。悲歌。侍臣莫測也。符璽御史趙堯侍。請問曰。陛下所爲不樂者。非以趙王



少而戚夫人與呂后相妬耶。備萬歲後。趙王不自全耶。  
帝曰。然。我私憂誠不知所出。堯曰。陛下獨宜爲趙王置  
貴強相。爲皇后太子及羣臣所敬憚者。可矣。帝曰。然。  
念如是。群臣誰可者。堯曰。御史大夫昌。堅忍伉直。自皇  
后太子及大臣皆素敬憚之。獨昌可。帝曰。善。於是召周  
昌謂曰。吾欲固煩公。公強爲我相。趙王昌泣曰。臣初起  
從陛下。陛下獨奈何申道而棄之諸侯王乎。高祖曰。吾  
極知左遷。然吾私憂趙王。念非公無可者。公不得已強  
行。於是徙御史大夫昌爲趙相。既行。帝持御史大夫印  
弄之曰。不可者。孰視趙堯曰。無以勞堯。遂拜堯御史大

夫太后性驚恐。高帝時誅黜淮陰彭越之倫。多其力。欲  
甘心趙王母子久矣。惠帝立。使使召趙王。趙相昌令王  
稱疾必無行。使者三反。固不遣。於是高后先遣使召昌。  
昌至。怒罵曰。顧不知我術戚氏邪。汝何能全王。於是復  
召王。王未來。惠帝知太后之怒之也。自迎王霸上。與入  
宮。朝謁訖。扶與同卧。起飲食。太后不得間。會帝晨出射。  
王少不能起。太后即使人酖殺之。帝還。王死矣。太后乃  
斷戚夫人手足。去眼。燂耳。飲瘖藥。居廁中。命之曰人彘。  
召帝觀。帝問知爲戚夫人也。則大哭。因病歲餘不能起。  
使人請太后曰。此非人所爲。臣爲太后子。終不能治天



下。以此日飲爲淫樂。不聽政。已更幽殺趙王友。王恢。齊  
檄所謂殺三趙王也。明年。齊王襄來朝。帝燕飲。以爲王  
兄也。置上坐。如家人禮。太后怒。令酌兩卮酖置前。令齊  
王起爲壽。王起。帝亦起。取卮俱爲壽。太后恐。乃自起泛  
孝惠卮。罷酒。齊王覺。乃大恐。聽長安內史士計。獻城陽  
郡爲魯元公主湯沐邑。乃得罷解歸。方高帝崩時。太后  
與審食其謀。欲盡誅諸將。閉不發喪。謂諸將故與帝爲  
編戶氓。已北面爲臣。心常鞅鞅。今乃事少主。非盡族是  
天下不安。或以語酈將軍商。商往見食其曰。吾聞帝已  
崩。不發喪。欲盡誅諸將。如此者。殆矣。陳平灌嬰將十萬

守滎陽。樊噲周勃將二十萬定燕代。聞帝崩。諸將皆誅。  
必連兵還嚮攻關中。大臣內畔。諸侯外反。亡可翹足待。  
也。食其入言之。乃得不誅。張皇后者。魯元公主女也。以  
重親故。得立爲惠帝后。顧無子。太后萬方爲求子。終無  
子。乃取美人子。殺其母。名爲太子。若淮陽王彊。常山王  
朝。壺關侯武。平昌侯太。皆名爲帝子。及惠帝崩。所名太子立爲帝。太后念  
所立帝非眞惠帝子。恐大臣諸侯不服。又春秋高。諸已  
無在勢者。乃臨朝稱制。而朝夕哭不哀。留侯子辟彊年  
十五。侍中。謂丞相平曰。太后獨有帝。而哭不哀。君知其  
解乎。曰。不知也。辟彊曰。帝無壯子。太后畏君等。今請拜



太后兄子台產爲將。將兵居南北軍。則太后心安。君等幸脫禍矣。丞相如辟疆計。太后哭乃哀。而諸呂權繇此起。已又欲王諸呂。問相陵。陵曰。高帝刑白馬盟曰。非劉氏而王。非功臣若上所置而侯。天下共擊之。今王呂氏。非約也。太后不說。問平勃。平勃曰。高帝定天下。王子弟。今太后稱制。王諸呂。無不可者。太后喜。罷朝。王陵讓平勃曰。始與高祖啗血盟。諸君不在耶。今高祖崩。太后次王呂氏。諸君縱阿意背約。異時何面目見高帝地下乎。平勃曰。於今面折廷爭。臣不如君。後全社稷。定劉氏君。亦不如臣。於是太后徙陵爲太傅。奪之權。而諸呂益王。

呂氏益擅權用事。當是時。朱虛侯章宿衛京師。忿劉氏不得職。常憤惋。嘗入侍燕飲。高后令章爲酒吏。章自請曰。臣將種也。請得以軍法行酒。高后以兒子畜之。曰可。酒酣。章進歌舞。已而曰。請爲太后言耕田。高后笑曰。顧而父知田耳。若生而爲王子。安知田。章曰。臣知之。太后曰。試爲我言田意。章曰。深耕概種。立苗欲疏。非其種者鋤而去之。太后默然。頃之。諸呂有一人醉。亡酒。章追拔劍斬之。還報曰。有亡酒一人。臣謹行軍法。斬之。左右大驚。太后業已許其軍法。亡以罪也。自是諸呂憚章。雖大臣皆依朱虛爲強。而丞相平患諸呂不可制。爲廟社憂。



又恐易及於難。常燕居深念。陸賈時往請丞相。不時見。直入坐。

請見。見之。賈曰。君何念之深也。平曰。生揣我何念。陸生曰。足下位上相。食三萬戶侯。極富貴。無欲矣。念不過患諸呂少主耳。陳平曰。然。爲之奈何。陸生曰。天下安。注意相。天下危。注意將。將相和調。則士豫附。士豫附。即天下有變。權不分。臣嘗欲謂太尉。太尉與我戲。易吾言。君何不深交驩太尉。將社稷計。在兩君掌握耳。兩人深相結。而呂氏謀益衰。已高后後霸上還。過祕道。見物如倉狗。截后掖。忽不見。卜之。趙王爲世。遂病掖。不能興。命趙王祿爲上將。將北軍。呂王產居中。將南軍。誠之曰。我即死。

帝少。謹據兵衛宮。毋送喪。爲人所制。后崩。遺詔產相國。立呂祿女爲少帝后。於是諸呂擅軍國爲亂。而漢祚幾搖。當時朱虛侯章以呂祿女爲婦。知其謀。乃陰令人告其兄齊王襄。令發兵西。於是齊王遺諸侯書。言高后春秋高。聽諸呂擅廢帝更立。又比殺三趙王。滅梁趙燕。以王諸呂。分齊爲四。忠臣進諫。或亂弗聽。今高后崩。帝春秋富。未能治天下。固恃大臣諸侯。而諸呂擅自尊官。聚兵。威劫列侯忠臣。矯制以令天下。宗廟所以危。寡人率兵入誅。不當爲王者。呂產聞。遣穎陰侯灌嬰將兵出擊齊。穎陰侯至滎陽。與諸將謀曰。諸呂擅兵。欲危劉氏而



自立。今破齊還報。此獨爲益呂氏之資也。乃留屯滎陽。使使諭齊王及諸侯與連和。待呂氏變。其誅之。齊王報如約。嚴兵待。時淮陽常山濟川諸王皆名。少帝弟及魯王偃。呂后外孫皆年少。未之國。祿產握重兵。列侯群臣莫自堅其命。絳侯勃名太尉。不得入軍中主兵。曲周侯酈商老病。其子寄與呂祿善。絳侯乃與丞相謀。使人却酈商。令子寄往給說呂祿曰。高帝與呂后共定天下。劉氏所立九王。呂氏立三王。皆大臣之議事。已告諸侯。諸侯皆以爲宜。今太后崩。帝少。而足下佩趙王印。不急之國守藩。乃爲上將。將兵留中。故爲大臣諸侯所疑。是

下何不歸將印。以兵屬太尉。請呂王歸相國印。與大臣盟而之國。齊兵必罷。大臣得安。足下高枕而王千里。此萬世之利也。呂祿信然其計。使人報呂產。猶豫未有決。平陽侯宙行御史大夫事。旦入見相國。產計事。郎中令賈壽使從齊來。數產曰。上不蚤之國。今雖欲行。尚可得耶。其以灌嬰與齊楚合從。欲誅諸呂。事告產。且趣產急入官。平陽侯頗聞其語。乃馳告太尉。時襄平侯通尚符節。乃令通持節。矯內太尉北軍。而復令酈寄與興客劉揖說呂祿。趣之國。歸將印。不然。酈且起祿以爲酈兄不欺已。遂解印屬興客。而太尉得入將北軍。太尉既至軍。令軍中曰。爲呂氏石袒爲劉氏左袒。軍中皆左袒。然尚有南軍。丞相平乃召朱虛侯佐太尉。太尉令



朱虛侯監軍門。令平陽侯告衛尉。毋入相國產殿門。呂  
產不知。呂祿已去軍。乃入未央宮。欲爲亂。至殿門。弗得  
入。徘徊往來。平陽侯馳語太尉。太尉恐不勝。尚未敢訟  
言誅之也。獨遣朱虛侯曰。急入宮衛帝。朱虛侯請卒。予  
卒千餘人。呂祿入未央宮門。擊產。格殺之。郎中吏廁中  
帝命謁者持節勞朱虛侯。朱虛侯欲奪節。謁者不肯從。  
與載因節馳走。斬長樂衛尉呂更始。馳還北軍。報太尉。  
太尉起拜賀曰。所患獨呂產。今已誅。天下定矣。遂遣入  
分部捕諸呂祿通等。無男女少長皆斬之。而廢魯王偃。  
遣朱虛侯告齊王。令罷兵。類陰侯亦罷滎陽軍而歸。於

是諸大臣相與謀所立。曰：少帝及梁淮陽常山王皆非真。孝惠子皆詐名他人子。不當立。齊王高帝適長孫。當立。然母家駟鈞駟鈞惡。立齊王。則復爲呂氏。淮南王少。母家又惡。乃曰：代王方今高帝見子最長。仁孝聞天下。太后家薄氏謹良。立長順。以仁孝聞。賢當立。乃相與陰使人召代王。王問左右郎中令張武等。皆疑之。欲王稱疾毋往以觀變。中尉宋昌進曰：群臣之議非也。夫秦失其政。諸侯豪傑並起。人人自以爲得之者。以萬數。然卒踐天子之位者。劉氏也。天下絕望一矣。高帝封王子弟。地犬牙相制。此所謂磐石之宗也。天下服其強。二矣。漢興



除秦苛政。約法令。施德惠。人人自安。難動搖。三矣。夫以  
呂太后之嚴。立諸呂爲王。擅權專制。然而太尉以一節  
入北軍一呼。士皆左袒爲劉。叛諸呂。卒以滅之。此天授  
非人力也。今大臣雖欲爲變。百姓弗爲使其黨寧能專  
一耶。方今內有朱虛東牟之親。外畏吳楚淮南瑯邪齊  
代之強。高帝子獨淮南與大王。大王又長。賢聖仁孝聞  
於天下。故大臣因天下之心。而迎立大王。大王勿疑也。  
代王報太后計之。猶與未有定。卜之。兆得大橫。占曰。大  
橫庚庚。余爲天王。夏啓以光。代王曰。寡人固以爲王矣。  
又何王。卜人曰。所謂天王天子也。大王乃遣太后弟薄

昭往見絳侯。絳侯等具爲昭言迎立王意。昭還報無可  
疑者。於是命中尉昌參乘。乘六乘傳詣長安。至高陵休  
止。使昌先馳之長安觀變。昌至渭橋。丞相以下皆出迎。  
昌還報。王至渭橋。群臣拜皆稱臣。王下車答拜。大尉勃  
請間。宋昌曰。所言公公言之。所言私。王者不受私。大尉  
乃跪上天子璽符。王謝曰。至代邸議之。遂行至代邸。群  
臣從至。丞相平。大尉勃。大將軍武。御史大夫蒼。宗正郢。  
朱虛侯章。東牟侯興居。典客揭皆再拜請王卽天子位。  
爲高帝嗣。代王謝讓不足。稱宗廟願。請楚王計宜者。群  
臣皆伏固請曰。臣等伏計大王奉高帝宗廟最宜稱。雖



天下諸侯萬民皆以爲宜。臣等爲宗廟社稷計，不敢忽。願大王幸聽謹奉天子璽符，再拜上。王西向讓者三，南向讓者再。乃曰：「宗室將相王列侯以爲莫宜寡人，寡人不敢固辭，遂卽皇帝位。群臣以禮次侍。」乃使太僕嬰東牟侯興居清宮，奉天子法駕迎于代邸。卽皇帝位，卽夕入未央宮。夜拜宋昌爲衛將軍，鎮撫南北軍。張武爲郎中令，行殿中詔赦天下。而漢祚復安。方高祖疾病，呂后間陛下百歲後，蕭相國卽死，誰令代之？帝曰：「曹參可。」問其次，曰：「王陵可。」陵少戇，陳平智有餘，然難獨任。可令陵助之。周勃厚重少文，然安劉氏者，必勃也。可令爲太尉。

已后復問其次。帝曰：「此後亦非而所知也。」故孝惠時，蕭  
曹相繼爲政。王陵守正，平勃深計謀，卒誅諸呂，立孝文  
本高皇帝置相之力也。

論曰：方太后廢所名子，帝時稱制，言凡有天下治爲萬  
民命者，蓋之如天，容之如地。上有懽心以安百姓，百姓  
欣然以事其上，懽欣交通而天下治。今皇帝失惑，悖亂  
不能繼嗣，奉宗廟不可屬天下，其代之群臣頓首言：「皇  
太后爲天下齊民計，所以安宗廟社稷甚深，謹頓首奉  
詔書。」嗚呼！於天道君職也。曠然亶其深夫，其廢趙王恢，  
責以爲王用婦人，棄宗廟廢弗嗣，何謂非夫也？獨不勝



妒忮心快忿於諸姬諸王。則宗以危其能政不出房闥而刑罰罕用。天下晏然於唐武爲獨賢乎。諒矣。

此一紀視摹本多所更定取兩本  
互閱之史法瞭然矣蓋已摹行  
之後先生手定而授之余從子司  
廳京過孝廉周屏從京錄得之  
者刻行特出此畧孝廉汝亨參訂  
授本而屬余識其所以云 鄧澄志



子外上解

子外上解

蕭曹二相謨

蕭相國何沛人少爲沛主吏掾高祖爲布衣時數以吏事

護高祖及高祖起爲沛公常爲丞督事沛公入秦至咸陽諸將爭走金帛財物之府分之何獨先入秦丞相御史府收律令圖書藏之及咸陽燒屠而漢所以具知天下阨塞戶口多少彊弱之處民所疾苦者以何具得秦圖書也及羽倍約以沛公爲漢王王巴蜀王怒欲攻羽何說王必就封且曰漢稱天漢名甚美王乃就國以何爲丞相進言韓信以爲大將本漢所以定天下者以王能自屈王漢何贊之入舉韓而襄之出也漢王既引兵



出東定三秦何留巴蜀鎮撫諭告使給漢軍食漢王與諸侯東擊楚何守關中侍太子治櫟陽爲法令約束立宗廟社稷宮室縣邑輒奏帝可許以從事卽不及奏帝輒以便宜行帝來以聞計關中戶口轉漕以給軍漢王數失軍遁去何嘗與關中卒輒補其闕帝以此專屬任何關中事而何益遣子孫昆弟能勝兵者悉出詣軍帝旣定天下論功行封以蕭何功最盛封酈侯所食邑最多功臣皆曰臣等身披堅執銳多者百餘戰少者數十合攻城畧地大小各有差今蕭何未嘗有汗馬之勞徒持文墨議論不戰顧反居臣等上何也帝曰諸君知

乎。曰：知之。知獵狗乎？曰：知之。帝曰：夫獵，追殺獸兔者也。而發縱指示獸處者，人也。今諸君徒能得走獸耳，功狗也。至如蕭何發縱指示功人也。且諸君獨以身隨我，多者兩三人。今蕭何舉宗數十人皆隨我，功何可忘？群臣乃莫敢言列侯。畢已受封，及奏位次，皆曰：平陽侯曹參，身被七十創，攻城畧地功最多，宜第一。帝已撓功臣多封蕭何，至位次未有以復之。然心欲何第一。關內侯鄂千秋進曰：群臣議皆誤。夫曹參雖有野戰畧地之功，此特一時之事。夫上與楚相距五歲，嘗失軍亡衆，跳身遁者數矣。然蕭何嘗從關中遣軍補其處，非上所詔令。



召而數萬衆會上之之絕者數矣。天漢與楚相守滎陽數年。軍無見糧。蕭何轉漕關中。給食不乏。陛下雖數亡山東。蕭何常全關中以待陛下。此萬世之功也。今雖亡曹參等百數。何缺於漢。漢得之不必待以全。奈何欲以一旦之功而加萬世之功哉。蕭何第一。曹參次之。帝大喜。曰。善。於是乃令相何劔履上殿。入朝不趨。帝曰。吾聞進賢受上賞。蕭何功雖高。得鄂君乃益明。於是因鄂君故所食關內侯邑。封爲安平侯。是日悉封何父子兄弟十餘人。皆有食邑。噲稀反。帝自將往擊中。因誅淮陰侯。本何爲畫也。帝聞使使拜丞相。何爲相。益封五千戶。

令卒五百人。一都尉。爲相國衛。何用召平畫。讓封不受。

悉家私財佐軍。帝大說。

方何益封時。諸將皆賀。召平獨往。弔召平者。故秦東陵侯。秦破

爲布衣貧。種瓜於長安城東。瓜美者也。召平謂相國曰。

禍自此始矣。上暴露於外。而君居守於中。非被矢石之

事。而益君封置衛者。以淮陰侯新反。疑君心矣。夫置衛

衛君。非以寵君也。願讓封勿受。悉家私財佐軍。相國從

其計。黥布反。帝復自將。相國爲帝在軍。故勉拊循百姓。悉

所有佐軍。如異時已聽客說。多買田宅。賤貰貸以自汙。

帝罷軍歸。民遮道上書言。相國賤彊買民田宅數十萬。

帝至。相國謁。帝笑曰。夫相國乃利民爲乎。民所上書皆

以與相國。曰。君自謝民。相國因爲民請曰。長安地陝。上

林中多空地。棄。請令民得入田。毋收藁爲禽獸食。帝大



怒。下相國廷尉。械繫之數日。王衛尉侍。前問曰。相國何大罪。陛下繫之暴也。帝曰。吾聞李斯相。秦有善歸主。有惡自與。今相國多受賈豎金。而爲之請。吾苑以自媚於民。故繫治之。王衛尉曰。夫職事苟有便於民而請之。眞宰相事。陛下奈何。乃疑相國受賈人錢乎。且陛下距楚數歲。相國一搖足。則關以西非陛下有也。相國不以此時爲利。今乃利賈人金乎。且秦以不聞其過。亡天下。李斯之分過。又何足法哉。陛下何疑宰相之淺也。帝不懌。卽赦出之。何年老。素恭謹。入。徒跣謝。帝曰。相國休矣。相國爲民請苑。吾不許。我不過爲桀紂主。而相國爲賢相。

吾故繫相國。欲令百姓聞吾過也。如何置田宅必居窮處。爲家不治垣屋。曰。令後世賢師吾儉。不賢毋爲勢家所奪。卒謚文終。後嗣以罪失侯者數。四世絕。天子輒復求其後紹焉。

○平陽侯參。秦時爲沛獄掾。高祖起。以中涓從。自漢中定秦。以將軍中尉從。漢三年。以假丞相從韓信。下魏。得王豹。取平陽。得魏王母妻子。盡定魏地。得五十二城。賜食邑平陽。已從信定齊。得七十餘縣。得故齊王廣。漢王爲皇帝。立子肥爲齊王。參爲齊相國。時天下初定。悼惠王富於春秋。而齊所治七十城。參至國。盡召長老諸生。



問齊故俗。若所以安集百姓者。諸儒以百數。言人人殊。參聞膠西有蓋公。善治黃老言。使人厚幣請之。蓋公見爲言治道貴清靜。而民自安。推此類且言之。參爲是避正堂。舍蓋公焉。其治用黃老術。齊賢士衆附。國以安輯。稱賢相。惠帝二年。召入爲相。國屬其後。相曰。以齊獄市爲寄。慎勿擾也。後相曰。市無大於此者乎。參曰。不然。夫獄市所以并容也。令擾之。姦人安所容。吾是以先之。參爲漢相。國一遵前相國約束。務清靜寧民。如治齊時。郡國吏不誦於文辭。重厚長者。即召爲丞相史。吏言文刻深。欲務名聲者。輒斥去之。卿大夫以下及賓客。見參不

事事皆欲有言。來者輒飲以醇酒。問之欲有言。復飲之。醉而後去。終莫得關說。以爲常。專務掩覆人過。帝怪相國不治事。以爲豈少朕與。相國子宙時侍中。帝乃謂宙曰。若歸試私從容問而父。高帝新棄群臣。帝富於春秋。君爲何。曰。日飲無所請事。何以憂天下乎。然無言。吾告若也。宙既歸洗沐。侍自。從其所諫。參怒而答宙。二百曰。趨入侍。天下事豈若所當言。至朝時。帝面讓參曰。與宙胡治乎。乃者我使諫君也。參免冠謝。乃前問曰。陛下自察聖武。孰與高帝。帝曰。朕安敢望先帝。曰。陛下觀臣能孰與蕭何。帝曰。君似不及也。參曰。陛下言是也。高帝與



蕭何定天下。法令既明。且陛下垂拱。參等守職。遵而勿失。不亦可乎。惠帝曰。善。君休矣。參爲漢相國。出入三年。百姓歌之曰。蕭何爲法。顓若畫一。徐廣曰。顓。古項反。一作較。索隱曰。明直也。曹參代之。守而勿失。載其清淨。民以寧一。薨。諡懿侯。初參微時。與蕭何同舍。及爲將相。有卻。至何病。孝惠自臨視。因問曰。君卽百歲後。誰可代君者。對曰。知臣莫如主。孝惠曰。曹參何如。何頓首曰。陛下得之矣。臣死不恨矣。所推賢惟參。及何卒。參聞告舍人趨治行。吾將入相。居無何。使者果召參。參後世侯。至曾孫襄。中絕。哀帝時。復紹封。迨東漢不絕云。













西史上編卷之十一

明盱郡鄧元錫纂

漢太宗文皇帝及景帝紀

太宗文皇帝諱恒

字常之

高帝中子也。母薄太后。高十一

年封於代。惠帝崩。大臣定策迎卽帝位。元年冬十月朝

見于高廟。論平諸呂功。太尉勃爲右丞相。平爲左丞相。

大將軍嬰爲太尉。各論功。益戶有差。

平以太尉勃誅呂氏功多。欲尊讓勃。

乃謝病。帝祐立。怪問之。平日高祖時。勃功不如臣。及誅

諸呂。臣功不如勃。願以右丞相讓勃。乃有是命。而賜平

金千斤。齊楚王爲諸呂所奪地。皆復如故。徙封琅瑯王。澤

爲燕王。封趙幽王子遂爲趙王。遣車騎將軍昭迎太后于代。十二月。



詔丞相御史。法者治之正。所以禁暴而衛善人也。今犯  
法者已論。而使無罪之父母妻子同產坐之。及收。朕甚  
弗取。其議之。有司奏言。民不能自治。故爲法以禁之。相  
坐及收。所以累其心。使重犯法。所從來遠矣。如故便。帝  
曰。朕聞之。法正則民慤。罪當則民從。且夫牧民而道之  
以善者。吏也。旣不能道。又以不正之法罪之。是法反害  
於民。爲暴者也。朕未見其便。其孰計之。有司皆曰。陛下  
加大惠。德甚盛。非臣等所及。請奉詔書。除收孥諸相坐  
律令。春正月。有司言。蚤建太子。所以尊宗廟。請立太子。  
帝曰。朕旣不德。上帝神明未歆饗也。天下人民未有

志。今縱不能博求天下賢聖有德之人。禪天下焉。而曰

豫建太子。是重吾不德也。謂天下何其安之。

師古曰。有安徐也。

司曰。豫建太子。所以重宗廟社稷。不忘天下也。帝曰。楚

王季父也。春秋高。閱天下之義理多矣。明於國家之體

吳王於朕兄也。淮南於朕弟也。皆秉德以陪朕。豈爲不

豫哉。諸侯王宗室昆弟。有功臣多賢。及有德義者。若舉

有德。以陪朕之不能終。是社稷之靈。天下之福也。今不

選舉焉。而曰必子。人其以朕爲忘賢有德者。而專於子

非所以憂天下也。朕甚不取。

唐虞揖讓遺意。萬古僅見。雖竟難施行。而至意藹然。

有司皆固請曰。古者殷周。建國治安。皆千餘歲。立嗣必



子。所從來遠矣。高帝始平天下。建諸侯爲帝者太祖。諸侯王及列國始受封者。亦皆爲其國祖。子孫繼嗣。世世弗絕。天下之大義也。故高帝設之以撫海內。今釋宜建而更選於諸侯及宗室。非高帝之志也。更議不宜。子啓最長。純厚慈仁。請建以爲太子。正議帝乃許之。立子啓爲皇太子。賜天下民當代父後者爵各一級。封將軍昭軹侯。三月有司請立皇后。皇太后曰。立皇太子母竇爲皇后。帝乃言曰。方春時和。草木群生之物。皆有以自樂。而吾百姓鰥寡孤獨窮困之人。或阡於死亡。而莫之省憂。爲民父母。將如何其議。所以賑貸之。又曰。老者非帛不

燔非肉不飽。今歲首不時使人存問長老。又無布帛酒肉之賜。將何以佐天下子孫孝養其親。今聞吏稟當受鬻者。或以陳粟。豈稱養老之意哉。具爲令。有司請令縣道年八十已上。賜米人月一石。肉一十斤。酒五斗。九十已上加賜帛人一疋。絮三斤。賜物及當稟鬻者。長吏閱視。丞若尉致不滿九十者。鬻夫令史致二千石。遣都吏循行。不稱者督之。刑者及有罪耐以上。不用此令。夏四月齊楚地震。二十九山同日崩。大水潰出。六月。令郡國無來獻。帝從代來。卽位。旣施德惠天下。鎮撫諸侯。四夷皆驩洽。乃修從代來功。封衛將軍昌壯武侯。從來六人官九卿。乃益列侯。



吏二千石。及守相嘗從高帝入蜀漢者封益淮南王齊

王舅父封。秋八月右丞相勃免。

帝益明習國家事朝而問右丞相勃曰天下一

歲決獄幾何勃謝不知又問一歲錢穀出入幾何勃又

謝不知惶愧汗出洽背問左丞相平平曰有主者帝曰

謂誰平曰陛下即問決獄責廷尉問錢穀責治粟內史

帝曰苟各有主者則君所主者何事也平謝曰主臣陛下

下不知其駑下使待罪宰相宰相者上佐天子理陰陽

順四時下遂萬物之宜外鎮撫四夷諸侯內親附百姓

使卿大夫各得任其職焉帝大稱善勃大慙出讓平曰

君何獨不素教我對平笑曰君居其位不知其任耶且

陛下即問長安中盜賊數君欲強對耶於是勃自知其

能不如平遠矣或說勃久處尊位禍且及乃謝病免平

專為遣太中大夫陸賈使南越南越王佗奉職貢其戎

丞相

召河南守吳公為廷尉徵雒陽生賈誼為太中大夫

時

公守河南治平為天下第一故召而吳公為帝言洛陽賈生年少有俊才以故徵

二年冬十月

丞相平卒葬陳獻侯絳侯勃復相勅高帝封功臣封平

非臣之功也。帝曰：吾用先生計，戰勝克敵，非功而何？平曰：此魏無知功，非無知臣安得進？帝曰：子可謂不背本矣。

乃復賞魏無知，已高帝自代還，行過曲逆，登其城望曰：壯哉縣，吾行天下，獨見雒陽與是耳。顧問御史曲逆

戶口幾何？對曰：始秦時三萬餘戶，間者兵數起，今見五

千餘戶。於是詔御史更封平曲逆侯，盡食之。平自勅從

至天下定後，常以護軍都尉從擊臧荼、陳豨、黥布及擊

韓王信於代，至平城爲匈奴所圍，平皆從。凡六出奇計，

輒益邑封。奇計或頗秘，世莫得聞也。疾病，曰：我多陰謀，

道家所禁，吾世卽廢，終不能復興，以吾多陰禍也。後曾

孫掌以衛氏親戚貴，願得續封，然竟不得封。帝曰：朕聞古者諸侯建國千餘

歲，各守其地，以時入貢，民不勞苦，上下懽欣，靡有違德。

今列侯多居長安，邑遠，吏卒給輸費苦，而列侯亦無繇

教訓其民，其令列侯之國爲吏及詔所止者，遣太子十



一月帝曰朕聞之天生烝民爲置君以養治之人主不  
德布政不均則天示之災以誠不治乃十有一月晦日  
有食之適見于天災孰大焉朕獲保宗廟以微眇之身  
託于士民君王之上天下治亂在予一人惟二三執政  
猶吾股肱也朕下不能治育群生上以累三光之明其  
不德大矣令至其悉思朕之過失及知見之所不及句  
以啓告朕句音蓋也及舉賢良方正能直言極諫者以匡  
朕之不逮因各勅以職任務省繇費以便民朕既不能  
遠德故憫然念外人之有非憫下反是以設備未息今縱  
不能罷邊屯戍又飾兵厚衛其罷衛將軍軍太僕見馬

遺財足。餘皆以給傳置。春正月。詔曰。農天下之大本。民所恃以生也。今民或不務本而事末。故生不遂。其開籍田。朕親率群臣。農以勸之。其賜天下民。今年田租之半。民適作縣官及貸種食未入。入未備者。皆赦之。三月。有司請立皇子爲諸侯王。帝曰。趙幽王幽死。朕甚憐之。已立其長子遂爲趙王。遂弟辟疆及齊悼惠王子朱虛侯章。東牟侯興居。皆有功。可王。乃立辟疆河間王。以齊劇郡立朱虛侯城陽王。東牟侯濟北王。因立皇子武爲代王。參太原王。揖梁王。夏五月。帝曰。古之治天下。朝有進善之旌。誹謗之木。所以通治道而來諫者也。今法有誹



謗妖言之罪。是使衆臣不敢盡情。而上無繇聞過失也。將何以來遠方之賢良。其餘之民。或祝詛。上以相約。而後相謾。吏以爲大逆。其有他言。吏又以爲誹謗。此細民之愚。無知抵死。朕甚不取。自今以來。有犯此者。勿聽治。

秋九月。與郡守爲銅虎符。竹使符。

以發兵。

三年冬。

十月丁酉晦日。

食十一月丁卯晦日食。

詔曰。前日遣列侯之國。辭未行。丞相。朕之

所重。其爲朕率諸侯之國。絳侯勃免相。就國。徙太尉嬰

爲丞相。罷太尉官。夏六月。匈奴入盜邊。幸其泉發邊騎

八萬五千。丞相賴陰侯嬰將擊之。幸太原。召見故群臣。

舉功行賞。里賜牛酒。復晉陽中都民三歲租。濟北王興

居反。棘蒲侯武柴將擊之。秋七月，帝還自太原，詔曰：「濟

北王背德反上，誅誤吏民爲大逆。濟北吏民兵未至先

自定，及以軍城邑降者，皆赦之，復官爵。與王興居去來

者，亦赦之。八月，興居兵敗，自殺。四年冬，丞相嬰卒。夏，張

蒼爲丞相，復諸劉有屬籍者家，無所與。秋，封齊悼惠王

子七人爲列侯。絳侯勃有罪，逮詣廷尉，詔獄赦出之。勃

就國，每河東守尉行縣至，勃恐誅，常被甲，令家人持兵

以見之。人告勃欲反，下廷尉逮治。勃恐，不知置辭。吏稍

侵辱之。勃以千金與吏，吏乃書牘背示之曰：「以公主爲

證。」公主者，帝女也。勃太子勝之尚之，令引以自明。會皇

太后謂絳侯必不反，帝使使持節赦之，復爵邑。作顧成

勃出曰：「吾嘗將百萬軍，然安知獄吏之貴乎！」

廟五年壽二月地震。六年冬，淮南王長謀反，廢處蜀道死。以



列侯禮葬。雍置守冢三十家。

事見諸侯王傳。

七年冬十月。令列

侯大夫夫人。諸侯王子大吏二千石。毋得擅徵捕。夏

四月。赦。

六月未央宮東闕。眾惡災。

八年夏。封淮南厲王子四人。皆列

侯。

有長星出東方。

九年。

春大旱。

十年冬。幸甘泉。將軍薄昭有罪。自

殺。

昭殺使者。帝不忍加誅。使公卿從之。飲。今自引分。昭不肯。使群臣喪服往哭。乃自殺。

十一年冬。

幸代。秋。

匈奴寇狄道。

詔募民徙塞下。

從鼂錯策。見邊防志。

十二年。

冬。河決東。

郡。春。賜諸侯王女食邑各二千戶。出孝惠皇帝後宮美

人還家。聽得嫁。除關。毋用傳。帝曰。道民之路。在於務本。

朕親率天下。農。十年于今。而野不加辟。歲一不登。民有

饑色。是從事焉。尚寡。而吏未加務也。吾詔書數下。歲勸

民種樹而功未興。是吏奉吾詔不勤而教導不明也。且  
吾農民甚苦。而吏莫之省。將何以勸焉。其賜民今年田  
租之半。又曰。孝弟。天下之大順也。力田爲生之本也。三  
老民之師。廉吏民之表也。朕甚嘉此。二三大夫之行。今  
萬家之縣。云無應令。豈實人情。是吏舉賢之道未備也。  
其遣謁者。勞賜三老孝者帛人五匹。弟者力田二匹。廉  
吏二百石以上。率百石者二匹。及問民所不便安。而以  
戶口率置三老孝弟力田常員。令各率其意以道民焉。  
十三年春。詔曰。朕親率天下農耕。俱粢盛。皇后親桑以  
奉祭服。具禮儀。夏四月。詔曰。蓋聞天道。禍自怨起。福繇



德興。百官之非宜。繇朕躬。今祝祈之官。移過於下。以彰  
吾之不德。朕甚不取其除之。五月。詔曰。蓋聞有虞氏之  
時。畫衣冠。異章服。以爲戮。而民弗犯。何治之至也。今法  
有肉刑三。而姦不止。其咎安在。無乃朕之德薄。而教不  
明與。吾甚自愧。故夫訓道不純。而愚民陷焉。詩曰。愷弟  
君子。民之父母。今人有過。教未施而刑已加焉。或欲改  
行爲善。而道亡繇至。朕甚憐之。夫刑至。斷支體。刻肌膚。  
終身不息。何其痛而不德也。豈稱爲民父母之意哉。其  
除肉刑。有以易之。及令罪人。各以輕重。不亡逃有年而  
免。具爲令。六月。詔曰。農天下之本。務莫大焉。今勤身從

事而有租稅之賦。是爲本末者。無以異也。於勸農之道。

未備。其除出租稅。賜天下鰥寡布帛絮各有數。十四年。

冬大閱。

匈奴攻朝那塞。殺北地都尉。遣三將軍軍隴西。上地北郡衛將軍車騎將軍軍渭北。帝親勒

軍中。敕令賜軍吏卒焉。

春。帝曰。朕獲執犧牲珪幣。事上帝宗廟。十

四年于今。歷日彌長。以不敏不明。而久撫臨天下。朕甚

自媿。其廣增諸祀。壇場珪幣。昔先生遠施。不求其報。望

祀不祈其福。右賢左戚。先民後已。至明之極也。今聞祠

官祝釐。皆歸福於朕躬。不爲百姓。朕甚媿之。夫以朕之

不德。而躬享獨美。其福百姓不與焉。是重吾不德也。其

令祠官致敬。無有所祈。十五年春。帝如雍。郊見五帝。修天



下名山祠。掌祀而絕。秋。詔諸侯王公卿郡守舉賢良能者。有司以歲時致禮。

直言極諫者。親策之。十六年。夏四月。郊祀五帝于渭陽。

分齊淮南地。立悼惠王子六人。厲王子三人。皆爲王後。

元年。

帝十七年。

春三月。惠皇后崩。帝曰。間者數年比不登。又

有水旱疾疫之災。朕甚憂之。愚而不明。未達其咎。意者朕之政有所失。而行有過與。乃天道有不順。地利或不  
得。人事多失和。鬼神廢不享與。何以致此。將百官之奉  
養。或廢無用之事。或多與。何民食之寡乏也。夫度田非  
益寡。而計民未加益。以口量地。其於古猶有餘。而食之  
甚不足者。其咎安在。無乃百姓之從事於末。以害農者

養爲酒醪以糜穀者多六畜之食焉者衆與細大之義  
昔未能得其中其與丞相列侯吏二千石博士議之有  
可以佐百姓者率意遠思無有所隱後二年夏幸雍棧  
陽宮。匈奴和親帝曰朕旣不明不能遠德使方外之國或不  
寧息夫四方之外不安其生封圻之內勤勞不處二者  
之咎皆在於朕之德薄而不能遠達也間者累年匈奴  
益暴邊境多殺吏民邊臣兵吏又不能諭其內志以重  
吾不德夫久結難連兵中外之國將何以自寧今朕夙  
興夜寐勤勞天下憂苦萬民爲之惻怛不安未嘗一日  
忘于心故遣使者冠蓋相望結轡於道諭朕志于單于



今單于反古之道計社稷之安便萬民之利新與朕俱

棄細過偕之大道結兄弟之義以全元元之民和親以

定始于今年秋丞相蒼免申屠嘉為丞相三年春二月

幸代四年夏幸雍四月晦日食赦免官奴婢為庶人五年春正月幸隴

西秋幸代六年冬匈奴入上郡雲中遣車騎將軍屯飛狐將軍屯句注屯北地以禦胡又遣

將軍次細柳次霸上次棘門以備胡夏旱蝗令諸侯無入貢馳山澤減諸服

御損郎吏員發倉庾以振民民得買爵後七年夏六月

巳亥帝崩於未央宮壽四十六遺詔曰朕聞之天下萬物之

萌生靡不有死死。者天地之理物之自然奚可甚哀當

今之時世咸嘉生而惡死厚葬以破業重服以傷生吾

甚不取。朕既不德，無以佐百姓。今崩，又使人重服久臨，以離寒暑之數，哀人父子，傷長幼之志，損其飲食，絕鬼神之祭祀，以重吾不德，謂天下何。朕獲承宗廟，以眇眇之身，託于天下君王之上，二十有餘年矣。賴天地之靈，社稷之福，方內安寧，靡有兵革。朕既不敏，常畏過行，以修先帝之遺德。維年之久，長懼于不終。乃今幸以天年得復供養于高廟，朕之不明，與嘉之其奚悲哀之有。至德

至其令天下吏民，令到出臨三日，皆釋服。毋禁取婦嫁

女。祠祀飲酒食肉者，自當給喪事服。臨者皆無踐。伏儼日踐

剪也。謂無斬衰。經帶無過三寸。毋布車及兵器。毋發民



哭臨宮殿中。宮殿中當臨者，皆以旦夕各十五舉聲禮畢。罷非旦夕臨時，禁毋得擅哭臨。以下下服大功十五

日。小功十四日。總七日釋服。佗不在令中者，皆以此令

比率從事。布告天下，使明知朕意。霸陵山川，因其故，無

有所改。歸夫人以下至少使。

令歸自便

令中尉亞夫爲車騎

將軍，屬國悍爲將屯將軍，郎中令武爲復土將軍，發近

縣卒萬六千人，內史卒萬五千人，藏郭穿復土，屬將軍

武，賜諸侯王已下至孝悌力田金錢帛各有數。乙巳葬。

霸陵。帝溫文謙抑，道虞帝之道，存周文之心。禮賢畏相，

惠鮮懷保，恩施于細民。虛懷盡下，太公無私。每朝郎從

官上書。未嘗不止輦受其言。言不可用。置之。言可用。采之。未嘗不稱善也。群臣如袁盎等。稱說雖切。常假借納用。太子家令錯上書言兵。帝下璽書答言。皇帝問太子家令。言兵體三章。聞之。書言狂夫之言。而明主擇焉。今則不然。言者不狂。而擇者不明。國之大患。故在於此。使夫不明。而擇於不狂。是以萬聽而萬不當也。深自挹如此。然知錯刻深。終帝世不大用。丞相平勃嬰蒼等。相繼歿。以皇后弟廣國賢有行。欲相者久之。念不可。曰。吾恐天下以吾私廣國。而高帝時大臣皆多死。餘無可者。乃以故安侯嘉爲丞相。群臣張武等。受賂遺金錢。覺。釋弗



治。發御府金錢賜之。愧其心。專務以德化民。敦之于禮義。在位二十三年。宮室苑囿狗馬車騎服御。無所增益。有不便。輒弛以利民。嘗欲作露臺。召匠計之。直百金。帝曰。百金。中人十家之產也。吾奉先帝宮室。常恐羞之。何以臺爲。身常衣弋綈。所幸慎夫人衣不曳地。幃帳無文繡。示敦朴爲天下先。治霸陵。皆以瓦器。不以金銀銅錫爲飾。因山不起墳。嘗有獻千里馬者。帝曰。鸞旂在前。屬車在後。吉行日五十里。師行三十里。朕乘千里馬。獨安之。還其馬。及道里費。而下詔曰。朕不受獻也。其令四方毋來獻。與匈奴和親。匈奴背約入盜邊。獨令邊備守。不

發兵深入。惡煩苦百姓。將軍陳武等言。南越朝鮮。自秦時內屬。爲臣子。後且擁兵阻阨。選蠕觀望。高祖時天下新定。人民未安。未可復興兵。今陛下仁惠撫百姓。恩澤加海內。宜及士民樂用。征討逆黨。以一封疆。帝曰。朕能任衣冠。念不及此。會呂氏之亂。功臣宗室。其不羞耻。誤居正位。常戰戰慄慄。恐事之不終。且兵凶器。雖克所願。動亦耗弊。謂百姓遠方。何又先帝知勞民不可煩。故不以爲意。朕豈自謂能。今之匈奴內侵。軍吏無功。邊民父子荷戈日久。朕常爲動心傷痛。無日忘之。今縱未能鎔距。願且堅邊設候。結和通使。休寧北郵。爲功多矣。且



無議軍。蓋漢興。天下新去湯火。人民樂業。帝因其欲然。能不擾亂。故百姓無內外之繇。得息肩於田畝。天下殷富。粟斗至十餘錢。自年六七十翁。未嘗至市井游敖嬉戲。如小兒狀。鳴鷄吠狗。烟火萬里。可謂和樂者乎。皇太子卽位。制詔御史言。蓋聞古者祖有功而宗有德。制禮樂各有繇。歌者所以發德也。舞者所以用功也。高廟酎。奏武德。文始五行之舞。孝惠廟酎。奏文始五行之舞。孝文皇帝臨天下。通關梁。不異遠方。除誹謗。去肉刑。賞賜長老。收恤孤獨。以育群生。減嗜欲。不受獻。不私其利也。罪人不孥。不誅無罪。除肉刑。出美人。重絕人之世也。朕

旣不敏。不能勝識。此皆上古之所不及。而孝文皇帝親行之。德厚侔天地。明象乎日月。利澤施四海。靡不獲福。而廟樂不稱。朕甚懼焉。其爲孝文皇帝廟立昭德之舞。以明休德。然後祖宗之功德著於竹帛。施於萬世。其與丞相列侯中二千石。禮官具爲禮儀奏。丞相嘉等言。陛下永思孝道。立昭德之舞。明孝文皇帝之盛德。皆臣等愚所不及。臣謹議。世功莫大於高皇帝。德莫大於孝文皇帝。高皇帝廟宜爲帝者太祖之廟。孝文皇帝廟宜爲帝者太宗之廟。天子世世獻祖宗廟。郡國諸侯各爲孝文皇帝立太宗廟。諸侯王列侯使者侍祠。請著竹帛。宣



布天下制日可。

論曰。昔周自文武以元聖受命。周公佐之。陳禮樂教化。太和洽焉。後五百有餘歲。而素王之業成。至文皇帝。又五百餘歲矣。敬明自度。溫恭愛人。迄彌留弗懈。仁育宇內。德及夷狄禽獸。三代而還。未獲際斯者也。今讀其帝制。恭敬而溫文。或曰。成周之制作。不具曰。漢得天統也。以忠且夫禮理也。必有疏而理之者。噫。非賈鼂所及也。孝景皇帝諱啓。字曰開。太宗太子也。母竇皇后。後七年夏六月。卽位。尊皇太后。薄曰太皇太后。皇后。竇曰皇太后。

秋九月有星孛于西方。

元年春詔郡國或磽陁。

磽苦交反。陁音狹。

民無所

莊周云麋鹿食日蕪

受監臨飲食受財物賤買貴賣論者令

青至代與  
閩奴和親

二年冬。丁二月有星孛于西南。

毒加而死。

西華二編

卷之十一

一



至。泣曰。丞相幾殺臣。相五歲。帝崩。孝景卽位。內史鼂錯幸用事。多所請變更。嘉自絀疾。錯錯爲內史。門東出不便。更穿一門南出。南出者。太上皇廟墀垣也。嘉聞錯穿宗廟垣。爲奏請誅錯。錯恐。夜入宮。上謁。自歸。明日朝。嘉奏上。帝曰。錯所穿。非真廟垣。乃外墀垣。故冗官居其中。且又我使爲之。錯無罪。罷朝。嘉謂長史曰。吾悔不先斬錯。請之。爲錯所賣。至舍。嘔血死。開封侯青陶爲丞相。彗星出東北。三年

冬。熒惑逆行。守止辰。月出北辰間。吳王濞。楚王戊。膠西

王卬。趙王遂。濟南王辟光。菑川王賢。膠東王雄渠。合兵

反。赦天下。殺御史大夫錯。諭七國解兵。不受命。遣大尉

亞夫。大將軍嬰。分將兵擊之。二月。晦。日燭。吳楚攻梁。大尉出

維陽。壁昌邑。按據之。絕吳楚饟道。吳楚困退走。破平之。

膠東菑川。濟南攻齊。將軍布救齊。擊破三國兵。及菑川。

侯寄擊趙，遂破趙，七國滅。

吳王濞者，高祖兄子也。高帝既破英布兵，患吳會稽輕悍。

諸子少，無壯王填之，而沛侯濞以騎將從有功，乃立濞爲吳王。王三郡，五十城，已拜受印，召相之曰：「若狀有反相，心獨悔，業已拜，樹其背曰：『漢後五十年，西南有亂者，若耶？』」天下同姓一家也，懷無反，濞頓首謝，不敢時天下。初定郡國諸侯，各務拊循其民，而吳鑄銅山爲錢，煮海水爲鹽，國益富饒。文帝時，吳太子入朝，皇太子與爭局戲，怒，提局殺之。吳王濞恨，因稱疾不朝。文帝寬，賜王几杖，老不朝，與更始時。鼂錯爲御史大夫，說帝曰：「昔高帝削文帝，帝不聽。及帝卽位，錯爲御史大夫，說帝曰：『昔高帝初定天下，昆弟少，諸子弱，大封同姓，悼惠王、王齊、七十餘城，庶弟元王、王楚四十餘城，兄子濞、王吳五十餘城，封三庶孽，分天下半。』今吳王以前太子之郤，詐稱病不朝，於古法當誅。文帝不忍，因賜几杖，德至厚，當改過自新，乃益驕溢，卽山鑄錢，煮海爲鹽，誘天下亡命謀作亂。今削之，亦反；不削之，亦反。削之，其反亟，禍小；不削，反遲而禍大。」帝曰：「善。」於是楚王朝錯，因言王戊往年爲薄太后服，私姦服舍，請誅，詔赦，罰削東海郡。趙王有罪，削河間郡。膠西王卬以賣爵有姦，削六縣。而錯請帝因遂削。



吳會稽豫章郡更制諸侯王令三十章要束之下列侯公卿宗室雜議群臣憚錯寵莫敢難獨竇嬰持不可於是諸王皆驟見譴削各憤寃連兵反楚相張尚太傅趙夷吾趙相建內史惛皆以諫被殺濟北王以城壞未完兵爲郎中令刼守不得發齊王初聽約後中悔背諸侯爲漢守膠東菑川濟南共攻圍臨淄趙王遂與匈奴連兵吳王悉甲士二十餘萬從閩東越起廣陵泚淮與楚戊師合遣諸侯書罪狀錯訟誅之兵乘勝銳甚而帝與錯議軍錯勸天子自將兵而已居守徐僮旁吳所未下者邑且子吳帝心恨之錯素與袁盎不相能盎嘗相吳數言吳不反錯欲因誅之語頗聞盎急乃夜見竇嬰求見言吳所以反狀嬰爲言得召錯不知也方與帝調兵食見盎人愕然帝問盎吳事盎對曰不足憂也今破矣帝曰吳王卽山鑄錢煮海爲鹽誘天下豪傑白頭舉事此其計不百全不發何言其無能爲乎盎對曰吳銅鹽利誠有之安得豪傑而誘之誠令得豪傑必且輔而爲誼不反矣吳所誘皆亡賴子亡命奸人故相聚爲亂耳時難方急錯見帝心頗自危聞盎語殊喜曰盎策之善帝問計安出盎對曰願屏左右帝居人獨錯在盎曰臣所言人臣不得知乃屏錯錯人恨然無可如何帝卒

臣竊盜以吳楚相遺書聞因曰今計獨斬錯發使赦諸侯復故地兵可無血刃而罷上默然良久曰顧誠何如吾何愛一人不以謝天下乃拜盎太常裝治行使吳而使丞相廷尉劾奏錯不稱主上德信而欲疏群臣百姓又欲以城邑與吳無臣子禮大逆無道腰斬錯殊不自知上使中尉召錯給載行市錯衣朝衣斬吏市意欲以解難錯已死謂者僕射鄧先自軍中來謁帝問道軍所來聞鼂錯死吳楚兵當罷否鄧公曰吳王爲反數十歲矣發怒削地以誅錯爲名意豈在錯哉夫鼂錯患諸侯強大不可制故請削地以尊京師此萬世之利計晝始行卒受大戮內杜忠臣之口外爲諸侯報讐臣竊爲陛下不取也帝喟然曰公言善吾亦恨之拜鄧公爲城陽中尉條侯周亞夫者絳侯勃子也絳侯子勝之以罪失侯文帝帝擇絳侯子賢者河內守亞夫封條侯續絳侯後文帝之後六年匈奴大入邊以宗正劉禮爲將軍軍霸上祝茲侯徐厲爲將軍軍棘門河內守亞夫爲將軍軍細柳以備胡帝自勞軍至霸上及棘門軍直馳入將以下騎送迎已而之細柳軍軍吏士被甲銳兵及彀弓弩持滿天子先驅至不得入先驅曰天子且至軍門都尉曰將軍令軍中聞將軍令不聞天子詔居無何帝至又



不得人。於是帝乃使使持節詔將軍。吾欲入勞軍。而夫  
乃傳言。開壁門。壁門士吏謂從屬車騎曰。將軍約軍中  
不得驅馳。於是天子乃按轡徐行。至營。將軍亞夫持兵  
揖曰。介冑之士不拜。請以軍禮見。天子爲動。改容式車。  
使人稱謝。皇帝敬勞將軍。成禮而去。旣出軍門。羣臣皆  
驚。文帝曰。嗟乎。此真將軍矣。曩者霸上棘門軍。兒戲耳。  
其將固可襲而虜也。至於亞夫。可得而犯耶。稱善者久  
之。且崩時。誠太子曰。郎有緩急。周亞夫真可任。將兵至  
是。詔條侯將三十六將軍。擊吳楚。遣曲周侯鄧寄擊趙。  
將軍欒布救齊。大將軍竇嬰屯滎陽。監齊趙兵。條侯乘  
六乘傳。將會兵滎陽。因白請帝曰。楚兵剽輕。難與爭。願  
以梁委之。絕其糧道。乃可制。帝許之。發至霸上。趙涉遮  
亞夫。說曰。吳王素富。懷輯死士久矣。知將軍且行。必置  
人於殺。滎陽阨隘之間。且兵事尚神密。將軍何不從此右  
去。走藍田。出武關。抵洛陽。間不過二日。直入武庫。擊鳴  
鼓。諸侯聞之。以爲將軍從天而下也。亞夫如其計。至雒  
陽。見劇孟。喜曰。七國反。吾乘傳至此。不自意全。又以諸  
侯已得劇孟。劇孟今無動。吾據滎陽以東。無足憂者。至  
淮陽。問父絳侯故客鄧都尉曰。東安出。客曰。吳兵銳甚。  
難與爭鋒。楚兵輕。不能久。爲將軍計。莫若引兵東北壁

曰邑以梁委吳，吳必盡銳攻之。將軍派溝高壘，使輕兵絕淮泗口，塞吳饗道。彼吳梁相敵，而糧食竭，乃以全強制其罷極，破吳必矣。條侯曰：「善。」從其策，遂堅壁昌邑南，輕兵絕吳饗道。吳王度淮，與楚遂西，敗梁棘壁軍，乘勝前薄梁。孝王恐，遣六將軍擊吳，又敗數使，使請條侯求救。條侯不救，乃使人數惡條侯於帝。帝使人告條侯，求救。梁復守便宜，不肯行。已而梁使韓安國及其死事相弟張羽爲將，乃得頗敗吳兵。吳兵欲西，梁城守堅，不敢西。卽走條侯軍，欲戰。條侯入壁守，不肯戰。吳夜奔條侯壁，驚東南。條侯使備西北，已而其精兵果奔西北，不得入。吳糧絕，卒饑，乃引去。條侯出精兵追擊，大破之。越人斬吳王頭以來，楚王戊自殺，凡相攻守三月，而吳楚破平。

詔衡山王堅守，無二心。徙爲濟北王。徙淮陽王餘爲魯。

王汝南王非爲江都王，濟北王志爲菑川王。三王之圖，臨菑也。齊

王使路中大夫告天子，天子令還報，告齊王堅守。漢兵破吳楚，今至矣。路中大夫至，三國兵圍臨菑，皆數重，却之盟曰：「若反言，漢已破，宜趣下。」路中大夫至城下，望見齊王大呼曰：「漢已發兵擊吳楚，破矣。」方引兵救齊，必堅。



守無下。齊初圍急。陰與三國通。路中大夫來。乃復守。而樂布兵亦至。擊破三國兵。膠東菑川濟南王皆伏誅。布引軍會酈。寄攻破趙。趙王遂自殺。濟北王以甞墜言於吳。許合從事。辭聞欲自裁。齊人公孫纓走梁。說孝王曰。夫濟北之地。東接強齊。南牽吳越。北脅燕趙。此四分五裂之地。權不足以自守。勁不足以捍寇。又非有奇怪以待難也。故墜言於吳。而中持不下。鄉使濟北見情實。示不從之端。則吳必先歷齊。破濟北。招燕趙而總之。如此則山東之從結而無隙矣。今吳王連兵與天子爭衡。濟北獨底節不下。使吳楚失與。而無助。敗破而不救。功義如此。然且見疑於上。臣恐蕃臣守職者自疑矣。料今能徑長樂。抵未央。攘袂而正議者。獨大王耳。上全亡國。下安百姓。德淪骨髓。恩加無窮。惟大王留立楚元王子禮意。於是梁孝王爲上言。濟北得徙封。

爲楚王立子端。膠西王勝。中山王後。頗聞齊初與七國謀。王將閭懼。自殺。天子以齊終迫脅。非其辜。召立其太子壽爲齊王。四年春。復置關。用傳出入。夏四月。立皇子

榮為皇太子。徹為膠東王。冬十月晦日食。五年春作陽陵。帝壽

夏募民徙陽陵。遣公主嫁匈奴單于。六年冬十二月雷霖雨。秋九月皇后

薄氏廢。七年冬十一月晦日蠲。春丞相青免。條侯亞夫為丞相。

廢太子榮為臨江王。夏四月立皇后王氏。立膠東王徹。

為皇太子。事具內紀。賜民為父後者爵一級。中元年夏。改元。赦二年春三

月臨江王榮徵詣中尉自殺。榮坐毋栗姬怨對故廢。坐侵太宗廟壻垣為宮。徵對

簿。王欲得刀筆為書謝上。中尉到都禁吏不予。實嬰使人間與之。王因得為書。即自殺。太后聞之泣。深恨都。以

危法中。夏四月有星。都殺之。幸于西北。立皇子為王。秋九月晦日蠲。三年夏地震。

酤。秋九月蝗有星幸于西北。是月晦日蠲。丞相亞夫免。桃侯舍劉為丞相立

子乘清河王。四年夏蝗。冬十一月朔日蠲。五年夏立子舜常山王。大水。



秋八月未央

九月詔曰獄人之大命死者不可復生吏

或不奉法令以貨賂爲市朋黨比周以苛爲察以刻爲

明令亡罪者失職朕甚憐之諸疑獄雖文致於法於人

心不厭者輒讞之

讞魚列反

六年冬幸雍郊五時春

三月梁雨雲

王薨分梁爲五國立孝王子五人皆爲王夏詔曰夫吏

者民之師也車駕衣服宜稱吏六百石以上皆長吏亡

度者或不吏服出入閭里與民亡異令長吏二千石車

朱兩轎千石至六百石朱左轎二千石上其官屬三轎

舉不如法令者皆上丞相御史請之

更減答法定臺令秋七月晦日蠲是

歲閏奴入鴈門至武泉

後元年春詔曰獄重事也人有

入上郡殺吏卒二千人

智愚官有上下獄疑者讞有司有司所不能決者移廷尉有令讞而後不當讞者不爲失欲令治獄者務先寬

夏五月秋七月晦地震日躔

前相條侯亞夫下獄死

先是栗太子廢亞夫爲丞

相固爭之不得繇此䟽而梁孝王恚亞夫擊吳楚時委梁以難不急救常短之太后太后爲帝言皇后兄信可侯也帝謝讓曰始南皮章武侯先帝不侯及臣卽位乃侯之信未得封也太后曰人主各以其時行耳自竇長君在時不得侯死後其子彭祖顧得侯吾甚恨之帝趣侯信也帝曰請得與丞相議之謂丞相亞夫曰高皇帝約非劉氏不王非軍功不侯今信雖皇后兄無功侯之非約也帝默然而止其後匈奴王徐盧等降帝欲侯之以勸後亞夫曰彼背其主降陛下而陛下侯之何以責人臣不守節者乎帝發怒曰丞相議不可用乃悉封徐盧等五人爲列侯丞相因謝病免頃之召賜食禁臠獨置大葢無切敬又不置箸條侯心不平顧尚食取箸帝嘻笑曰此非不足君所乎條侯免冠謝起趨出帝怒目送之曰此怏怏非少主臣也居無何亞夫子爲買尚方



甲捕五百被可葬者取庸苦之不予錢庸知其盜買縣官器也怒上變事連條侯詔下吏吏薄責條侯條侯不對帝聞怒曰無以對為也召詣廷尉廷尉責曰君侯欲反耶亞夫曰臣所買器乃葬器何謂反吏侵之益急亞夫不食丞相舍免建陵侯綰衛為丞相以吳楚攻侯二年夏

四月詔曰雕文刻鏤傷農事者也錦繡纂組害女紅者也農事傷則饑之本女紅害則寒之原饑寒並至而能亡為非者寡矣朕親耕后親桑以奉宗廟粢盛祭服為天下先不受獻減太官省繇賦欲天下務農蠶素有畜積以備災害彊毋攘弱衆毋暴寡老者以壽終幼孤得遂長今歲或不登民食頗寡其咎安在或許偽為吏更以貨賂為市漁奪百姓侵牟萬民縣丞長吏也姦法與

盜盜甚無謂也。其令二千石各脩其職，不事官職耗亂。丞相以聞，請其罪，布告天下，使明知朕意。五月，詔曰：人不患其不知，患其為詐也；不患其不勇，患其為暴也；不患其不富，患其亡厭也。其唯廉士寡欲易足。今訾筭十以上乃得官。服虔曰：訾，萬錢。筭，百二十七。廉士筭不必衆，有市籍不得官。無訾，又不得官。朕甚愍之。訾筭四得官，毋令廉士久失職，貪夫長利焉。秋，大旱，以歲不登，內郡食馬粟，沒入之，是歲匈奴入鴈門，太守馮諼戰死。三年春正月，詔曰：農天下之本也。黃金珠玉，饑不可食，寒不可衣，以為幣用，不識其終始。間歲或不登，意為末者衆，農民寡也。其令郡國務勸農桑，益種樹，可得



衣食物。吏發民若取庸。采黃金珠玉者。坐臧爲盜。二千

石。聽者與同罪。甲子。帝崩于未央宮。

在位十二年。壽四十八。遺詔賜諸侯

王列侯馬二駟。吏二千石黃金二斤。吏民戶百錢。出宮人歸其家。復終身。

二月。葬陽陵。

史固贊曰。孔子稱斯民。三代之所以直道而行也。信哉。

周秦之敝。罔密文峻。而姦宄不勝。漢興。掃除煩苛。與民

休息。至于孝文。施大德天下。孝景遵業。五六十載之間。

風移俗易。黎民醇厚。周云成康。漢言文景。美矣。

國史上編卷之十二

明肝郡鄧元錫著

漢武帝帝紀

孝武皇帝諱徹景帝中子也。

母王美人七歲爲皇太子母爲皇后卽位尊

皇太后

竇

曰太皇太后皇后曰皇太后建元元年冬詔

丞相御史列侯中二千石二千石郡國守相塞賢良方

正直言極諫之士春赦

賜民爵一級八十復二笑九十復甲卒

夏詔民年

九十以上復子若孫令得率妻妾遂供養之事五月詔

祠官修山川之祠曲加禮赦吳楚七國帑

孥

輸在官者

夏六月丞相綰免魏其侯嬰爲丞相二年丞相嬰免栢



至侯許昌為丞相

春二月朔日饗夏四月有星郊日夜出

初置茂陵邑

帝壽

陵三年

春河水溢平原大饑人相食七月有星字於西北

秋閩越圍東甌遣大

中大夫嚴助持節發會稽兵浮海救之未至閩越走兵

還

九月晦日食

起上林苑

帝始為微行與左右能騎射者期殿門常入南山下射獵馳驚永孫

置更衣十二所又除上林苑屬之南山

四年

夏有風赤如血六月旱秋九月有星字于東北

春置五經博士

四月高祖便殿火帝素服五日

五月太皇太后崩

秋八

月有星字于東方長竟大

秋閩越王郢攻南越遣大行王恢出豫章

大司農韓安國出會稽將兵擊之未至越人殺郢降兵

還元光元年

七年

冬初令郡國舉孝廉各一人夏舉賢良

文學親策之

秋七月晦日蝕

二年冬十月行幸雍祠五時春始

親祠竈遣方士求神仙立太一祠事見異大行王恢議

誘致匈奴單于襲擊之不克恢坐首謀不進下獄死具

狄志三年春河水徙從頓丘東南流入渤海夏決濮陽發

卒十萬收決河起龍淵宮四年冬殺魏其侯嬰相盼卒

事見后妃內紀中夏四月五年春正月河間王德薨

隕霜殺草五月地震赦天下平棘侯薛澤為丞相夏發巴蜀治南夷道發卒治鴈門

阻險秋大風皇后陳氏廢捕為巫蠱者皆梟詔太中大

夫張湯中大夫趙禹定律令徵吏民有明當世之務習

先聖之術者縣次續食令與計偕六年冬初筭商車春

穿漕渠通渭夏大旱蝗幸雍是歲匈奴入上谷遣車騎將軍



輕車將軍公孫賀出雲中、驍騎將軍李廣出鴈門、逐元之、青獲首虜、賜爵關內侯、赦廣失師、論死、贖爲庶人、元

朔元年

十三

冬詔曰公卿大夫所使總方畧壹統顓廣

教化美風俗也夫本仁祖義褒德祿賢勸善刑暴五帝

三王所繇昌也朕夙興夜寐嘉與宇內之士臻於斯路

故旅耆老復孝敬選豪俊講文學稽參政事祈進民心

深詔執事興廉舉孝庶幾成風紹休聖緒十室之邑必

有忠信三人並行厥有我師今或至闔郡而不薦一人

是化不下究而積行之君子雍於上聞也二千石官長

紀綱人倫將何以佐朕燭幽隱勸元元厲蒸庶崇鄉黨

之訓哉且進賢受上賞蔽賢蒙顯戮古之道也其與中

二千石禮官博士議不舉者罪

有司奏不舉孝不奉詔當以不敬論不察廉不

勝任也當免奏可

春三月立皇后衛氏赦

是歲匈奴入遼西將軍青出鴈門息山代

擊逐之東夷歲君降置蒼海郡

二年冬賜淮南王菑川王几杖毋朝春

正月詔諸侯王願分封與子弟國邑者聽朕將親定其

號名

事具封建志三月晦日闕

夏募民徙朔方

主父偃言河南地肥饒外阻河城之

以逐匈奴省轉戍廣中國城胡之本也徙之募民徙者十萬口費數十百鉅萬

徙郡國豪傑及

警三百萬以上于茂陵

偃又言天下豪傑并兼亂衆之民皆可徙內實京師外銷姦猾

所謂不誅而害除從之是歲匈奴入上谷漁陽遣將軍青將軍息出雲中至高關遂西至符離救河南地置

朔方五原郡三年春罷蒼海郡夏六月皇太后崩四年

冬幸甘泉

夏匈奴入定襄上郡

五年冬十一月丞相澤免以公孫



弘爲丞相封平津侯

弘齊菑川國薛縣人少爲薛獄吏有臯卮家貧救永海上年四十餘

乃學春秋雜說養後母孝謹建元初年六十以賢良徵

爲博士使匈奴還報失旨病免歸元光中徵文學菑川

國復推上弘弘謝讓嘗西應命以不能罷歸願更推選

國人因推弘弘至太常對策第居下策奏天子親擢弘

對爲第一召見狀貌甚麗拜博士弘爲人恢奇多聞嘗

稱人主病不廣大人臣病不節儉爲布被食不重肉每

朝會議開陳其端令人主自擇不肯面折廷爭於是天

子察其行敦厚辭論有餘習文法吏事又緣歸以儒術

大說之擢御史大夫時通西南夷東置滄海北築朔方

之郡弘數諫以爲罷故中國奉無用之地願罷之天子

使朱買臣等難弘置朔方之便發十策弘不得一乃謝

曰山東鄙人不知其便若是願罷西南夷滄海而專奉

朔方汲黯曰弘位三公奉祿甚多然爲布被此詐也帝

問弘弘謝曰有之夫九卿與臣善者無過黯然廷詰弘

誠中臣之病夫以三公爲布被誠詐欲以釣名且臣聞

管仲相齊有三歸後擬於君桓公以霸亦上僭於君晏

嬰相景公食不重肉妾不衣絲齊國亦治此下比於民

今臣位御史大夫爲布被白九卿而下至於小吏無差

誠如汲黯言。且無汲黯忠。陛下安得聞此言。天子以爲謙讓。愈益厚之。卒以相。漢興皆以列侯爲丞相。弘本無爵。乃詔封平津侯。丞相封侯。自弘始。○春。大旱。夏六月。詔勸學興禮。太常爲博

士置弟子員。

語具學較志中。

六年

是歲春。大將軍青。將六將軍兵十餘萬。騎出定襄。殺都尉。

斬首三千餘級。還休士馬。定襄雲中。鴈門。夏四月。復將六將軍。絕幕。大克獲。益封前將軍趙信軍。敗降匈奴。右將軍蘇建亡軍。獨脫身自歸。贖爲庶人。置武功爵。寵戰士。秋。匈奴入代。元狩元年冬。幸雍。

祠五時。獲一角獸。以燎。以天瑞。改元。十一月。淮南王安

衡山王賜謀反。自殺。竟治黨與。誅死者數萬人。

十二月大雨雪。

民凍夏。詔曰。朕聞君者心也。民猶支體也。支體傷則心

憊。怛日者。淮南衡山修文學。流貨賂。兩國接壤。怵於邪

說。而造篡弒。此朕之不德也。詩曰。憂心慘慘。念國之爲



虐赦天下滌除與之更始朕嘉孝弟力田哀老眊孤寡

鰥獨或匱於衣食甚憐愍焉其遣謁者巡行天下存問

致賜曰皇帝使使者賜縣三老孝者帛人五匹鄉三老

弟者力田帛人三匹年九十以上及鰥寡孤獨帛人二

匹絮三斤八十以上米人三石有寃失職使者以聞縣

鄉卽賜毋贅聚五月晦始通滇復事西南夷張騫自月

西域大宛諸國多珍貨而兵弱貴漢財物而大夏有

叩竹使蜀布去蜀徑當可通天子欣然復事西南夷二

年春三月丞相弘卒以李蔡為丞相弘為人意思外寬

者雖佯與善必陰報其禍殺主父偃徙董仲舒於膠西

皆其力也食一肉脫粟之飯而故人所善賓客仰衣食

得奉祿盡以給之家無所餘士亦以此附焉病甚上書

請歸侯印乞骸骨遂賢者路詔報曰古者賞有功褒有

德守成尚文。遭遇右武，未有易此者也。朕宿昔庶幾，獲承尊位，懼不能寧，惟所與共治者。君宜知之。君子善善，惡惡，君宜知之。君若謹行，常在朕躬。君不幸，惟霜露之病，何恙不已。乃上書歸侯，乞骸骨。是章朕之不德也。今事少閒，君其省思慮，一精神，輔以醫藥，因賜告，賜牛酒。帛，年八十，卒於位。是歲，驃騎將軍霍去病出隴西，至皋蘭，復及公孫敖出北地，過居延，多斬虜還，益封衛尉張騫郎中令李廣出右北平，廣亡軍，敖騫後期，常斬贖。為庶人。匈奴昆邪王殺休屠王，將其眾來降，置五屬國處之，以其地為武威酒泉郡。三年，春，有星方，封故相國蕭何曾孫慶為列侯。秋，匈奴入定襄北平，山東

大水，徙其民關西。朔方詔郡舉吏民，能假貸貧民者，以

名聞。發謫吏穿昆明池。四年冬，造白金皮幣，置鹽鐵官。

箕繒錢。

春，有星孛于東北。夏，有長星出于西北。是歲，大將軍青將四將軍出定襄，將軍去病出代，青

至幕北，圍單于。至闐顏山，去病戰左賢王，封狼居山還。詔青去病，金為大司馬。前將軍廣將軍食其皆失期，廣



自殺、食其贖、五年春丞相蔡自殺。李廣從弟、坐侵孝景園、墮地、夏以莊青

翟為丞相、帝如甘泉祠神君、六年。冬、雨水、夏立子閔、旦

胥為王。王齊、燕、廣陵、遣博士褚大等六人分行天下、存問鰥

寡廢疾、無以自振業者、貸與之、諭三老孝弟為民師、舉

獨行君子、徵詣行在所、詳問隱處亡位及寃失職、姦猾

為害、野荒治苛者、舉奏、郡國有所為便民者、上丞相御

史以聞。實治郡、國、緡錢、秋、大司馬去病卒、元鼎元年。二十五、二

年冬、御史大夫湯有罪、自殺、丞相青翟下獄死。湯為人、多詐、

智以御人、始為小吏、乾沒、及列九卿、收棲天下名士、大

夫、心內雖不合、然陽浮慕之、時帝方鄉文學、湯乃請、

士弟子治尚書春秋者、補廷尉史、亭疑法、即帝意所欲、

翼、予監史深禍者、上意欲釋、予監史輕平者、所治即豪

必舞文巧詆、卽下戶羸弱、時口言幸上財察、往往釋湯  
所言、其造請諸公、不避寒暑、是以雖文深、然得聲譽、而  
刻深吏、多爲爪牙用者、治淮南、衡山、江都、反獄、皆窮根  
本、遷御史大夫、會漢大興兵伐四夷、禱祠土木、縣官空  
虛、承帝指、請造白金、及五銖錢、出告緡錢、令鉏豪彊并  
養之家、舞文巧詆、以輔法、每朝奏事、語國家用、日晏、天  
子忘食、丞相取充位、天下事皆決於湯、百姓不安其生、  
騷動、嘗病、天子至自視病、其隆貴如此、御史中丞李文  
與湯卻、湯所愛史魯謁居、知湯不平、陰使人告文、好事  
事下湯、湯治、論殺文、事頗聞、帝問變事、蹤跡安從起、湯  
佯驚曰、此殆文故人怨之、湯嘗排趙主王、王求湯陰事、得  
謁居病、湯往視、親爲之摩足、上書告湯大臣、親爲史摩  
足、疑與爲大姦事、下廷尉、謁居病死、連其弟繫、導官湯  
治他囚、導官見謁居弟、佯不省、謁居弟弗知其陰爲之  
也、怨上、書告湯、與謁居謀、告李文、下獄、宣、會盜發、孝文  
園瘞錢、丞相青翟朝、與湯約、俱謁湯、念獨丞相以四時  
行園、當謝、湯無與也、至前、不謝、丞相謝、帝使湯案丞相  
湯欲致丞相見知、丞相長史朱買臣、王朝、邊通、素怨湯、  
欲死之、時湯奏請賈人田信等與關通、輒先知、居物致  
富、三長史乃與丞相謀捕信、劾治之、事辭頗聞、帝問湯、



吾所欲爲賈人輒先知居物是顛有以吾謀告之者湯不謝又佯譎曰固宜有會臧宣亦窮竟謁居事上帝果以湯懷詐面欺使使入輩薄責之湯不服趙禹後至讓湯曰君何不知分也君所治夷滅者幾何人矣今人言君事皆有狀天子重致君獄欲令君自爲計何多以對簿爲湯乃爲書謝曰謀陷湯罪者三長史也遂自殺湯死家產直不過五百金諸子欲厚葬湯母曰湯爲天子大臣破行惡言而死何厚葬爲乎載以牛車有棺無槨帝聞之曰非此母不能生此子乃春起柏梁臺作承露盡案誅三長史丞相霍自自殺

盤

盤高二十丈大七圍銅爲之上有仙人掌以承露和玉屑飲之云可長生

以趙周爲丞相

三月大雨雪夏人水關東人餓死

秋詔曰仁不異遠義不辭難今京師

雖未爲豐年山林池澤之饒與民共之今水潦移於江

南迫隆冬至朕懼其饑寒不活江南之地火耕水耨方

下巴蜀之粟致之江陵遣博士中等分循行諭告所抵

無令重困。吏民有振收饑民。免其危者。具以聞。三年冬。

徙國谷。關於新安。夏。雨雹。關東郡國饑。人相食。四年冬十月。幸雍。郊

五時。十一月。詔曰。朕祭地冀州。瞻望河洛。巡省豫州。觀

于周室。邈而無祀。詢問耆老。得孽子嘉。其封嘉為周子

南君。以奉周祀。立子商。泗水王。五年冬十月。行幸雍。祠

五時。遂踰隴。登空同。西臨祖厲河。勒邊兵而還。十一月。

辛巳朔冬至。立泰時于甘泉。帝親郊。夏。南越相呂嘉反。

見戎狄志。夏四月。晦日食。秋。嘗酎。列侯坐獻酎金不如法。奪爵者百

有六人。丞相周下獄死。以石慶為丞相。樂通侯大坐誣

罔要斬。見異教考。六年。冬。擊南越。定越地。為南海。蒼梧。鬱林。

合浦。交趾。九真。日南。珠厓。儋耳。郡。擊



西南夷定為武都。辟柯越。雋沈黎文山郡。遣將出九原。令若擊胡。出二千餘里。不見虜而還。分武威酒泉地置張掖。敦煌郡。徙民實之。擊東越。元封元年。二十一年冬十月。帝巡邊。帥十二

部將軍行。自雲陽。歷上郡。西河。五原。出長城。北登單于

臺。至朔方。臨北河。勒兵還。祠黃帝橋山。遷東越民於江

淮間。虛其地。春。幸緱氏。登嵩高。遂東巡海上。還登封泰

山。是行周迴凡萬八千里。秋。改是歲為元封元年。二

有星字于東井。又字于三台。年春。幸緱氏。宿留東萊。夏四月。還祠泰山。至瓠子。臨決

河。命從臣負薪塞河隄。築宣防宮。見漕河志。蔽所過徒。賜孤獨高年米。人四

石。立越祠。作甘泉通天臺。長安飛廉觀。其泉宮內中產芝。九莖連葉。作

芝房。秋。作明堂泰山。募罪人擊朝鮮。擊滇。置益州郡。三年。二

月雷魚龍曼延之屬春作角抵戲是歲擊樓蘭車

雨雹降朝鮮以其地為樂浪臨屯四年冬十月幸雍祠五時通回中道北出蕭關歷獨

鹿鳴澤抵代還春幸河東祠后土是歲匈奴寇邊五年

冬行幸南郡望祀虞舜于九疑登瀟天柱山自潯陽浮

江親射蛟江中北至琅琊竝海禮祠所過名山大川春

還泰山增封祠高祖明堂配上帝朝諸侯王列侯受郡

國計赦夏大將軍青卒初置刺史部十三州詔州郡察

吏民有茂材異等可為將相使絕域國者六年春作首山

宮幸河東祠后土赦秋大旱蝗太初元年三十冬十月

幸泰山十一月甲子朔旦冬至祀上帝明堂益遣方士



入海求神僊。柏梁臺災。十二月。禮高里祠后。上東臨勃

海。望祠蓬萊。春正月。還。受計于甘泉。二。月起建章宮。見異

教。夏五月。正歷。以正月為歲首。色上黃。數用五。定官名。協音律。秋八月

幸安定。蝗從東方飛至敦煌。是歲遣貳師將軍李廣利征大宛。二年春。丞相慶卒。

幸河東。以公孫賀為丞相。夏籍吏民。馬補車騎。馬。秋。蝗祠后土。

浚稽將軍趙破奴出。三年春正月。東巡海。夏。還。修封秦朔方。擊匈奴。敗浚。

山。遣光祿勳徐自為築五原塞外列城。西北至盧朐。築

若延。秋。匈奴入定襄雲中。壞光祿諸亭障。入張掖。酒泉。殺都尉。益發兵從貳師圍宛。宛降。獲汗血馬。以奉

封廣利。四年秋。起明光宮。冬。幸回中。徙弘農都尉治武

關。稅出入者。給關吏卒食。天漢元年。四十一年。春。雨。關稅。夏。大旱。穀。發。關

戊屯五原。二年春幸東海還羊回中山東群盜並起遣直指

使者分部捕逐。是歲貳師將軍廣利出酒泉因杆將軍

居延戰單于斬首虜萬餘級軍困敗降虜三年春初權酒酤幸泰山修封還

幸北地祠常山夏赦。匈奴入鴈門太守坐畏頓棄市四年夏立子體為

昌邑王秋令死罪入贖。錢五十萬減死一等是歲發天

軍廣利騎六萬步七萬人出朔方將軍敖將騎萬步三

萬人出鴈門將軍說步三萬人出五原擊匈奴族李陵

家太始元年四十五年春徙郡國吏民豪桀于茂陵二年春

幸回中秋旱穿白渠。募死罪入贖三年春幸甘泉。饗外國客五幸

東海。獲赤鴈至琅琊禮日成山登之罘。音浮浮海皇子弗

陵生以趙亡人江充為水衡都尉四年春幸泰山修封



夏幸其祠神人交門宮秋趙有蛇從郭外入邑與邑中蛇鬪孝文廟下邑中蛇死

冬十月晦幸雍至安定北地征和元年四十九年夏旱冬發三

輔騎士大索上林閉長安城門索十日巫蠱起二年春

丞相賀下獄死劉屈氂為丞相夏幸其泉大風發屋折木秋七

月治巫蠱使者江充部胡巫入皇太子宮發蠱太子曰

皇后斬充以節發兵與丞相屈氂戰長安敗出亡皇后

自殺八月太子自殺于湖癸亥地震是歲匈奴入五原上谷殺畧吏民三年

春幸雍至安定北地夏丞相屈氂下獄死秋蝗是歲匈奴入五原酒

泉遣貳師將軍廣利將騎七萬出五原御史大夫商立

成騎二萬出西河重合侯馬通騎四萬出酒泉威至浚  
稽山多斬虜通至天山虜引去降車師而  
還廣利家以巫蠱收繫降匈奴族其家  
四年春正月

幸東萊。

二月。隕石于雍。二、聲聞四百里。

二月耕鉅定。還泰山修封。罷方

士候神人者。夏六月。以山千秋為丞相。封富民侯。

秋八月晦。

日。後元元年

五十三年。

春。幸安定。

秋。地震。泉湧出。

二年

五十四年。

春正月。

朝諸侯王其泉宮。幸五柞宮。立子弗陵為皇太子。大司

馬大將軍光。車騎將軍日磾。左將軍桀。受遺詔輔政。崩。

葬茂陵。始漢承秦滅學之後。高祖勅業。文景務清靜寧

民。至稽古禮文之事。猶多闕焉。帝實始好儒。始即位。舉

賢良方正文學之士。策之廷。嚮用其俊茂。表章六經。罷

黜其治申韓蘇張言亂政者。下詔言。古之立教。鄉里以

齒。朝廷以爵。莫善於德。然則於鄉里先耆艾。



奉高年古之道也。今天下孝子順孫，願自竭以承其親。外迫公事，內乏資財，是以孝心闕焉。朕甚哀之。民年九十以上，已有受鬻法爲養子者。孫令得身率妻妾，遂其供養之事，詔衛士轉置送迎，二萬人省萬人，罷苑馬，賜貧民，御史大夫趙綰郎中令王臧皆以儒親用，薦其師申公。遣使者安車蒲輪東帛加璧，迎申公以來爲大中大夫，與興學明禮，修郊祀，議明堂律歷，改正朔服色事。而太皇太后竇好黃老言，不悅儒。綰臧欲政令一於天子，議請毋奏事東朝。太后大怒，陰求綰臧姦利事，以讓帝。帝下獄自殺，所興爲皆廢。太后崩，策賢良方正，下制言。

朕獲承至尊休德。傳之亡窮。施之罔極。任大而守重。是以夙夜不皇康寧。永惟萬事之統。猶懼有闕。故廣延賢良。修潔博習之士。欲聞大道之要。至論之極。伊欲風流而令行。刑輕而姦改。百姓和樂。政事宣昭。何修何飾。而膏露降。百穀登。惠潤四海。澤臻草木。三光全。寒暑平。受天之祐。享鬼神之靈。惠澤施方外。延及群生。復下冊言。善言天者。必有徵於人。善言古者。必有驗於今。朕上嘉唐虞。下悼桀紂。寢微寢滅。寢明寢昌之道。虛心以改。又冊言。朕夙寤晨興。惟蒞帝王之憲。永思所以奉至尊。章洪業。皆在力本任賢。親耕籍田。以爲農先。勸孝弟。崇有



德。使者冠蓋相望。問勤勞。恤孤獨。盡思極神。功烈休德。  
未始云獲也。陰陽錯繆。氛氣克塞。群生寡遂。黎民未濟。  
廉耻貿亂。賢不肖渾殽。未得其真。故詳延特起之士。意  
庶幾乎蓋垂意。天人古今之統。如此當是時。行高而恩  
厚。知明而意美。而天子所說儒。獨便文靡辭。借六藝以  
緣飾政治。爲美觀。而志奢多欲。中不能自制。申公以爲  
治不在多言。顧力行何如對。不說也。無何謝罷歸。大儒  
董生以損周之文。致用夏之忠對。不說也。以爲江都相。  
中尉汲黯。至憤發面質帝。內多欲而外施仁義。帝怒其  
變色而罷朝。雖隱忍不加罪。而終已不能用。當是時。漢

興既七十有餘歲矣。國家無事。非遇水旱之災。民則人  
給家足。都鄙廩庾皆滿。而庫餘貸財。京師之錢累巨萬。  
貫朽而不可較。太倉之粟陳陳相因。充溢露積於外。至  
腐敗不可食。衆庶街巷有馬。阡陌之間。成羣而乘。字牝  
者。儼而不得聚會。守閭閻者。食梁肉。爲吏者。長子孫居  
官者。以爲姓號。故人人自愛而重犯法。先行義而後紕  
耻辱焉。高文極盛當此之時。網疏而民富。役財驕溢。或至兼  
并豪黨之徒。以武斷於鄉曲。宗室有土。公卿大夫以下。  
爭于奢侈。室廬輿服。僭于上。無限度。衰端物盛而衰。固其  
變也。數年之後。嚴助朱買臣等。招來東甌。事兩越。江淮



之間蕭然煩費矣。唐蒙司馬相如開路西南夷。鑿山通  
道千餘里。以廣巴蜀。巴蜀之民罷焉。彭吳賈滅朝鮮。置  
滄海之郡。則燕齊之間靡然發動。及王恢設謀馬邑。匈  
奴絕和親。侵擾北邊。兵連而不解。天下苦其勞。而戈  
日滋。行者齎。居者送。中外騷擾而相奉。百姓抗音弊以  
巧法。財衰耗而不贍。入物者補官。出貨者除罪。選舉陵  
遲。廉耻相冒。武力進用。法嚴令具。興利之臣自此始也。  
經其後漢將歲以數萬騎出擊胡。及車騎將軍衛青取  
匈奴河南地。築朔方。通西南夷道。作者數萬人。千里負  
擔饋糧。率十餘鍾致一石。散幣於邛僰以集之。數歲造

不通蠻夷。因以數反。吏發兵誅之。悉巴蜀租賦。不足以  
更之。乃募豪民田南夷。入粟縣官。而內受錢於都內。而  
滄海郡人徙之費。鮮朝擬於南夷。又興十萬餘人。築衛朔  
方。轉漕甚遼遠。自山東咸被其勞。費數十百巨萬。府庫  
益虛。乃募民能入奴婢。得以終身復爲郎。增秩及入羊  
爲郎。至於此。其後漢遣大將軍。仍歲出擊胡。捕斬首虜  
之士。受賜黃金二十餘萬斤。虜數萬人。皆厚賞衣食。仰  
給縣官。而漢軍之士馬死者十餘萬。兵甲之財。轉漕之  
費。不與焉。於是大農陳藏錢經耗。賦稅旣竭。猶不足以  
奉戰士。天子曰。朕聞五帝之教。不相復而治。禹湯之法。



不同道而王。所繇殊路而建德一也。北邊未安。朕甚悼

之。日者大將軍攻匈奴。斬首虜萬九千級。留蹕滯無所

食。議令民得買爵。及贖禁錮。免減罪。有司請置賞宮。命

曰武功爵。爵得至樂卿。以顯軍功。軍功多用。越等。大者封侯卿大

夫。小者郎吏。吏道雜而官職耗廢。自公孫弘以春秋之

義繩臣下。取漢相張湯用峻文決理。爲廷尉。於是見知

之法生。而廢格沮誹窮治之獄用矣。其明年淮南衡山

江都王謀反迹見。公卿尋端治之。竟其黨與坐死者數

萬人。長史益慘急。而法令明察。當是之時。招尊方正賢

良文學之士。或至公卿大夫。公孫弘以漢相布被食不

重味爲天下先。然無益於俗。俗驚於功利矣。其明年驃騎仍再出擊胡。其秋渾邪王率數萬之衆來降。漢發車二萬乘迎之。旣至。厚賞賜。及有功之士。是歲費凡百餘巨萬。先是往十餘歲。河決梁楚之地。綠河之郡。隄塞河輒決壞。費不可勝計。其後番係欲省底柱之漕。穿汾河渠。以爲漑田。作者數萬人。鄭當時爲渭漕渠。回遠鑿直渠。自長安至華陰。作者數萬人。朔方亦穿渠。作者數萬人。各歷二三碁。功未就。費亦各巨萬十數。括河渠書天子爲代胡盛養馬。馬之來食長安者數萬匹。卒牽掌者。關中不足。乃調旁近郡。而胡降者。皆衣食縣官。縣官不給。天



子乃損膳。解乘輿。出御府禁藏以贍之。其明年山東

被水。菑民多饑乏。於是天子遣使者。虛郡國倉廩。以

音贍

賑貧民。猶不足。又募豪富人相貸假。尚不能相救。乃徙

貧民於關以西。及充朔方以南。新秦中。七十餘萬口。衣

食皆仰給縣官。數歲假予產。榮便者分部護之。冠蓋相

望。其費以億計。不可勝數。於是縣官大空。而富商大賈

或蹕財役貧。轉轂百數。廢居居邑。

劉氏曰。廢。出賣。居。停蓄。如淳云。居。賤物於

邑中。以待價。徐廣曰。有所廢。有所居。皆乘時射利。

封君皆低首仰給。冶鑄煮鹽。

財。或累萬金。而不佐國家之急。黎民重困。

商賈盛汎

於是天

子與公卿議。更錢造幣以贍用。而摧浮滛并兼之徒。自

孝文更造四銖錢。縣官徃徃卽銅山鑄錢。民亦聞盜鑄錢。不可勝數。有司言。古者皮幣。諸侯以聘享。金有三等。黃金爲上。白金爲中。赤金爲下。今半兩錢法重四銖。而姦或盜摩錢裏取鎔。錢益多而輕。物益少而貴。則遠方用幣。煩費不省。今禁苑有白鹿。而少府多銀錫。請以白鹿皮方尺。緣以藻繢。爲皮幣。直四十萬。王侯宗室朝覲聘享。必以皮幣薦璧。然後得行。又造銀錫。爲白金三品。以爲天用。莫如龍。地用莫如馬。人用莫如龜。其一重八兩。圓之。其文龍。曰白選。直三千。二曰重茺小。方之。其文馬。直五百。三曰復小。銷半兩錢。更鑄三銖錢。文如其重。楮之。其文龜。直三百。銷半兩錢。更鑄三銖錢。文如其重。盜鑄諸金錢。罪皆死。於是以東郭咸陽孔僅爲大農丞。



顧鹽鐵事。桑弘羊以計筭用事。爲侍中。三人言利事。析

秋毫矣。咸陽、齊、大煮鹽、孔僅、南陽、大治、皆致生法既益

嚴。吏多廢免。兵革數動。民多買復。及五大夫徵發之士。

盆鮮。於是除千夫五大夫爲吏。不欲者出馬。故吏皆適

令伐棘上林。作昆明池。而是時出擊胡。財匱。戰士頗不

得祿矣。鹽鐵丞孔僅咸陽言。山海天地之藏也。皆宜屬

少府。陛下不私。以屬大農。佐賦。願募民自給費。因官器

作煮鹽。官與牢盆。浮食竒名。欲擅管山海之貨。以致富

美。役利細民。其沮事之議。不可勝聽。敢私鑄鐵器煮鹽

者。鈇左趾。沒入其器。物郡不出鐵者。置小鐵官。便屬在

所縣僅咸陽乘傳舉行之。而除故鹽鐵家富者爲吏。吏道益雜。不選多賈人矣。商賈以幣變。多積貨逐利。於是公卿言。郡國頗被菑害。貧民無產業者。募徙廣饒之地。陛下損膳省用。出禁錢以振元元。寬貸賦而民不齊。出於南畝。商賈滋衆。異時筭輜車賈人緡錢。皆有差。請筭如故。諸賈人未作。貫貸居邑。稽諸物。及商以取利者。雖無市籍。各以其物自占。率緡錢二千而一筭。諸作有租及鑄。率緡錢四千一筭。非吏比者。三老北邊騎士輜車。以一筭。商賈人輜車二筭。船五丈以上一筭。匿不自占。占不悉。戍邊一歲。没入緡錢。有能告者。以其半畀之。

告緡



國商令楊  
可主之

賈人有市籍者。及其家屬。皆無得籍名田。以

便農。敢犯令。沒入田。僮。於是河南人卜式上書。願輸家  
之半以助邊。不報。罷歸。則持錢二十萬。予河南守。給徒  
民。於是天子召拜中郎。爵左庶長。賜田十頃。以風百姓。  
而孔僅拜大農。列於九卿。弘羊爲大農丞。筦諸會計事。  
稍稍置均輸。通貨物矣。自造白金五銖錢。天下無處皆  
盜鑄金錢。白金稍賤。民不寶用。縣官以令禁之。無益。終  
廢不行。後五歲。赦吏民之坐盜鑄死者數十萬人。其不  
發覺相殺者。不可勝計。赦自出者百餘萬人。然不能半。  
日出犯者衆。吏不能盡誅。於是遣博士褚大。徐偃等。分

曹循行郡國舉兼并之徒守相爲吏者而御史大夫張湯方隆貴用事減宣杜周等爲中丞義縱尹齊王溫舒等用慘急刻深爲九卿而大農顏異誅初異爲濟南長以廉直遷至九卿帝造白鹿皮幣以問異異曰今王侯朝賀以蒼璧直數千而皮薦反四十萬本末不相稱天子不說張湯又與異卻人有告異以它議下湯治異與客語客語初令下有不便者異不應微反唇湯奏異當九卿見令不便不入言而腹誹論死自是有腹誹之法而公卿大夫多諂諛取容矣天子旣下緡錢令而尊卜式百姓終莫肯分財佐縣官於是悉禁郡國無鑄錢獨



上林三官專鑄錢而令天下非三官錢不得行諸郡國

前所鑄錢皆廢銷之輸其銅三官而民盜鑄者計其費

不能相當而鑄錢益少

漢書百官表水衡都尉掌上林苑屬官有上林均輸鐘官辨銅

於是楊可告緡錢徧天下天下中家已上大抵皆遇

告杜周治之獄少反者乃分遣御史廷尉正監分曹往

卽治郡同緡錢得民財物以億計奴婢以千萬數田大

縣數百頃小縣百餘頃宅亦如之於是商賈中家以上

大率破民偷甘食好衣不事畜藏之產業而縣官有鹽

鐵緡錢之故用益饒矣益廣關置左右輔是時越欲與

漢用船戰乃大修昆明也列觀環之治樓船高十餘丈

旌幟加其上甚壯。而天子意慕仙作栢梁臺高數十丈。宮室之脩繇此日麗。乃分緡錢諸官。而水衡少府太農太僕各置農官。徃徃卽郡縣比没入田。田之其没奴婢。分諸苑養狗馬禽獸。諸官益新置徙奴婢衆而下河漕。度四百萬石。及官自糴乃足。所忠言世家子弟或富人鬪鷄走狗馬弋獵博戲亂齊民。乃徵諸犯令相引數千人。命曰株送徒。辱之而入財者得補郎。郎選益衰。是時山東被河菑。又數歲不登。人或相食。方一二千里。詔饑民得就食江淮間。遣使冠蓋相屬於道。護之下巴蜀粟賑之。其明年天子始巡郡國。東度河。河東守不意行至。



不辨。自殺。行西踰隴。隴西守以行往卒。天子從官不得食。隴西守自殺。於是帝北出蕭關。從數萬騎。獵新秦中。勒邊兵而歸。或千里無亭徼。於是誅北地太守以下。既得寶鼎。公卿議封禪事。而天下郡國皆豫治道橋。繕故宮。及當馳道縣。縣治官儲設供具。而望以待幸。其明年。南越反。西羌侵邊。於是赦天下。因南方樓船卒二十餘萬人。擊南越。發三河以西騎數萬人。擊西羌。又數萬人度河。築令居。初置張掖酒泉郡。而上郡朔方西河河西開田官。斥塞卒六十萬人戍田之。中國繕道餽糧。遠者二三千。近者千餘里。皆仰給大農。邊兵不足。乃發武庫工。

官兵器以贍之。車騎馬乏絕。縣官錢少。買馬難得。乃替  
令封君以下至三百石以上吏。以差出牝馬。天下亭亭  
有畜牝馬。歲課息。於是齊相卜式上書言。臣聞主憂臣  
辱。南越反。臣願父子與齊習船者。徃死之。天子詔曰。卜  
式雖躬耕。敎不以爲利。有餘。輒佐縣官之用。今天下不  
幸有急。而式奮願父子死之。雖未戰。可謂義形於內。賜  
爵關內侯。金六十斤。田十頃。布告天下。天下莫應。而列  
侯以百數。皆莫求從軍。至耐。少府省金。而列侯坐耐。金  
失侯者百餘人。乃拜式御史大夫。式旣在位。見郡國多  
不便。縣官作鹽鐵。鐵器苦惡。賈貴。或彊令民賣買之。而



船有美商者少。物貴。因頗以爲言。上繇是不悅。式明年。敗秩。爲太子太傅。而桑弘羊爲治粟都尉。領大農。盡筦天下鹽鐵。乃言諸官各自市。相與爭。物故騰躍。而天下賦輸。或不償其僦費。請置大農部丞數十人。分部主郡國市。郡國各往往縣置均輸官。令遠方各以其物異時商賈所轉販者爲賦。而相灌輸。置平準於京師都。受天下委輸。盡籠天下之貨物。貴卽賣之。賤則買之。如此富商大賈。無所牟大利。反於本。而萬物不得騰踊。抑使平。名曰平準。於是天子北至朔方。東封太山。巡海上。並北邊。以歸。所過賞賜。用帛百餘萬匹。錢金以巨萬計。而楮

梁臺災用。越巫言。大起屋厭勝之。於是作建章宮。度爲千門萬戶。東鳳闕。西虎圈。北太液池。中漸臺。蓬萊方丈。瀛州壺梁。南玉堂璧門。立神明臺。井幹樓。複道相屬。皆取足大農。弘羊又請令吏得入粟補官。及罪人贖罪。令民能入粟甘泉。各有差。以復終身。不告緡。他郡國各輸急處。而諸農各致粟山東漕。益歲六百萬石。一歲之中。太倉甘泉倉皆滿。邊餘穀及諸物均輸帛餘五百萬匹。民不益賦。而天下用饒。於是賜弘羊爵左庶長。黃金再百斤。是歲小旱。上令官求雨。卜式言曰。縣官當食租衣稅而已。今弘羊令吏坐市列肆。販物求利。烹弘羊。天乃



雨。天漢中。海內益虛耗。法刻深。告緡均輸益急。泰山琅  
琊群盜並起。攻城邑。取庫兵。釋死罪。至殺二千石。掠鹵  
鄉里。道路不通。帝使御史中丞丞相史督之。弗能禁。乃  
使光祿大夫范昆等。衣繡衣。持節虎符。發兵與擊。所至  
得斬二千石以下。誅殺甚衆。一郡多至萬餘人。數年。乃  
頗得其渠率。卒散亡。阻山川復聚者。徃徃而群合。無可  
奈何。乃作沈命法。曰。盜起不發覺。發覺而捕弗滿品者。  
二千石以下。至小吏主者皆死。其後小吏畏誅。雖有盜  
不敢發。府亦使其不言。故盜賊寢多。上下相爲匿。以文  
辭避法焉。皇太子據者。衛皇后子也。帝年二十九。太子

乃生而衛后方寵甚愛之太子性仁烈溫謹少壯受公  
羊春秋又從瑕丘江公受穀梁及冠就宮帝爲立博望  
苑通賓客從所好故多以異端進者太子每諫帝征伐  
帝笑曰吾當其勞欲以逸遺女不亦可乎居久之皇后  
寵衰太子常內不自安帝覺之以謂大將軍青曰漢家  
庶事草創加四夷交侵朕不更制度後世無法不出師  
計伐中國不安凡爲此者不得不勞民若後世又如朕  
所爲是襲亡秦之迹也太子敦重好靜必求守成之主  
孰有踰太子者聞皇后有不妥之意信然耶卿可以意  
曉之時帝每行幸常以後事付太子宫內委皇后平決



還白其最重者。時不省也。然帝用法嚴。太子寬多平反。得百姓心。而大臣深酷用法者皆不悅。背毀之。黃門蘇文常融等。常微伺太子過。輒增加白焉。帝頗不悅。或以謂太子。太子曰。第勿爲過。何畏文等。上聰明不信邪。會帝小不平。使融召太子。融言太子有喜色。帝嘿然。及太子至。帝察其貌有涕泣處。而佯語笑如平時。大憐之。乃誅融。皇后亦善自防閑。避嫌。久無寵。尚被禮遇。初帝有感志於僊。祠神君。內中悅李少君。能使物卻老。受其方。立太一祠。解祠。冥羊。馬行。山君。地長。陰陽使者等祠。又作井泉宮。畫天地太一諸鬼神祠祀之。已見方士

樂大而大謠。拜五利將軍妻以公主。佩四印。封樂通侯。  
常夜祠其家。神未至而百鬼集。說齊人公孫卿。拜爲郎。  
使候神太室。旣封禪泰山。滅兩越。用越巫言。立越祝祠。  
鬼安臺。黷於神如此。括封禪書又誅殺果必橫死之厲多有。  
而方士及諸女巫聚京師。得出入官禁。教宮人埋木人  
祠祀之。爲度厄。已更相告訐。以爲咒詛。時帝春秋高。意  
多所忌惡。嘗坐建章宮。見男子帶甲入中龍華門。索之。  
無獲也。又嘗疾晝卧。夢木人數千持杖來掩擊。大惡之。  
於是丞相列侯皇后女二公主。坐巫蠱事夷死矣。江充  
者。本邯鄲人。江齊也。得過趙太子。更名充。亡。諸闕告趙。



太子陰事。太子坐廢。帝見充貌魁岸。被服輕靡。與語大  
悅之。拜直指繡衣使者。使督察近臣。充劾貴戚子弟罪  
得。則令身待北軍擊匈奴。貴戚子弟見帝爭叩頭求哀。  
願入錢贖者數千萬。帝愈益信用充。從帝甘泉。逢太子  
家使乘車馬行馳道中。以屬吏太子使人謝充曰。非愛  
車馬。誠不欲令上聞之。以教敕亡素者。唯江君寬之。充  
不聽。遂白奏。帝曰。爲人臣者當如是矣。及巫蠱事作。命  
窮治。充見帝年老體不平。恐其爲太子所誅。欲遂傾  
太子以爲功。將胡巫掘地求偶人。捕蠱及夜祠視鬼。故  
染汗令有迹。輒收捕驗治。燒鐵錡灼強服之。因言宮中

有靈氣。先治後宮。希幸夫人。次及后太子宫。云於太子宫得木人尤多。又中有帛書。言不道當奏時。帝疾避暑。其泉宮獨皇后太子留太子懼不知所出。問少傅石德。德懼并誅。因曰。前丞相父子兩公主及衛氏皆坐此。念無以自明。不知實有乎。將巫置之也。可矯以節。收充等擊獄。窮治其姦詐。且上疾在。其泉皇后及家吏請問皆不報。而姦臣如此。太子獨不念秦扶蘇事乎。太子曰。吾爲子安得擅誅。不如自歸命。謝上可幸無罪。將往其泉。而充持之急。懼不知所出。遂從德計。使客詐爲使者。收捕充。自臨斬之。罵曰。趙虜前亂。乃國王父子不足耶。乃



復亂吾父子也。使舍人持節夜入宮白皇后。發中廕車載射士出武庫兵。發長樂宮衛卒自衛。黃門蘇文懼亡走耳泉。曰帝言狀。帝曰太子獨恐懼。又忿充等故至此。尚無意深罪之也。使使召太子。使者不敢進。歸報云太子反已成。欲斬臣。臣逃歸。帝乃大怒。發三輔近縣兵詔丞相將之。賜璽書曰。捕斬反者。法自有賞罰。堅閉城門毋令反者得出。太子亦宣言帝病困。疑有變。謹發兵備非常。矯制赦長安中都官囚徒。命石德及賓客張光等與丞相戰西闕下。帝於是從耳泉來幸城西建章宮。軍民間皆謹言太子反。故衆不附。太子兵敗。南奔覆釜。

城司直田仁部閉門以爲太子父子之親不欲急之太子得出亡丞相欲斬仁御史大夫暴勝之曰司直吏二千石當先請奈何擅斬丞相釋不斬帝聞乃大怒下吏問勝之皇恐自殺詔收皇后璽綬后自殺仁要斬方急時太子召護北軍使者任安與節令發兵安拜命受節入閉門不出帝聞以爲安老吏欲坐觀成敗有兩心亦要斬諸太子賓客嘗出入宮門皆坐斬隨太子發兵者畢以反法族帝怒甚群下恇懼不知計所出壺關令三老狐茂上書曰臣聞父者猶天母者猶地子猶萬物也故天平地安陰陽和調物乃茂成父慈母愛室家之中



子乃孝順。陰陽不和。則萬物夭傷。父子不和。則室家喪亡。故父不父。則子不子。君不君。則臣不臣。雖有粟。吾豈得而食諸。虞舜。孝之至也。而不中於瞽瞍。孝已被謗。伯奇放流。骨肉相疑。積毀之所生也。繇是觀之。子無不孝。而父有不察。今皇太子爲漢適嗣。承萬世之業。體祖宗之重。親則皇帝之宗子也。江充。布衣之人。閭閻之隸。臣耳。陛下顯而用之。銜至尊之命。以迫釐皇太子。造飾姦詐。群邪錯謬。是以親戚之路。昌塞而不通。太子進不得見。若父退。困於亂臣。獨抱寃結。不忍忿忿之心。起而殺充。恐懼遁逃。子盜父兵。以救難自免耳。臣竊以爲無邪。

心詩曰。營。月蠅止于藩。豈第君子無信讒言。讒言罔  
極。交亂四國。往者江充。讒殺趙太子。天下莫不聞其罪。  
固宜。陛下不省察。深過太子。發盛怒。舉大兵而求之。三  
公自將。智者不敢言。辯士不敢說。臣竊痛之。詩曰。取彼  
讒人。投畀豺虎。唯陛下寬心慰意。少察所親。亟罷甲兵。  
無令太子久亡。書奏。天子感悟。然未嘗顯言赦之也。太  
子亡。匿泉鳩里主人家。主家貧。常賣屨給太子。事覺。吏  
圖捕。主人格鬪死。太子距戶自經。二皇孫皆遇害。久之。  
巫蠱事多不驗。高寢郎田千秋上急變訟太子冤。曰。子  
弄父兵。罪當笞。天子之子。過誤殺人。何罪哉。帝大感動。



召千秋謂父老之間人所難言公獨明其不然此高

廟神靈使公教我公當遂爲吾輔佐立拜千秋爲大

鴻臚而族滅江充家已帝憐太子無辜作思子宮爲歸

來望思之臺於湖天下聞而悲之

班史曰巫蠱之禍豈不哀哉此不唯一江

充之辜亦有天時非人力焉建元六年蚩尤之旗見其

長竟天後遂命將出征畧取河南置朔方其春戾太子

生自是之後師行三十年所誅屠夷滅死者不可勝數

及巫蠱事起京師流血僵尸數萬故太子生長於兵與

之始終悲夫倉頡作書止戈爲武兵猶火也弗戢必自焚信矣

明年帝修封泰山還坐

明堂見群臣言曰朕卽位以來所爲狂悖使天下愁苦

不可追悔自今事有傷害百姓糜費天下者悉罷之田

千秋進曰方士言神僊者甚衆而無顯功請皆罷斥帝

日大鴻臚言是也。於是悉罷諸方士候神人者。時帝旣悔遠征伐。而搜粟都尉弘羊言。輪臺東捷枝渠。犁皆故國地。廣饒水草。有溉田五千頃以上。處溫和田美可屯田。請置較尉募民壯健敢徙者。詣田所墾田。築列亭連城而西。以威西國。昧死請。帝乃下詔。深陳旣徃之悔。曰。前有司奏欲益民賦三十。助邊用。師古曰。每口轉增三十錢。是至困老弱孤獨也。今又請遣卒田輪臺。輪臺西於車師千餘里。前開陵侯擊車師時。危須尉犁樓蘭六國子弟在京師者。皆先歸。發畜食迎漢軍。又自發兵數萬人。王各自將。乃其圍車師。降其王。諸國兵罷。力不能復至。道上食



漢軍。漢軍破城。食至多。然士自載。不足以竟師。朕發酒

泉。驅橐駝。負食出玉門。迎軍吏。卒起張掖。不甚遠。然軍

强者。盡食畜產。羸者道死數千人。廝留者甚衆。師古曰。言前後

離廝不相反。曩者朕之不明。以軍候弘上書言。匈奴縛馬前

後足置城下。馳言秦人我句若馬。又漢使者久留不還。

故興師遣貳師將軍。欲以爲使者威重也。古卿大夫與

兵謀。參以蓍龜。不吉不行。乃者以縛馬書。徧視丞相御

史諸大夫。乃至屬國都尉等。皆以虜自縛其馬。不祥甚

哉。或以爲不足者。視人有餘。縛馬欲見強。易之卦得大

過。爻在九五。匈奴困敗。及太卜龜蓍。治星望氣。皆以爲

吉。如必破。時不可失也。又曰。北伐行於鴈山。必克。卦諸將貳師最吉。故朕親發貳師下鴈山。詔必毋深入。今計謀卦兆皆反繆。重合侯得虜候者言。匈奴聞漢軍當來。使巫埋羊牛。所出諸道上。及水土以詛軍。縛馬者。詛軍也。又常言。漢極大。然不能饑渴。失一狼。走千羊。乃者貳師敗。軍士死。畧離散。悲痛常在朕心。今復請遠田輪臺。起亭隧。是擾勞天下。非以優民也。今朕不忍聞。大鴻臚等又議募囚徒。送匈奴使者。明封侯之賞。以報忿。此五伯之所弗爲也。今邊塞未正。闌出不禁。障候長吏使卒獵獸。以皮肉爲利。辛苦而燹火乏失。後降者來。若捕



生口虜乃知之。當今務在禁苛暴。止擅賦。力本農。修馬  
復令以補闕。毋乏武備而已。郡國二千石各上進畜馬  
方畧。補邊狀。與計對。自是不復出軍。而封田千秋爲富  
民侯。以趙過爲搜粟都尉。教民爲農田。明休息。思富養  
民也。始漢制重丞相。常以列侯有功乃得相。及帝之世。  
高祖之列侯功臣。嚮盡。而天子方垂意文學。魏其武安  
雖以外戚顯。皆適好儒。而武安巧於文辭。以得相。其後  
得菑川人公孫弘。儒雅博文。又善迎帝意。逢之。而躬節  
儉。固恩。於是布衣起徒步。不數年得相。以相得封侯。自  
弘始。後踵爲故常。而天子所招延文學士。嚴助。吾丘壽

王東方朔司馬相如之倫竝侍中待詔每大臣奏白帝  
令援經書古法雜難之與相糾詰而相弘亦承帝指開  
東閣延文學之士與上章造令求得當於天子卽不稱  
見詰輒謝讓以爲誠臣愚不及是也能以恩禮終已帝  
益斤斤明察銳意於武功防猜丞相御史所爲擅國柄  
自予也於是桑弘羊孔僅等以與利張湯杜周王溫舒  
之屬以峻法與所招文學士竝列爲九卿更進用事丞  
相徒齷齪取充位又性嚴峻多誅殺相御史而下往往  
得重譴坐誅公孫賀以太僕引拜相頓首涕泣不肯受  
印綬痛

此漢法丞相見天子天子御坐爲起在



輿爲下至是賀蒲伏祈哀請自免帝意忤自引去不顧  
賀不得已退受命蓋體貌薄甚而賀終以巫蠱族也比  
泉鳩之變帝中內悔可間田千秋無他材能術學又無  
閹閹勞特以一言寤主數月取丞相封侯前世未有也  
然爲人敦厚有智居位自稱踰於前後相始帝尚武功  
置大司馬冠將軍之號其後霍光以大司馬領尚書輔  
政雖付託得人而相權視高文景時盡奪矣

論曰傳有之禮樂歷百年而後興漢興至孝武時合矣  
卓然表章六經疇咨俊茂廣厲儒學之路號令文章煥  
然可述一代遺風而功不濟於斯民則多欲之爲累

也。天子不遵敬明恭儉之德，內欲熾然，海寓燔燬，盜賊繁興，而兵禍中于子孫。悲夫！微輪臺痛恨，霍光知時變，與民休息，殆矣。故驕泰禮樂之所從失也。

孝昭皇帝帝紀

博陸侯謨附

孝昭皇帝諱弗陵，河間趙婕妤子也。

師古曰：婕音接，接幸也。妤音余，美稱。

初，戾太子死，燕王旦自以次第當立，上書求宿衛。帝怒，曰：生子當置齊魯禮義之鄉，乃置之燕，乃果有爭心，斬其使。旦辯慧博學，其弟廣陵王胥有勇力而動作無法，多過失。蓋是時，鈞弋夫人子姪十四月而生，生七年壯碩，多奇異。帝欲立爲嗣，以年稚母少，猶與者久之。已察



群臣奉車都尉光忠可任。乃使黃門畫周公負成王朝

諸侯圖賜焉。光驃騎將軍去病母弟也。河東平陽人。以驃騎任爲郎。侍中。出入禁闥二十年。出則

奉車。入侍左右。小心謹慎。未嘗有過。其見親信。爲人洗靜詳審。每出入下殿門。進止有常處。郎僕射竊識視之。

不失尺寸。明年帝疾病。在五柞宮。霍光侍。涕泣問曰。知有不

諱。誰當嗣者。帝曰。君未諭前畫意耶。立少子。君行周公

之事。光頓首讓曰。臣不如金日磾。日磾亦曰。臣外國人。

不如光。且用臣。是使匈奴輕大漢也。乃立弗陵爲皇太

子。入歲。明日。命大將軍光受遺詔輔政。車騎將軍日磾左

將軍桀副焉。又明日。帝崩。皇太子卽位。帝姊鄂邑公主

省中。秋七月。有星孛于東方。追益湯沐邑。共食尊母疑奸爲皇太后起雲陵。始元元年秋。車騎將軍

金日磾薨

日磾匈奴休屠王太子，母閼氏，勇健，俱為上。

武帝行觀馬，後宮列侍，日磾與群從數十人俱牽馬過殿下，衆莫不竊視。獨日磾不敢，長八尺二寸，容貌甚壯。馬又肥好，帝異而問之，具以對。即賜湯沐衣冠，以休屠作金人為祭天主，賜姓金氏，已益親近。遷侍中駙馬都尉，光祿大夫，日磾篤敬，未嘗有過。帝甚信愛之。日磾母教二子甚有禮，上嘉之，病死，詔圖畫其象，官署曰休屠王閼氏。日磾每見畫，常升鄉之涕泣乃去。日磾子兩人皆愛，為帝弄兒，常在旁，弄兒或自後擁帝項戲。日磾在前，見目之，弄兒啼走。日磾怒，帝謂日磾何怒？吾兒為也。後弄兒吐大不謹，自殿下與官人戲。日磾見惡之，遂殺弄兒。帝聞大怒，日磾頓首謝，其言所以殺弄兒狀。帝為泣下，而心敬日磾。初，奔河羅與江充善，厚衛太子，死時何羅弟通力疾戰得封。後帝察知太子冤，族江充。何羅兄弟懼及謀為逆，日磾察其志意非常，心疑之。陰獨伺其動靜，與俱上下，故久不得發。會帝幸林光宮，日磾小疾卧廬。何羅兄弟乃矯制夜出發兵，明旦帝未起，何羅從外入，日磾奏，則心動，立入，坐內戶。頃吏何羅袖白刃從東廂上，見日磾色變，走趨卧內，欲入，觸寶瑟僵仆，馳



日磾得抱何羅大呼曰。莽何羅反。帝驚起。左右拔刀欲格之。帝恐并中日磾止勿格。日磾碎胡投何羅殿下。禽縛之。劾治皆伏辜。日磾自在左右。目不忤視者數十年。賜出宮女。不敢近。帝欲納其女後宮。不肯。其篤慎如此。遺詔以擁反者功。封侯。日磾以帝少。不受封。薨。謚敬侯。子賞娶大將軍女霍氏。事有萌芽。賞上書去妻。得不坐。博國遣故廷尉王平等五人持節行郡國。舉賢良問者七世。

民所疾苦。寃失職者。冬無冰二年春遣使者賑貸貧民無

種食者。秋詔曰。往年災害多。今年蠶麥傷。所賑貸種食

勿收責。毋令民出今年田租。冬發習戰射士詣朔方調

故吏將屯田張掖郡。三年。春二月有星孛于西北冬十一月朔日蠲四年春

立皇后上官氏赦天下辭訟。在後元二年前勿聽治。秋

十詔曰。比歲不登。民匱於食。流庸未盡還。待時令民

其出馬。其止勿出。諸給中都官者。且減之。五年夏。罷天

下亭母馬及馬弩關。

應劭曰。作馬上弩機關。孟康曰。舊馬高五尺六寸。弩十石以上。皆不

得出關。今不禁也。

詔曰。朕以耿身。獲保宗廟。戰戰栗栗。夙興夜

寐。脩古帝王之事。通保傳傳。孝經論語尚書。未云有明。

其令三輔太常。舉賢良各二人。郡國文學高第各一人。

賜中二千石以下。至吏民爵各有差。罷儋耳真番郡。六

年春。上耕于上林。罷鹽鐵榷酤。

夏旱大雩。不得舉火。

詔以邊塞濶

遠。取天水隴西張掖郡各二縣。置金城郡。元鳳元年春。

立泗水戴王子。煖為泗水王。

戴王前薨。以無嗣。國除。後宮有遺腹子。相內史不奏。

帝聞而憐之。以得立。相內史皆逮論。

三月。賜郡國所選有行義者。涿郡韓



福等五人帛人五十匹遣歸。詔曰。朕閔勞以官職之事。

其務脩孝弟以教鄉里。令郡縣常以正月賜羊酒。有不

幸者。賜衣被一襲。祠以中牢。

秋七月晦日。蠲既。

秋八月。改元。九

月。鄂邑長公主。燕王旦。與左將軍上官桀。桀子驃騎將

軍安。御史大夫桑弘羊。皆謀反。桀安弘羊等伏誅。賜燕

王書曰。昔高皇帝王天下。建立子弟。以藩屏社稷。諸呂

謀逆。劉氏不絕若髮。賴絳侯等誅討賊亂。尊立孝文。以

安宗廟。非以中外有人。表裏相應。故耶。樊鄴曹灌。携劍

摧鋒。從高皇帝。墾蓄除害。耘鋤海內。當此之時。頭如蓬

葆。勤苦至矣。然賞不過封侯。今宗室子孫。曾無暴衣露

冠之勞。裂地而王之。分財而賜之。父死子繼。兄終弟及。  
今王骨肉至親。敵吾一體。乃與他姓異族。謀害社稷。親  
其所疏。疏其所親。有悖逾之心。如使古人有知。當何而  
目復奉齊酎。見高祖之廟乎。且得書以符璽屬醫工。長  
謝奉職不謹。即自經。鄂主亦自殺。詔赦王太子長公主  
子及宗室子。與燕王上官桀等謀反父母。同產當坐者。  
皆免爲庶人。吏爲桀等所誣誤。未發覺在吏者。除其罪。  
二年夏。詔曰。朕聞百姓未贍。前年減漕三百萬石。頗省  
乘輿馬。及苑馬。以補邊郡三輔傳馬。其令郡國毋歛今  
年馬口錢。三輔太常郡得以菽粟當賦。三年春。罷中牟。



苑賦貧民詔曰。乃者民被水災。頗置於食。朕虛廩倉。使  
使者賑困乏。其止四年。毋漕三年以前。所賑貸。非丞相  
御史所請。邊郡受牛者。勿收責。四年春正月。帝冠見高  
廟。賜諸侯王丞相大將軍列侯宗室下至吏民金帛牛  
酒各有差。毋收四年五年口賦。三年以前。逋更賦未入  
者。皆勿收。丞相千秋卒。以王訢為丞相。夏四月。孝文廟  
正殿火。帝及群  
臣皆素服。發中二千石將五輅作治。六日成。五年冬。一  
太常及廟令丞郎吏皆劾大不敬。會赦免。月大。丞相訢薨。六年春。詔曰。夫穀賤傷農。今三輔太常  
雷。穀減賤。其令以菽粟當今年賦。冬以楊敞為丞相。元平

元平春。詔曰。天下以農桑為本。日者省用。罷不急官。減

外繇耕桑者益衆。而百姓不能家給。朕甚愍焉。其減日

賦錢。

有司奏請減什三。晨有流星大如月。衆星皆西行。

夏四月癸未。帝崩于未央宮。

央宮。

年二十一。

六月葬平陵。帝初卽位。少未任聽政。丞相千

秋謹厚退讓。不干政。政事壹決於大將軍。大將軍念天

下當煩弊之後。海內空虛。欲脩文景之政。息天下於無

爲。諸詔書宣惠布德。安輯群生。功濟于萌庶。本謨畫方

也。性凝重。持大體。殿中嘗有怪。中夜群臣自相驚。光慮

不測。召尚符璽郎欲叔璽。郎不肯授。光奪之。郎按劍曰。

臣頭可得。璽不可得也。光甚義之。明日增郎秩二等。衆

庶莫不多光。程侯日磾子賞建。

程。丁。政反。

俱侍中。與昭帝齒



畧同。與共卧起。及賞嗣侯。佩兩綬。上謂霍將軍曰。金氏  
兄弟兩人。不可使俱兩綬耶。光對曰。賞自嗣父爲侯耳。  
帝笑曰。侯不在我與將軍耶。光曰。不在。高帝約。非軍功  
不侯。其守正如此。或說大將軍曰。將軍不見諸呂之事  
乎。處伊尹周公之位。攝政。擅權。而背宗室。不與其職。以  
是天下不信。卒於滅亡。今將軍當盛位。帝春秋富。宜納  
宗室。又多與大臣共事。反諸呂道。則可以免患。光曰。善。  
乃擇宗室可用者。辟彊。長樂二人。爲光祿大夫。守長樂  
衛尉。每公卿朝會。光輒謂丞相曰。始與君侯受先帝遺  
詔。今光治內。君侯治外。宜有以教督光。使毋負天下。

秋日唯唯然終不肯有言也。宗正丞德妻死，光欲以女妻之。德畏盛滿，不敢娶。侍御史通光意，以爲望德不受女，卽劾德誹謗，下詔獄免。光聞乃大恨。白守青州刺史。尋召復宗正。蓋公正如此。初，大將軍旣受遺輔政，燕王旦忿失職，不得立，而鄂邑長公主素驕，比而疾大將軍。左將軍桀子安，本光子婿也。安有女，年與帝相配，請光以配帝。不許。請長公主許之，得立爲皇后。安封桑落侯。長主內行不脩，近幸河間丁外人，爲外人求封，幸得依國家故事，以列侯尚主者，光不許。求光祿大夫，令得召見，又不許。內慙恨。桀自先帝時爲九卿，位光右，及父子



並將軍。皇后親安女。光外祖。顧專制朝權。已不得壹有。爲御史大夫。桑弘羊自先帝時。爲國興利。以自功。顧盡反其爲。並深心害之。於是詐爲燕王上書。言光出都肄郎羽林。於道上。穢蹕。擅調益莫府。較尉專自恣。疑有非常。臣願歸符璽。入宿衛。察變。桀伺光休沐。自從其所。笑之。冀從中下其事。書奏。帝持不肯下。明旦。光聞。止畫室中。不敢入。有詔召大將軍。光入。免冠頓首謝。帝曰。將軍冠。朕知是書詐也。將軍無罪。光曰。陛下何以知之。帝曰。將軍之廣明。肄郎屬耳。調較尉以來。未十日。燕王何自知之。且將軍爲非。不須較尉。時帝年僅十有四。尚書左

右皆驚。而上書者果亡。後桀黨與有譖光者。帝輒怒曰。大將軍忠臣。先帝所屬。以輔朕。敢有毀者。坐之。自是桀等不敢復言。謀爲逆。計令長主置酒。請光。伏兵格殺之。因廢帝而立燕王。燕王至。又伏兵殺之。而立桀。事覺。桀安弘羊外人宗族皆伏誅。當是時光威震海內。念以朝無舊臣。國有大故。而已獨當秉恐。疑天下心。以尚書令張安世。自先帝時志行純篤。白用爲右將軍。兼光祿勳。以自副。又以太僕杜延年有忠節。寬吏民。上書言便宜。輒下延年平處。復奏言可試官者。至擢爲縣令。或丞相御史除用滿歲。以狀聞。或抵其罪法。朝廷稱平。及帝崩。



無嗣。武帝六男。獨廣陵王胥在。群臣議所立。咸持廣陵王。王本以行失道。先帝所不用。大將軍疑之。郎有上書言。周太王廢泰伯。立王季。文王舍伯邑考。立武王。唯所宜。即廢長立少可也。廣陵王不可以承宗廟。合光意。光以其書視丞相敞等。擢郎九江太守。即日承皇太后詔。徵昌邑王賀典喪。賀武帝孫。昌邑哀王髡子也。好內淫于畋。武帝之器。中尉王吉諫曰。大王不好書術而樂逸游。非所以全壽命之宗。進仁義之隆也。山陵初復。皇帝仁聖。至今思慕未怠。於宮館園池弋獵之樂。未有所幸。大王宜夙夜念此。以承聖意。諸侯骨肉。莫親於大王。於

屬則子。於位則臣。一身而二任之責加焉。恩愛行義。纖介有不具者。於以上聞。非饗國之福也。王乃下令曰。中尉甚忠。數輔吾過。使賜牛酒脯。而放縱自若。郎中令龔遂。剛毅有大節。內諫爭。王外責傳相。引經義。陳禍福。至於涕泣。蹇蹇亡已。面刺王過。王至掩耳起走。曰。郎中令善媿人。王嘗與騶奴宰人狎戲無度。遂入見。膝行前。涕泣甚哀。左右侍御皆出涕。王曰。郎中令何哭。遂曰。臣哭社稷危也。願賜清問。竭臣愚。王辟左右。遂曰。大王知膠西王所以亡乎。王曰。不知也。曰。臣聞膠西王有諛臣侯得。王所爲擬於桀紂也。得以爲堯舜也。王說諛。常與寢。



處唯得所言。以至於今。大王親近群小。漸漬邪惡。存亡之機。不可不慎。臣請選郎通經術。有行義者。與王起居坐。則誦詩書。立則習禮容。宜有益。王許之。遂乃選郎中十人。侍數日。皆遂去。王嘗見大白犬。頸以下似人。而冠方山冠。以問遂。遂曰。此天戒。言在側者。盡冠狗也。去之。則存。不去。亡矣。又見大熊。左右莫見。以問遂。遂曰。山野之獸。來入宮。宮室將空。危亡象也。王仰天嘆曰。不祥何爲。數來哉。遂叩頭曰。臣不敢隱忠。數言危亡之戒。大王不說。夫國人存亡。豈在臣言哉。願王內自揆度。大王誦詩三百五篇。人事浹。王道備。王之所行。申詩何等篇。

也。大王位爲諸侯王。行汙於庶人。以存難。以亡易。宜深  
祭之。王終不改。及徵書至。夜漏未盡一刻。以火發書。日  
中發。晡時至定陶。行百三十五里。從者馬虎相望。王吉  
奏書諫曰。臣聞高宗諒闇。三年不言。今大王以喪徵。宜  
日夜哭泣。悲言。慎無有所發。大將軍仁愛勇智。忠信之  
德。天下莫不聞。願大王事之敬之。政事一聽之。大王垂  
拱南面而已。王到霸上。大鴻臚郊迎。騶奉乘輿車。王使  
遂參乘。至東都門。遂曰。禮。奔喪。望見國都哭。此長安東  
郭門也。王曰。我嗌痛不能哭。至城門。復言。王曰。城門與  
郭門等耳。至未央宮東闕。遂曰。昌邑帳在。是大王宜下。



車。鄉關西面哭盡哀。王哭如儀。王既立爲天子。愈益驕。諫不復聽。與近臣飲食作樂。鬪虎豹。召皮軒車九流。驅馳東西。淫戲無度。昌邑官屬徵至。皆超擢拜官。龔遂諫不聽。太僕丞張敞上書曰。天子以盛年初卽位。天下莫不拭目傾耳。以觀化聽風。今國輔大臣未褒。而昌邑小輩先遷。過之大者也。又不聽。大將軍憂懣。以問故吏大司農田延年。延年曰。將軍爲國柱石。審此人不可。何不白太后。更選賢而立之。光曰。今欲如是。於古嘗有此否。延年曰。伊尹相殷。廢太甲。以安宗廟。後世稱其忠。將軍行此。亦漢之伊尹也。光乃引延年給事中。陰與車騎將。

軍張安世深計定召丞相御史將軍列侯中二千石大夫博士會未央宮既集光曰昌邑王行昏亂恐危社稷則如之何群臣皆震愕失色莫知所對大司農延年前離席按劔曰先帝屬將軍幼孤寄將軍天下以將軍忠賢能安劉氏也今群臣鼎沸社稷將傾且漢之傳謚常爲孝者以長有天下令宗廟血食也如今漢家絕祀將軍雖死何面目見先帝於地下乎今日之議不得旋踵臣後應者臣請劒斬之光謝曰九卿責光是也天下洶洶不安光當受難於是議者皆叩頭曰萬姓之命在將軍惟大將軍令光即引群臣與俱見太后具陳昌邑



王不可以承宗廟狀。皇太后乃駕幸未央承明殿。詔諸  
禁門毋內昌邑群臣。王入朝。太后還乘輦歸溫室中。黃  
門宦者各持門扇立。王入門。門閉。昌邑群臣不得入。王  
曰。何爲。大將軍跪曰。有皇太后詔。毋內昌邑群臣。王曰。  
徐之。何驚人如是。出車騎將軍安世。將羽林騎收縛昌  
邑臣。送廷尉。大將軍令故昭帝侍中。中臣侍守王。敕之。  
右謹宿衛。卒有物故。自裁。令我負天下有殺主名。王尚  
未自知當廢。謂左右。我故群臣從官。安得罪。而大將軍  
盡繫之乎。頃之。有太后詔召王。王聞召。意恐。乃曰。我安  
得罪而召我。太后被珠襦盛服。坐武帳中。侍御皆持兵。

期門。武士陛戟陳殿下。群臣以次上殿。召昌邑王伏前

聽詔。光以丞相群臣連名奏王諸不法狀。

尚書令讀奏曰丞相臣敞

大司馬大將軍臣光、車騎將軍臣安世、度遼將軍臣朋友、前將軍臣增、後將軍臣充國、御史大夫臣誼等、昧死言孝昭皇帝棄天下、徵昌邑王、典器服衰、亡悲哀之心、廢禮誼、居道上、不素食、使從官畧女子、載衣車內、所居傳舍、受皇帝信璽、行璽、大行前、就次發璽、不封、從官更持節、引內昌邑從官、騶宰官奴、二百餘人、常與居禁闥內、敖戲、爲書曰、皇帝問侍中君卿、使中御府令高昌奉黃金千斤、賜君卿娶十妻、大行在前殿、發樂府樂器、悉奏象樂、與從官飲唱、駕濃駕、皮軒鸞旗、驅馳北宮、弄苑虎、與孝昭皇帝宮人蒙等淫亂、勅掖庭令敢泄言、要斬、取諸侯王列侯二千石綬、及黑綬黃綬、以佩昌邑郎官諸兒奴、湛汚於酒、祖宗廟祀未舉、爲璽書、使使者持節以三大牢祠昌邑哀王園、稱嗣子皇帝、受璽以來、二十七日、使者考午持節、諸官署徵發、凡千一百二十七事、光祿大夫夏侯勝、及侍中傅嘉、數進諫、使人簿責勝、縛嘉繫獄、曰、天子所以保宗廟、總



壹海內者。以慈孝禮誼賞罰爲本也。王荒淫迷惑。失帝  
王禮誼。亂漢制度。臣敞等數進諫不變。更日以甚。恐危  
社稷。天下不安。臣敞等謹與博士臣霸。臣雋。舍。臣德。臣  
虞。舍。臣射。臣倉議。皆曰。高皇帝建功業。爲漢太祖。孝文  
帝慈仁節儉。爲太宗。今陛下嗣孝昭皇帝後。行淫辟不  
軌。詩曰。藉曰未知。亦既抱子。五辟之屬。莫大不孝。周襄  
王不能事母。春秋曰。天王出居于鄭。繇不孝。絕之於天  
下。宗廟重於君。陛下未見命高廟。不可以承天序。奉祖  
宗。廟子萬姓。當廢。具告祠高廟。臣敞等昧死以聞。太后  
詔曰。可。光令王起拜受詔。乃持其手。解脫其璽組。奉上

皇太后。狀王下殿。出金馬門。迺至昌邑邸。光謝曰。王行  
自絕於天。臣等驚怯。不能殺身報德。臣寧負王。不敢負  
社稷。願王自愛。臣長不復見左右。涕泣而去。郎楊雄曰。  
始元之初。擢少帝之微。摧燕上官之鋒。處興廢之分。堂  
堂乎忠難矣哉。至顯不終矣。

班史論曰。昔周成以孺子繼統。而有管蔡四國流言之  
變。孝昭幼卽位。亦有燕蓋上官逆亂之謀。成王不疑周  
公。孝昭委任霍光。各因其時以成名。大矣哉。承孝武奢  
侈餘弊。師旅之後。海內虛耗。戶口減半。光知時務之要。  
輕徭薄賦。與民休息。至始元元鳳之間。匈奴和親。百姓



充實尊號日昭。不亦宜乎。


聖上皇帝聖德高皇帝聖體高皇帝聖壽萬歲

聖體高皇帝聖壽萬歲

聖體高皇帝聖壽萬歲

聖體高皇帝聖壽萬歲

聖體高皇帝聖壽萬歲













函史上編卷之十三

明盱眙鄧元錫纂

漢宣帝紀

孝宣皇帝。武帝曾孫。戾太子孫也。太子納史良娣。生史皇孫。皇孫納王夫人。生帝。曰皇曾孫。生數月。遭巫蠱事。太子良娣。皇孫。王夫人。皆遇害。曾孫雖在襁褓。猶坐繫郡邸獄。而丙吉爲廷尉監。治巫蠱於郡邸。心知皇太子寃。又重憐曾孫之亡辜。使女徒復作淮陽趙徵卿。渭城胡組。更乳養。私給衣食。視遇甚有恩事。連歲不決。後元二年。武帝疾。往來長楊五柞宮。望氣者言。長安獄中有



天子氣上遣使者條中都官獄繫者。無輕重皆殺之。內  
謁者令郭穰夜至郡邸獄。吉閉門拒不納。曰。皇曾孫在。  
他人無辜死者。猶不可。况上親曾孫乎。相守至天明。不  
得入。穰還劾吉拒命。武帝聞之。悟。太息曰。天也。因赦天  
下。皇曾孫歸無所。吉聞史良娣有母兄在。載付之。後有  
詔掖庭養視。上屬籍宗正。時掖庭令張賀逮事衛太子。  
思顧舊恩。哀皇曾孫。養視甚謹。爲聘暴室嗇夫許廣漢  
女妻焉。曾孫依許史而受詩。東海濮仲翁。高材好學。亦  
喜游闔閭。走馬數上下諸陵。周徧三輔。常困於蓮勺鹵  
中。以是具知閭里姦邪。吏治失得。及昌邑王廢。廷尉監

吉時官光祿大夫矣。奏記大將軍光言。將軍事孝武皇帝。受襁褓之屬。任天下之寄。孝昭皇帝早崩。海內憂懼。欲亟聞嗣主。發喪之日。卽以大誼立後。所立非人。復以大誼廢之。天下莫不服焉。方今社稷群生之命。在將軍一舉。竊伏聽於衆庶。察其所言。諸侯宗室在列位者。未有聞於民間也。而遺詔所養武帝皇曾孫病已。今十八九矣。通經術。有美材。行安而節和。願將軍詳大議。參以蓍龜。謂宜褒顯。先使入侍。令天下昭然。然後決定大策。天下幸甚。光善之。定議上奏曰。孝武皇帝曾孫病已年十八。師受詩論語孝經。躬行節儉。慈仁愛人。可以嗣孝。



昭皇帝承祖宗子萬姓。皇太后遣宗正德迎曾孫就齋。

宗正府。明日入未央宮見太后。封楊武侯。群臣上璽綬。

卽位。謁高廟。尊皇太后曰太皇太后。赦本上所以立。固。

命倚伏。一不可測知。而丙博陽終始擁全。霍博陸立。明。

安宗社。不內顧其私。均古大臣之誼也。丞相敞薨。蔡義。

爲丞相。義以明經給事大將軍幕府。昭帝召見說詩。擢光祿大夫。年八十餘老矣。議者謂光置宰相。稟。

擇可制者。光曰。以爲人主師當相。何謂云云。冬十一月。立皇后許氏。本始元。

年春。募民徙平陵。昭帝陵。遣使者持節詔郡國二千石。謹。

牧養民而風德化。論定策功。益封大將軍萬七千戶。車。

騎將軍富平侯安世萬戶。故丞相安平侯敞嗣子忠。今。

丞相陽平侯義等而下。邑戶各有差。詔故太子在湖未

有號諡。歲時祀議尊諡置園邑。有司奏禮為人後者爲

祭尊祖之義也。陛下爲孝昭皇帝後。承祖宗之祀。親諡

宜曰悼考。母曰悼后。故皇太子諡曰戾史。良娣曰戾夫人。皆改葬焉。後追尊

悼考爲皇考。立廟。二年春。大司農田延年有罪自殺。

昭帝之喪。司農儻民車。延年詐增儻直。盜取錢三十萬。爲怨家所告。御史大夫田廣明謂杜延年曰。春秋之義。

以功覆過。當廢昌邑王時。非田子賓之言。大事不成。願

以愚言。曰。大將軍幸得寬。延年言之光。光曰。誠然。實勇

士也。當發大議時。震動朝廷。因自撫心曰。使我至今病

憊。謝田大夫。曉大司農往就獄。公議之。廣明以諸延年

延年曰。幸寬我耳。何夏。尊孝武皇帝廟爲世宗。所幸郡

國皆立廟樂。

匈奴數侵邊。西伐烏孫。烏孫昆彌及公主

困。使使者上書請救。曰。願哀憐公主。詔大

發關東三年春正月。皇后許氏崩。夏。大旱。詔郡國傷旱

軍救之。

三

三



甚者民毋出租賦。三輔民就食者毋收事。盡四年六月。丞相義卒。以韋賢爲丞相。四年春。詔歲不登。令太官損膳省宰。樂府減樂人。使歸就農。丞相以下至都官令丞。上書入穀。輸長安倉。助貸民。民以車船載穀入關者。毋用傳。三月。立皇后霍氏。赦夏郡國地震。詔丞相御史與列侯中二千石。博問經學之士。有以應變輔朕之不逮。毋有所諱。令三輔太常內郡國。舉賢良方正各一人。律令有可蠲除安百姓者。條奏。被地震壞敗甚者。勿收租。帝以宗廟墮。素服避正殿五日。地節元年。五年春。假郡國

貧民田。有星孛于西北夏。詔宗室屬未盡。而以罪絕者。若有

材改行勸善其復屬使得自新

十二月晦日

二年春三月大

將軍光薨葬霍宣成侯詔曰大司馬大將軍博陸侯宿

衛孝武皇帝三十餘年輔孝昭皇帝十有餘年遭大難

躬秉義率三公諸侯九卿大夫定萬世策安宗廟天下

蒸庶咸以康寧功德茂盛朕甚嘉之復後世疇其爵邑

世世毋有所與功如蕭相國夏五月上親政三年春詔

曰蓋聞有功不賞有罪不誅雖唐虞不能以化天下今

膠東相成勞來不息流民自占八萬餘口治異等其秩

成中二千石賜爵關內侯詔假公田貸種加賜鰥寡孤

獨高年帛二千石嚴敕吏謹視遇毋令失職令內郡國



舉賢良方正可親民者。夏立子奭為皇太子。

太子外祖平恩侯許

廣漢以為太子少自使其弟中郎將舜監護太子家。帝以問疏廣。廣對曰。太子國儲副師友必於天下英俊。不宜獨親外家。且太子官屬已備。復使舜護太子家。示陋非所以廣太子德於天下也。上善其言。語魏相。相免冠謝曰。此非臣等所能。丞相賢致仕。自武帝時丞相多免及廣。繇是見寵重。

賜黃金安車駟馬罷就弟丞相致仕自賢始。

以御史大夫相為丞相。秋地震。

詔賢良方正直言極諫之士。能箴朕失匡朕不逮者。毋

諱。有司罷車騎將軍。右將軍屯兵。池籩未御幸者。假與

貧民郡國宮館勿復脩治。流民還歸者。假公田貸種食。

勿等事。又詔曰。朕既不逮。導民不明。反側晨興。念慮萬

方。不忘元元。唯恐。蓋先帝聖德。故並舉賢良方正。以親

萬姓歷載臻茲而俗化闕焉。傳曰：孝弟也者，其爲仁之本。與其令郡國舉孝弟有行義聞於鄉里者各一人，十二月詔曰：間者吏用法巧文寢深，是朕之不德也。夫決獄不當，使有罪與邪不辜蒙戮，父子悲恨，朕甚傷之。今廷史與郡鞠獄，任輕祿薄，其爲置廷平秩六百石，負四人務平之，以稱朕意。四年春，封外祖母號博平君。故鄣侯何曾孫建世爲侯。帝卽位，數遣使求外家不得。至是始得王媼及其男無故武，賞賜巨萬計。詔曰：導民以孝，則天下順。今百姓或遭衰絰凶災，而吏繇事使不得葬，傷孝子之心，朕甚憐之。自今諸有大父母父母喪者，勿繇事，使得收斂送終，盡其子道。夏



五月詔曰父子之親夫婦之道天性也。雖有禍患猶蒙死而存之。誠愛結於心。仁厚之至也。豈能違之哉。自今子首匿父母。妻匿夫。孫匿大父母。皆勿坐。其父母匿子。夫匿妻。大父母匿孫。罪殊死。皆上請廷尉以聞。秋七月。大司馬博陸侯禹與母宣成侯夫人顯及從昆弟冠陽侯雲。樂平侯山。諸姊妹婿。度遼將軍范。明友。長信少府鄧廣漢。中郎將任勝。騎都尉平等。謀逆。皆伏誅。皇后霍氏廢。九月詔曰。朕惟百姓。失職不贍。遣使者循行郡國。問民所苦。吏或營私煩擾。不顧厥咎。朕甚閔之。今年郡國頗水災。已振貸鹽民之食。而賈咸貴。衆庶重困。其減

天下鹽買。又曰。令甲死者不可生。刑者不可息。此先帝之所重。而史未稱。今繫者。或以掠辜。若機寒。瘐死獄中。何用心逆人道也。朕甚痛之。其令郡國歲上繫囚。以掠笞若瘐死者。所坐罪名。縣爵里。丞相御史課殿最。以聞。

元康元年

九春

作杜陵

壽陵

鳳凰集郡國赦天下。徙賜勤

事吏中二千石以下爵二級。民一級。加賜鰥寡孤獨。孝弟力田。帛所振貸。勿收。夏。止。皇考廟。益奉明園。戶爲奉明縣。復高皇帝功臣絳侯勃等百三十六人家子孫。令奉祭祀。世世勿絕。其無嗣者。復其次。秋。詔曰。朕不明六藝。鬱于大道。是以陰陽風雨未時。其博舉吏民。厥身脩



正通文學明於先王之術能宣究其意者各二人中二

千石各一人已復詔選博士諫官通政事者補郡國守

相以憂民二年春立皇后王氏

上欲立后懲艾霍氏欲害皇太子乃選後宮無

子而謹慎者立焉

夏詔曰獄者萬民之命所以禁暴止邪養育

群生也能使生者不怨死者不恨則可謂文吏矣今則

不然用法或持巧心析律貳端深淺不平增辭歸非以

成其罪奏不如實上亦亡繇知此朕之不明吏之不稱

四方黎民將何所仰哉二千石各察官屬勿用此人吏

務平法或擅興繇役歸厨傳稱過使客越職踰法以取

名譽譬猶淺薄冰以待白日豈不殆哉今天下頗被疾

疫之災朕甚愍之其令郡國被災甚者毋出今年租賦  
詔曰古天子名難知而易諱今百姓上書觸諱犯罪者

朕甚憐之其更諱詢三年春

以神爵數集泰山賜諸侯王丞相將軍列侯二十石

金郎從官帛各有差賜天下吏爵二級民一級女子百戶牛酒鰥寡孤獨高年帛

三月詔曰蓋

聞象有罪舜封之骨肉之恩絜而不殊其封故昌邑王

賀為海昏侯詔曰朕微眇時御史大夫丙吉中郎將史

玄長樂衛尉許舜侍中光祿大夫許延壽皆與朕有舊

恩及故掖庭令張賀輔導朕躬條文學經術恩惠卓異

厥功茂焉詩不云乎無德不報封賀所子弟子中郎將

彭祖為陽都侯追賜賀謚曰陽都哀侯吉曾玄延壽爵



皆列侯下至郡邸獄復作。嘗有阿保功皆受官祿田宅

財物各以恩深淺報之。吉自元帝時積官勞遷至今官

卿則令民夫上書自陳嘗有阿保功章下掖庭令考問

辭引使者丙吉知狀掖庭令將則詣御史府視吉吉識

則謂曰汝嘗坐養皇孫不謹督咎汝安得有功獨渭城

胡組雒陽卿徵卿有勞耳分別奏組等勞苦狀詔求組

徵卿已死有子孫皆受厚賞仍免則為廢人賜錢十萬

帝親見問召掖庭獄諸在事者旁問然後知吉有舊恩

而終不言大賢之封博陽侯邑千三百戶當封疾病帝

使人加紼而封欲及其生存吉上書固辭優詔報不允

太子太傅夏侯勝曰臣聞有陰德者必饗其樂及夏令

其子孫今吉未報而疾甚非其死疾也後疾果喻

三輔毋得以春夏擿巢探卵彈射飛鳥四年春詔曰朕

惟耆老之人髮齒墮落血氣衰微亡暴虐之心今或懼

文法拘執圜圜不終天年朕甚憐之自今以來諸年八

十以上。非誣告殺傷人。他皆勿坐。遣大中大夫疆等十  
二人循行天下。存問鰥寡。覽觀風俗。察吏治得失。舉茂  
才異倫之士。秋八月。詔故右扶風尹翁歸。廉平鄉正。治  
民異等。賜其子黃金百斤。奉祭祀。是歲。賜大司農朱邑子同。又求高  
祖功臣適後。賜黃金人二十斤。大司馬衛將軍張安世  
薨。葬張敬侯。初。安世疏乞骸骨。詔報言。將軍年老。祗病  
雖不能視事。折衝萬里。君先帝大臣。明於治亂。朕所不  
及。得數問焉。何感而上書。歸衛將軍富平侯印。薄朕忘  
故。非所望也。願將軍彊餐食。近醫藥。專精神。以輔天年。  
薨。閔卹勤備焉。比年豐穀。石五錢。神爵元年。帝十  
二年。春正月。幸甘



泉郊泰峙三月幸河東祠后土

以嘉穀玄稷降郡國神爵仍集金芝九莖產函

德殿銅池中九真獻奇獸南郡獲白鹿詔改元賜天下

吏爵二級民一級鰥寡孤獨高年帛所振貸物勿收行

所過毋出田租西羌反夏四月遣後將軍趙充國彊弩將軍許

延壽擊之

六月有星李于東方即拜酒泉太守辛武賢為破羌將

軍與兩將軍俱秋罷擊羌兵聽後將軍充國計留屯田

湟中二年夏羌虜降後將軍振旅還置金城屬國處降

羌

其戎狄志秋匈奴單于遣名王來獻始和親

三年春三月丞相相薨葬魏

憲侯夏御史大夫吉為丞相秋詔曰吏不廉平則治道

衰今小吏皆勤事而祿奉薄欲其毋侵漁百姓難矣其

益吏百石以下奉十五四年

春鳳皇甘露降集京師赦天下賜如前

夏詔

曰。潁川太守霸。宣布詔令。百姓鄉化。孝子弟弟。貞婦順  
孫。日以衆多。田者讓畔。道不拾遺。養視鰥寡。贍助貧窶。  
獄或八年。亡重罪囚。吏民鄉於教化。興於行誼。可謂賢  
人君子矣。書不云乎。股肱良哉。其賜爵關內侯。黃金百  
斤。秩中二千石。潁川孝弟有行義民。三老。力田。賜爵及  
帛。各有差。五鳳元年。帝十七年。幸甘泉。郊泰畤。冬。十二  
月朔日。觸殺左馮翊韓延壽。  
年。春。幸雍  
祠五時。秋。詔曰。夫婚姻之禮。人倫之大者也。酒食之  
會。所以行禮樂也。今郡國二千石。或擅爲苛禁。禁民嫁  
娶。不得具酒食相召。是廢鄉黨之禮。令民亡所樂。非所  
以導民也。詩不云乎。民之失德。乾餱以愆。勿行苛政。三



年春丞相吉薨葬丙定侯

子顯嗣侯始顯少爲諸曹掾從祠高廟至夕牲日乃使出

取齋衣吉大怒曰宗廟至重而顯不敬慎亡吾爵者必顯也夫人爲言乃後已耳露中顯有罪削爵關內侯元帝時長安士伍尊上書言臣少時爲郡邸小吏竊見孝宣皇帝以皇曾孫在郡邸獄時治獄使者丙吉見皇曾孫遭離無辜仁心感動涕泣悽惻選擇復作胡組養視吉常從臣尊日再視卧庭上後遭條獄之詔吉不避嚴刑并拒大難既遭大赦謂守丞誰如皇孫不當在官使誰如移書京兆尹遣與胡組俱送京兆尹不受復還及組日滿當去皇孫思慕吉以私錢顧組令畱與郭徵卿並養數月乃遣組去後少內嗇夫白吉曰食皇孫亡詔食吉以所得食米肉月以給皇孫吉即時病輒使臣尊朝夕請問視省席蓐燥濕伺組微卿不得令晨夜去皇孫放盪所以擁全神靈成育聖躬功德亡量時豈豫知天下之福而微報哉誠其仁恩內結於心也雖介子惟割朋存君不足以比孝宣皇帝時臣上書言狀幸得下吉吉謙讓刪去臣辭專美歸於組徵卿組徵卿皆受田半賜錢吉封博陽侯臣尊不得比組徵卿臣年老居貧死在旦暮欲終不言恐有功不著言子顯坐微文奪爵

臣愚以爲宜復其爵邑以報先人功德制以御史大夫  
詔丞相御史封吉孫昌爲博陽侯奉吉後以御史大夫  
黃霸爲丞相時天子垂意吏治而頗溺意於禎祥數以  
天瑞改元嘉賜吏民而霸以治行最表著  
得相白請與中二千石博士雜問郡國上計長史守丞  
爲民興利除害成化事條其對有耕者讓畔男女異路  
道不拾遺及孝子貞婦者爲一輩先上殿不爲條教者  
在後叩頭謝方引對時京兆尹張敞舍有鵲雀飛止丞  
相府議上奏言臣問上計長史守丞興化條天報下神  
雀後知從敞舍來乃止敞具奏其事且言臣非敢毀丞  
相也誠恐羣臣莫敢白發而長史守丞畏丞相指歸舍  
廉令各爲私教務相增加澆淳散樸並行爲貌有名亡  
實假令京師先行讓畔異路道不拾遺其實亡益於廉  
貪貞淫之行而以僞先天下固未可也卽諸侯先行之  
僞聲軼於京師非細事也漢家承敞通變造起律令以  
勸善禁姦條貫詳備不可復加宜令貴臣明飭長史守  
丞歸告二千石舉三老孝弟力田孝子廉吏務得其人  
郡事皆以法令簡式毋得擅作條教敢挾詐僞以奸名  
譽先受戮以正明好惡天子嘉納減天下口錢以甘露  
召上計吏使侍中臨飭如敞指焉神爵鸞



鳳降賜民爵帛如前。匈奴亂。置西河北地屬國。處匈奴降者。四年

春。減戍卒什二。詔糴三輔近郡穀供京師。初置常平倉。

賜大司農中丞耿壽昌爵關內侯。自元康以來。比年豐

農人少利。故事歲漕關東穀四百萬斛。用卒六萬人。宜

糴三輔弘農河東上黨太原郡穀供京師。可省漕卒過

半。又白邊郡皆築倉。以穀賤增其賈而糴以利。夏四月

農穀貴時。減賈糴。各常平倉。民便之。詔賜爵。晦日

欄。遣丞相御史掾十四人。循行天下。舉冤獄。察擅為苛

禁。深刻不改者。殺故平通侯楊惲。甘露元年。夏黃龍見新豐內

展。孝文廟災。二年。鳳皇甘露降。黃龍興醴泉流。赦減民

帝素服五日。二年。策。賜諸侯王丞相至中二千石金錢

賜民爵。行幸薊陽宮。屬王觀。三年春。匈奴呼韓邪單于款塞朝。詔曰

蓋聞五帝三王禮所不施。不及以政。今匈奴單于稱北

漢朝正月朕之不逮德不能弘覆其以客禮待之位諸  
侯王上。帝以戎狄賓服思股肱之笑。詔圖公卿有功德  
知名當世者十一人於麒麟閣。署官爵姓名惟霍光不  
名曰大司馬大將軍博  
陸侯。姓霍氏。次張安世韓增趙充國魏相丙吉杜延年  
劉德梁丘賀蕭望之蘇武是歲鳳皇集新蔡羣鳥四面  
行列鄉之立以萬數賜汝南太守帛百匹新  
蔡長吏三老孝弟力田鰥寡孤獨各有差

丞相霸薨

于定國爲丞相詔諸儒講五經異同于石渠閣望之等

平奏帝親稱制臨決立梁丘易夏侯尚書穀梁春秋博

士黃龍元年

二十五年

春詔曰蓋聞上古之治君臣同心舉

錯曲直各得其所是以上下和洽海內康平弗可及已

朕旣不明數申詔公卿大夫務行寬大順民所疾苦將



欲配三王之隆明先帝之德也。今吏或以不禁姦邪爲寬大。縱釋有罪爲不苟。或以酷烈爲賢。皆失其中。奉詔宣化如此。豈不謬哉。方今天下少事。繇役省減。兵革不動。而民多貧。盜賊不止。其咎安在。上計簿具文而已。務爲欺慢以避其課。三公不以爲意。朕將何任。諸請詔省卒徒自給者。皆止。御史察計簿疑非實者。按之。使真僞

毋相亂。

先是有奉使求不受奉祿省徒衆自給稟者詔聽之今絕之防欺謾。三月有星孛于王良閣

道入紫宮

各十二月。帝寢疾。以史高爲大司馬。車騎將軍。蕭

望之爲前將軍。光祿勳。周堪爲光祿大夫。並領尚書事。

受遺詔輔政。帝崩于未央宮。

年四十二

葬杜陵。始帝起細微

在位。而大將軍自受遺武皇帝。則秉國。又新廢昌邑王。  
立帝。古今無二。威重於天子。而光子禹。及兄孫雲。皆爲  
中郎將。山奉車都尉侍中。領胡越兵。兩女壻爲東西宮  
衛尉。昆弟諸壻外孫。爲諸曹大夫。騎都尉給事中。黨親  
連體。根據於朝廷。公卿請立皇后。皆心擬大將軍女。未  
有言。上乃命求微時故劍。大臣知指。白立許皇后。而大  
將軍以后父廣漢。故賤爲刑人。不宜侯。歲餘乃封昌成  
君。已光稽首歸政。帝謙讓推委。敕諸事皆關白。然後奏  
御。每朝見。虛已歛容。禮下之已甚。又明年。皇后當娠。病。  
大將軍夫人顯欲貴其小女成君。使女醫淳于衍。擣附



子爲丸飲之。有頃崩。後有人上書告諸醫侍疾無狀者。顯恐急。具語光。光大驚。欲自發舉。猶豫不能忍。奏上。署衍勿論。而帝以后同攻苦困阨。悼痛甚。而竟立大將軍女爲皇后。及大將軍疾病。帝自臨問。爲涕泣。薨。帝及皇太后親臨喪。太中大夫與侍御史五人持節護喪事。中二千石治莫府冢上。皆如乘輿制度。帝旣親政。樂平侯山領尚書事。御史大夫相以新失大將軍。欲逆閉霍氏權。因許史奏封事。言春秋譏世卿。惡宋三世爲大夫。及魯季孫之專權。皆危亂國家。自後元以來。祿去王室。今光死。子復爲大將軍。兄子秉樞機。昆弟諸壻。據權執握。

兵光夫人顯及諸女皆通籍長信宮。或夜詔門出入驕奢。放縱恐寢不可制。宜有以損奪其權。固萬世之基。全功臣之世。又故事。諸上書者爲二封。署其一曰副。領尚書者先發副封。所言不善。屏不奏。相復因許伯白去副封。以防壅蔽。帝善之。詔相給事中。及皇太子立。霍顯聞。怒不食。曰。此民間時子。安得立。卽后有子。顧乃當爲王耶。復敎后毒太子。召賜食。以法阿保。輒先嘗。后挾毒不得行。當是時。霍氏驕。帝內不能平。而給事中數燕見言事。吏民奏封事者。不關白尚書。群臣進見。召對者。獨往來無期。霍氏深惡之。而上亦寢寢聞霍顯殺共哀后事。



矣。於是徙光子。婿明友。勝廣漢爲他官。而以張安世爲  
衛將軍。兩宮衛尉。城門北軍咸屬焉。諸領胡越騎羽林  
及宮衛屯兵。悉易以所親信。許史子弟爲之。以霍禹爲  
大司馬。陽尊重。亡卽綬。罷就第。未幾。雲山坐舅竟交通  
諸侯王。亦免就第。山陽太守張敞上封事曰。臣聞公子  
季友。有功於魯。大夫趙衰。有功於晉。田完。有功於齊。皆  
疇其官邑。延及子孫。終後田氏篡齊。趙氏分晉。季氏專  
魯。故仲尼作春秋。迹盛衰。譏世卿。最甚。乃者大將軍決  
大計。安宗廟。定天下。功亦不細矣。夫周公攝政七年耳。  
而大將軍二十歲。海內之命。斷於掌握。方其隆時。感動

天地侵迫陰陽。月朏日蝕。晝冥宵光。地大震裂。火生地中。妖祥變怪。不可勝記。皆陰類盛長。臣下顓制之所生也。朝臣宜有明言。陛下褒寵故大將軍。以報功德足矣。間者輔臣顓政。貴戚大盛。君臣之分不明。請霍氏三侯皆罷就第。衛將軍安世亦宜賜几杖歸休。時存問召見。以列侯爲天子師。明詔以恩。不聽。群臣引義固爭。然後許。天下必以陛下爲不忘功德。而朝臣爲知禮。霍氏世世無所患苦。今朝廷不聞直聲。而令明詔自親其文。非策之得者也。人情不相遠。以臣心度之。大司馬及其枝屬。必有畏懼之心。夫使近臣自危。非完計也。臣敞願於



廣朝白發其端。直守遠郡。其路無繇。夫心之精微。書不能文。惟陛下省察。上甚美其計。然不召也。於是霍氏果恐。急謀爲博平君置酒。召丞相而下燕。丞相入。則使明友廣漢承皇太后制。引斬之。因廢天子而立禹。事覺。連坐誅滅者數十家。皇后霍氏廢。

後十二歲霍后復徙雲林館乃自殺方帝初立

時謁太廟。大將軍光驂乘。帝內憚憚。若芒刺在背。後衛將軍安世代帝從容肆體。甚安近焉。故俗傳霍氏之禍。萌於驂乘云。先是茂陵徐生上書言霍氏泰盛。陛下即愛厚之。宜以時抑損其權。夫奢則不遜。不遜必犯上。霍氏秉權日久。天下害之。又行以犯上。不亡何待。書數上。輒報聞。至是人爲徐生上書曰。臣聞客有過主人者。見其竈直突。旁有積薪。客謂主人更爲曲突。遠徙其薪。不者且有火患。主人不應。俄而失火。鄰里共救之。幸而得息。於是擊牛置酒。謝諸鄰人。焦爛者坐於上行。餘各以功次坐。而不錄言曲突者。人謂主人曰。卿使聽客之言。

不費牛酒終亡大患。今論功而請賞。曲突徙薪無恩。燋頭爛額爲上客耶。主人乃寤而請之。今茂陵徐福。費上書言霍氏且有變。宜防絕。鄉使福說得行。則國無裂土。出爵之費。臣無逆亂誅滅之敗。往事旣效。而福獨不蒙其功。唯陛下察之。帝賜帛千匹。以爲卹。帝性明睿。好勵精。始親政。悅御史大夫相倚毗之。而權重。始復歸中書。丞相以下。每五日各以其職敷奏。隨考試其功能。侍中尚書。以功勞遷及有異善者。厚賞賜。尤加意吏治。常稱曰。庶民所以安其田里。而亡歎息愁恨之心者。政平訟理也。與我共此者。其惟良二千石乎。拜刺史守相。輒親見咨問。觀其所繇。退考察所行。以質其言。有名實不相應。必知其所繇。然又以太守吏民之本。數變易。則下不安。民知其將久。不



可欺罔。乃服從其教。故二千石有治効。不輒遷。以璽書  
勉勵。增秋賜金。或爵至關內侯。公卿缺選。諸所表以次  
用之。漢世良吏。於是爲盛。屢詔慎重刑獄。每季秋請讞。  
常齋居決事。關重慎。而刑獄始平。賞信罰必。綜名核實。  
繇是樞機周密。品式備具。上下相安。莫有苟且之意。當  
其時。政事文學法理之臣。各效其行能。下至技巧工匠。  
器械。自元成間。少能及之。而吏稱民安。值匈奴乖亂。推  
亡固存。單于慕義。稽顙稱藩。功軼於上世焉。

論曰。孝宣帝所以能政治光美。聲施後世。若此者。以舊  
爲小人。與閭閻窮苦。惇獨俱。知治本所繇。蓋是時漢全

盛且百年。於天道豐茂盈成。品物幾可材矣。而天子引繩墨。御群下斤斤。所以爲治。一主於成民。世稱其見效。優於孝文有以也耳。或頗以薄儒術。遵用申韓言爲疵。豈謂時務哉。且綜核固全盛世之藥石。時爲君者也。

魏丙二相謨

魏憲侯相。濟陰定陶人。字弱翁。丙定侯吉。字少卿。魯人也。相少學易。爲郡史。已舉賢良高第。爲茂陵令。而吉治律令。爲魯獄史。積功勞。稍至廷尉監。相謁茂陵時。御史大夫弘羊客。許稱御史。止傳丞。不以時。今怒縛丞。相疑其有姦。收捕。案致其罪。論棄客市。茂陵大治。遷河南守。



禁止姦邪。豪強畏服。會丞相車千秋死。子爲雒陽武庫令。自見失父。而相治郡嚴。恐久且獲罪。自免去。相使掾追之。遂去。不還。相獨恨曰。大將軍聞此。必以爲我用丞相死。不能遇其子。使當世貴人非我。殆矣。武庫令西歸。大將軍光果以責遇相曰。幼主新立。以爲函谷京師之固。武庫精兵所聚。故以丞相弟爲關都尉。子爲武庫令。河南太守。不深惟國家大策。苟見丞相不在。而斥逐其子。何淺薄也。後人有告相賊殺不辜。下有司。涓南卒戍中都官者三千人。撫大將軍言。願復留作一。贖太守罪。河南老弱萬餘人。守關欲入。上書訟相。竟然大將軍

終以武庫令事下廷尉獄繫踰冬乃解復守茂陵令遷  
楊州刺史。考案郡國多所貶退。定侯吉時爲光祿大夫。  
與書曰。朝廷已深知弱翁治行。方且大用矣。願少慎事。  
自重。藏器於身。相爲霽威。已復爲河南太守。宣帝卽位。  
徵司農大將軍薨。得親用給事中。居久之得相。相以爲  
古今異制。漢興以來。國家便宜大政。及賢臣賈誼。鼂錯。  
董仲舒等所言類可施行。又采易陰陽明堂月令數條。  
奏請行。帝納用焉。其奏曰。臣聞明主在上。賢輔在下。則  
君安虞而民和睦。臣相幸得備位。知能淺薄。不知國家  
大體。時用之宜。不能奉明法。廣教化。以宣聖德。民多背。



本趨末。有饑寒之色。爲陛下憂。臣相罪萬死。竊伏觀先帝聖德。仁恩之厚。勤勞天下。垂意黎庶。憂水旱之災。爲民貧窮。發倉廩。振乏餒。遣諫大夫。博士巡行天下。察風俗。舉賢良。平冤獄。冠蓋交道。省諸用。寬租賦。弛山澤陂池。禁秣馬酤酒。所以周急繼困。慰安元元。便利百姓之道。甚備。昧死奏詔書故事。凡十三事。臣案王法。必本於農。而務積聚。量入制用。以備凶災。亡六年之畜。尚謂之急。元鼎二年。平原渤海太山東郡。漚被災害。民饑死於道路。二千石不豫慮其難。使至於此。賴明詔振拯。得蒙更生。今歲不登。穀暴騰踴。臨秋收歛。猶有乏者。至春恐

甚。亡以相恤。西羌未平。師旅在外。兵革相乘。臣竊寒心。唯陛下留神元元。帥繇先帝盛德。早圖其備。以撫海內。臣聞陰陽者。王事之本。群生之命。自古聖帝明王。未有不繇高祖時中。謁者趙堯舉春。季舜舉夏。倪湯舉秋。貢禹舉冬。四人各職一事。陛下恩澤甚厚。而災氣未息。恐詔令有未合當時者也。願選明經。通知陰陽者四人。各主一時。時至明言所職。帥繇先帝盛德。以和陰陽。元康中。議臣以匈奴衰弱。宜出兵擊其右地。相上書諫曰。臣聞救亂誅暴。謂之義兵。兵義者王。敵加於已。不得已而應。未之應。兵兵應者。勝爭恨小故。不忍忿怒。謂之忿兵。



兵忿者敗。利人土地貨實。謂之貪兵。兵貪者破。恃國家之大。矜民人之衆。欲見威於敵。謂之驕兵。兵驕者滅。此非但人事。乃天道也。間者匈奴嘗有善意。所得漢民。輒奉歸之。未有犯於邊境。雖爭屯田車師。不足置意中。今聞諸將欲興兵入塞地。臣愚不知此兵何名者也。邊郡困乏。父子共牛羊之裘。食草萊之實。常恐不能自存。難以動兵。軍旅之後。必有凶年。言民以愁苦之氣。傷陰陽之和也。出兵雖勝。猶有後憂。恐災害之變。因此以生。今郡國守相。多不實選。風俗尤薄。水旱不時。案今年子弟殺父兄。妻殺夫者。凡二百二十二人。臣愚以爲此非小

變也。今不憂此，乃欲發兵報讎，介之忿於遠夷。孔子所謂吾恐季孫之憂不在顓臾而在蕭牆之內也。願陛下與平昌侯、樂昌侯、平恩侯及有識者詳議乃可。帝從相言而止。相居位，每敕掾史案事郡國，及休告從家還，至府輒白四方異聞，或有逆賊、水旱災變，郡國不上相，輒先白奏之。與御史大夫吉同心輔政，帝並重焉。相爲人嚴毅，而吉中厚寬，好禮讓，學詩書，通大義，爲相掾史有臧罪，不稱職，輒予長休告，終無所案驗。於官屬務掩過揚善。或謂吉曰：「君侯爲漢相，姦吏得成其私，然無所懲艾。」吉曰：「夫以三公之府有案吏之名，吾竊陋焉。」故不爲



也有馭吏嗜酒。數逋蕩。嘗從吉出。醉歐丞相車上。吏曹  
白請示之。吉曰。以醉飽之失。過士。令此人將何所復容。  
第忍之。是不過汙丞相車茵耳。會驛騎持赤白囊走公  
車。馭吏邊郡人。出適見之。知爲邊郡發犇命書也。則隨  
驛騎走公車刺之。知虜人雲中代郡。遽走還府。詣丞相  
白狀。因曰。虜所入邊郡二千石長吏。有老病不任兵者。  
宜可豫視。吉曰善。召東曹。趣科條邊長吏年力。任兵不  
任兵如吏言。未竟。帝召丞相御史。問虜所入郡長吏。吉  
條對甚悉。御史大夫卒遽不詳。知以得讓。而吉見謂憂  
職思邊。馭吏力也。吉出嘆曰。士無不可容。卿使丞相不

先聞吏言。何見勞勉之有人。固各有長也。吉嘗出逢清道群闔者。死傷橫道。吉過之不問。前逢人逐牛。牛喘吐舌。吉駐車。使騎吏問逐牛行幾里矣。掾史怪丞相前後失問。以問吉。吉曰。羣闔相殺傷。長安令京兆尹職當禁備。逐捕。歲終丞相課殿最。奏行賞罰而已。宰相不親小事。非所當於道路問也。方春少陽用事。未可太熱。恐牛近行。用暑故喘。此時氣失節。恐有所傷害。三公典調和陰陽。是以問之。時去古未遠。相陳時令。吉知六體。蓋猶以天道爲王事如此。及吉疾病。帝自臨視。問曰。君卽有不諱。誰可自代者。吉辭謝曰。羣臣行能。明主所自知。臣



愚無所能識。帝固問。頓首曰。西河太守杜延年。明國家  
法度。習故事。前爲九卿十餘年。今在郡。治有能名。廷尉  
于定國。執憲詳明。天下自以爲不冤。太僕陳萬年。養後  
母孝。惇厚。備於行止。三人行能。皆在臣右。唯上察之。帝  
許諾。後三人者。居位皆稱。上歎吉知人。

論曰。古之制名。必繇象類。經謂君爲元首。臣爲股肱。明  
其一體相待而成。自然之勢也。近觀漢相。高祖開基。蕭  
曹爲冠。孝宣中興。魏丙有聲。斯時也。黜陟有序。衆職脩  
理。海內興於禮讓。豈虛乎哉。抑高平其大矣。

漢元帝帝紀

元帝諱爽。宣帝太子也。母其哀許皇后。宣帝微時生民間。八歲立爲太子。壯大。柔仁好儒。見宣帝所用多文法吏。以刑名繩下。大臣楊惲蓋寬饒等坐刺譏辭語爲罪。而見誅。嘗侍燕。從容言陛下持刑太深。無已脩申韓術。然宜用儒。宣帝作色怒曰。漢家自有制度。本以霸王道雜之。奈何純任德教用周政乎。且俗儒不達時宜。好是古非今。使人眩於名實。不知所守。何足任已。而歎曰。亂我家者太子也。繇是疏太子。而愛淮陽王。淮陽王明察。王母張婕妤方幸。用欲代太子。然終念少依許氏。與太子俱從微細起。而其哀后崩。非命弗忍也。久之。拜蕭玄。



成爲淮陽中尉以玄成嘗讓爵於兄欲以感喻淮陽太

子遂安至是即位謁高廟尊皇太后曰太皇太后上管皇

后曰皇太后

即成王皇后

初元元年春正月葬杜陵赦

賜諸侯王

公主列侯黃金吏二千石而下錢帛各有差

三月立皇后王氏以三輔太常

郡國公田及苑可省者振糴貧民民貲不滿千錢者賦

貸種食

封外祖父平恩戴侯所子同產弟子中郎常侍嘉爲平恩侯奉戴侯後

夏詔曰朕

承先帝聖緒獲奉宗廟戰戰兢兢聞者地數動而未靜

懼於天地之戒不知所繇方田作時朕憂蒸庶之失業

臨遣光祿大夫褒等十二人循行天下存問耆老鰥寡

孤獨困乏失職之民延登賢俊招顯側陋因覽風俗之

化相守二千石。誠能正躬勞力，宣明教化，以親萬姓。合之內和親庶，幾乎無憂矣。書不云乎：股肱良哉，庶事康哉。布告天下，使明知朕意。又曰：關東今年穀不登，民多困乏。其令郡國被災害甚者，毋出租賦。江海陂湖園池屬少府者，假貧民勿租賦。賜宗室有屬籍者，馬一匹，弟者力田三匹，鰥寡孤獨二匹，吏民五十戶牛酒。秋九月，關東郡國十一大水，饑人相食。轉旁郡錢穀以相救。詔曰：間者陰陽不調，黎民饑寒，疾疫無以保治。惟德淺薄，不足以克入舊貫之居。其令諸宮館希御幸者，勿繕治。減樂府員。太僕減食馬穀，水衡省食獸肉。二年春，行幸甘泉，郊泰畤。罷黃門、乘輿、狗



馬水衡禁固宜春下苑少府飲飛外池

飲飛其鱗綴得鳬鴈給祭祀故

有嚴籙池用假貧民詔曰蓋聞賢聖在位陰陽和風雨

時日月光星辰靜黎庶康寧考終厥命今朕恭承天地

託于公侯之上明不能燭德不能綏災異並臻連年不

息乃二月戊午地震于隴西郡毀落太上皇廟殿壁木

飾壞敗獬道縣城郭官寺及民室屋壓殺人衆山崩地

裂水泉涌出惟天降災震驚朕師治有大虧深惟鬱悼

未知其序間者數歲不登元元困乏不勝饑寒以陷刑

辟朕甚閔之郡國被地動災甚有無出租賦赦天下有

可蠲除減省以便萬姓者條奏丞相御史中二千石舉

茂材異等直言極諫之士。朕將親覽焉。夏四月。立子鷲。

爲皇太子。

賜天下爲父後者爵一級。列侯五大夫錢有差。

秋。詔曰。歲比災害。民

有菜色。慘怛於心。已詔吏虛倉廩。開府庫振救。賜寒者

衣。今秋禾麥頗傷。一年中地再動。北海水溢流殺人民。

陰陽不和。其咎安在。公卿將何憂之。其悉意陳朕過。母

有所諱。賜故前將軍蕭望之爵關內侯。冬。望之自殺。三

年春。罷珠厓。詔曰。珠厓虜殺吏民。背叛爲逆。今廷議者

或言可擊。或言可守。或欲棄之。其指各殊。朕日夜思惟。

議者之言。羞威不行。則欲誅之。狐疑避難。則守屯田。通

于時變。則憂萬民。夫萬民之饑餓。與達蠻之不討孰急。



宗廟之祭。凶年不備。况乎僻不嫌之辱哉。今關東大困。

食庫空虛。無以相瞻。又以動兵。非特勞民。凶年隨之。其

罷珠厓郡。民有慕義欲內屬者。便處之。不欲勿彊。儋耳珠厓

郡地懸南海中。率數年壹反。下廷議欲大發軍擊之。待

詔。謂捐之。議以爲不當。擊帝使侍中樂昌侯王商問捐

之珠厓內屬久矣。今背畔逆節。而云不當。擊長蠻夷之

亂。虧先帝功德。經義何以處之。捐之對曰。臣幸得遭明

盛之朝。蒙危言之策。無忌諱之患。敢昧死竭卷卷。臣聞

堯舜聖之盛也。禹入聖域而未優。故孔子稱堯曰大哉

韶曰。盡善。禹曰。無間。以三聖之德。地方不過數千里。西

被流沙。東漸于海。朔南暨。聲教迄于四海。欲與聲教則

治之。不欲與者。不彊治也。故君臣歌德。含氣之物。各得

其宜。武丁成王。殷周之大仁也。然地東不過江黃。西不

過氏羌。南不過蠻荆。北不過朔方。是以頌聲並作。視聽

之類。咸樂其生。越裳氏重九譯而獻。此非兵革之所能

致也。及其衰也。南征不懷。齊桓據其難。孔子定其文。以

至於秦興兵遠攻。貪外虛內。務欲廣地。不慮其害。然地

而不過閩越、北不過太原，而天下潰畔，禍卒在於二世。  
長城之歌，至今未絕。賴聖漢初興，爲百姓請命，平定天  
下。至孝文皇帝，閔中國未安，偃武行文，則斷獄數百民。  
賦四十丁男三年而一事，時有獻千里馬者，詔曰：「鸞旗  
在前，屬車在後，吉行日五十里，師行日三十里。」朕乘千  
里馬，獨先安之。於是還馬與道里費，而下詔曰：「朕不受  
獻也。」其令四方毋求來獻。當此之時，逸游之樂絕，奇麗  
之路塞，鄭衛之倡微矣。夫後宮盛色，則賢者隱處，佞臣  
用事，則諍臣杜口。而文帝不行，故諡爲孝文。廟稱太宗，  
至孝武皇帝，元狩六年，太食之粟，紅腐而不可食，都內  
之錢，貫朽而不可較，乃探平城之事，錄冒頓以來數爲  
邊害，籍兵厲馬，因富民以攘服之。西連諸國，至於安息，  
東過碣石，以玄菟樂浪爲郡，北卻匈奴萬里，更起營塞，  
制南海以爲郡，則天下斷獄萬數，民賦數百，鹽鐵酒榷  
之利，以佐用度，猶不能足。當此之時，寇賊並起，軍旅數  
發，父戰死於前，子鬪傷於後，女子乘亭鄣，孤兒號於道，  
老母寡婦，飲泣巷哭，遙設虛祭，想魂萬里之外，是皆廓  
地秦太，征伐不休之故也。今天下獨有關東，關東大者，  
獨有齊楚，民衆久困，連年流離，離其城郭，相枕席於道，  
路人莫親，父母莫樂，夫婦至嫁妻賣子，法不能止，此社



稷之憂也。今陛下不忍惻惻之念，欲驅士衆，擠之大海之中，快心幽冥之地，非所以救助饑饉，保全元元也。詩云：蠢爾蠻荆，大邦爲讐。言聖人起則後服，中國衰則先畔，動爲國難，自古而患之矣。何況乃復其南方萬里之蠻乎？駱越之人，父子同川而浴，相習以鼻飲，與禽獸無異。本不足郡縣置也，顓顓獨居瘴海之中，霧露氣溼，多毒草蛇蟲水土之害，人未見虜，戰士自死，又非獨珠厓有珠犀瑇瑁也，棄之不足惜，不擊不損威，其民譬猶魚鱉，何足貪也。往者羌軍暴師，曾未一年，兵出不踰千里，費四十餘萬，大農錢盡，乃以少府禁錢續之，夫一隅爲不善，費尚如此，况於勞師遠攻，亡士毋攻乎？求之往古，則不合，施之當今，又不便。臣愚以爲非冠帶之國，禹貢所及，春秋所治，皆可無以爲。願遂棄珠厓，專用恤關中，爲憂對奏。丞相定國是其議，下詔從焉。捐之，詎曾孫也。夏，茂陵白鶴館災，詔曰：乃者火災降於孝武園館，朕戰栗恐懼，咎在朕躬。群司又未肯極言，朕過將何以寤焉。百姓仍遭凶厄，無以相振，加以煩擾乎？苛吏拘牽乎？

微文不得永終性命。朕甚閔焉。其赦天下。又詔曰。蓋聞  
安民之道。本繇陰陽。間者陰陽錯繆。風雨不時。永惟烝  
庶之饑寒。遠離父母妻子。勞非業之作。衛不居之宮。非  
所以佐陰陽之道也。其罷甘泉建章宮衛。令就農。百官  
各省費。條奏母有所諱。有司勉毋犯四時之禁。丞相御  
史舉天下明陰陽災異各三人。四年。春行幸甘泉。郊泰  
時。遂幸河東。祠后  
土五年春。以周子南君為周承休侯。帝如雍。四月有  
祠五時。夏。星孛于  
參以貢禹為御史大夫。令太官毋日殺。所具各減半。乘  
輿秣馬。裁無乏正事。罷角抵。罷上林宮館。希御幸者。罷  
齊三服官。北假田官。鹽鐵官。李斐曰。春獻冠幘。縱為首  
服。紩素為冬服。輕綃為夏



服詔博士弟子毋限負廣學者省刑罰七十餘事

賜宗至子

有屬籍者馬一匹至二駟三老孝者帛八匹弟除光

者力田三匹鰥寡孤獨二匹吏民五十戶牛酒

祿大夫以下至郎中保父母同產之令

御史大夫貢禹卒衛司馬谷吉

使匈奴

見止死

永光元年

六年春幸其泉

詔丞相御史舉質樸敦

厚遜讓有行者光祿歲以此科第郎從官詔曰五帝三

王任賢使能以登至平而今不治者豈斯民異哉咎在

朕之不明亡以知賢也是故壬人在位吉士雍蔽重以

周秦之弊民漸薄俗去禮義觸刑法豈不衰哉繇此觀

之元元何辜其赦天下令厲精自新務農畝無田者皆

假之貸種食如貧民

賜吏六百石以上五大夫勤事吏爵二級為父後者民一級女子百

戶牛酒鰥寡孤高年帛。秋丞相定國罷。二年春二月校

三月。雨雪。隕霜。傷麥稼。以災變。賜民爵女子百戶牛酒。鰥寡孤獨高年。三

天下。老孝弟力田帛。賜諸侯王公王列侯黃金。中二十

石以下。至中都官。以帛玄。成爲丞相。三月日食。下詔曰。

朕戰戰栗栗。夙夜思過。不敢荒寧。惟陰陽不調。未燭其

咎。婁敕公卿。日望有效。今有司執政。未得其中。施與禁

切。未合民心。暴猛之俗。彌長和睦之道。日衰。是以氛邪

歲增。侵犯太陽。正氣湛掩。日久奪光。乃三月壬戌。日有

蝕之。天見大異。以戒朕躬。朕甚悼焉。其令內郡國舉茂

材異等。賢良直言之士各一人。夏。條責丞相御史。詔曰。

郎有從東方來者。言民父子相棄。丞相御史案事之吏。



匿不言耶將從東方來者加增之也何以錯繆至是欲知其實方今年歲未可豫知即有水旱其憂不細公卿有可以防其未然救其已然者不否各以誠對毋有所諱賜司隸較尉豐書曰夫司隸者刺舉不法善善惡惡非得顯之也勉處中和順經術意思深德厚秋西三年

冬十一月地動雨水大霧四年夏孝宣園東闕災詔曰蓋聞明王在上忠賢

布職則羣生和樂方外蒙澤今朕掩于王道夙夜憂勞

不通其理靡瞻不眩靡聽不惑是以政令多還民心未

得公卿大夫好惡不同或緣姦作邪侵削細民元元安

所歸命哉乃六月晦日有食之詩不云乎今此下民亦

孔之哀公卿大夫其勉思天戒慎身脩永以輔朕之不逮直言盡意無有所諱冬置初陵詔曰安土重遷黎民之性骨肉相附人情所願也頃者有司緣臣子之義奏徙郡國民以奉園陵令百姓遠棄先祖墳墓破業失產親戚別離人懷思慕之心家有不安之意是以東垂被虛耗之害關中有無聊之民非久長之策也詩不云乎民亦勞止迄可小康惠此中國以綏四方今所爲初陵勿置縣邑使天下咸安土樂業亡有動搖之心布告天下令明知之又罷先后父母奉邑

罷祖宗廟在郡國者

五年春辛

郊泰時幸河東祠后土秋潁川水出流

建昭元年十一月春



上幸雍祠五時秋有白蛾羣飛蔽日從東二年春幸其

都門至柰道罷孝文太后孝昭太后寢閣泉郊泰

時幸河東祠后土夏閏四月太皇太后上

官氏崩冬齊楚地震大雨雪樹折屋壞三年夏丞相

玄成薨以匡衡為丞相秋護西域騎都尉其延壽副較

胡兵討郅支單于四年春以誅郅支單于告祠郊廟赦

斬其首傳請京師

夏遣諫大夫博士賞等二十一人循行天下存問耆老

鰥寡孤獨之困失職之人舉茂材特立之士藍田地震沙石雍

水安陵岸崩雍五年春詔曰方春農桑興百姓勸力自

涇水水逆流

盡之時也禮是月勞農勸民無使後時今不良之吏覆

案小罪徵召證案興不急之事以防百姓使失一時之

作亡終歲之功公卿其明察申赦之六月晦日饞以帝疾復侯園復太上

皇寢廟園。昭靈后、武哀王、昭哀后、衛思后園。十有六年。春，匈奴呼韓邪

單于來朝。三月，復孝惠皇帝寢廟園。夏五月壬辰，帝崩。

孝文太后、孝昭太后寢園。年四文孝昭太后、昭靈后、武哀王、昭哀

十三。秋七月，葬渭陵。毀太上皇、孝惠、孝景皇帝廟，罷孝

后、寢園。帝寬弘恭儉，好儒術，委用儒生，貢薛、韋、匡，迭為宰

相。言事者多進見，具蒙煦燠。人人自以為得帝意，而帝

牽制文義，優游不斷。中書令石顯弘恭，以閹人習文法，

典樞機用事。自宣帝而來，方帝即位時，前將軍蕭望之、

光祿大夫周堪，本以師傳見尊重，數宴見，言治亂。陳王

事，望之選白宗室明經有行諫大夫劉更生，給事中與

侍中金敞，並拾遺左右。四人同心謀議，勸導上以古制。



多所匡正。帝甚鄉納。望之曰。以爲中書政本。宜得通明。公正之選。處之。自武帝游宴後庭。始用宦者。非國舊制。宜罷中書宦官。以應古不近刑人之義。帝謙讓。重改作。議久不定。而恭顯等以爲爲已發也。大恨之。與車騎將軍史高比。而傾望之等。會稽鄭朋。行傾邪。始附望之。望之接待以意。后絕不與通。朋怨恨。與待詔華龍承恭顯意。告望之。堪更生。朋黨相稱舉。數譖訴大臣。毀離親戚。欲以專擅權勢。下弘恭問狀。於是恭顯請謁者召致廷尉。時帝初卽位。不省致廷尉爲下獄也。可其奏。後帝召堪更生。對曰。繫獄。帝大驚曰。非但廷尉問耶。以責恭顯。

皆叩頭謝。帝令出視事。恭顯因推將軍高使爲言。上新  
卽位。未以德化聞於天下。而先驗師傳。宜因決免。於是  
收望之前將軍光祿勳印綬。及堪更生皆免。而擢朋黃  
門郎。其春地震。夏客星見昴卷舌間。帝感悟。詔曰。國之  
將興。尊師而重傳。故前將軍望之。傳朕八年。道以經書。  
厥功茂焉。其賜爵關內侯。食邑八百。給事中。朝朔望。秋。  
徵堪更生。欲以爲諫大夫。恭顯白。皆爲中郎。時帝罷重  
望之不已。欲倚以爲相。恭顯許史皆側目。更生懼。使外  
親上變事。言宜退恭顯。以章蔽善之罰。進望之等。通賢  
者之路。書奏。恭顯疑更生所爲。請考姦詐。辭果服。遂逮



更生獄。論誣罔不道。免爲庶人。是歲冬。望之子散騎中郎伋。亦上書訟望之前事。事下有司。恭顯等知望之素高節。不屈辱。自望之前所坐明白。無譖訴者。而教子上書。稱引無辜之詩。歸非於上。失大臣體。自以託師傳。懷終不坐。非頗屈於牢獄。少塞其怏怏心。則聖朝無以施恩厚。帝曰。蕭太傅素剛。安肯就吏。顯等曰。人命至重。望之所坐。語言薄罪。必無所憂。乃可其奏。顯等封付謁者。令召望之手付。而令太常急發執金吾車騎。馳圍其第。蹙之。使者至。望之欲引決。夫人止之。以問門下生朱雲。雲節俠士。勸之。於是望之仰天太息曰。吾嘗備位將相。

年踰六十。老入牢獄。苟求生活。不亦鄙乎。字謂未雲曰。游趣和藥來。卽飲鴆自殺。天子聞之。驚拊手口。曩固疑其不就牢獄。果然殺吾賢傳。是時大官方上食。帝爲卻食流涕。哀動左右。於是召顯等責問。以議不詳。皆免冠謝。良久然後已。居數年。堪、猛、更生等稍進用。更生懼其傾危。因災異條上封事曰。臣前幸得以骨肉備九卿。奉法不謹。乃復蒙恩。竊見災異並起。天地失常。徵表爲國。欲終不言。念忠臣雖在畺畝。猶不忘君。惓惓之義也。况重以骨肉之親。又加以舊恩未報乎。欲竭愚誠。又恐越職。然惟二恩未報。忠臣之義。一攄愚意。退就農畝。死亡



所恨。臣聞舜命九官。濟濟相讓。和之至也。衆賢和於朝。則萬物和於野。故簫韶九成。而鳳凰來儀。擊石拊石。百獸率舞。四海之內。靡不和寧。及至周文開基。西郊雜遯。衆賢罔不肅和。崇推讓之風。以銷分爭之訟。文王既沒。周公思慕。歌詠文王之德。其詩曰。於穆清廟。肅雍顯相。濟濟多士。秉文之德。當此之時。武王周公繼政。朝臣和於內。萬國驩於外。故盡得其驩心。以事其先祖。其詩曰。有來雍雍。至止肅肅。相維辟公。天子穆穆。言四方皆以和來也。諸侯和於下。天應報於上。故周頌曰。降福穰穰。又曰。貽我釐麴。釐麴。麥也。始自天降。此皆以和致和。獲

天助也。下至幽厲之際。朝廷不和。轉相非怨。詩人疾而  
憂之。曰。民之無良。相怨一方。衆小在位。而從邪議。歎歎  
相是。而背君子。故其詩曰。歎歎訛訛。亦孔之哀。謀之其  
臧。則其是遠。謀之不臧。則其是依。君子獨處守正。不撓  
衆枉。勉強以從王事。則反見憎毒。讒慝。故其詩曰。黽勉  
從事。不敢告勞。無罪無辜。讒口噉噉。當是之時。日月薄  
蝕。而無光。其詩曰。十月之交。朔日辛卯。日有蝕之。亦孔  
之醜。又曰。彼月而微。此日而微。今此下民。亦孔之哀。又  
曰。日月鞠凶。不用其行。四國無政。不用其良。天變見於  
上。地變動於下。水泉沸騰。山谷易處。其詩曰。百川沸騰。



山冢卒崩。高岸爲谷。深谷爲陵。哀今之人。胡憐莫懲。霜降失節。不以其時。其詩曰。正月繁霜。我心憂傷。民之訛言。亦孔之將。言民以是爲非。甚衆大也。此皆不和。賢不肖易位之所致也。自此之後。天下大亂。篡殺殃禍並作。厲王奔彘。幽王見殺。至乎平王末年。魯隱之始卽位也。周大夫祭伯乖離不和。出奔於魯。而春秋爲諱。不言出奔。傷禍殃自此始也。是後尹氏世卿而專恣。諸侯背叛。而不朝。周室卑微。二百四十二年之間。日蝕三十六。地震五。山陵崩弛二。彗星三見。夜常星不見。夜中星隕如雨一。火災十四。長狄入三國。五石隕墜。六鵠退飛。多孽。

有蜮蜚。鸛鵒來巢者皆一見。晝冥晦。雨木冰。李梅冬實。七月霜降。草木不死。八月殺菽。大雨雹。雨雪雷霆。失序相乘。水旱饑。螽蟴。蠡午並起。當是時。禍亂輒應。弑君三十六。亡國五十二。諸侯奔走。不得保其社稷者。不可勝數也。周室多禍。晉敗其師於貿。戎伐其郊。鄭傷桓王。戎執其使。衛侯朔召不往。齊逆而助朔。五大夫爭權。三君更立。莫能正理。遂至陵夷。不能復興。繇此觀之。和氣致祥。乖氣致異。祥多者其國安。異衆者其國危。天地之常經。古今之通義也。今陛下開三代之業。招文學之士。優游寬容。使得並進。今賢不肖渾淆。黑白不分。邪正雜



操忠讒竝進。章交公車。人滿北軍。朝臣舛午。膠戾乖刺。更相讒愬。轉相是非。傳授增加。文書紛糾。前後錯謬。毀譽混亂。所以營惑耳目。感移心意。不可勝載。分曹爲黨。往往群朋。將同心以陷正臣。正臣進者。治之表也。正臣陷者。亂之機也。乘治亂之機。未知孰任。而災異數見。此臣所以寒心者也。夫乘權籍勢之人。子弟鱗集於朝。羽翼陰附者衆。輻輳於前。毀譽將必用。以終乖離之咎。是以日月無光。霜雪夏隕。海水沸出。陵谷易處。列星失行。皆怨氣之所致也。夫遵衰周之軌迹。循詩人之所刺。而欲以成太平。致雅頌。猶却行而求及前人也。初元以來。

六年矣。案春秋六年之中。災異未有稠如今者也。夫有春秋之異。無孔子之救。猶不能解紛。况甚於春秋乎。原其所以然者。讒邪並進也。讒邪之所以並進者。繇上多疑心。既已用賢人而行善政。如或譖之。則賢人退而善政還。夫執狐疑之心者。來讒賊之口。持不斷之意者。開羣枉之門。讒邪進則衆賢退。羣枉盛則正士消。故易有否泰。小人道長。君子道消。君子道消。則政日亂。故爲否。否者閉而亂也。君子道長。小人道消。小人道消。則政日治。故爲泰。泰者通而治也。詩又云。雨雪麇麇。見睍聿消。與易同義。昔者鯀其工驩。堯與舜禹雜處堯朝。周公與



管蔡並居周位。當是時。迭進相毀。流言相謗。豈可勝道哉。帝堯成王。能賢舜禹周公。而消共工管蔡。故以大治榮華至今。孔子與季孟皆仕於魯。李斯與叔孫俱宦於秦。定公始皇。賢季孟。李斯而消孔子叔孫。故以大亂汚辱至今。故治亂榮辱之端。在所信任。信任既賢。在於堅固而不移。詩云。我心匪石。不可轉也。言守善篤也。易曰。渙汗其大號。言號令如汗。汗出而不反者也。今出善令。未能踰時而反。是反汗也。用賢未能三旬而退。是轉石也。論語曰。見不善如探湯。今二府奏佞譖。不當在位歷年而不去。故出令則如反汗。用賢則如轉石。去佞則如

拔山。如此而望陰陽之調。不亦難乎。是以羣小窺見間隙。緣飾文字。巧言醜詆。流言飛文。譁於民間。詩云。憂心悄悄。慍于羣小。小人成羣。誠足慍也。昔孔子與顏淵子貢更相稱譽。不爲朋黨。禹稷與臯陶傳相汲引。不爲比周。何則。忠於爲國。無邪心也。故賢人在上位。則引其類而聚之於朝。易曰。飛龍在天。大人聚也。在下位。則思與其類而俱進。易曰。拔茅茹。以其彙。征吉。在上則引其類。在下則推其類。故湯用伊尹。不仁者遠。而衆賢至。顓相致也。今佞邪與賢臣。並在交戟之內。合黨共謀。造善依惡。欸欸訛訛。數設危險之言。欲以傾移主上。如忽然用



之。此天地之所以先戒。災異之所以重至者也。自古明  
聖。未有無誅而治者也。故舜有四放之罰。而孔子有兩  
觀之誅。然後聖化可得而行也。今以陛下明知。誠深思  
天地之心。迹察兩觀之誅。覽否泰之卦。觀雨雪之詩。歷  
周唐之所進。以爲法。原秦魯之所進。以爲戒。考祥應之  
福省災異之旤。以揆當世之變。放遠佞邪之黨。壞散險  
誡之聚。杜閉羣枉之門。廣開衆正之路。決斷狐疑。分別  
猶豫。使是非炳然可知。則百異消滅。而衆祥並至。太平  
之基。萬世之利也。臣幸得託肺腑。誠見陰陽不調。不敢  
不通所聞。竊推春秋災異。以效今事。一二條其所以不

宜宣泄。謹重封昧死上。帝意頗悟而恭顯見其書愈與

許史比而怨更生等。已堪猛以日食左遷。復召領尚書。

無何堪卒。猛竟以譖誣自殺而更生遂廢。永光初夏寒日青上書者

迎恭顯及許史意咸以爲堪猛用事之咎。長安令楊興以材幸常稱譽堪。帝內重堪欲倚與爲助。乃問興朝臣斷斷不可。光祿勳何耶。興傾巧億上意疑堪因順指曰。堪非獨不可於朝廷。自州里皆不可也。臣見衆人前以堪爲當誅。故言不可誅。獨爲國養恩。帝曰。然則宜奈何。興曰。臣愚以爲可賜爵食邑。勿令典事。而明主不失師傳。思策之得也。帝於是意疑堪。會城門較尉諸葛豐驟言堪短。帝發怒免豐。而左遷堪。河東太守猛槐里令後三歲夏六月。孝宣廟鬪災其晦日食。於是帝召前言日食變在堪猛者責問。皆稽首謝。乃下詔言。河東太守堪先帝賢之。命以傳朕資質淑茂。道術通明。論議正直。發憤悃。幅有憂國之心。孤特寡助。抑厭而退。往者衆臣見異。晡昧言天托咎此人。朕不得已。令試出守。治未期年。河東三老官屬有識之士。靡不詠頌其美。此足彰先帝



之知人而朕有以自明也。今天著大異。朕甚懼焉。其徵  
堪拜光祿大夫。秩中二千石。領尚書事。猛太中大夫。給  
事中。然是時顯幹尚書。尚書五人皆其黨。堪希得見。常  
因顯白事。事決顯。且會堪疾瘖。不能言。而卒顯竟誣諸  
猛。令自殺。公車自是顯愈益橫。待詔賈捐之。以名臣孫  
有文。數短顯。不得進。而楊興新幸。謂捐之曰。顯鼎貴。上  
信用。必與合意。乃得入。於是其爲奏薦顯。山東名族有  
禮義之家。持正六年。未嘗有過。明敏習事。宜賜爵。關內  
侯。又薦興可京兆尹。石顯聞二人指而疾其反覆。欲賣  
以爲功。又白帝下興。拍之獄。雜治。因奏興捐之懷詐。僞  
更相譽。欲以得大位。請論如瀾。捐之坐棄市。興減死。髡  
鉗爲城旦。於是帝益信顯。孤立不爲黨。而顯權威震天  
下矣。已帝說郎京房生。以易言災異。數驗。數召見問事。房

宴見。問帝曰。幽厲之君。何以危。所任者何人也。帝曰。君  
不明。而所任者巧佞。房曰。知其巧佞而用之耶。將以爲  
賢人也。帝曰。賢之。房曰。然則今何以知其不賢乎。帝曰。

以其時亂而君危知之。房曰：若是任賢必治，任不肖必亂，必然之道也。幽厲何不覺寤，更求賢，曷爲卒任不肖？以至於此。帝曰：臨亂之君，各賢其臣，令皆覺寤，天下安得危亡之君哉？房曰：齊桓公、秦二世亦嘗聞此二君而非笑之，然而任豎刁、趙高，政治日亂，盜賊滿山，何不以幽厲卜之，而覺寤乎？帝曰：唯有道者爲能以往知來耳。房因免冠頓首曰：春秋紀二百四十二年災異，以示萬世之君。今陛下卽位以來，日月失明，星辰逆行，山崩泉涌，地震石隕，夏霜冬雷，春凋秋榮，隕霜不殺，水旱螟蟲，民人饑疫，盜賊不禁，刑人滿市。春秋所舉災異盡備。陛



下視今爲治耶。亂耶。帝曰。亦極亂耳。房曰。今所用者誰與。帝曰。然。幸其瘡於彼。又以爲不在此人也。房頓首曰。夫前世之君亦皆然。臣恐後之視今。猶今之視前也。帝默然良久。乃問曰。今爲亂者誰哉。房曰。明主宜自知之。帝曰。不知也。如知之何。故用之。房曰。上最所信任。與圖議帷幄之中。進退天下之士者是矣。帝俯首曰。已。諭。然竟不能退顯也。先是房每言古帝王以功實舉黜。則萬化成。瑞應著。末世以毀譽。故功業廢而致災異。宜脩古考功課吏法行之。於是顯客五鹿充宗建言。以房爲魏郡太守。令試行所上考課法治郡。嘗其効否。房自請願。



無屬刺史。得除用他郡人。得自第吏千石已下。歲竟得乘傳奏事。帝許焉。已令陽平侯鳳詔房止。無乘傳奏事。房自知爲顯克宗所排。意恐懼。至新豐。因郵上封事曰。臣聞言六月遯卦。法當效。法曰。道人始去。寒。漏水爲災。至七月。漏水出。臣弟子姚平謂臣曰。漏水已出。道人當逐死。尚何言哉。夫房可謂知道。未可謂信道。可謂小忠。未可謂大忠也。昔秦時趙高用事。有正先者。非刺高而死。高之威自此成。故秦之亂。正先趣之。惟陛下毋使臣塞漏水之異。當正先之死。爲姚平所笑。至陝又言。議者欲隔絕臣。而陛下聽之。此蒙氣所以不解。而太陽無色。



者也。唯陛下毋難還臣。而易逆天意。已竟坐與淮陽憲王舅張博漏泄省中語。徵下獄。論棄市。妻子徙邊。常是時。顯與中書僕射宋梁。少府五鹿充宗。諸黨友倚附者。皆寵。民歌之曰。宋耶石耶。五鹿客耶。卽何纍纍。綬若若耶。刑賞大紊。曲直倒置。孝宣之業衰焉。

論曰。嗟夫。臣主之際。豈不至難也哉。蕭太傅。周光祿。元皇帝以師傅恩隆重矣。京生見親。得造膝深語。不可謂千載一時哉。竟皆困於讒以死。况疎逖耶。傷哉。主不明。武卽仁儉。靡益於治亂之數如此夫。



